

Ф. К. КАРИМОВ

ЎЗБЕК АДАБИЁТИ ТАРИХИ

УЧИНЧИ ҚИТОБ

(XIX АСРНИНГ ИККИНЧИ ЯРМИДАН
XX АСР БОШЛАРИГАЧА)

Қайта кўролган ва тўлдирилган иккинчи нашири

УНИВЕРСИТЕТЛАРНИНГ ФИЛОЛОГИЯ ФАКУЛЬТЕТЛАРИ
ҲАМДА ПЕДАГОГИКА ИНСТИТУЛариНИНГ ТИЛ ВА
АДАБИЁТ ФАКУЛЬТЕТЛАРИ УЧУН ДАРСЛИК

«ЎҚИТУВЧИ» НАШРИЁТИ
ТОШКЕНТ—1975

~~Узбек~~ Олий ва маҳсус ўрта таълим
министрлиги тасдиқлаган

Масъул муҳаррир — филология фанлари доктори
A. П. КАЮМОВ

K 60602 № 354
M 353(06) - 75 108--75

ИККИНЧИ НАШРИГА СУЗ БОШИ

Дарслик нашр этилгандан бери (1966) ўтган вақтлар ичидагабиётшунослигимизда муҳим ҳодисалар рўй берди, қатор янгиликлар майдонга келди. К~~РСС~~ Марказий Комитетининг 1972 йил январь ойида «Адабий-бадиий танқид ҳақида» қабул қилган қарори танқид ва адабиётшунослик масалаларини марксизм-ленинизм методологияси асосида ишлашни янада чуқурлаштириш, шу жумладан, олий мактабларда адабиёт фанини ўқитиши соҳасидаги ишларимизни ҳозирги замон талаблари даражасига кўтариб такомиллаштириш вазифаларини белгилаб берди. Дарсликни қайта нашрга тайёрлашда мазкур қарордан келиб чиқадиган бир қатор назарий масалаларга, хусусан, бадиият масалаларига алоҳида эътибор берилди, дарсликка зарур ўзгартишлар, тузатишлар киритилди.

Иккинчидан, дарсликни қайта нашрга тайёрлашда кейинги вақтларда адабиётшунослигимиз қўлга киритган янгиликлар билан уни бойитилди. Маълумки, кейинги 10—15 йил ичидагабиётшунослигимиз беҳад ривожланди, янги муҳим тадқиқотлар шатижасида адабиётимиз тарихи, илгарилари асоссиз равишда унутилиб келган янги номлар, янги асарлар билан бойиди. Бу гап адабиёт тарихининг бошқа даврларига тааллуқли бўлгани каби, XIX асрнинг иккинчи ярми даври адабиётига — ўзбек демократик адабиётига, шунингдек, 1905 йилдан кейинги давр адабиётига — ўзбек революцион адабиёти масалаларига ҳам алоқадордир. Демократ шоирлар сабри, революцион адабий муҳит кейинги вақт-

ларда кашф этилган бир қатор ижодкорлар билан тўлдирилди. Шу тариқа бир қисм ёзувчилар обзорда берилгани ҳолда, адабиёт тарихидаги катта хизматини ва ролини эътиборга олиб, Дилшод-Барно ва Анбар Отин ижоди алоҳида, монографик тема сифатида ёритилди.

Ниҳоят, дарслик қайта кўрилиб, таҳрир этилди ва унга зарур тузатишлар киритилди.

КИРИШ

~~Совет~~ санъати ва адабиёти Коммунистик партиямиз томонидан белгилаб берилган улуғвор вазифани — «маънавий бойликни, ахлоқий покликни ва жисмоний камолотни ўзида гармоник ҳолда мужассамлантирган янги одамни тарбиялаш»¹ вазифасини ҳал этишда муҳим воситалардан биридир. Совет санъати ва адабиёти бу тарихий вазифани бажаришда кишилик яратган мислсиз маданий бойликлар ва традициялардан ижодий фойдаланади. Чунки партиямиз Программасида таъкидлаганидек, «Коммунизм маданияти жаҳон маданияти яратган ҳамма яхши нарсаларни ўз ичига олиб ва ривожлантириб, инсониятнинг маданий тараққиётida янги олий босқич бўлади»².

Ана шу янги ва олий жамият маданиятини яратишда мерос сифатида фойдаланиладиган ўзбек адабиёти тарихининг диққатга сазовор даврларидан бири XIX асрнинг иккинчи ярми ва XX аср бошлари адабиётидир.

Ўзбек адабиёти тарихининг бу даври, даставвал, шу жиҳатдан аҳамиятлики, мазкур адабиёт ҳалқимиз тарихининг бурилиш нуқтаси ҳисобланган бир замонда туғилди. Бу даврда ўзбек феодал хонликлари таназзулга юз тутиб, хонлик сифатида тугатилаётган ва ўлка Россияга қўшиб олинаётган эди. Ҳалқ ҳаётida рўй берадётган бу катта ижтимоий-сиёсий ва тарихий ҳодисаларнинг бутун мурасаблиги, салбий ва ижобий томонлари билан давр адабиёти

¹ КПСС Программаси ва устави. ~~Совет~~ Иттифоқи Коммунистик партиясининг Программаси. Узбекистон ~~Совет~~ Давлат нашириёти, Тошкент, 1962, 226- бет.

² КПСС Программаси ва устави. Узбекистон Давлат нашириёти, Тошкент, 1962, 240- бет.

тида акс этиши табиий ва қонуний ҳодиса эди. Шунинг учун бу давр адабиётининг мазмуни, ўзбек адабиёти тараққиётидаги ўрни, тарихий аҳамияти ва бошқа масалалар тўлалигича шу даврда рўй берадиган тарихий ҳодисаларнинг моҳияти билан, уларнинг адабий ҳаётга кўрсатаётган таъсири билан белгиланади.

Ўрта Осиёнинг Россияга қўшиб олиниши ўзининг объектив тарихий оқибатлари жиҳатидан ижтимоий ва иқтисодий ҳаётимизнинг ҳамма томонларига таъсир қилганидек, маданий ҳаётга ҳам ўз таъсирини кўрсатди. Бинобарин, XIX асрнинг иккинчи ярми ва XX аср бошларидаги ўзбек адабиёти масалалари билан шуғулланиш, маълум даражада, Ўрта Осиёнинг Россияга қўшиб олинишининг прогрессив томонларини, уларнинг ижобий аҳамиятини ўрганиш ва бу масалани адабиёт материаллари ёрдамида ҳал қилиш демакдир. Шу маънода бу тема ўзининг маърифий аҳамиятидан ташқари, муҳим сиёсий ва тарбиявий аҳамиятга ҳам эгадир.

XIX асрнинг иккинчи ярми ва XX аср бошларидаги ўзбек адабиёти масалалари адабиётшунослигимизда кам ишланган, лекин катта назарий ва амалий аҳамиятга эга бўлган бошқа бир проблемани ҳам — рус-ўзбек маданий ва адабий алоқалари масаласини ҳам келтириб чиқазади ҳамда бу масалани ҳал қилиш учун зарур бўлган материалларни беради. Гарчи рус-ўзбек маданий ва адабий муносабатларининг тарихий илдизлари қадим замонларга бориб тақалса ҳам, кенг кўламдаги маданий ва адабий алоқалар XIX асрнинг иккинчи ярмида, бу икки ҳалқ ўртасида бевосита алоқа ўрнатилгандан сўнг ривож топди. Бу эса рус ва ўзбек меҳнаткашларининг синфий биродарлиги, уларнинг чоризм истибодига қарши кескин курашида тобланган бирдамлиги ва дўстлигининг тарихий ва сиёсий илдизларини очиб беради.

XIX асрнинг ўрталарида, Ўрта Осиё Россияга қўшиб олингандан кейин, у рус чоризмининг мустамлакасига айланиб қолди. Меҳнаткаш ҳалқ икки томонлама зулм — маҳаллий феодаллар ва чор мустамлакачиларининг зулми остида эзила бошлади. Маҳаллий эксплуататорлар мустамлакачилар билан оғиз-бурун ўпишиб, дехқонлар, ҳунарманд косиблар ва янги пайдо бўлиб келаётган ишчилар устидан шафқатсиз эксплуатацияни авж олдирдилар. Лекин, шунга қарамай, мамлакат ҳаётida туб ўзгаришлар юз бера бошлади. Феодал ишлаб чиқариш муносабатларининг ўрни-

ни унга нисбатан илгор бўлган капиталистик муносабатлар эгаллай бошлади; фабрика ва заводлар юзага келиши муносабати билан ишчилар синфи ташкил топа бошлади. Шунингдек, ўлка хўжалигининг дунё экономикаси доирасига тортилиши, ўлка халқларининг дунёдаги маданий халқлар билан, биринчи навбатда улуғ рус халқи билан бўлган бевосита алоқаларининг ривож топиши натижасида ўлка халқларининг илфор вакиллари онгида фикрий уйгониш юз берди; янги, замонавий ҳаётга интилиш кучайди. Бу янги ижтимоий ҳаракатчилик эса ўз навбатида адабиёт соҳасидаги ўзгаришларга, илгарига қараб силжишларга сабаб бўлди. Адабиётимиз бу даврда янги тарихий шароит яратган ижтимоий мазмундан озиқланиб, улуғ рус маданияти ва рус классик адабиётидаги илфор ғоялардан, реализмдан баҳраманд бўлиб, классик адабиётимиз традицияларини, халқ оғзаки ижодиёти хазиналари бойликларини янада тўлароқ эгаллаб, ғоявий ва бадиий жиҳатдан юксалди, янги тараққиёт босқичига кўтарилиди. Адабий ҳаётдаги бу жиддий ўзгариш ўзбек демократик адабиётининг туғилиши ва шаклланишида, унда реализмнинг ижодий метод сифатида ғалаба қилишида намоён бўлди.

XIX асрнинг иккинчи ярмида майдонга келган демократик прогрессив адабий ҳаракати халқ ичидан етишиб чиққан янги типдаги зиёлилар, биринчи навбатда, бу зиёлиларнинг Муқимий, Фурқат, Завқий, Комил Хоразмий, Аваз Ўтар, Алмайй, Дилшод-Барно, Анбар Отин, Нодим, Муҳаййир каби илфор намояндлари бошлаб бердилар. Бу ажойиб шоирлар халқ манфаати учун курашдилар, адабиётда халқчиллик, ватанпарварлик ва маърифатпарварлик ғояларини илгари суриб, халқ озодлик курашига жўр бўлдилар.

Ўрта Осиёning Россияга қўшиб олинишидан кейин халқимиз маданий ва адабий ҳаётida рўй берган бундай ўзгариш ўзбек халқи тарихигагина хос ҳодиса бўлмай, балки, шу билан бирга, Россия составига кирган ҳамма миллий ўлка халқлари ҳаётida ҳам содир бўлди. XIX асрнинг бошларида Россия составига кирган Кавказ халқлари — озарбайжон, арман ва грузин халқлари ҳаётida XIX асрнинг ўрталарига келиб, қудратли маданий ҳаракат майдонга келди ва бу ҳаракатининг адабиётда демократик ватанпарварлик йўналиши туғилиб, унинг машҳур намояндлари етишиб чиқди. Маданий ҳаётдаги худди шундай жонланиши ўзбеклар билан биргаликда Россия составига кирган Ўрта

Осиёнинг бошқа халқларида — тоҷикларда, туркманларда, қирғизларда ҳам кўрамиз.

Қўп асрлик адабиётимизнинг тарихий тараққиёт йўли нуқтаи назаридан ҳам XIX асрнинг иккинчи ярми ва XX аср бошлари даври адабиёти алоҳида диққатга сазовордир. Бу даврдаги адабиётнинг характерли бир ҳусусияти шуки, у классик адабиётимизнинг сўнгги босқичи бўлиши билан бирга, кишилик бадиӣ ижоди тараққиётининг янги босқичи ҳисобланган совет адабиёти даври билан бевосита боғланиб, у билан ижодий алоқада бўлади. XIX асрнинг иккинчи ярми ва XX аср бошлари даври адабиёти классик адабиётимиздаги асосий тенденцияларнинг вориси бўлиб чиқди, уларни ўз даври шароитида ижодий давом эттириб, мантиқий жиҳатдан якунлади. Классик адабиётимиздаги бир қатор адабий-ижодий традициялар бу даврга келиб ўзининг юқори тақомил босқичига кўтарилиди. Шунингдек, бу давр адабиёти бадиӣ ижодиётнинг кўпгина масалалари юзасидан совет адабиёти билан ҳамкорлик қилди. Бу нарсани ундаги қўп илғор мотивларнинг, бадиӣ гояларнинг совет адабиётига ўтишида ва уларнинг совет адабиётида давом эттирилишида, шунингдек, бу давр адабиётидаги Ҳамза Ҳакимзода Ниёзий, Садриддин Айний каби улкан санъаткорларнинг совет адабиёти даврида фаолият кўрсатиб, ўзбек ва тоҷик совет адабиётининг асосчилари сифатида ижод этишларида яққол кўриш мумкин.

XIX асрнинг иккинчи ярми ва XX аср бошларидағи адабий ҳаётни текширишда, шунингдек, алоҳида шоир ва ёзувчилар ижодини баҳолашда марксизм-ленинизм таълимотига, марксча-ленинча эстетика ва совет адабиётшунослигининг хулосаларига суюниб иш кўрилди. Ҳусусан, ~~—~~ маданий мерос ҳақидаги, шунингдек, антагонистик жамиятлардаги миллий маданиятларнинг характери ва мазмуни тўғрисидаги чуқур илмий таълимоти ва марксизм-ленинзмнинг синфиийлик, партиявийлик, тарихийлик принциплари адабий жараённи ўрганиш ва баҳолашда асосий қўлланма бўлди.

XIX АСРНИНГ ИККИНЧИ ЯРМИ ВА XX АСР БОШЛАРИДАГИ ЎЗБЕК АДАБИЁТИ

**ТАРИХИЙ ШАРОИТ ВА МАДАНИЙ ҲАЁТ.
АДАБИЁТДА ДЕМОКРАТИК ОҚИМНИНГ ТУГИЛИШИ
ВА УНИНГ ИЖТИМОИЙ ИЛДИЗЛАРИ**

Марксизм-ленинизм таълимоти жамиятдаги ҳар қандай маънавий, маданий ҳодисани, шу жумладан, адабий ҳодисаларни ижтимоий ҳаёт заминида текширишни ўргатади. XIX асрнинг иккинчи ярми ва XX аср бошларидағи — икки аср оралиғидаги ўзбек адабиёти ҳам, ўзбек адабиёти тарихи тараққиётининг бошқа даврлари сингари, ижтимоий ҳаёт маҳсули ҳисобланади, унинг гоявий-бадиий хусусиятлари ҳам охирида шу давр ҳодисаларига бориб боғланади ва улар билан изоҳланади.

XIX асрнинг иккинчи ярмида Ўрта Осиё ҳалқлари ҳаётида рўй берган энг муҳим ҳодиса Ўрта Осиё ерларининг бирин-кетин Россия составига қўшиб олиниши бўлди. Ўрта Осиёнинг Россияга қўшиб олиниши билан ўлка ҳалқлари тарихининг янги саҳифаси бошланди.

Ўрта Осиёнинг чор ҳукумати томонидан истило қилиниши бир ҳамла билан амалга оширилган қисқа муддатли ҳарбий-сиёсий ҳаракат бўлмай, қарийб чорак асрни ўз ичига олган ва ҳалқ ҳаётида маълум из қолдирган мураккаб тарихий ҳодисадир. Маълумки, Кўқон хонлигининг ғарбий чегараларидаги мудофаа истеҳкоми ҳисобланган Оқмачит қальясаси (ҳозирги Қизил Ўрданинг 1853 йилда босиб олиниши билан бошланган чор ҳукуматининг истилочилик ҳаракати, асосан, орадан 22—23 йиллар вақт ўтгандан сўнг, 1876 йилда бу хонликнинг маркази бўлган Кўқон шаҳрининг таслим бўлиши билан якунланди).

Чор самодержавиеси Туркистонни забт этиб олар экан, унга талон-торож қилиниши лозим бўлган хом ашё манбаи, капиталистик корхоналарда ишлаб чиқарилган молларни харид қилиш бозори деб қаради ва босиб олинган ерларда мустамлакачилик сиёсатини олиб борди. Чоризм ҳукмронлик қилган даврда ҳалқ икки ёқлама зулм — миллий ва колониал зулм остида эзилди, у оддий инсоний ҳуқуқларидан маҳрум этилиб, «ҳалқлар жаддо» бўлган чоризм исканжасида яшашга мажбур бўлди. Чор

мустамлакачилари ўлкада кенг тармоқ отган ҳарбий идора усулини — генерал-губернаторликни ўрнатдилар. Чоризм сиёсати маҳаллий халқни қолоқлиқда, нодонликда сақлаб туришга қартилган эди. Шунинг учун чоризм ўлкада диний таассубни авж олдириар, халқ ўртасида пайдо бўла бошлаган ҳар қандай янгиликни бўғишига интилар эди. Шу билан бирга Ўрта Осиёнинг Россияга қўшиб олиниши натижасида ўлкага тажовузкор чоризмдан, реакцион Россиядан ташқари халоскор рус халқи — революцион Россия ҳам кириб келди ва чоризмнинг иродасига, хоҳишига қарама-қарши ҳолда ўзининг тарихий бурчини баъжарди.

Ўрта Осиё Россияга қўшиб олингандан сўнг бу воқеанинг оқибатлари иқтисодий ҳаётда, ўлка экономикасида кўрина бошлиди. Ўлка хўжалиги янги тараққиёт босқичига кўтарила бошлиди: капиталистик муносабатлар пайдо бўла борди. Иқтисодий ҳаётда содир бўлган бу ўзгариш — завод ва фабрикаларнинг очилиши, қишлоққа капиталистик муносабатларнинг кириб бориши аста-секин жамиятнинг сиёсий ҳаётида ҳам ўзгаришлар бўлишига олиб келди, жамиятнинг социал табақаланиши кенг тус олди. Жамият ўзининг ижтимоий мавқеи, иқтисодий манфаатлари жиҳатидан аниқ фарқ қиласидаги икки лагерга — меҳнаткаш халқ оммаси лагерига ва эксплуататор мулкдорлар лагерига ажralиб, улар ўртасидаги синфи кураш янги шароитда янги шаклларда ўткирашиб борди. Шаҳарда ишчилар синфи, қишлоқда батрак ва чоракорлар табақаси маълум социал куч сифатида тарих саҳнасига чиқди. Жамиятда бир-бирига қарама-қарши позицияда турган бу социал кучлар ҳаётда ўз манфаатларини ҳимоя қилишига интилиб, ўз идеологияларини яратдилар.

Жамиятда содир бўлаётган бу ижтимоий-сиёсий ва фикрий жараён Ўрта Осиёнинг Россияга қўшиб олиниши натижасида тезлашди. Ўлкага икки хил Россиянинг — революцион ва реакцион Россиянинг кириб келиши маҳаллий халқ ўртасида социал табақаланини кучайтириди ва меҳнаткаш халқ оммасининг синфи онгини ошириб, ўз истиқболларини равшанроқ фаҳмлаб олиш имкониятини очиб берди.

XIX асрнинг иккинчи ярмида, хусусан, бу асрнинг охирги чорагида Россия дунё революцион ҳаракатининг марказига айланган эди, рус пролетариати эса дунёда энг жанговар ва изчил революцион синф эди. Бу даврда рус пролетариати ўзининг озодлик кураши йўлидаги тарихий бурчини бажариб, Россиядаги ҳамма мазлум халқларга, ҳар қандай зулмга — ҳарбий-феодал мустамлака зулми ва капиталистик зулмга қарши олиб борилаётган халқлар курашига бошчилик қиласидан эди. Ўрта Осиёнинг Россияга қўшиб олиниши натижасида ўлка халқлари асрлардан бери давом этиб келаётган феодал тарқоқлигининг, сепаратизм ҳаракатининг даҳшатли оқибатларидан қутулдилар, ўзбек

халқи эса Россия составидаги бошқа миллий ўлка халқлари билан бирга, умумдемократик ва социалистик ҳаракатда иштирок этиш имкониятига эга бўлди ва рус пролетариати раҳбарлиги остида бошқа миллий ўлка халқлари билан биргаликда озодлик курашининг кенг ва шарафли йўлига чиқиб олди.

Ўрта Осиёning Россияга қўшиб олинишининг энг муҳим тарихий аҳамияти шунда бўлдики, Ўрта Осиё халқлари, шу жумладан, ўзбек халқи улуғ рус халқи билан бевосита алоқа қилишга киришиди, тарихий традицияга эга бўлган маданий муносабатларини яна мустаҳкамлай бошлади. Тарихий процесснинг обьектив натижалари шундан иборат бўлдики, чоризмнинг хоҳишига қарама-қарши ўлароқ, илгор, замонавий рус маданияти турли йўллар билан маҳаллий халқ ўртасига кириб кела бошлади. Маҳаллий халқнинг онгли ва илгор қисми орасида зўр мамнуният билан қабул қилинган бу маданият жамият маънавий ҳаётида аста-секин ўзгариш ясади, фикрий уйғониш учун тарихий замин ҳозирлаб борди.

Ҳар бир халқ маданияти тарихида матбаачилик ишларининг туғилиши муҳим ҳодиса ҳисобланади. Қўҳна маданиятга эга бўлган ўзбек халқида ёзма адабиёт анча қадимги замонлардаёқ мавжуд бўлган бўлса-да, китоб нашр этиш усули — матбаачилик ишлари кейинги замонлардагина — XIX асрнинг иккинчи ярмидагина вужудга келди.

Туркистонда биринчи типография 1868 йилда Тошкентда ташкил топди. 1871 йилда китоб шаклида нашр этилган «1871 йил календари» бу типографиянинг биринчи маҳсулни эди. 1877 йилда Тошкентда С. И. Лахтиннинг хусусий типографияси ҳам майдонга келди. Бу ҳар икки типография литографияга ҳам мосланган бўлиб, литографик йўл билан ҳам китоблар чиқазар эди.

Хева ҳонлиги территориясида биринчи марта 1874 йилда Хева шаҳрида литография ташкил этилди. Унда 1880 йилда бо силган биринчи китоб Алишер Навоийнинг «Ҳамса»си эди.

XIX асрнинг 80—90-йилларида, айниқса XX асрнинг бошларида Туркистонда матбаачилик иши анча ривожланиб, турли шаҳарларда кўплаб типография ва литографиялар очилди. 1888 йилда Тошкентда Порцев типографияси, 1894 йилда Самарқандда Полторанова матбааси, 1901 йилда Бухорода Барановский литографияси, 1904 йилда Андижонда Калачев литографияси, 1904 йилда Қўқонда Минаков литографияси ва бошқалар майдонга келди. Бу даврда маҳаллий халқ ўртасидан Фулом Ҳасан Орифжонов (Тошкент), Исҳоқхон Жунайдуллаев Ибрат (Тўракўргон) ва бошқа кўп матбаачилар этишиб чиқиб, халқ орасига кўплаб китоб тарқата бошладилар. Шарқ ва ўзбек классик адабиётининг Фирдавсий, Низомий, Жомий, Навоий, Фузулий ва бошқа улуғ сиймоларининг асарлари, шунингдек, рус ва жаҳон адабиётидан қилинган дастлабки таржима асарлари мана шу типо-

графия ва литографиялар ёрдамида кўплаб нусхаларда халқа етказилган эди.

XIX асрнинг иккинчи ярмида Туркистонда матбаачилик ишларининг йўлга қўйилиши маҳаллий халқ учун муҳим маърифий аҳамиятга эга бўлган ҳодисалардан бири эди.

Бу даврда мактаб-маориф соҳасида ҳам бир қадар жонлашиш рўй берди.

Ўрта Осиё Россия составига киритилгунча ўлкада ўқиши-ўқитишиш ишлари диний асосга қурилган бўлиб, таълим-тарбияда ўрта аср схоластикаси ва догматизм ҳукмронлик қиласида ҳам бир қадар ҳодисалардан бири эди. Чоризмнинг мактаб-маориф соҳасидаги сиёсати ўта реакцион руҳда эди. Ўлкада мавжуд бўлган эски мактаб, мадраса ва қориҳоналарга ҳеч қандай ўзгариш киритилмади, аксинча, бу ўқув юртлари программасидаги диний таълим янада мустаҳкамланди, дин аҳлларининг мавқеи янада оширилди, эски диний мактаблар ўз ихтиёрига қўйиб берилди.

Чор колонизаторларининг мамлакатни идора қилишда маҳаллий халқ вакилларидан ёрдамчилар тайёрлаш мақсадида XIX асрнинг 80-йилларидан бошлаб рус-тузем мактаблари очила бошлади. Рус-тузем мактабларида диний таълимдан ташқари, рус тили ва дунёвий илмлар ҳам ўқитилар эди. Бу мактаблар учун тузилган дарсликларда табиат ва жамият ҳаётига доир кичик илмий маълумотлар билан бирга, А. С. Пушкин, Л. Н. Толстой, И. А. Крилов, М. Ю. Лермонтов каби машҳур рус классиклари асарларидан намуналар ҳам берилар эди. Бу жиҳатдан Туркистоннинг прогрессив педагогларидан бири С. М. Граменицкий томонидан тузилган уч китобдан изборат «Книга для чтения» (Тошкент, 1889) дарсликлари характеридир. Бу китоблар машҳур рус педагоги К. Д. Ушинский тузган ўқиши китоблари принциплари асосида яратилган бўлиб, Л. Н. Толстой ҳикояларидан, И. А. Крилов масалларидан намуналар, Н. А. Некрасовнинг «Буюқ—буруннинг қизили қуюқ» поэмасидан парча, А. С. Пушкиннинг «Балиқчи ҳам балиқ ҳақида эртак» асари ва бошқа кўп рус халқ оғзаки адабиёти намуналарини ўз ичига олган эди. Бундай ўқиши китоблари XX аср бошларида ҳам бир неча марта турли авторлар томонидан тузилиб, «рус-тузем мактаблари»да ўқитилди.

«Маҳаллий халқ болалари учун мўлжалланган русча ва ўзбекча ўқув китобларида И. А. Крилов, А. С. Пушкин, М. Ю. Лермонтов, Н. А. Некрасов, Л. Н. Толстой, К. Д. Ушинскийнинг бир қанча болаларбон асарлари, рус ва ўзбек халқи ижоди намуналари (эртак, масал, мақол ва ҳоказо), таълимий аҳамияти катта бўлган мақола тузидағи аллақанча текстлар берилган»¹.

¹ И. Абдуллаев. Эски мактабда хат-савод ўргатиш. ЎзССР «Ўрта ва олий мактаб». Давлат нашриёти, Т., 1960, 21-бет.

Чунончи, 1903 йилда Тошкентда рус-тузем мактаблари учун Али Асфар Калинин томонидан тузилган ўқиши китоби—«Муаллими соний» нашр этилди. Унда рус классик адабиётидан кўпгина намуналар қаторида рус фольклоридан «Деҳқон билан айиқ», «Мужик билан сув подшоси», рус солдати ҳаётидан олинган «Сўроқ», «Бир мужикнинг гоз тақсим қилгани», «Подшоҳ билан мужик» ва бошқа қатор халқ эртаклари ҳамда ҳикоялари берилган.

Умуман, XIX асрнинг охирлари ва XX аср бошларида мактаб учун тузилган ўқиши китоблари маҳаллий халқ болаларини рус классик адабиёти руҳида тарбиялашда катта аҳамиятга эга бўлди.

Рус-тузем мактаблари, аслида кўзлаган мақсадидан қатъи назар, маҳаллий халқ ўртасида рус тили, рус адабиёти ва рус маданиятининг тарқалишига хизмат қилди.

XIX асрнинг иккинчи ярмида мактаб-маориф соҳасида содир бўлаётган бу ўзгаришлар XX аср бошларида янги усул мактабларининг пайдо бўлишига ва маҳаллий халқ ўртасидан Сайдрасул Сайдазизов, Абдулла Авлоний, Абдуқодир Абдушукур Шукурий, Рустамбек Юсуфбек, Ҳамза Ҳакимзода Ниёзий каби кўплаб атоқли педагогларнинг етишиб чиқишига замин ҳозирлаб берди.

Маҳаллий халқ маданий ҳаётига ижобий таъсир кўрсатган омиллардан яна бирни ўлкада турли-туман илмий муассаса ва жамиятларнинг очилиши бўлди. Бу муассасалар халқ ўртасида, бошлангич ҳолда бўлса ҳам, маориф куртакларининг бўртиб чиқишига сабаб бўлди. 1870 йилда Тошкентда халқ кутубхонаси таъсис этилди. XIX асрнинг 80—90-йилларида Тошкентда ва Туркистоннинг бошқа шаҳарларида бир неча мартараб (1885, 1886, 1890 йилларда) виставкалар очилиб, уларда саноат ва қишлоқ хўжалик янгиликлари пропаганда қилинди. 1895 йилда Тошкентда вужудга келган «Археология ҳаваскорларининг Туркистон тўғараги» («Туркестанский кружок любителей археологии»), 1897 йилда ташкил топган ва ўзининг катта илмий кашфиётлари билан шуҳрат қозонган «Рус географик жамиятининг Туркистон бўлими» («Туркестанский отдел Русского географического общества»), 1896 йилда Самарқандда ташкил қилинган «Тарихий музей» ва бошқаларни Туркистон маданий ҳаётида сезиларли из қолдирган илмий муассасалар сифатида кўрсатиш мумкин. Лекин шунун унутмаслик керакки, бу илмий муассасалар асосан чор ҳукуматининг мақсад ва интилишларига хизмат қилидириш ниятида тузилган эди. Ўлкани тўла эгалламоқ ва уни идора қилмоқ учун уни билиш зарур эди. Шунинг учун ҳам чоризм Туркистон тарихи, экономикаси, географияси юзасидан айрим тадқиқотлар олиб бориш ишларини ўюштиришга мажбур бўлди. Бу илмий муассасалар асосан буржуа шарқшунослигида

ҳукмрон бўлган принципларга асосан иш олиб бордилар. Аммо атоқли ва илфор рус олимларининг фактик материалларга бой бўлган қимматли тадқиқотлари, уларнинг объектив фикрлари Туркистон халқлари маданияти тарихида муҳим аҳамиятга эга бўлди ва ҳозиргача ҳам ўз қимматини йўқотган эмас.

Туркистонда тузилган илмий жамиятларда маҳаллий халқ вакиллари ҳам иштирок этди ва илфор рус олимлари билан ҳамкорлик қилди. 1871 йилда Тошкентда тузилиб, Ўрта Осиёнинг табиий бойликлари, географияси, этнографияси ва тарихини ўрганишни мақсад қилиб қўйган «Ўрта Осиё илмий жамиятига оид архив материалларидан маълум бўлишича, маҳаллий халқдан бир неча киши жамият ишларида актив иштирок этган. Улардан бири табиатшунос Олимхўжа Юнусовдир. У киши ўсимликлар устида олиб борган илмий ишлари ва унинг натижалари тўғрисида жамият мажлисларидан бирида доклад қилган ва зришган янгиликлари билан бошқа олимларни таништириб, илмий доиралар илтифотига сазовор бўлган»¹.

Ўрта Осиё халқлари ҳаётida илфор рус маданияти арбобларининг ўлкада олиб борган илмий фаолиятлари катта из қолдирди. Бу жиҳатдан биринчи навбатда Ўрта Осиёни ҳар тарафлама ўрганиб, катта илмий кашфиётлар қилган машҳур рус олимлари — сайёҳларини кўрсатиш керак бўлади. Улуғ рус олимлари — сайёҳлари И. В. Мушкетов, Н. А. Северцов, А. П. Федченко, П. П. Семенов-Тяньшанский, Н. М. Пржевальский ва бошқаларнинг Ўрта Осиёда ўтказган текширишлари жаҳон илмини Ўрта Осиё ҳақидаги қимматли маълумотлар билан бойитишдан ташқари, ўлка халқлари орасида илм-маориф тарқатиш жиҳатидан ҳам катта аҳамиятга эга бўлди.

XIX асрнинг иккинчи ярмида ўзининг ажойиб фаолиятини кўрсатган рус шарқшунослиги дунёда энг илфор шарқшунослик эди. Ўрта Осиё тарихи, археологияси, этнографияси каби илмларни бойитишда дунёда ҳеч бир халқ рус халқи сингари катта ва самарали иш қилган эмас. М. Никитский, В. В. Радлов, П. М. Мелиоранский, Н. Веселовский, Вельяминов-Зернов, В. Р. Розен, В. В. Бартольд каби машҳур олимлар плеядасини ўз ичига олган рус шарқшунослиги Ўрта Осиё халқидаги қимматли ишлар билан дунё илмида машҳурдирлар. Чунончи, улуғ ўзбек шоири ва мутафаккири Алишер Навоийнинг бой ижодий меросини Европа буржуя «олимлари» инкор этиб, уни оддий «таржимон», форс адабиётининг «тақлидчиси» сифатида нотўри баҳолаб турган бир пайтда рус шарқшуноси М. Никитский ўзбек маданияти тарихига, шу жумладан, Алишер Навоийга зўр ҳурмат билан қарди ва «Амир Низомиддин Алишер, унинг ижтимоий ва адабий

¹ И. Муминов. Из истории развития общественно-философской мысли в Узбекистане конца XIX и начала XX вв. Т., 1957, стр. 68.

аҳамияти» («Эмир Низомиддин Алишер в государственном и литературном его значении») номли илмий асар ёзиб (1856), уни маистрлик диссертацияси сифатида ёқлади ва Европа буржуа олимларининг Алишер Навоийга нисбатан қилган туҳматларига зарба берди.

Маҳаллий халқнинг айрим қисми, хусусан, илғор фикрли интеллигенцияси орасида олижаноб туйғуларни ўстириш ва турмуши ҳақида янги тушунчалар ҳосил қилишда рус реалистик театр санъатининг роли кам бўлмади. Рус театр трупалари Туркистонга қайта-қайта гастролга келган эдилар. Бу гастролларда рус реалистик театр санъатининг Н. И. Собольников-Самарин, Л. Собинов, В. Ф. Комиссаржевская каби машҳур арбоблари иштирок қилдилар¹. Туркистоннинг турли шаҳарларида ўтказилган бундай гастролларда рус ва дунё драматургияси дурдоналаридан бўлган Н. В. Гоголинг «Ревизор», А. С. Грибоедовнинг «Ақллилик балоси», А. Н. Островскийнинг «Сепсиз қиз», «Момақалдироқ», Ф. Шиллернинг «Макр ва муҳаббат» драмаларини, сўнгроқ эса А. С. Пушкин, Вильям Шекспир, М. Горький асарларини саҳнага кўйганлар. Бу томошаларда руслар билан бирга маҳаллий халқнинг айрим вакиллари ҳам иштирок этгани.

Чунончи, пионир Фурқат ўзининг «Суворов» достонини 1890 йилда Тошкентда русча театр постановкасини кўргандан кейин ундан илҳомланиб ёзган эди. Рус театрининг ана шундай самарали таъсирига оид характерли бир факт «Самарқандда биринчи ашулачи ва ўйинчи—«Қурбонхон» («Курбанхан»—первая певица и танцовница в Самарканде) номли мақолада келтирилади. Бу мақолада ҳикоя қилинишича, катта қалин бадалига бойга зўрлаб берилган Қурбонхон оиласида бахтсиз бўлгандан сўнг, эридан ажралади ва рус санъаткорларининг ҳимоясида ўз истеъодини ишга солиб артистликка киради ва Самарқанд саҳналарини ўз қўшиқ ва ўйинлари билан обод қиласиди².

Илғор рус зиёлилари ва революцион демократлари ҳамма вақт Россиядаги миллий ўлка халқлари ўтмишига, маданиятига ҳурмат билан қараб келганлар, уларнинг озодлик йўлидаги курашларига хайриҳоҳлик билдирганлар ва уни қўллаб-қўлтиқлаганлар. Бу жиҳатдан буюк рус танқидчиси, революцион-демократи В. В. Стасов фаолияти характерлидир. Н. Чернишевский ва В. Белинскийнинг яқин дўсти В. В. Стасов Ўрта Осиё тасвирий санъатини зўр диққат билан ўрганиб, унинг «оригиналлигиги» ва ўзига хос услуги борлигини тасдиқлайди, рус тасвирий санъати билан Ўрта Осиё тасвирий санъати ўртасида қадим замонлардан бери мустаҳкам алоқа борлигини таъкидлайди: «Ўр-

¹ Қаранг: М. Раҳмонов, Ҳамза ва ўзбек театр. Т., 1959, 49—50- бетлар.

² Туркестанский сборник, том 149, стр. 253.

та Осиё халқ нақшорлик услуби билан ҳозирги танишиб чиқишим натижасида энди шундай деб айтишим мумкинки, Шарқнинг биздаги нақшорликка бўлган таъсири Эрондан эмас, балки Ўрта Осиёдан ўтган, Эронга ҳам Ўрта Осиё таъсир кўрсатган»¹.

В. Б. Стасовнинг бу чуқур илмий фикри тасодифий эмас эди. Манбаларнинг кўрсатишича, 1887 йилда Петербургда, халқ кутубхонасида Ўрта Осиёning XII—XVII асрларга оид қўл ёзма китобларидан ташкил қилинган маҳсус виставка В. Б. Стасовнинг ташаббуси ва бевосита иштироқи билан уюштирилган эди.²

Маҳаллий халқ ўртасида янги ижтимоий фикрининг туғилишида рус революционерларининг Туркистондаги фаолияти алоҳида аҳамиятга эгадир. Масалан, 1879 йилда машҳур революционер Г. М. Лопатин Марказий Россиядан Тошкентга сургун қилинди. Г. М. Лопатин К. Маркс ва Ф. Энгельс билан яқин алоқада бўлган, I Интернационалда улар билан ҳамкорлик қилган кишидир. К. Маркс «Капитал»ининг I томини биринчи марта рус тилига таржима қилган ҳам Г. М. Лопатин эди. Лопатин икки йил Тошкентда яшаб, Маркс ва Энгельснинг революцион таълимотини пропаганда қилишда самарали ишлар олиб борди.

Лопатинга ўхшаш рус революционерларининг Туркистондаги фаолиятига оид маълумотлар қўл ёзма манбаларда ҳам учрайди. XX аср бошларида яшаган хоразмлик тарихчи Жуманиёз ибн Бобониёз Хевақий-Хоразмий ўзининг Исфандиёрхон даври тарихига бағишлиланган «Тарихи гулшан» номли асарида ҳикоя қилишича, 1898 йилда Петербургдан Хоразмга — Урганчга Сафронов, Киселев, Андреев номли революционерлар сургун қилинганлар ва улар бир неча йиллар мобайнида Хоразмда яшаб, маҳаллий халқ ўртасида ташвиқот ишлари олиб борганлар, натижада «...Хоразм ўшларига инқилобий руҳ кириб фикрлари тозалана бошлаган»³. Сўнгра «Тарихи гулшан» автори бу революционерларнинг 1904 йилгача Урганчда яшаганларини, улардан Сафроновнинг 1904 йилда Петербургга қайтиб кетганини, 1905 йил революцияси вақтида революцион ҳаракатларга актив иштироқ этиб, кўча жангларида ҳалок бўлганини ҳикоя қиласди.

Ўрта Осиёning Мирза Бухорий, Комил Хоразмий, Аҳмад До ниш, Ҳожи Юсуф каби илғор зиёлилари ҳам Марказий Россия — Москвага, Петербургга саёҳатлар қилиб бордилар, рус маданияти билан бевосита танишдилар, саёҳатлардан олган

¹ В. В. Стасов «Художественные новости» 1883, № 4, стр. 135.

² Қаранг: Б. В. Луний. Из истории русского востоковедения и археологии в Туркестане, Т., 1958, стр. 33.

³ Жуманиёз ибн Бобониёз Хевақий-Хоразмий. Тарихи Гулшан. Уз ФА. Шарқшунослик институтининг қўл ёзмалари фонди. Инв. № 7568 46 а, б — бетлар.

таассуротларини ўз эсдаликларида ёритиб, ўз замондошларини замонавий маданият янгиликлари билан таништирилар.

Улуғ рус маданиятининг, шунингдек, Россияда чуқур томир отиб келётган революцион таълимотнинг турли йўллар воситасида маҳаллий халқ ўртасида тарқала бошлиши ўзининг ижобий таъсирини кўрсатди: халқ ўртасидан янги онг-тушунчага, янгича қарашга эга бўлган зиёлилар етишиб чиқди. Булар маҳаллий халқ ўртасида туғила бошлаган янги маданиятининг янги типдаги арбоблари сифатида ўз фаолиятини бошладилар. Самарқандлик Мирза Барат Қосимов, фарғоналий Акрам Асқаров, биринчи ўзбек географ олими Ҳожи Юсуф, Фурқатнинг дўсти Мирза Бухорий ва бошқалар мана шу янги тарихий шароит етиштирган ўзбек зиёлиларининг дастлабки қалдирғочлари эдилар. Маданий ҳаракатнинг ана шундай дастлабки қалдирғочларини етиштирган ўзбек халқи, сўнгроқ, Комил Хоразмий, Фурқат, Муқими, Завқий, Аваз Утар каби машҳур маданият арбобларини тарих саҳнасига чиқазди. Шундай қилиб, янги ижтимоий фикрни халқ ўртасида тарғиб қилувчи, тараққиёт учун курашувчи илғор зиёлилар отряди майдонга келди. Феодал-клерикал реакцияга, жаҳолат ва қолоқликка қарши ўт очган, халқни олға, маданият ва маориф сари чақирган бу янги ижтимоий онг тарафдорлари, асосан, адабиёт соҳасида қалам тебратиб, янги гоялар таргиботи учун энг қулай қурол сифатида бадиий сўз санъатидан фойдаландилар.

XIX асрнинг иккичи ярмида Урта Осиёning Россияга қўшиб олиниши патижасида ўзбек халқи маданий ҳаётида рўй берган бундай ўзгариш фақат ўзбек халқи ҳаётига хос бўлиб қолмай, балки XIX аср давомида Россия составига кирган Урта Осиёning ҳамма халқлари маданий ҳаётида ҳам, бошқа миллий ўлка халқлари ҳаётида ҳам юз берди. XIX асрнинг иккичи ярмida етишиб ижод этган Абай Қўнонбоев (1845—1904), Чўқон Валихонов (1835—1866), Ибрай Олтинсарин (1841—1889), машҳур маърифатпарвар Аҳмад Дониш (1827—1897) атрофига уюшгани илғор шоирлар плеядаси, қорақалпоқ халқининг жўшқин демократ шоири Бердақ (1827—1900), татарлардан етишиб чиққани Абдулла Тўқай (1886—1913), Қаюм Носирий (1824—1902) киби адабиёт ва маданият арбоблари Россия составига қўшилини патижасида туғилган умумий маданий жонланишнинг ёрқин намояндаларидир.

Худди шундай ҳолни Қавказ халқлари ҳаётида ҳам кузатиш мумкин. XIX асрнинг бошларида Россияга қўшилган Грузияда шу асрнинг ўрталарига келиб илғор демократик, маърифатпариждлик гояларини тарғиб қилувчи қудратли адабий ҳаракат тушиди.

ва танқидчи, Герценнинг яқин дўсти революцион демократ Мекаел Налбандян (1819—1866), атоқли арман драматурги Гибрал Сундуқян (1825—1912), янги арман адабиётининг энг йирик намояндаси ва машҳур «Арманистон жароҳатлари» романининг автори Хачатур Абовян (1805—1848), арман халқ шоири Ованес Туманян (1869—1923) каби ажойиб сиймоларни шу адабий ҳаёт етиширган эди.

XIX асрнинг иккинчи ярмида Озарбайжон адабиёти ўзининг янги ва порлоқ тараққиёт босқичига кўтарилиди. Озарбайжон халқининг бу даврда етишиб чиқсан севимли фарзанди — шоир, драматург, файласуф, маданият ва жамоат арбоби Мирза Фатали Охундов (1812—1878)ни ва Собир тахаллуси билан машҳур бўлган демократ-сатирик шоир Мирза Алиакбар Тоирзода (1862—1911) ни кўрсатиш керак.

XIX асрнинг иккинчи ярмида улуғ рус маданиятининг баракали таъсири остида украин, белорус, Болтиқ бўйи халқларида ва бошқа халқларда турли шоирлар, маърифатпарварлар ва маданият арбоблари етишиб чиқдилар.

XIX асрда қатор Шарқ ўлкаларининг Россияга қўшилиши натижасида рўй берәётган бу тарихий воқеаларнинг ички моҳијатини чуқур анлаган Ф. Энгельс: «Россия Шарққа нисбатан прогрессив роль ўйнайди. Россиянинг ҳукмронлиги Қора денгиз ва Каспий денгизлари ҳамда Марказий Осиё учун, бошқирд ва татарлар учун маданийлаштирувчилик ролини ўйнайди»¹, — деганида, жумладан, Ўрта Осиё халқлари ҳаётига илғор рус маданияти кўрсатаётган мана шу ижобий таъсирни кўзда тутган эди.

В. И. Ленин ўзининг 1913 йилда ёзган «Миллий масала юзасидан танқидий мулоҳазалар» номли асарида антагонистик синфий жамиятдаги ҳар қандай миллий маданиятда икки хил маданият — эксплуататор синфлар манфаатини ифодаловчи реакцион маданият ҳамда меҳнаткаш халқ ҳаёти ва курашини ифода этадиган демократик, прогрессив маданият борлигини таъкидлайди. «Ҳар бир миллий маданиятда,— деб ёзди В. И. Ленин,— гарчи тараққий топмаган ҳолда бўлса-да, демократик ва социалистик маданият элементлари бордир, чунки ҳар бир миллатда меҳнаткашлар ва эксплуатация қилинувчилар оммаси бор бўлиб, бу омманинг турмуш шароити муқаррар равишда демократик ва социалистик идеологияни туғдиради»².

XIX асрнинг иккинчи ярмида улуғ рус маданияти таъсирида маҳаллий халқ орасида туғилаётган янги ижтимоий оңг В. И. Ленин кўрсатган мана шу «демократик ва социалистик идеология»нинг ифодаси эди, у «меҳнаткашлар ва эксплуатация

¹ К. Маркс, Ф. Энгельс. Сочинения, том XXI, стр. 211.

² В. И. Ленин, Асарлар, 20- том, 7—8- бетлар.

қилинувчилар оммаси»нинг турмуш шароити натижасида туғилған эди. Демак, бу тарихий даврда майдонга келган янги ижтимоий онг ва уни куйлаган адабиёт демократик характерга эга бўлиб, ўзининг чуқур илдизлари билан меҳнаткаш халқ ҳаёти ва манфаатларига бориб боғланади.

В. И. Лениннинг миллий маданиятлар тўғрисидаги таълимотига асосланиб, бу даврда меҳнаткаш халқ оммасининг турмуш шароити билан боғлиқ бўлган демократик адабиёт мавжуд эканлигини таъкидлаш билан бирга эксплуататор синфлар манфаати учун хизмат қиливчи реакцион идеология ва бу идеологиининг ифодаси бўлган феодал-клерикал адабиёт борлигига кўрсатиш ўтиш зарур. Агар демократик адабиёт илфор рус маданиятидан баҳраманд бўлиб ривожланган бўлса, феодал-клерикал адабиёт чоризмнинг реакцион сиёсати ҳимоясида, мустамлакачилик аппаратининг қўллаб-қўлтиқлаши натижасида яшади ва эксплуататор синфлар манфаатини ҳимоя қилди.

Шундай қилиб, Ўрта Осиё Россияга қўшиб олингандан сўнг, ўткага икки хил Россия: революцион Россия—Чернишевскийлар, Ульяновлар, Плехановлар Россияси ҳамда реакцион Россия—Гучковлар, Струве лар Россияси кириб келди ва маҳаллий халқ ўртасида бўлган икки хил маданият билан ҳамкорлик қилди, икки хил адабий оқимнинг — прогрессив-демократик ва феодал-клерикал оқимларининг шаклланишига замин ҳозирлади.

ЎЗБЕК ДЕМОКРАТИК АДАБИЁТИ ВА ТРАДИЦИЯЛАР МАСАЛАСИ

Ҳар қандай адабий ҳаракат маълум тарихий заминда туғилб, шу социал заминдан озиқланиб ривожланса ҳам, бу адабий ҳаракат ижодий принцип, адабий приёмлар, услугуб ва бошқа масалаларда маълум традицияга эга бўлган маданий-адабий омиллар таъсири остида шаклланади ва тараққий этади.

Классик адабий мерос ва Навоий традициялари, халқ ижоди ҳазинасининг битмас-туганмас бойликлари, жаҳон ва рус классик адабиётининг таъсири ўзбек демократик адабиётининг тараққиётида муҳим роль ўйнаган ана шундай маданий-адабий омиллардир.

**Классик адабий мерос
ва Навоий традиция-
лари.**

Марксча-ленинча адабиётшунослик, ҳар бир халқ маданияти, адабиёти шу халқ босиб ўтган тарихий йўл билан изоҳланадиган оригинал хусусиятларга эга бўлади, деб ҳисоблайди. Бу хусусиятлар ўлмас традициялар сифатидаги сақланади ва наслдан-наслга ўтиб, янги авлодлар томонидан ривожлантирилади. Ўзбек демократик адабиётида ҳам ўтмиш

адабиётидан мерос бўлиб ўтган традициялар муҳим аҳамиятга моликдир.

Ўзбек демократик адабиёти классик адабиётнинг илфор фоявий бойликларидан, ижодий-эстетик принципларидан, бадий маҳорат приёмларидан жуда кўп нарсаларни олди ва уни ижодий ўзлаштирди. Классик адабиётимиздаги бадий ижоднинг ижтимоий қимматини ошириш учун кураш, унинг тарбиявий функциясини ошириш, халққа яқин юксак фояли асарлар яратишга интилиш каби энг муҳим анъаналар демократик адабиёт томонидан чўқур ўзлаштирилди ва янги тарихий шароитда давом эттирилди. Демократ шоирлар халқ ҳаётини ҳаққоний тасвирлашда ўтмиш адабиётига фақат тематика жиҳатидангина эмас, балки услугуб, бадий приёмлар жиҳатидан ҳам эргашдилар.

Ўзбек демократик адабиётидаги ўтмиш адабиёти традициялари тўғрисида гапирганда улуғ Алишер Навоий таъсири масаласини алоҳида кўрсатиб, шу мисолда классик мерос традицияларини равшанроқ очиш мумкин. XV асрнинг бу буюк таланти ўзидан кейинги адабиётга, шу жумладан, XIX асрнинг иккинчи ярми адабиёти тараққиётига кучли таъсир кўрсатди. Хамма машҳур демократ шоирлар, истисносиз, Алишер Навоийнинг ижодий чашмасидан сув ичдилар, илҳомландилар.

Ўзбек адабиётида XV асрдан кейин Алишер Навоий номи билан боғлиқ бўлмаган, унинг самарали таъсиридан четда қолган адабий ҳаракат йўқ эди, десак хато қилмаймиз. Ўзбек адабиёти ўзининг тадрижий такомилида, асосий тараққиёт босқичларида Алишер Навоий ижодий хазинасидан фойдаланди, мадад олди. XVI асрда яшаган Бобир ва Мажлисийдан тортиб, XVII—XVIII асрларда яшаган Машраб, Турди ҳамда Хоразм адабий муҳитидаги Умар Боқий ва Нишотийгача Навоий таъсирида ижод чўққиларига эришдилар. XIX асрнинг биринчи ярмидаги Хоразм адабий муҳитидаги (Мунис Хоразмий, Огаҳий) ва Қўқондаги (Махмур, Нодира, Хозиқ, Мужрим ва бошқалар) адабий ҳаракатнинг туғилиши ва ривож топишини Навоийсиз тасаввур қилиш мумкин эмас. XIX асрнинг иккинчи ярмida Муқимий, Фурқат, Комил Хоразмий, Завқий, Аваз Утар каби демократ шоирлар ижод этган давр ўзбек адабиётидаги Навоий традицияларининг энг ёрқин саҳифаларидан бирини ташкил қиласди.

Ўзбек демократ адабиётида Навоий традициялари масаласига тўғри ёндашиш ва чўқур илмий асосда ёритиш учун марксчаленинча эстетиканинг традиция ва новаторлик ҳақидаги назарий асосларини эсга олиш фойдалидир. Маълумки, ҳар қандай адабий ҳаракат, ҳар қандай ёзувчи ижоди конкрет тарихий давр ҳаёти билан узвий равишда боғлиқ ҳолда майдонга келади, ундан озиқланади ва уни ўзида акс эттиради. Лекин бирор адабий

ҳаракатнинг муваффақият билан ривожланиб бориши учун ижтимоий-тарихий заминдан ташқари, бошқа маданий-адабий омиллар ҳам зарур. Ҳар қандай адабий ҳаракат тараққиётини таъмин этадиган мана шундай маданий-адабий омиллардан бирни шу ҳаракатга қадар бўлган адабий-ижодий тажрибадан фойдаланиш, уни чуқур ўрганиш ва ўз тажрибасида уни ижодий ва унумли равишда татбиқ қилиш, яъни традиция масаласидир. Мана шу ўтмиш адабиёт тажрибаси билан замонавий адабий ҳаракатни боғлайдиган, уларнинг ҳар иккени учун ҳам ўз аҳамиятини йўқотмай, муштарак бўлиб қоладиган энг муҳим ва туб масала нимадан иборат? Традициянинг бу муҳим ва туб масаласи меҳнаткаш халқ ҳаётининг асосий интилишларини, биринчи навбатда, унинг ўз озодлиги учун олиб борган курашини адабиётда тўғри, ҳаққоний акс эттириш масаласидир. Меҳнаткаш халқнинг ўз озодлиги йўлида асрлар давомида олиб борган кураши халқ ҳаётининг асосий мағзини ташкил этади. Халқ истакларини, орзу-умидларини ўзида ифода қилувчи адабиёт эса бу тарихий курашни ҳамма вақт бирор шаклда акс ўттиради. Халқнинг асосий интилиши ва курашидан четда турган илгор адабий ҳаракат йўқ ва бўлиши ҳам мумкин эмас. Ҳаққиёнотий адабий традиция ҳамма вақт халқ ҳаётининг асосий масалалари, халқ тарихий тараққиётидаги етакчи масалалар замонида туғилади.

Ўзбек адабиётиниң ҳамма халқлар адабиётига, шу жумладан, ўзбек адабиётига ҳам татбиқ қилиш мумкин. Ўзбек адабиёти тарихига диққат билан назар ташласак, унинг туб гоявий асослари, етакчи тараққиёт тенденцияси ҳамма вақт халқ озодлик ҳаракати билан боғлиқ эканлигини кўрамиз. Фақат маълум бир даврда бу асосий ва етакчи масала конкрет тарихий вазият шаронтига қараб, бир турли усуулда ҳал қилинган бўлса, иккинчи даврда яна конкрет тарихий давр вазиятига қараб, бошқача тус олади.

Ўзбек адабиётида Навоий традициялари масаласига ҳам, ластаввал, мана шу халқ озодлик ҳаракатининг акс этиши ва бу руҳ кейинги давр адабий ҳаракатида қандай давом эттирилганлиги нуқтаи назаридан ёндашиб керак.

Маълумки, Алишер Навоий ўттиз йилдан кўпроқ вақт давомида олиб борган қизғин ижодий ва амалий фаолиятини бутуннисича халқ баҳт-саодати учун сарф этди. Навоий бутун борлиги билан мамлакатнинг обод, халқнинг фаровон бўлишини, жамиятда адолат ҳукмронлик қилишини истади ва шу мақсад йўлида курашди. У ўзининг олижаноб ниятларига етиш йўлини юксак гуманизм учун курашда, ақл машъалининг кучида кўрди. Шунинг учун у, шахсни ўрта аср жаҳолати қуллигидан озод қилиш, жамиятни ёмон, бадкирдор ва баднафс шахслардан тоза-

лаш, кишиларда инсоний хислатларни тарбиялаш орқали мақсадга эришиш мумкин, деб ҳисоблади. Унинг «яхши ва ёмон подшоҳлар», «диёнатли ва диёнатсиз, мунофиқ дин аҳллари» тўғрисидаги машҳур концепцияси ана шу гуманистик фалсафий таълимот асосида майдонга келди. Навоийнинг бу тушунчалари, фантастик характерда бўлишига қарамай, XV аср шароитида прогрессив роль ўйнади ва ўз моҳияти билан халқ озодлик ҳаракати учун хизмат қилди.

Навоийнинг ажойиб маҳорат ва шавқ билан куйлаган бу улуғ ғоялари келгуси даврларда етишган илғор шоирлар ижодий фаолиятида давом эттирилди. Ўзбек адабиётининг сўнгги тараққиёт босқичларида майдонга келган адабий ҳаёт Навоий ғояларини ўз даври мазмуни билан бойитди, халқ озодлиги учун курашнинг янги ва юқори босқичини ўзида акс эттириди. Шу жиҳатдан XVII асрда яшаб ижод этган сатирик шоир Турди, XVIII аср бошларидаги ажойиб исёнкор шоир Машраб адабиёт тарихининг алоҳида босқичларини ташкил қиласидилар. XIX асрнинг биринчи ярмида етишган Махмур, Гулханий, Ҳозиқ каби шоирлар эса жамиятдаги ижтимоий тенгизизликни англаган ва социал адолатсизликка кескин норозилик билдирган шоирлар сифатида халқ озодлик курашига иштирок этдилар ва сўз санъати билан унга ўз ҳиссаларини қўшдилар.

XIX асрнинг иккинчи ярмида майдонга келган демократик адабиёт бу масалада Навоий традицияларини янада юқори кўтарди, янги мазмун билан бойитди. Демократ шоирларнинг бу масалада ўзларигача бўлган адабиётга қўшган янгилиги шу бўлдики, улар истиқболни кўра билдиilar, ижобий идеал яратдилар. Агар XIX асрнинг иккинчи ярмигacha бўлган адабиётда мавжуд тартиблардан қаноатланмаслик, социал адолатсизликни қоралаш, лаънатлаш асосий ўринин ишғол қилган бўлса, демократ шоирлар адабиётга озодлик мотивларини олиб кирдилар. Мавжуд тузумни рад этиш, келгусидаги озод, фаровон ҳаёт учун интилиш, «замонада инқилоб» (ўзгариш) бўлажагини, «яхши замонлар» келажагини таъкидлаш демократик адабиёт учун характерлидир. Демократ шоирлар халқ озодлиги кураши масаласида Навоий традицияларини бойитиб, XIX асрнинг иккинчи ярмидаги конкрет тарихий вазиятдан илҳомланиб, озодлик ғояларини куйладилар, құдратли кучга айланиб бораётган меҳнаткаш халқ оммасининг икки ёқлама зўлмга қарши бошлаган курашига қўшилдилар ва бутун Россия миқёсидаги умум демократик ва социалистик ҳаракатларга жўр бўлдилар. Бу эса демократ шоирларнинг ўзбек адабиёти тарихи олдидағи катта хизматларидир.

Шубҳасиз, Навоий традициялари тушунчаси адабиётнинг ғоявий асослари масаласи билан чекланиб қўлмайди ва чекланиб қўлмаслиги ҳам керак. Езувчининг услуби, тили, адабий приём-

лари, яратган сюжет ва образлари, қўллаган адабий жанр ва турлари шу традиция тушунчасининг таркибий қисмини ташкил этади. Бадий ижодиётнинг бу категориялари адабиётнинг foявий асослари билан узвий равишда боғланган бўлиб, ёзувчи традициялари масаласининг конкретлашган формаси тарзида қаралиши керак.

Навоийнинг ижодий тажрибасига оид бу адабий категорияларнинг ҳаммасини қамраб олиш мумкин эмас ва бунинг зарурияти ҳам йўқ. Шу билан бирга, Навоий традициялари ҳақида гап боргандা, унинг foявий асослари масаласи билан чекланиб қолиш ҳам тўғри бўлмайди. Навоий традициялари масаласи адабиётнинг foявий асосларидагина эмас, балки бадий ижод масалаларида ҳам давом этганини кўрсатиш мақсадида бир масалани — адабий жанрлар масаласини олиб қараймиз ва шу мисолда классик адабиётимизда Навоий традицияларининг қандай давом этганини ёритишга ҳаракат қиласиз.

Бу ўринда шуни ҳам эслатиш керакки, Навоий лирикасида унинг эпик асарларидағи ижобий қаҳрамонлар образини эслатидиган, уларнинг фазилатларини ўзида мужассамлаштирган лирик қаҳрамон образи ҳамиша жонланади. Навоийнинг лирик қаҳрамони олижаноб, юксак идеаллар ва олий интилишларга хизмат қилувчи киши, нозик дид ва нафис туйғулар эгаси, чина **ҳам севгини ниҳоятда азиз тутувчи самимий ошиқ**. Лекин бутун **блам баҳтсизликлари** унинг бошида, даврон унга нисбатан душман, бр — бевафо; унинг ҳар бир иши муваффақиятсизлик билан тугайди, ҳаёти алам ва ҳижрон уқубатларига тўла. Бироқ у ҳеч қачон адолатсизлик ва поҳақлилар билан келиша олмайди. Бундай лирик қаҳрамоннинг прототипи шоирнинг ўзиидир. У ҳамиша ўз идеалларига содиқ бўлиб, ҳеч қачон улар учун курашишдан қайтмайди.

Навоий традицияларининг илгор демократик адабиёт вакиллари ижодида давом этиши уларнинг лирик асарларида куйланган юксак инсоний фазилатларда намоён бўлади. Бу ҳол ўша шоирларнинг Навоий лирик асарларига бевосита мурожаат этиб, уларга мухаммас боғлаб ёзган шеърларида айниқса аниқ кўзга ташланади.

Адабиёт тарихидан маълумки, ўтмишда шоирларимиз Навоий ғазалларига сон-саноқсиз мухаммаслар боғлаганлар. Лекин ўзининг бадий юксаклиги, мазмунан теран ва жонлилиги билан адабиётимизда Фурқатнинг бир мухаммаси бошқалардан ажralиб туради. Шу вақтгача матбуотда эълон қилинмаган, Фирдавсий номидаги Тоҷикистон давлат кутубхонасининг қўя ёзмалар бўлимидаги (№ 466) сақланаётган бу ажойиб мухаммас ўзининг самимилиги, унда ифодаланган туйғу-кечинмаларнинг поклиги ва соддалиги билан китобхон диққатини ўзига жалб этади:

Соқиё, келтур қадаҳ, дафъи хуморе кўзлали,
уртади даврон ғами эмди каноре кўзлали,
Бош қотиб турғунча олам ичра коре кўзлали,
Эй кўнгул, келғил иков бўлиб нигоре кўзлали,
Сарв қадни излабон, сиймин узоре кўзлали.

Бўлмас эмди, эй кўнгул, бир ўзга ҳамдам топмасақ,
Раҳмдил, лутфи фаровон, жавру-жафо кам топмасақ,
Коҳиши жондур, агар топсақ ва гар ҳам топмасақ,
Гар анингдек шўхи шаҳрошиби олам топмасақ,
Гар фақири меҳрибону ғамгузоре кўзлали.

Фурқатий хуш тут кўнгулни таъна эткач ому **хос**,
Ким шиқеби сабрни тутмоғда кўп эрмиш ҳавос,
Жавру зулми келди, ваҳ, ажзу ниёзинга қасос,
Эй Навоий, бўлмогунг андин бул бирла ҳалос,
Кел гаҳи васлин тилаб сабру қароре кўзлали.

Ўзбек классик адабиётида Навоий традицияларини ўзида яқол ифода қилувчи материаллардан яна бири назиралардир. Матъум бир шоирнинг асарига ўхшатма тарзида (вазни, қофијаси, радифи сақланган ҳолда) ёзилган назиралар Шарқ поэзиясига хос приём бўлиб, у қадим вақтлардан бери мавжуддир. Назира, одатда, ўтмишнинг атоқли шоирлари асарига нисбатан ёзилар ва жавоб айтиш, куч синааб кўриш, ижодий мусобақа қилиш мазмунини англатар эди.

Адабиёт тарихида бу машҳур приём асосида Навоий асарларига ёзилган назираларнинг кўп намуналари учрайди. Чунончи, Навоийнинг «Иси» радифли қуидаги:

Гар баҳор эл топса бўстондин гулу райҳон иси,
Келур ул райҳон ила гулдин менга ҳижрон иси.

Менки, бир гулдин жаҳон боғида бўйи топмадим,
Найлайн, қилса муаттар даҳрни бўстон иси.

Лаъли ҳажринда ниҳон ашким сўзни ағёр аро,
Деса бўлмақим, келур ул наъв сўздин қон иси.

Қайдаким жонбахш лаълидин Масиҳ осон калом—
Сурди, ул ердин келур, юз қарндин сўнг жон иси.

Жон иси тутти жаҳонни, мен борурмен гўйиё,
Ким, тилар эл жон иси, мен истарам жонон иси.

Эй гадо, одам элифа «Шайванлиллоҳ!» демаким,
Бу чамандин келмади ҳаргиз гули эҳсон иси.

Чун Навоийга келур ҳижрон иси ҳардам, не суд
Гар баҳор эл топса бўстондин гули райҳон иси —

машҳур ғазалига демократ шоир Фурқат шеърнинг вазни, қоғияси, радифи ва мотивини сақлаган ҳолда қўйидагича назира ёзган:

Элга келди то баҳор айёми гар бўстон иси,
Ер куйидин келур менга гули ризвон иси.

Гул исин истаб ҳамиша бормоғум, аҳбоблар,
Еткурур ҳар дам машомимга сабо жонон иси.

Ул санам қайда очиб юз, хат намоён айласа,
То қиёмат келгай ул ердин гулурайхон иси.

Гул ҳазон этмоқда келса боғ аро боди самум,
Булбули дил ҳастага андин келур ҳижрон иси.

Ул ситамгар дарди ишқи бағрим ээзи ончаким,
Йигларимдин ер юзини тутди охир қон иси.

Қимга берса моҳрўйим муждасин ҳижрон туни,
Сонурам андоқки, ул берди ўликка жон иси.

Руссадин қон ютмайин наилай, жаҳон гулзоридин,
Топмасам шўрида Фурқат бир гули хандон иси.

**Навоийнинг мазкур ғазалидаги традицияларни Муқимий
змондоши ва дўсти Нодим Намангоний ҳам давом эттириб,
унга мухаммас боғлаган. Чунончи:**

Токи савдодин думогим куйдурур ҳирмон иси
Чарх домонинг тутар бу нолаю афғон иси,
Ғунчадек қон этти дилини бир Юсуф Кањон иси,
Гар баҳор эл топса бўстондин гулурайхон иси,
Келур ул райхон ила гулдин манго ҳижрон иси.

Лолаю гул бирла саҳрою чаман жаннат намуд,
Чекти сарву гул шохиди қумрию булбул суруд,
Гулистон ҳар баргидин Нодим фалак айлаб хусуд,
Чун Навоийға келур ҳижрон иси ҳардам на суд.
Гар баҳор эл топса бўстондин гулурайхон иси.

Шунингдек, Фурқатнинг:

Келса кулбамга ўшал бераҳм зор ўлтургуси,
Келмаса, келгунча дарди интизор ўлтургуси —

байти билан бошланадиган ғазали Навоийнинг шу радифли
шеърига назира тарзида ёзилгандир.

Муқимиининг:

Қаддинг олдида сановбарда назокат қайдадур,
Гулда руҳсорингни борида тароват қайдадур —

матлаъли газали Навоийнинг:

Тийра ҳажр айёмида билмонки, жонон қайдадур,
Кеча не билсун киши хуршиди раҳшон қайдадур —

байти билан бошланадиган газалига, шунингдек, Муқимиининг:

Фикримиз боғидин унмас жуз ниҳоли орзу,
Маҳфили аҳбоби шамъи қийлу қоли орзу —

матлаъли шеъри Навоийнинг:

Булбули руҳим қилур бояни висолин орзу
Суву дона ўрнига руҳкору холин орзу

байти билан бошланадиган газалига назирадир.

Бу ўринда диққатга сазовор яна бир назирани — демократ шоирлардан Завқий ва Аваз Ўтарнинг Навоий газалига боғланадиган назираларини эслатиб ўтиш мақсадга мувофиқдир. Арузнинг ражас баҳридаги вазнларидан бири (мутайилун мафойилун муфтайлўн мафойилун) да ёзилган Навоийнинг бу газали қўйидаги мисраларни ўз ичига олади:

Гар аламимға чора йўқ, бўлмаса бўлмасун нетай,
Гар ғамима шумора йўқ, бўлмаса бўлмасун нетай.

Ранжима йўқ эса адад, хост бу эрса найлайнин,
Дардима гар канора йўқ, бўлмаса бўлмасун нетай.

Жамъ эмас эрса хотирим, жамъ ўлуринг, зоҳидо
Хожати истихора йўқ, бўлмаса бўлмасун нетай.

Ёрдин элга комлар, буки, менинг сори гаҳи,
Кўз учидин назора йўқ, бўлмаса бўлмасун нетай.

Машъали васл ила улус шоми мунаvvару, менинг
Бахтима бир шарора йўқ, бўлмаса бўлмасун нетай.

Қисми азалға шодмен, буки фалак риояти,
Холима ошкора йўқ, бўлмаса бўлмасун нетай.

Дедим: эрур Навоий ўз дардиға чорасиз, деди:
Гар аламиға чора йўқ, бўлмаса бўлмасун нетай.

Аваз Ўтар Навоийнинг шу шеъридан илҳомланиб, қўйидаги газални ёзганки, у ҳозир Узбекистон Фанлар академиясининг Шарқшунослик институти фондида (инв. 3451) сақланмоқда:

Ранжи дилим давоси йўқ, бўлмаса бўлмасун нетай,
Ғамларим интиҳоси йўқ, бўлмаса бўлмасун нетай.

Сабру, қарору, тоқатим, мунъадам айлади фироқ,
Шомини кўр сабоси йўқ, бўлмаса бўлмасун нетай.

Йўлида жон қилиб фидо, меҳру муҳаббат айладим,
Лаҳза манга вафоси йўқ, бўлмаса бўлмасун нетай.

Сайрга чиқмамиш ул ой сунбули гулни боғ аро —
Бўйи хуш ҳавоси йўқ, бўлмаса бўлмасун нетай.

Накҳати меҳр кўрмадим, субҳу масо чекиб жафо,
Боги жаҳон бақоси йўқ, бўлмаса бўлмасун нетай.

Шоҳи замонимиз каби, аҳли жаҳонни шоҳлари,
Ким карами отоси йўқ, бўлмаса бўлмасун нетай.

Базмки, ёрсиз, Аваз мутриби хуш навосини,
Нағмаи руҳ фазоси йўқ, бўлмаса бўлмасун нетай.

Қўйидаги ғазал ҳам Завқийнинг Навоий ғазалига боғлаган
назирасидир:

Ер келур замона йўқ, келмаса келмасун нетай.
Сарф этарга хазона йўқ, келмаса келмасун нетай.

Эски бузуқ ҳаробада чуғэзек айладим ватан,
Бир тузук ошёна йўқ, келмаса келмасун нетай.

Манъ этарга келмагин кўп эмиш истихоралар,
Мундин ўтар баҳона йўқ, келмаса келмасун нетай.

Журъаи жоми васлидин бермаса бермасун манго,
Базми май, муғона йўқ, келмаса келмасун нетай.

Жону кўнггулни (нг) торини соз чекарга шунчаким,
Мутриби хуш тарона йўқ, келмаса келмасун нетай.

Кўзни тикиб қудумига, токай ўлурман интизор,
Илмаса кўзга кулбами, келмаса келмасун нетай.

Ишқ элинини (нг) додига солмаса юрту эл қулоқ,
Одили бир замона йўқ, келмаса келмасун нетай.

Ул кўзи ваҳшимиз бүён, бўлмаса ром не ажаб,
Завқийда дому дона йўқ, келмаса келмасун нетай¹.

Адабий традицияни давом эттириб, фикрий такомилга эришиш, гоявий эволюция ясаш юқорида Навоий, Фурқат ва Нодим Наманганийдан келтирилган «Иси» радиофли ғазалда кўриниб туради. Кейинги ғазалларда ҳам ўхшаш бадиий хусусиятлар бор. Лекин улар тамоман бир-бираига ўхшамайди, албатта. Кейинги икки ғазал назира сифатида маълум масалаларда биринчи ғазал традицияларини давом эттирса ҳам, уларга диққат билан назар ташланса, кейинги икки ғазалнинг ўзига хос хусусиятлари ҳам борлиги маълум бўлади.

¹ Завқий. Танланган асарлар. Тошкент, 1958, 80—81-бетлар.

Аваз Ўтар назирасида бу мазмун янада кенгайтирилиб, мухим социал проблема тилга олинади. Аваз Ўтар ҳамма «замона шоҳлари» («аҳли жаҳонни шоҳлари») га ўхшаш, ўз замонасининг шоҳи ҳам «қарам ва саҳоват»дан маҳрум эканлигини айтиб, унга ўз нафратини билдиради. Назираларнинг бундай эволюция ясаси фақат ўзбек адабиётига хос бўлиб қолмай, назира усули қўлланидиган бошқа Шарқ ҳалқлари адабиётида ҳам кўзга ташланади.

Шарқ адабиёти тарихи билан чуқур таниш бўлган профессор Е. Э. Бертельс ўзининг Низомий, Навоий, Жомий ҳақидаги монографияларида ва бошқа асарларида Шарқ адабиётида кенг қўлланган назира усули ҳақида анчагина мулоҳазаларини баён этади. Е. Э. Бертельснинг фикрига кўра назира оддий тақлидчиликдан иборат бўлмай, унинг учун ижодий элемент характерлидир. «... Назирани тақлид деб қараш тўғри бўлмайди,— деб ёзади Е. Э. Бертельс,— чунки бу ҳодисанинг асл моҳияти тақлидчиликда эмас, балки шоир томонидан темага киритилган янгиликтадир...»¹.

Тожик адабиётининг мутахассиси Абдулғани Мирзоев ўзининг «Биноий» номли монографиясида (Душанба, 1957) Е. Э. Бертельс фикрини давом эттириб, назира ёзиш ниҳоятда масъулитли иш эканини, шоирдан юқори бадиий маҳорат талаб қилишини, ҳар қандай назира мазмун жиҳатидан бой, тил жиҳатидан пишиқ, бадиий тасвир воситалари жиҳатидан янги бўлиши кераклигини айтади.

Назира тўғрисидаги бу фикрларни ўз характери билан назира яқин бўлган иккинчи усулга — тахмисга, мухаммас боғлашга ҳам татбиқ қилиш мумкин.

Гарчи Е. Э. Бертельс ва Абдулғани Мирзоев XV аср адабий материаллари асосида мулоҳаза юритган бўлсалар ҳам, бу хуносалар адабиётимизнинг кейинги даврларига ҳам тааллуқлидир. Чунки назира ва тахмис усули XV асрда қандай хусусиятларга эга бўлган бўлса, XIX—XX асрларда ҳам шундай хусусиятларга эга эди. Шунинг учун адабиётимиз тараққиётининг кейинги даврларида ҳам, ўтмиш даврларида бўлгани каби, назира ёзиш ва мухаммас боғлаш иши оддий тақлидчилик иши деб эмас, балки ўзида ижодий элементларни акс эттириши лозим бўлган адабий усул деб ҳисобланди. Демократ шоирлар ўз ижодларида ўтмиш адабиётдан қолган бу традицияни конкрет тарихий давр мазмуни билан бойитиб, уни муваффақият билан давом эттирдилар.

Шундай қилиб, ўзбек демократик адабиёти ўз тараққиёти йўлида классик адабий меросга ва Алишер Навоий ижодига мухим адабий манба сифатида мурожаат қилди, унинг ижодий-эстетик

¹ Е. Э. Бертельс. Роман об Александре. М.—Л., 1948, стр. 115.

принципларидан, бадий приёмларидан энг яхши элементларни қабул қилиб, уларни янги тарихий шароит мазмуни билан бўйтган, ривожлантирган ҳолда давом эттири.

Халқ оғзаки ижоди-хазинасининг битмас-туғанмас бойликлари. Фольклор ҳамма даврда, барча халқларда энг илғор адабиёт ҳисобланган. А. М. Горький таъбири билан айтганимиизда, «Биринчи шоир ва биринчи файласуф бўлган халқ» ўз ижодида унтилмас бадий образлар, битмас-туғанмас фикрий хазина яратди. Шунинг учун жаҳон адабиётининг энг машҳур образлари фольклор заминида туғилди, энг улкан сиймолар ўз ижодий фаолиятларида ундан баҳраманд бўлдилар. Бу тарихий ҳақиқатни ўзбек адабиёти мисолида ҳам кўриш мумкин. Улуг Алишер Навоий ижодининг қимматбаҳо дурданалари бўлган «Фарҳод ва Ширин», «Лайли ва Мажнун» ва бошқа достонларида фольклор элементлари яққол кўриниб туради. Адабиёт тарихида Навоийдан кейин етишган машҳур сиймолар, жумладан, ўзбек демократик адабиёти намояндадари ҳам халқ оғзаки ижодининг баракали таъсиридан четда қолмадилар.

Фольклорнинг ўзбек демократик адабиётига кўрсатган кучли таъсирини, даставвал, ундаги сатира жанрида кўриш мумкин. Ўша даврда майдонга келган сатира ҳа ж в и ё т, сатирик шеърлар айтувчи шоир эса ҳа ж в г ўй деб юритилар эди. Бу давр адабиётида, ҳажвчилик ҳар қачонгидан кўра кучлироқ ривожланган эди. Сатиранинг ривожланишини таъмин этган маданий-адабий омиллар ичida ўзбек халқ оғзаки ижодидаги ҳажвчилик традицияси алоҳида ўрии тутади.

Ўзбек фольклорида ҳа ж в халқ ижодий бойлигининг катта қисмини ташкил қиласди. Ҳажв фольклорнинг кўп турларига — эртак, латифа, лапар ва мақолларга сингиб кетган. Халқ бошдан-оёқ сатирик характерга эга бўлган қатор асарларида Алдар кўса, Афанди, Кал каби образларни яратган ва улар орқали ўз душманларини фош қилиб келган. Халқ ўзининг севимли йўлдоши Насриддин Афанди (ёки Афанди) орқали кўп латифалар тўқиган. Афанди латифалари халқнинг эксплуататор синфларга қарши қаратилган кучли қуроли бўлиши билан бирга, халқнинг адолатли, ёрқин ва баҳтли турмуш ҳақидаги ижобий идеалини ифодаловчи асарлар ҳамдир.

Ўзбек демократик адабиётидаги ҳажвиёт ижтимоий мазмунини халқ ҳаётидан олиш билан бирга, ҳажвчилик традицияси масаласида ҳам халқ заминидан, ижодидан озиқланди. Демократ шоирлар фольклордаги ҳажвчилик бойликларини диққат билан ўрганиб, ижодий ўзлаштирилар. Муқимий, Завқий яратган сатирик образларда («Танобчилар», «Йкчи эшон ҳажви» ва бошқалар), шунингдек, Муқимий ижодига хос бўлган аскиячилик элементларида фольклордаги ҳажвчиликнинг таъсири равшан кўриниб туради. Бу жиҳатдан Муқимий асарларининг, ай-

ниқса сатирик асарларининг халқ асқиячилик репертуарига айланиси ниҳоятда характерлидир. Бу тарихий ҳақиқатни халқ сайилларида, катта маърака ва тўйларда кўриш мумкин. Драматург Собир Абдулланинг «Муқимий» номли музикали драмасидаги ёрқин эпизодларда ҳам бу ҳол тасвир этилган.

Бироқ халқ оғзаки ижодининг ўзбек демократик адабиётига кўрсатган таъсири фақат сатира жанригагина боғлиқ эмас, албатта. Халқ ижодининг адабиёт тараққиётига, шу жумладан ўзбек демократик адабиётининг шаклланиши ва равнақ топишига бўлган таъсири анча кенг ва ҳар томонламадир. Демократ шоирлар ижодида жуда кўплаб ва ўринли ишлатилган халқ мақоллари, маталлари, иборалари бунинг яққол далилларидир. Масалан, Муқимиининг «Асрорқул» сатираси, хусусан, ундаги:

*Садқаи одам кету юз ҳайфсан, Асрорқул,
Захр — ичкан, кийгонинг бўлсун кафан, Асрорқул —*

байти ўзининг лексик состави, синтактик қурилиши, умумий услуби билан халқ жонли сўзлашув тилига жуда яқиндир.

Бу жиҳатдан Фурқатнинг қуийидаги байти ҳам алоҳида кўзга ташланиб туради:

*«Хўбларга зўру ё зар» — эл ичра бу масал бор,
Ман хастани фифонким, илкимда зўру зар йўқ.*

Завқий ижодида ҳам бундай мисолларни тез-тез учратиб туриш мумкин. Чунончи, шоир бир хасис бой таърифида шундай халқ идиомасини қўллайди:

*Эшик санаб туну кун, мудом чўмич овида
Эл ичра суллоҳу баднафсга ёр бўлмай ўл.*

Демократ шоирлар, айниқса Муқимиий, ўз ғазалларини яратишида халқ қўшиқларидан ҳам жуда кўп нарсани ўргандилар, мазмун ва бадиийлик жиҳатидан бу қўшиқларга яқинлашишга ҳаракат қилдилар. Масалан, демократик адабиётда:

*Арзимни айтай боди сабоға,
Биздан дуо денг ул бевафоға —*

мисралари билан бошланадиган машҳур халқ қўшиғига ўхшатма қилиб кўп шеърлар ёзилган. Шунинг учун Муқимиий ва Фурқат ёзған ғазаллар ўзининг равшан мазмуни, юксак санъати, равон ва етук тили, тугалланган композицияси билан халқ қўшиқларига жуда яқин туради. Демократ шоирлар яратган кўпгина лирик асарларининг халқ ўртасида кенг тарқалиб, севиб куйланишининг сири ҳам шундадир.

Масаланинг энг муҳим томони шундаки, демократик адабиёт меҳнаткаш халқ яратган оғзаки ижоднинг foявий бойлигини

тўла ўзлаштириди. Меҳнаткаш омманинг золимларга қарши ғазаб-нафрати, унинг жуда таъсири ва ўткир бадий шаклларда инфодаланиши бу адабиёт учун муҳим ибрат манбаи бўлди. Халқ савзаки ижодига хос бўлган традициялар демократик адабиётнинг ғоявий ва бадий такомилига катта ёрдам берди.

Ўзбек демократик адабиётининг туғилиши
Жаҳон ва рус классик ва ривожланишида муҳим роль ўйнаган ма-
адабиётининг таъсири. даний омиллардан яна бири жаҳон ва рус
 классик адабиётининг унга кўрсатган таъ-
 сирп масаласидир.

Жаҳон адабиётининг таъсири тўғрисида гап боргандা, би-
 ринчи навбатда, Шарқ адабиётини назарда тутиш керак. Ўзбек
 адабиётининг Шарқ классик адабиёти билан алоқаси ва муно-
 сабати жуда қадимийdir. Шарқ адабиётининг машҳур классик-
 лари Фирдавсий, Низомий, Хисрав Дехлавий, Саъдий, Умар
 Ҳайём, Жомий, Ҳофиз, Фузулий ва бошқалар ўзбек адабиёти та-
 раққиётига катта таъсир кўрсатгандар сингари, демократ шоир-
 лар фаолиятида ҳам сезиларли из қолдирдилар. Масалан,
 Муқимий қардош тожик халқининг классиги Абдураҳмон Жо-
 мийни ўзига устоз деб билади, унинг асарларини алоҳида му-
 ҳаббат билан ўрганиб, юксак бадий маҳоратидан илҳомланади.
 Муқимий ижодий мероси ичida Жомийни ўзига устоз деб бил-
 ганини кўрсатувчи адабий ҳужжатлар бўлгани каби, унинг ға-
 залларига bogланган муҳаммаслар ҳам учрайди («Мекуни
 ё не?»).

Қардош озарбайжон халқининг машҳур лирик шоири Фузу-
 лийнинг ўзбек адабиётига кўрсатган таъсири ғоят каттадир.
 Демократ шоирларнинг деярли ҳаммаси Фузулий ғазалларига
 муҳаммаслар боғлаган. Умуман XIX аср ўзбек адабиётида, жум-
 ладан XIX асрнинг иккинчи ярмидаги ўзбек демократик адабиё-
 тида Фузулийга эргашиб яққол кўзга ташланади. Ҳатто бу давр
 адабий тилида «Фузулий тили», яъни «Гарб туркчаси» деб юри-
 тилган озарбайжон тили таъсири очиқ сезилиб туради. Мисол
 учун XIX асрнинг бошларида яшаган қўқонлик шоир Ғозийнинг
 қўйидаги шеърини келтириш мумкинки, унда озарбайжон тили
 таъсири очиқ кўриниб турибди:

Ишқида менга ҳосил ўла дарду бало чўх,
 Мехр ила вафо оз ўла, жавуру жафо чўх,

Одам эли гар топмаса сендин ула мақсуд,
 Хотамни қилур мумсик агар ўлса гадо чўх.

Қўй марҳами лутфингни тараҳҳум била зинҳор,
 Ҳажринг қиличи айлади кўксумни яро чўх.

Тасбеҳ ва ридо кўрсатиб, эй зоҳиди худбин,
 Олам элинин алдамағил баҳри худо чўх...

Раҳм айла менга эмди худолик учун, эй шўх,
Чектим сари кўйингда басе ранжу ано чўх.

Зулму ситаму, жавру жафо жонима кам қил,
Айлар сени Фозий ситамдида дуо чўх.

Фузулий услуби ва руҳида ёзилган бундай шеърларни демократ шоирларнинг ҳаммасида ҳам учратиш мумкин. Шарқ поэзиясининг жўшқин куйчиси Фузулийнинг ўзбек халқи маънавий ҳаётida нақадар катта ўрин тутганини шоир Фурқатнинг Бомбайдан ватанига ёзган шеърий мактубидаги қуидаги мисралардан ҳам тушуниб олиш мумкин:

Бу вилоятлар мақоми бошқадур, эмди қани —
Суҳбатингизларда душанба ғижжаку сеторлар.

Айлар эрди гоҳ Фарзинхон «Сувора» машқини
Яхши савт ила Фузулийдин ўқиб ашъорлар.

Бу мисралардаги «Фузулий ашъорлари» ҳақидаги фикрларни фақат демократ шоирларнинг адабий кечаларига нисбатан эмас, балки бутун ўзбек санъатига нисбатан ҳам айтиш мумкин. Ўзбек халқи Фузулий шеърларини ўз адабий мероси каби севиб ҳамма вақт ўқиб келган ва ҳозир ҳам қўшиқларга солиб куйламоқда.

Шуни ҳам таъкидлаш лозимки, турли адабий лагерь вакиллари Фузулий ижодига турлича муносабатда бўлганлар. Фузулийга демократ шоирлардан ташқари, сарой шоирлари ҳам мурожаат қилдилар, унга эргашиб, тақлид қилиб асарлар ёздилар. Бу жиҳатдан «Хон» тахаллуси билан шеърлар ёзган ва Қўқон сарой адабиётига бошчилик қилган Маъдалихон — Муҳаммад Алихон (1822—1843) ва унинг атрофига тўпланган шоирлар фаолияти характерлидир. Бу ҳар икки адабий лагернинг Фузулийга бўлган муносабатида, шубҳасиз, принципиал фарқ бор. Агар демократ шоирлар Фузулийнинг илфор гояларидан, юксак бадиий маҳоратидан илҳомланган ва уни ўзбек демократик адабиёти заминида тарғиб қилган бўлсалар, сарой шоирлари Фузулий шеърларининг шаклига қизиқиб, масалага формалистик асосда ёндашдилар.

Бу даврда ўзбек демократик адабиётининг тараққиётiga рус классик адабиётининг кўрсатган таъсири ҳам ғоят катта бўлди. XIX аср рус классик адабиёти чуқур ғояли, бадиий юксак адабиётдир. У рус халқини ҳамиша олижаноб инсоний фазилатлар руҳида, зулмга, социал адолатсизликка нафрат руҳида, озодлик учун кураш руҳида тарбиялаб келди.

В. И. Ленин XIX аср классик адабиётининг бутун дунё миқёсидаги аҳамиятини бир неча марта таъкидлаб ўтган эди. М. Горький рус адабиётига хос юксак гоявий ва бадиий хусуси-

ятларни таъкидлаб, унинг жаҳон адабиётига кўрсатаётган таъсири тўғрисида шундай деган эди: «Романтизм ва реализмнинг бундай қўшилиши бизнинг улкан адабиётимиз учун айниқса характерлидир ва бу ҳол бутун дунё адабиётига борган сари яққолроқ ва чуқурроқ таъсир этаётган адабиётимизга оригиналлик ва куч бағишладиди»¹.

Рус классик адабиётига зўр ҳурмат ва муҳаббат билан қараган демократ шоирлар уни ўрганишга интилдилар, унинг юксак фазилатларидан илҳомландилар. Рус адабиётининг А. С. Пушкин, М. Ю. Лермонтов, Н. В. Гоголь, И. А. Крилов, Л. Н. Толстой, Н. А. Некрасов, А. П. Чехов асарларидан баъзилари ўша вақтда ўзбекчага таржима қилинди, ўзбек китобхонлари уларнинг асарлари билан ўз она тилларида танишдилар.

Улуғ рус шоири А. С. Пушкиннинг «Балиқчи ҳам балиқ ҳақида эртак» асари шеърий ва насрый варианtlарда, «Боқчасарой фонтани» достони ва «Шоир» шеъри насрый шаклда ўзбек тилига таржима қилиниб, «Туркистон вилоятининг газети» саҳифаларида (1899 йилда) нашр этилди.

Буюк рус масалчиси И. А. Крилов асарлари ўзбек адабиётига ўтган асрнинг 70-йилларидан бошлаб кириб кела бошлади. Ўзбек вақтли матбуотида, кейинроқ мактаблар учун тузилган дарсликларда И. А. Криловнинг масаллари қайта-қайта нашр этилди ва китобхонлар орасида кенг тарқалди.

Л. Н. Толстой асарларидан намуналар ҳам ўзбек тилига таржима қилинди. Унинг «Одамлар нима билан тирик» ҳикояси 1887 йилда «Туркистон вилоятининг газети»да ўзбек тилида босилиб чиқди. Ўнинг болалар учун ёзган «Данак» номли ахлоқий ҳикояси XX аср бошларида тузилган мактаб дарсликларидан мустаҳкам ўрин олди.

Улуғ рус адабиётидан ўзбек тилига қилинган таржималар ичида рус халқ оғзаки ижоди намуналари ҳам катта ўрин тутади. Бу жиҳатдан ўзбек тилида яратилган дастлабки мактаб дарсликлари диққатга сазовордорид.

Ўша даврларда жаҳон адабиётининг машҳур намуналари ҳам таржима қилинди. Инглиз ёзувчиси Даниэл Дефонинг «Робинзон Крузо» номли машҳур асари рус тили орқали Фозилбек Отабек ўғли томонидан ўзбекчага таржима қилиниб, 1911 йилда Тошкентда «Робинзон ҳикояси» номи билан литографик усулда нашр этилди. 1903 йилда Тошкент эрлар гимназиясида Н. А. Некрасов юбилейига бағишлиланган тантанали мажлисда маҳаллий халқ вакиллари ҳам иштирок этиб, революцион-демократ шоир Некрасов шеърларини мароқ билан ўқиб берганлар. Академик В. В. Бартольднинг хабар беришига қараганда, 1903 йилда

¹ М. Г о рь ки й. Адабиёт ҳақида, ЎзССР Давлат Бадиий адабиёт нашриёти. Т., 1962, 73-бет.

Самарқанддә Улуғбек мадрасасида ўтказилган бир йифинда маҳаллий халқдан чиққан Мулла Маҳмуд исмли бир йигит Л. Н. Толстойнинг «Одамлар нима билан тирик» номли асарини 4—5 минг оломон олдида баланд овоз билан ўқиб берган¹.

Маҳаллий халқ жаҳон ва рус классик адабиётининг машҳур намуналарини озарбайжон ва татар тилларида ҳам ўқир эдилар. Чунки озарбайжон ва татарларда матбаачилик ишлари биздан кўра эртароқ бошланган бўлиб, рус ва Европа адабиёти намуналари кўпроқ нашр этилган эди.

Маҳаллий зиёлиларнинг илғор қисми рус тилини ўрганган ва рус адабиёти намуналари билан оригиналда танишишга муяс-сар бўлган эди. Чунончи, маърифатпарвар шоир Фурқат ўз асарларида «Пушкин ном улуғ рус шоири»нинг асарларини рус тилида ўқигани тўғрисида сўзлайдики, бу ягона ҳодиса бўлмаган, албатта.

Илғор рус маданиятининг турли ўйллар билан маҳаллий халқ ўртасига кириб келиши, шунинг натижасида рус классик адабиёти намуналарининг тарқалиши ўзбек демократик адабиётини гоявий ва маънавий жиҳатдан қуроллантириди. Демократ шоирлар халқ манфаатини кўзлаб, турли реакцион қарашларга, панисломизм интилишларига зарба бердилар ва рус илм-фанини, маданиятини халқ ўртасида тарғиб қилишга интидилар.

Кенг халқ оммасида, шунингдек, демократ шоирларда, илғор маданият арбобларида қолоқ феодал-патриархал ҳаётдан нафратланиб, замонавий рус маданиятига, ҳаётига қизиқиш анча кучли эди. Чунончи, шоир Фурқат илғор рус маданияти арбоблари билан дўстона алоқа боғлади. Академик А. Самойлович қолдирган маълумотларга қараганда, «Қўйконлик шоир Зокиржон Фурқат» у билан дўст бўлган, ижодий ҳамкорлик қилиб, унга ўзбек адабиёти материалларини тўплаш ва ўрганишга ёрдам қиласган.

Фурқат фаолиятининг ўзбек маданияти тарихидаги энг муҳим аҳамияти шундаки, у улуғ рус маданиятини халқ ўртасида тарғиб қилиди, ўзининг маърифатпарварлик руҳидаги ажойиб асарларини («Гимназия», «Йilm хосияти», «Виставка хусусида» ва бошқаларни) ёзди. Бу жиҳатдан Фурқатнинг рус музикасига бўлган муносабати диққатга сазовор. Фурқат рус музика маданиятидаги бойликни чин кўнгилдан севди, уни ҳавас билан ўрганди. У рус музика маданиятини ўз замондошлари ўртасида тарғиб қилиш билан бирга:

Аё Фурқат, қулоқ сол забт этиб ҳуш,

Ки шояд наслимиз солғай дебон гўш!—

деб кўлгуси авлодларнинг ҳам бу бойликдан баҳраманд бўлишларини орзу қилиди. Фурқат рус маданияти ва унинг айрим тар-

¹ Қаранг: В. В. Бартольд. История культурной жизни Туркестана, Л—М., 1927, стр. 173.

моқларини ўрганиш билан чекланиб қолмади. У ўз даврининг кенг тушунчали илғор кишиси сифатида масалага принципиал жиҳатдан ёндашибди ва умуман турмушда ўзгариш ясаш, замонавий рус ҳаётидан ҳамма «хурсандлик ва марғуб» томонларни қабул қилиш зарурлиги ғоясини илгари сурди. Чунончи, у «Туркистон вилоятининг газети»да қўйидагиларни ёзган эди: «Мен Тоникентда клубга бир неча мусулмонларнинг борганини кўрдим ва эшидим. Мен ўйлайманки, унинг гуноҳи йўқдир. Бильакс, биз мусулмон халқи Россия тириклигини кўриб, хурсандлик ва марғуб ишларини ўзимизникоға қиёс қилиб тақлид қилмоқ керакдир».

Аваз ўтар ўғли маданиятли бўлиш учун улуғ рус тилини ўрганиш, уни «ўз она тилидек» билиш кераклигини таъкидлади ва ўз ўқувчилари дикқатини улуғ рус маданияти хазинасига жалб этди («Тил» шеъри).

Муқимиининг ҳам рус ҳаётига, рус маданиятига бўлган муҳаббати, ҳурмати зўр эди. Буни Муқимиий ижодининг умумий руҳидан ташқари Москвада ўқиб турган жияни Рўзимуҳаммад Йўсматовга ёзган кўп хатларидан равшан билиш мумкин. Муқимиий ўз хатларидан бирида рус халқи ҳаёти, Россия тўғрисида сўзлаб, ўз жиянига қўйидагича мурожаат қиласди: «Ва яна ҳар доним хатингизким келадур, ҳануз ўқуб хумордин чиқмай хат одо бўладур, киши ўқуб тўймай қоладур. Ул мамлакатларда ажойиб ва ғаройиб ишлардан хатингизда кўпроқ ёзингизким, филжумла ўқиб тўйгудек бўлайлик».

Рус классик адабиёти XIX асрда Россия составига кирган ҳамма миллий ўлка халқларининг маданий тараққиётида муҳим роль ўйнади. XIX асрнинг иккинчи ярмида яшаб ижод этган машҳур грузин шоири, драматурги, жамоат ва маданият арбоби Илья Чавчавадзе (1838—1907) рус классик адабиётининг грузин адабиётига кўрсатган зўр таъсирини таъкидлаб, бундай деган эди:

«Бизнинг орамизда улуғ рус адабиётининг баракали таъсиридан баҳраманд бўлмаган биронта ҳам жамоат ва адабиёт арбоби йўқ. Шунинг учун биз асосли равишда айта оламизки, бўзниң ҳар биримизни рус адабиёти камолотга етказди, ҳар биримиз унинг хуласаларига асосланиб, эътиқодимизни белгиладик, унинг хуласаларига суюниб, ўз ижтимоий фаолиятимизни аниқладик»¹.

Машҳур арман халқ шоири Ованес Туманян ҳам рус классик адабиётининг буюк арбобларига бўлган самимий муҳаббатини шундай изҳор қилган эди: «Улуғ рус миллатининг ажойиб бой адабиёти — Пушкин, Лермонтов, Гоголь, Достоевский, Тургенев,

¹ А. Барамидзе, Ш. Радиани, В. Женти, История грузинской литературы. М., 1952, стр. 78.

Чехов, Толстой ва уларнинг муносаби издошлари адабиёти олдида зўр муҳаббат ва чуқур ҳурмат билан бош эгаман. Бу адабиётдан бизнинг ёзувчиларимиз ва интеллигентларимиз жуда кўп нарсани ўргандилар¹.

Улуғ рус классик адабиётидаги юксак ғоявийлик, халқпарварлик, реализм Россиянинг ҳамма миллий ўлка халқлари маданий юксалишига таъсир қилгани каби, ўзбек адабиёти тараққиётiga ҳам кучли таъсир кўрсатди, ўзбек демократик адабиётининг таркиб топишида муҳим маданий омил бўлди. Лекин бу тарихий фактдан адабиёт тарихимиз учун икки хил холоса чиқарилиши керак.

Биринчидан, рус маданиятъ ва адабиётининг ўзбек адабиёти тараққиётiga таъсири шунинг учун кучли ва самарали бўлдики, бу икки халқнинг — рус ва ўзбек халқларининг ҳаётлари, тарихий вазифалари ва идеаллари бир-бирига яқин ёки бир хил эди. Бу ҳар иккала халқ ҳам (Россия империясидаги бошқа миллий ўлка халқлари ҳам) чоризмдан, чоризм ўрнатган ҳарбий-феодал империализм зулмидан қутулиш учун,adolatli ва баҳтли ҳаёт қуриш учун кураш олиб борар эдилар ва бу курашда ҳамкорлик қиласар эдилар. Ижтимоий ҳаётдаги, тарихий вазифалардаги мана шу умумийлик адабий муносабатларнинг унумли чиқишига замин ҳозирлаб берди ва чуқур ғояли юксак рус классик адабиёти таъсирининг самарали бўлишини таъмин этди.

Шунинг учун бу икки халқ адабиёти ўз савиаси, бадиий услуби, эстетик диди жиҳатидан фарқ қилишига қарамай, тематикиси ва ғоявий мотивлари жиҳатидан бир-бирига ўхшаб кетади. Бу жиҳатдан, айниқса, сатирик шоирларнинг ижодий фаолияти характерлидир. Чунончи, революцион-демократ шоир Некрасовнинг «Русияда ким яхши яшайди» поэмаси билан Муқимиининг «Танобчилар» шеърида бюрократик давлат аппарати вакилларини фош этишда қўлланган адабий усувлар бир-бирига жуда яқин туради. Шунингдек, Салтиков-Шчедриннинг «Жаноб тошкентликлар» романи билан ўзбек демократик адабиётида айёр-тovламачи савдогар Виктор бой ҳақида яратилган сатирик шеърлар циклида ғоявий мотивлар жиҳатидан ўхашашлик кўп.

Демократ ва маърифатпарвар шоир Аваз Ўтар поэзиясидаги озодлик мотивлари рус классик адабиётининг энг яхши традицияларидан илҳомланган ҳолда яратилган. Унинг:

Қабиқ онларда эркян куйладим, дўстлар, биродарлар,
Эзилган элга бўлгай бу замон иқбол ёруғ боргоҳ —

деб қилган хитоблари озодликни куйлаган улуғ рус шоири А. С. Пушкиннинг «Ҳайкал» шеъридаги ғоявий мотивларни эсга туширади. Бундай мисоллар ўзбек ва рус адабиётида учраб туради. Бу ҳодисанинг асосини ҳам, юқорида айтганимиздек, ўзбек

¹ Қаранг: Туманин — критик. Армянгиз, Ереван, 1939, стр. 337.

ва рус халқлари ижтимоий ҳаётидаги, тарихий шароитидаги умумийлик ташкил этади. Бир хил тарихий шароит, ижтимоий ҳаётидаги умумийлик заминида туғилған бир хил ғазифалар бу иккى халқ адабиётида муштарақ темаларни ва бир хил ғоявий мотивдарни көлтириб чықарған.

Иккинчи хулса шуки, рус адабиётининг ўзбек адабиётига таъсири айрим шоирларнинг рус адабиёти билан яқиндағ та-нишиши, илғор рус маданиятидан бевосита ўрганиши натижаси-да яна ҳам күчлироқ ва самаралироқ бўлади. Масалан, Фурқат-шариф «Пушкин ном улуғ рус шоири»ни ўқиши ёки рус театр по-становкасини кўргандан сўнг «Суворов» поэмасини яратиши ва бошқалар бунинг ёрқин далилидир. Илғор рус маданияти таъси-рида камолот чўққиларига интилиш Қомил Хоразмий фаолияти-да ҳам кўриниб туради. Хоразмийнинг рус музика маданиятидан ўрганиб, ўзбек музикаси учун нота ёзиши «Хоразм танбур нота-си» деб аталган музика соҳасидаги кашфиётида ҳам кўриниб туради.

ЎЗБЕҚ ДЕМОКРАТИК АДАБИЁТИНИНГ ТЕМАТИКАСИ, ФОЯИЙ АСОСЛАРИ ВА ИЖОДИЙ ПРИНЦИПЛАРИ

Тематика ва роявий асослар.

Ўзбек демократик адабиёти ўзининг туғи-
лиши ва келиб чиқиши жиҳатидан меҳнат-
каш халқ оммасининг турмуш шароити би-

Калың калың омасының түрмүш шароиты онын боғлиқтады. У, шу шароит яратган «демократик-социалистик идеология» (Ленин)нинг ифодаси сифатида майдонга келип, турли адабий-маданий омиллар таъсири остида ривожланди. Шунинг учун демократик адабиёттинг моҳиятини, унинг ижодий-эстетик асосларини халқчиллик, ватанпәрварлик, маърифатпар-варлик фоялари ташкіл қиласы да тематикасы шу илғор фоялар заминида белгиланади.

Демократик адабиёттинг Мұқимий, Фурқат, Завқий, Аваз Үтар, Комил Хоразмий каби энг машхур намояндаларининг ижоди халқчиллик рүҳи билан сугорилгандир. Демократик адабиёттинг лирик туридан тортиб, юмор, сатира ва, ниҳоят, бевосита халқ ҳаёти тасвирига бағишиланган «Сәხатнома»ларигача чуқур халқчил асарлардир, уларда халқ ҳаёти түғри, ҳаққоний акс эта-ди, халқнинг истак-армонлари күйланади.

В. Г. Белинский рус классик адабиётидаги халқчиллик түғри-
сида сўзлаб: «Бизнинг халқчиллигимиз рус ҳаёти манзарасини
ҳаққоний тасвирлашдадир» деган эди. Шу жиҳатдан ўзбек де-
мократик шоирлари ижодига, улар яратган муҳим асарларга
назар ташласак, бу адабиётнинг чуқур халқчиллик руҳига эга
эканлигини кўрамиз.

Ўзбек демократик адабиётидаги ватанпарварлик халқчиллик билан узвий равишда боғлиқдир. Ўз халқини чуқур муҳаббат

билин севган, унинг манфаатлари учун охиригача содиқ қолган кишигина ҳақиқий ватанпарвар бўлиши мумкин. Машҳур демократ шоирлар ижодида Ватан тақдиди учун куйиш, Ватан ишқи, «Ватандан дил узолмаслик» мотивлари барада янграб туради. Шу заминда демократик адабиётда кенг тарқалган машҳур «фурбат мотиви» майдонга келади. Муқимий ижоди учун Ватанин тарк этолмаслик, «фурбатга журъат қилолмаслик» мотиви характерли бўлса, оташин лирик шоир Фурқат учун фурбатда, чет элларда Ватанин согиниш, қўймасаш мотиви хосдир. Комил Хоразмий ижодида эса «ёр бўлмаган диёрда туриб, ўзини фурбат аро» сезиш мотиви куйланади.

Демократ шоирлар ижодида «ватан», «фурбат» мотивларининг бундай кенг ишланиши уларнинг ҳалқ ҳаёти, Ватан тақдиди билан чуқур қизиққанларини, Ватан истиқболи учун курашганин кўрсатади. Ижтимоий проблемаларни ҳамма вақт юксак принципиаллик билан ҳал қилган демократик шоирлар «ватанфуруш» империалистик малайларга қарши туриб, мамлакатнинг иқтисодий-маданий тараққиёт йўлига тушиб олиши учун курашдилар. Демократ шоирлар, мамлакат учун вайронликдан, қолоқлиқдан, ўрта аср жаҳолатидан чиқиш йўлларидан бири замонавий рус маданиятига интилишдан иборат деб билдишар. Демократ шоирларнинг Ватан, мамлакат ва унинг келгуси тақдиди тўғрисидаги бу позициялари меҳнаткаш ҳалқ оммасининг ҳаётий манфаатларига ҳам мос келар эди.

Демократик адабиётнинг муҳим ғоявий асосларидан яна бири маърифатпарварлик ғоясидир. Бу ғоя ҳалқнинг тараққиётга бўлган интилиши заминида туғилади ва реакциянинг консерватив қуарашларига қақшатқич зарба беради. Чоризм мустамлакачилик сиёсатини, қолоқлик ва ўрта асрчиликнинг ҳар қандай кўринишларини ҳимоя қилиш сиёсатини ўтказиб турган бир пайтда демократ шоирларнинг реакцияга, фанатизм ва жаҳолатга қарши бosh кўтаришлари ва ҳалқни уйғонишга, маърифатга, тараққиётга чақиришлари зўр прогрессив аҳамиятга эга эди.

В. И. Ленин XIX аср рус маърифатпарварларининг моҳияти тўғрисида сўзлаб, уларнинг қўйидаги уч характерли хусусиятларини кўрсатган эди: улар «... крепостной ҳуқуққа ва унинг иқтисодий, ижтимоий ҳаётда ва ҳуқуқ соҳасида қолдирган ҳамма изларига жон-жаҳди билан ниҳоятда қаттиқ қарши чиқади. Бу «маорифпарвар»нинг биринчи характерли хусусиятидир.

Русия маорифпарварларининг ҳаммасига оид бўлган иккинчи характерли хусусият шуки, уларнинг ҳаммаси илм-маърифатни, ҳалқнинг ўзини-ўзи идора қилишини, ҳуррият, европача турмушни ва Русиянинг умуман бутун ҳаётини европалаштиришни жуда қаттиқ ёқлади. Ниҳоят, «маорифпарвар»нинг учинчи хусусияти шуки, у ҳалқ оммасининг, аввало дехқонларнинг (маорифпарварлар даврида дехқонлар ҳали батамом озод бўлмаган

ёки онди озод бўла бошлаган эдилар) манфаатини ёқлади, ғеностной ҳуқуқ ва унинг қолдиқлари бекор қилинса умумий фарронвонлик бўлади, деб бунга сидқидилдан ишонади ва бунга ястойдил ёрдам беришни истайди¹.

В. И. Лениннинг бу сўзлари XIX асрнинг иккинчи ярмида маййонга келган ўзбек маърифатпарварларига ҳам тўла таал-муқлидир. Ўзбек маърифатпарварлари ҳам жамиятда маданият ва фанни, маориф ва юксалиши тарғиб қилиш билан ҳамма маърифатпарварлар сингари халқ оммаси манфаатини ҳимоя қилдилар. Бу уларнинг энг кучли томонлари ва тарихий хизматлари эди.

Юқсак маърифатпарварлик ғояларини куйлаш демократик адабиётнинг муҳим қисмини ташкил қиласди. Аҳмад Дониш, Фурқат, Комил Хоразмий, Аваз Утар, Дилшод, Анбар Отин ижодларида бу мотивда ёзилган ажойиб асарлар кўплаб учрайди. Шу жиҳатдан айниқса Фурқат ўзбек адабиёти тарихида алоҳида ўрин тутади. Фурқатнинг 1889—1891 йиллар орасида Тошкентдаги ижодий фаолияти даврида яратган асарлари ўзбек демократик адабиёти хазинасига қимматбаҳо бойлик бўлиб қўшилди. Бу даврда илғор рус маданиятининг бевосита ва баракали таъсири остида Фурқат ижоди ғоят юксалди, шоир ўзининг маърифатпарварлик руҳидаги «Гимназия», «Илм хосияти», «Виставка хусусида» каби машҳур шеърларини, «Суворов» достонини ва бошқа кўп асарларини ёзди. Фурқат ўзбек демократик адабиётидаги маърифатпарварлик йўналишининг энг ёрқин ва жўшқин сиймосидир. Комил Хоразмий, Аваз Утар, Дилшод, Анбар Отин ва бошқалар ҳам ўз ижодий фаолиятлари билан маданият, тараққиёт, илм-фан пропагандасига катта ҳисса қўшдилар, маърифатпарварлик адабиётини бойитдилар.

XIX асрнинг ўрталарида Бухорода Аҳмад Дониш (1827—1897) атрофига уюша бошлаган Шоҳин (1859—1894), Савдо (1823—1873), Ҳайрат (1878—1902) каби ажойиб шоирлар плеядаси шу асрнинг учинчи чорагига келиб, маърифатпарвар сифатида ўзларининг баракали ижодларини бошладилар.

Аҳмад Дониш уч марта (1858, 1868—69, 1870 йилларда) Марказий Россияга саёҳат қилди, рус маданияти билан бевосита танишди, у тўғрида ўз мулоҳазаларини ёзиб, ватандошларига тақдим этди. Унинг илғор рус маданиятини тарғиб қилиш ғояси билан сугорилган «Наводир-ул-вақо’е» асари шу саёҳатлари натижасида майдонга келган эди. Аҳмад Дониш илғор рус маданияти арбоблари билан бевосита алоқа боғлади, шу жумладан, Петербург университетининг профессори, озарбайжон халқининг асл фарзандларидан бири Козимбек билан дўстлашди.

¹ В. И. Ленин, Асарлар, 2- том, 550- бет.

Садриддин Айний Аҳмад Донишнинг Бухоро амирлиги ша-
ритидаги ажойиб илмий ва ижодий фаолияти тўғрисида сўзлаб,
иши «Бухоро осмонидаги порлоқ юлдуз» деб атаган эди. Ҳақиқа-
тани ҳам, Аҳмад Дониш ва унинг атрофига уюшган маърифат-
парвар шоирлар тожик халқи тонгидан дарак берувчи порлоқ
юлдузлар эдики, улар бошлаган иш XIX—XX асрлар оралиғида
иуносиб меросхўрлар томонидан давом эттирилди ва тарихий
ғалаба билан якунланди.

Шундай қилиб, маърифатпарварлик ғоялари ўзбек демокра-
тик адабиётининг муҳим хусусиятларидан ва ғоявий асослари
дан биридир.

Халқ ҳаёти, истиқболи, тақдири ва унинг озодликка бўлган
тилишларини ифодалаш демократик адабиётнинг асосий ва
язакчи темасидир. Демократик адабиётнинг асл моҳиятини таш-
кил этувчи бу тема унда атрофлича ва тўла ишланди.

Демократ шоирлар икки ёқлама зулм — чоризм мустамлака-
лиги ва маҳаллий бойлар зулми остида эзилган халқ ва унинг
ҳашватли оғир ҳаёти темасига қайта-қайта мурожаат қилдилар.
У жиҳатдан Муқимиининг «Ҳапалак қишлоғи тўғрисида», «Мас-
ҷави бой таърифида», «Танобчилар», «Саёҳатнома» ва бошқа
асарлари, Аваз Ўтарнинг «Халқ», «Амалдорларга», «Уламо-
арга хитоб» асарлари, Завқийнинг «Қаҳатчилик», «Қарз»,
«Фарғона» ва бошқа асарлари алоҳида диққатга сазовордир.
Алқ ҳаётининг унтутилмас реалистик лавҳалари яратилди.

Муқимий ўзининг «Ҳапалак қишлоғи тўғрисида» номли му-
аммасида мустамлака қуллиги ҳукмронлик қилган даврдаги
қишлоқларнинг типик манзарасини яратди. Сувсиэликдан қақ-
аб чўлга айланаётган ерлар, «бир-икки капа»дан бошқа нарса
олмаган ҳароб қишлоқлар, зулмга бардош беролмай, «оҳу-
ғони чархдан ўткаришиб», ўз уй-жойларини ташлаб кетаётган
Ҳнаткаш халқ, қоронги ертўлалар, «қамиш-кўрпача», «болиши-
ват»—шу ҳаётининг характерли манзаралари эди. Муқимий ўз
алол меҳнати билан жамиятни боқаётган, лекин ўзи сон-саноқ-
из таловчилар жабри зулми остида қашшоқликда умр кечи-
шга мажбур бўлган «увада тўнли» оддий меҳнаткаш дехқон-
и — «мардуми сахро»га зўр ачиниш ва муҳаббат билан қарайди.
Ўқон Валихонов Ўрта Осиёга қилган саёҳатидан олган таассу-
тлари ҳақида сўзлаб, қуйидагиларни ёзади: «Халқ қашшоқ
ёт кечиради, доим муҳтоjликда яшайди ва тинимсиз меҳнат
лади. Агар туркистонликлар ўз меҳнатларининг маҳсулидан
ҳраманд бўлганларида эди, улар худди илгаригидек, Шарқ-
иңг бой халқларидан бири бўлар эдилар. Ҳаддан ташқари оғир
чиқлар, турли-туман ўлпонлар ва бекларнинг зулм-зўрлиги
лўқни бутун бисотидан маҳрум этади»¹.

¹ Чукан Валиханов, Статьи, переписки, Алма-Ата, 1947, стр. 110.

Мустамлакачилик даврида халқ ҳаётида ҳукмронлик қилиб турган иқтисодий муҳтожлиқ, қашшоқлик, сиёсий ҳуқуқсизлик, адолатсизлик ва қулликни кўрган Муқимий бу ҳаёт ҳақидаги ўз мушоҳадаларини якунлаб, чоризм ва маҳаллий амалдорлар ўрнатган тартиб халқ учун «қурилган дор экан» деган хуносага келган эди:

Бўлма ҳаловатга касал,
Оlamда йўқ бениш асал,
Бешак мукофоти амал,
Дунё қурулғон дор экан.

Демократик адабиёт халқ ҳаётининг ҳаққоний реалистик лавҳаларини чизиш билан чекланиб қолмай, халқнинг адолатли ҳаёт ҳақидаги орзу-умидларини ҳам ифода этди. Мавжуд тартибларни лаънатлаган демократик адабиёт келажакка, истиқболга кўз тикди, халқа хос бўлган чуқур оптимизмни ифодалаб, келгуси озод ҳаётни куйлади. Демократ шоирларнинг ҳаммаси учун характерли бўлган ҳусусият шуки, улар халқ ишининг ғалаба қилишига, зулм, адолатсизлик ва зўрликнинг ахир бир кун ер билан яксон бўлишига ишондилар, ҳақиқат ва адолат тантана қилишини таъкидлайдилар. Масалан, Муқимий ўзининг қатор шеърларида «яхши замон» тўғрисида куйлади. Шоир Аваз Ўтар ўйғонган ва ўз ҳуқуқини таниган халқ учун озодлик—«ҳуррият куни» яқинлашиб қолганини айтиб, комил ишонч билан: «Эй Аваз, қолмас булат остида доим офтоб» («Сипоҳийларга» шеъри), деб хитоб қилди. Демократик адабиётга хос бўлган бу зўр оптимистик мотив Аваз Ўтарнинг бошқа бир шеърида қуйидаги ч куйланди:

Хуш ўл, кўнглим, келур бир кун баҳт боғидаги раъно,
Кўкарғай мавж уруб, қирларда лола бўлғуси пайдо.

Мени ёд этгай авлодим, мозоримни ўраб гулдин,
Ишончим мундадур: бўлғай мозорим бир зиёратгоҳ.

Қабиҳ онларда эркин куйладим, дўстлар, биродарлар,
Эзилган элга бўлгай бу замон иқбол ёруғ боргоҳ.

Аваз ўлган билан жисминг, қолурки, ўлмагай номинг,
Ва кому — истагингга ғов бўлолмас, бўлсада Доро.

Халқ озодлиги мотиви Завқий поэзиясида, айниқса равшан-ифодаланган. Завқий ўзининг «Ажаб эрмас» номли лирик шеърида замонда ўзгариш—«инқилоб» бўлиши тўғрисида сўзлади, бу революция натижасида халқнинг золимлар зулмидан озод бўлишини, эркин, қувноқ, баҳтиёр ҳаётга чиқишини, мамлакатнинг эса яшнаган ўлкага یайланишини зўр завқ-шавқ билан куйлади:

Утиб бир қарн, ақроним жаҳон обод кўргайсиз,
 Жаҳон аҳлини золим ҳаддидин озод кўргайсиз,
 Гирифтори алам эрмас, ҳамани шод кўргайсиз,
 Бурунги ўткану кетган, кўнгулда ёд кўргайсиз,
 Қариган чоғда Завқий бир шабоб ўлса ажаб эрмас.

Бу ажойиб мисралар «шул эрур айбим, Муқими, мардуми Фарғонаман» деб нола чеккан Муқимийнинг келажакка умид билан қараб, ўзи ва сафдошларига далда бериб, «Келур бир кун сени ҳам йўқлагудек бир замон яхши» деб қилган умидвор хитобларига ҳамоҳанг бўлиб кетади.

Фурқатнинг машҳур «Сайдинг қўя бер, сайёд» шеърини озодлик мадҳияси деб аташ мумкин. Чуқур оптимизм билан сугорилган бу жўшқин лирик шеърда Фурқат тутқинликнинг, зўрлик ва зулмнинг муросасиз душмани, озодлик ва эркинликнинг оташин куйчиси сифатида майдонга чиқди.

Халқ ҳаётини реалистик тасвирлаш, унинг орзу-умидларини кўйлаш тематикаси билан ижобий қаҳрамон проблемаси чамбарчас боғлиқдир. Демократик адабиёт халқ оммасининг турмуш ҳақидаги туб интилишларини ҳаққоний ифода қилиб, келгусидаги «яхши замонлар» тўғрисида кўйлаб, ўзининг ижобий қаҳрамонини яратди. Демократик адабиётдаги ижобий қаҳрамон демократ шоирларнинг турмуш ҳақидаги олижаноб идеалларини ўзида мужассамлантириди. Колониал қулликка нафрат билан қараш, озод ва баҳтиёр ҳаётга интилиш, адолат тантанаси учун кураш, маърифат ва тараққиётни улуғлаш, жабр-ситам кўрган меҳнаткаш халқ учун ғамхўрлик қилиш демократик адабиётдаги ижобий қаҳрамоннинг характерли хусусиятларидир. Демократ шоирлар томонидан зўр маҳорат билан кўйланган лирик қаҳрамон эса, бу ижобий қаҳрамон хусусиятларининг маълум томонларини ўзида акс эттиради. Лирик қаҳрамонда ҳаётнийлик, турмушни севиши каби оптимистик мотивлар бўртиб туради. Демократик адабиётдаги лирик қаҳрамон ўзининг моҳияти эътибори билан диний-мистик адабиёт тарғиб қилган пессимизмга, мистикага қарама-қарши туради.

Лекин демократик адабиёт ўз ижобий қаҳрамони орқали илгари сурган бу улуғ ва олижаноб идеалларни амалга ошира олмади, озодликка эришишнинг ҳақиқий йўлларини топа билмади. Зотан демократик адабиётнинг озодлик проблемасини, турмушнинг бу марказий ва асосий масаласини ўша тарихий шароитда ҳал қилиши мумкин ҳам эмас эди. Чунки чор самодер-жавиесининг олиб борган мустамлакачилик сиёсати натижасида собиқ Туркистонда туғилган тарихий қолоқлик, бу қолоқлик таъсирида демократ шоирлар дунёқарашидаги чекланганлик уларга жамият тараққиёти қонунларининг етакчи тенденциясини разван кўришга тўсқинлик қилиб турди. Ҳали янги ҳаёт яратишга қодир бўлган жамиятдаги бирдан-бир революцион синф — проле-

тариат ўз тарихий миссиясини, хусусан, Туркистон шароитида нутун куч-қудрати билан бажаришга киришмаган эди. Ўзбек демократик адабиёти фақат 1905 йилдан кейин янги ижтимоий-тарихий шароит яратган революцион вазиятдан озиқланиб, адабий ҳаёт тараққиётининг навбатдаги янги босқичига кўтарилиди ва революцион ғояларни тараннум қилишга кириши.

Халқлар дўстлиги темаси демократик адабиётда янги мазмун, янги руҳ касб этди. Маълумки, ўзбек халқи билан рус халқи ўртасидаги дўстлик алоқалари узоқ тарихий традицияга эга. Айниқса XIX асрда хонлар, беклар, феодаллар қирғини, фитна ва исёнлари авж олиб, мамлакатни ҳалокат ёқасига келтириб қўйган, халқни мислсиз азоб-уқубатлар гирдобига ташлаган даврда ўзбек халқи рус меҳнаткашларига кўз тикди ва ундан најот кутди. Кенг халқ оммасининг рус халқининг илфор фикрли вакилларига бўлган бу муносабати турли адабий шаклларда ифода қилинган.

Бу давр адабиётида Ўрта Осиёning Россияга қўшиб олинганидан сўнг ўлка ҳаётида рўй берган айрим ижобий ҳодисаларни ўзида акс эттирувчи асарлар пайдо бўлди. Масалан, шоира Анбар Отин рус ва ўзбек халқларининг илфор қисмида юзага келган ҳамкорлик ҳақида қўйидаги мисраларни ёзган эди:

Қўшилиб мулки Фаргона ўрусга бу саро бўлди,
Ўрус ўзбек элифа бир туғуштандек ағо бўлди.

Ўруслар ишда пишган важҳидин ҳушёрдур анча,
Раият фойдасиға сўзламоққа раҳнамо бўлди.

Зиёлиси зиёлимизга таълим берса илмидин,
Ҳама ишларга омил, устаси бир кимё бўлди.

Демократик адабиётга хос бўлган муҳим темаларнинг яна бири «ишчилар тематика»сидир. XIX асрнинг иккинчи ярмida капиталистик муносабатларнинг ривожланиши натижасида ўлкада туғила бошлаган ишчилар синфининг ҳаётини тасвирлаш адабиётнинг асосий ва энг муҳим вазифаларидан бири эди. Демократик адабиётнинг бу темани четлаб ўтиши тамоман мумкин эмас эди. Тўғри, демократик адабиётда ишчилар ҳаётини тасвирлашга бағишиланган алоҳида катта асар йўқ. Лекин саноат корхоналари очиб, иш бошлаган маҳаллий ва метрополия капиталистларининг кирдикорларини тасвир қилишга бағишиланган асарларда кичик, лекин жуда характерли ва типик эпизодлар орқали ишчилар ҳаёти ва уларнинг курашлари тасвирланади. Чунончи, Муқимийнинг «Масковчи бой таърифида» шеъри, Завқийнинг «Қаҳатчилик» достони шундай асарлардандир.

Демократик адабиётнинг муҳим темаларидан яна бири ҳукмрон гуруҳлар кирдикорини фош этиш, жамият иллатлари-

ни танқид қилишдир. Демократик адабиётнинг олижаноб идеаллари билан реал воқелик ўртасида туғилган қарама-қаршилик унда мавжуд ижтимоий тузумга нисбатан норозилик туғдириди: демократик адабиёт ҳукмрон колонизаторлик тартибларига, социал адолатсизликка, зулмга қарши нафрат билдириди, тараққиётга тўсқинлик қиласидиган турмуш иллатларини лаънатлашга, фош этишга киришди. Шундай қилиб, бу адабиётда сатира авж олди.

Танқидий йўналиш демократик адабиётдә катта ўринни ишғол қиласиди. Ҳукмрон синфларнинг ҳамма табақалари, жамият иллатларининг турли-туман кўринишлари, кишилар муносабатидаги ярамасликлар демократ шоирлар томонидан қаламга олинди ва бу темаларда ажойиб танқидий асарлар яратилди. Айтиш мумкинки, бу даврда танқидий характерда асар ёзмаган биронта ҳам демократ шоир бўлмаганидек, адабиётнинг сатира ва юмор кириб бормаган бирон жанри ҳам қолмади.

Демократик адабиётдаги сатиранинг мазмуни бой, тематикиси хилма-хилдир. Бу давр адабиётидаги сатира жамият ҳаётининг ҳамма асосий томонларини қамраб олди, эксплуататор синфларга хос бўлган ижтимоий табақа вакилларининг типик образларини яратди. Демократик адабиётдаги сатирада мустамлакачилик аппаратининг маъмурлари — тўралар, мингбошлилар, бўлис бошлиқлари, доддоҳлар ва бошқаларни, йиртқич қолонизатор капиталистлар — Виктор, Лахтинлардан тортиб, Ҳоди хўжа, Иқонбачча, Кўр Ашурбой ҳожи, раста аҳллари каби маҳаллий бойларни учратиш мумкин. Демократик адабиётда яратилган социал типлар галереясида текинхўр дин аҳллари образи алоҳида кўзга ташланиб туради. Дин аҳлларининг реакцион фаолиятлари демократ шоирлар томонидан қаттиқ қораланди, у ҳақда сатирик шеърлар цкли яратилди.

Демократ шоирлардаги изчил халқчиллик ашадий реакцион бўлган пантуркизм, панисломизмга қарши кураш мотивларини келтириб чиқаради. Пантуркизм, панисломизм XIX асрнинг охириларида мустамлака ва ярим мустамлака бўлган Шарқ мамлакатларида туғилган ашаддий реакцион назариядир. Бу назария мустамлакачиларга қарши кураш шиори остида туғилган бўлиб, меҳнаткаш халқ оммасини алдаш ва шу йўл билан улар ўртасида кенг қулоч ёйган озодлик ҳаракатини эксплуататор синфларнинг манфаатига хизмат қилдиришни мақсад қилиб қўяди.

Демократ шоирлар ўзларининг ажойиб ўткир сатиralарида Дукчи эшонни фош этганларида, унинг халққа зарарли ҳаракатини танқид қиласиди, у тарғиб қиласиди «ғазавот» тоясига, «кофирларни ҳайдаб, мусулмонобод давлат қуриш» тўғрисидаги панисломистик тоясига қақшатқич зарба берар эдилар. Дук-

чи эшон каби реакционерларнинг халқ ўртасида бебурд бўлини эса уларнинг орқасида турган ажнабий империалистларни ва уларнинг малайларини қуролсизлантирас, ниятларини пучга чиқазар эди.

Фурқат, Мұқимий, Комил Хоразмий, Аваз Ўтар, Завқий каби машҳур демократ шоирлар ижодий фаолиятида русларга қараб иш кўриш ғояси жуда кенг тарғиб қилинган бўлиб, у темократик адабиётнинг моҳиятини белгиловчи катта сиёсий масала бўлиб қолди. Шунинг учун демократ шоирлар бу масалага алоҳида эътибор бердилар ва рус илм-фанини, илғор маданиятини, рус ҳаёти ва ўтмишини, улуғ рус маданият арбоблаши мұхаббат ва маҳорат билан кўйладилар. Фурқатнинг маърифатпарварлик руҳидаги ажойиб асарлари, Аваз Ўтар, Комил Хоразмий, Мұқимий ва бошқаларнинг халқимизни маданиятга, нараққиётга ундан ёзган бебаҳо асарлари заминида мана шу пантуркизм, панисломизмнинг заарли ташвиқотларига зарба берниш ғояси ётар эди.

Бу давр адабиётининг мұхим темаларидан яна бири хонлик түзумига муносабат ва Россия составига қўшиб олишни баҳошаш масаласидир, Ўтра Осиёнинг Россияяга қўшиб олиниши каби даврнинг мұхим ижтимоий ва сиёсий воқеаси адабий ҳаётда кўтарилиши ва унинг асосий темаларидан бири сифатида шоирлар дикқатини ўзига жалб этиши табиий эди.

XIX асрнинг 60—70-йилларида, маълум сиёсий воқеалар рўйи берниши билан пайдо бўлган бу темага турли адабий ўйналишга мансуб бўлган шоирлар турлича муносабатда бўлдилар.

Феодал-клерикал адабиётга мансуб бўлган шоирлар бу воқеани даҳшат билан қарши олдилар. Улар феодал хонлик түзумини құмсад, уни алам-ҳасрат билан эсладилар, турлигуман «даригномалар», марсиялар ёздилар.

Демократ шоирлардан Фурқат ва Завқий ҳам хонликнинг тақдиди тўғрисида асар ёзганлар. Лекин улар бу темани тамоман бошқа позициядан туриб ишладилар, тарихий ҳодисага бошқача ёндашдилар. Агар феодал-клерикал адабиёт намояндаларида бу ҳодиса зўр қайфу-алам ҳисларини уйғотган бўлса, улар ўз ҳокимиятидан маҳрум бўлган феодал аристократиясининг ҳасрат-надоматини айтис, кўз ёши тўқкан бўлсалар, демократ шоирлар бу ҳодисани халқ тарихи тараққиётни нуқтаи назаридан баҳоладилар. Чунончи, Фурқатнинг хонлик ҳақиқати «қаён қолди» радифли, Завқийнинг «айрилдим» радифли шеърлари асосини алам-ҳасрат эмас, балки юмор, масхараочиз таққид, хон ахволидан кулиш ташкил этади. Мисол учун Завқий шеърининг баъзи бандларини кўздан кечираильик:

Кўриб давлат ғурурин юрту элдин бехабар бўлдим,
Заволини кўриб охир ҳазондек ғам билан сўлдим,

Гуноҳсиз нечалар, мўю-сақолин тердириб юлдим,
Мукофотин кўриб, дўстлар, ажал келмай тирик ўлдим,
Қолиб ҳар ерда ғамлар бирла хурсандимдин айрилдим.

Чиқардим бидъат ишларни, ҳазина тўлса шояд деб,
Ижора берса тажкой олурдим, тўлса шояд, деб,
Хушомадгўйлар ўргатдилар, хон кулса шояд, деб,
Фақир-бечораю, бехонумонлар ўлса шояд, деб,
Ёмонлар сўзи бирла яхшилик пандимдин айрилдим.

Васиқа бузганим, албатта, бошимга бало бўлди,
Тушиб эл ичра гавго, шўру-шарга мубтало бўлди,
Тутиб Офтобачи бирла ҳама лашкар ало бўлди,
Раият тортди тиф шоҳига, наилай, беҳаёб бўлди,
Захар бўлди еган ошим, ширин қандимдан айрилдим.

Демократ шоирларнинг феодал ҳонлик тузумининг барҳам топиши ва Ўрта Осиёнинг Россияга қўшиб олиниши масаласига бўлган муносабатини кўрсатиш жиҳатидан Фурқатнинг 1903 йилда «Туркистон вилоятининг газети»да (№22) босилган қасидасидаги қўйидаги ажойиб мисралар ниҳоятда характерлидир:

Қадим айём ҳонлар асрини кўрган, эшитканмиз,
Ҳар ойда бир тарафдин ёв чиқиб элга зиён этди.

Бир-икки газ қизил чит найзага боғлаб, алам айлаб,
Кўшин тортиб неча ерларни тарожу-талон этди.

Қўп элни хуни ноҳақ қилди ул саффоки жоҳиллар,
Болосин етиму хотинларин бехонумон этди.

Қачон русия аҳли қўйди юз фарғона мулкиға,
Мусулмонларни ул ўшўр-балолардин омон этди.

Илгор дунёқарашли демократ шоир Фурқат ўлканинг Россияга қўшиб олинишини ҳалқ тинчлиги нуқтai назаридан баҳолайди ва бу ҳодисанинг ҳалқни феодаллар, ҳонлар, беклар талон-тарожидан, ўзаро урушларидан ҳолос қилганини қайд этади. Ўрта Осиёнинг Россияга қўшиб олинишининг объектив прогрессив патижаларидан бири ўлкада авж олган ўзаро феодал урушларига чек қўйилиши бўлди, буни ўша даврнинг илгор фикрли кишилари қайта-қайта таъкидлаб ўтган эдилар.

Бу даврдаги демократик адабиётнинг бой мазмуни, хилмалил тематикаси юқорида санаб ўтилган тематик доира билан чекланиб қолмайди. Аксинча, бу тематика бойлиги ижтимоий ҳаётнинг ҳамма асосий масалаларини акс эттиришда ҳам аён кўриниб турадики, бу ҳақда кейинроқ, айrim шоирлар ижоди муносабати билан батафсил мулоҳазалар баён қилинади.

Демократик адабиётнинг пешқадам вакиллари Муқимий, Фурқат, Аваз ҳамда уларнинг бошқа сарфдошларининг мафкуравий мавқелари ҳақида сўз кетганда шуну унутмаслик ке-

ракки, улар дарҳол шу мавқега ўтиб қолмаган. Уларнинг ижодий йўли бир текис бўлмаган, аксинча, улар маълум адашиш ва изланишлар орқали камол топиб борганлар. Аммо демократ шоирларнинг халқ манфаатларига хизмат қилиш истакларининг мустаҳкамлиги тарихий шароитнинг туб моҳиятини тўғри тушинишлари, илғор фикрли, тараққийпарвар кишилар эканлиги ўз мавқеларини тўғри белгилашга ёрдам берди. Шунинг учун улар демократик адабиётга асос солдилар, демократик мафкураларнинг оташин жарчилари бўлиб етишдилар.

Демократик адабиётнинг тўла камол топган бу вакиллари билан бир қаторда уларга сиёсий ва бадиий мавқелари яқин бўлган, гарчи улар даражасига кўтарила олмаган бўлса-да, ўз ижодий ва сиёсий қарашлари билан уларга уйғун турган кўпгина бошқа тараққийпарвар шоирлар ҳам бўлган. Ана шу ижодий гуруҳлар ҳамиша бир-бирини қувватлаб, бир-бирига ижодий озуқа бериб турган. Улар ҳаммаси бир бўлиб ўлка маънавий ҳаётида салмоқдор тараққийпарвар қатламни ташкил этган.

Демократик адабиётга ёндош бўлган ўз даврининг прогресив шоирларидан баъзилари ҳақида қисқача маълумот бериб ўтамиз.

Алмайи. Қори Фазуллоҳ Миржалол ўғли 1852 йилда Тошкентда камбагал ҳунарманд (бўзчи) оиласида туғилди. Тошкентда мактаб ва мадрасада ўқиб, уларни битиргандан сўнг, Бухорода таҳсилни давом эттириди. Алмайи расмий вазифаларда ишламади, у бадиий ижодга жуда эрта киришди ва бутун ҳаётини унга бағишлади.

Алмайи ўз даври адабий ҳаётида фаол иштирок этди. У Муқимийнинг Тошкентдаги яқин дўстларидан эди. Алмайи юксак шеърий истеъдолдага эга бўлган шоирdir. Унинг шеърларига (жумладан, «Ҳаёт» радифли шеърига) Муқимий боғлаган муҳаммас машҳурdir. Алмайи асаллари ўша даврдаги кўп баёзларга киритилган бўлса-да, улар шоир томонидан китоб ҳолида тўпламмаган, пароканда ҳолда қолиб кетган, қисман йўқолган.

Алмайи машҳур ҳинд масали «Калила ва Димна»ни форс чадан ўзбек тилига таржима қилган. Бу таржима «Калила ва Димна туркий» номи остида Тошкентда литография йўли билан уч марта (1898, 1901, 1913 йилларда) нашр этилди.

Алмайи 1891 йилда Тошкентда 39 ёшида вафот этди.

Нодим Наманганий. Нодимнинг асли исми Сулаймонхўжа, отасининг исми Улуғхўжа. Нодим 1844 йилда Намангандага зиёли оиласида дунёга келди. Мактабда, сўнг мадрасада таҳсил кўрди. Унда бадиий ижодга ҳавас эрта уйғонди. Ўз даврида шоир сифатида шуҳрат топди. Ўша замоннинг Муқимий, Фурқат, Завқий каби атоқли шоирлари билан шахсий алоқада бўлди ва улар билан ижодий ҳамкорлик қилди.

Нодим Кўқонда, Тошкентда кўп марта бўлган, у ерлардаги адабий ва маданий доиралар билан яқиндан танишган.

Нодим кичик лирик шеърлар, сатирик асарлар ёзди. Унинг асарлари ўз замонасида «Баёз» ҳолида тўплланган. Нодим асарлари мажмуасининг бир нусхаси Узбекистон Фанлар академияси Шарқшунослик институти қўл ёзмалар фондида (инв. №4179) сақланади. Унда олинган айrim намуналар 1964 йилда «Нодим. Танланган шеърлар» номи билан Тошкентда ЎзССР Давлат Бадиий адабиёт нашриётида чоп этилди.

Нодим Наманганий лирика ва сатира бобида демократик адабиёт руҳида анчагина асарлар ёзди. У тематика, мотив жиҳатидан демократик адабиётга яқин туриши бараварида Муқимий, Фурқат каби шоирлар билан ҳамкорлик ҳам қилган, улар асарларига ўхшатмалар — назиралар ёзган, мухаммаслар боғлаган. Фурқатнинг «Сайдинг қўя бер, сайёд...» мусаддасига жавобан Нодим 12 бандли катта мусаддас ёзган:

Фам даштида бу оҳу овора экан мендек,
Тоғу туз аро ёлғиз сайёра экан мендек,
Кўз ёши равон, жисми кўп ёра экан мендек,
Сайдинг қўёбер сайёд бечора экан мендек.
Фам тифи била бағри садпора экан мендек!¹

Нодим Муқимийга муваффақиятли мухаммаслар боғланган. Муқимийнинг «Қўсамен» юморига боғланган мухаммас шулар жумласидандир:

Халқ аро зарбулмасал машҳури даврон кўсамен,
Теппа қал, сил, кўк йўтал, мұхтожи бир ион кўсамен,
Кў-бакӯ саргаштай бесабру сомон кўсамен,
Оҳ, соқол қадри ўтиб, кўнгулда армон, кўсамен,
Ҳафтада ойинага боққанда ҳайрон кўсамен.²

Нодим ижодида ҳажвиётнинг катта ўрин тутганини, унинг тематика ва ғоявий йўналиши жиҳатидан илғор хусусиятларга эга эканини кўрсатиш учун Махмурнинг машҳур «Хапалак» фазалига боғланган мухаммас характерлидир. Саккиз банддан иборат бўлган бу катта мухаммаснинг охирги банди қўйидаги мисраларни ўз ичига олади:

Шоҳқим бўлса дуогўйи Ажам бирла Араб,
Ноумид ўлмас, ани давлатидин аҳли талаб.
Деди Нодим: бу шаҳаншоҳ қилиб тарки адаб,
Кечса Махмур иш учун шоҳ карамдин не ажаб,
Хафалик юртиға тушган пул агарчи лак-лак.³

¹ Нодим. Танланган шеърлар. Тошкент, 1964, 63- бет.

² Уша китоб, 38- бет.

³ Уша китоб, 30- бет.

Нодим Намангоний ўз ижодининг ғоявий-бадиий хусусиятлари билан демократик адабиётга яқин турган, даврининг талантли, прогрессив шоирларидан биридир.

Ибрат. Исҳоқхон Жунайдулла ўғли 1862 йилда Наманганга яқин Тўракўргонда туғилди. Отаси Жунайдуллахўжа шоир бўлган, «Ходим» тахаллуси билан лирик шеърлар ёзган. Ибрат аввал ўз қишлоғида, мактаб ва мадрасаларда ўқигандан сўнг, таҳсилини давом эттириш мақсадида Кўқонга келди. Ибрат 1878—1886 йиллар орасида Кўқонда бўлган вақтида бу ернинг адабий муҳитида иштирок этди, Муқимий, Фурқат ва бошқа шоирлар билан танишиди, улар билан адабий ҳамкорликда бўлди.

1886 йилда Ибрат Кўқон мадрасаларидан бирида ўқишини битириб, ўз қишлоғи Тўракўргонга қайтди ва у ерда янги усул мактаб очиб ўқитувчилик қила бошлади.

Ибрат 1887 йилда чет элларга саёҳат қилди. Туркия, Булғория, Греция, Миср, Арабистон, Ҳиндистон, Афғонистон мамлакатларида бўлди. Ибрат Ҳиндистонда бир неча йиллар яшаб, 1895 йилда Қошғар орқали ўз ватани Наманганга қайтди.

Ибрат маърифатпарвар сифатида мактаб-маориф соҳасида анча самарали ишлар қилди. Мактаб очиб, ўқитувчилик билан шуғулланди, босмахона ташкил этиб, китоблар, дарсликлар нашр эттириди. У очган «Исҳоқия матбааси» Октябрь социалистик революциясигача ишлаб турди. Ибрат 1911—1914 йиллар орасида мактаб-маориф масалаларида Кўқон ва Янги Марғонда Ҳамза билан ҳамкорлик қилган.

Ибрат шоир сифатида кўп ийрик шеърлар, олим сифатида илмий асарлар ёзди. У ҳаттотлиқ (каллиграфия) санъатидан ҳам хабардор бўлган. Унинг маърифатпарварлик руҳида ёзган шеърлари «Мезонул замон» номи билан литографияда нашр этилган. Ибрат олим сифатида «Тарихи Фарғона», «Тарихи Маданият», «Жомеул хутут» ва бошқа асарларни ёзган.

Ибрат демократик адабиётдаги маърифатпарварлик мотивларини бойитишида катта ҳисса қўшган прогрессив шоирдир.

Ибрат 1937 йилда 75 ёшида вафот этди.

Муҳайир. Асли исми Муҳаммадқул, отасининг исми Муҳаммад Расул. Муҳайир таҳминан 1842 йилда Кўқонда туғилиб, 1918 йилда вафот этган. Муҳайир лирик, сатирик шеърлар ёзган. Муқимий, Фурқатлар билан шахсий, дўстона алоқада бўлган. Муҳайир шеърларидан намуналар қўл ёзма ва босма баёзларда кўп учрайди. Унинг шеърлари девон ҳолида тўплланган, унинг уч нусхаси бизгача етиб келган (Ўзбекистон Фанлар академияси Шарқшунослик институти ва Алишер Навоий номидаги адабиёт музейи қўл ёзма фондларида).

Муҳаййирнинг лирик шеърларидан бир намуна:

Кирмазам жаннатга ман ҳаргиз ўшал дилдорсиз,
Қилмазам сайри чаман ул сарв гул рухсорсиз.
Эй Муҳаййир мажлис аҳбоби бўлмас гарм агар,
Бўлса ҳофиз хайли ул мажлисда бу ашъорсиз.

Шоирнинг ҳажвий шеърлари ҳам кўп. Унинг «Гапур» раздифли ҳажвий шеъри машҳур. Бу шеър адабиётимизда кўп назиралар туғилишига сабабчи бўлган:

Телбаман воиз манго Мажнуни шайдодин гапур,
Ишқдин бошимдағи занжири савдодин гапур.

Фақр элига заиф ожизликни кўп айлаб сифат,
Жоҳ ахлиға дирамдин сўзла, дунёдин гапур.

Маснади давлат дағи ишрат талаб жоҳилни қўй,
Бағри қон бўлгон алам кунжида донодин гапур.

Келди чун сўз минбриға поя курсидин баланд,
Эй Муҳаййир пастдин сўз дема, болодин гапур.

Бу келтирилган парчалардаги антиклерикал мотив ва тандидий-ҳажвий кайфият Муҳаййир поэзияси учун характерли бўлиб, уни демократик адабиётга ҳамоҳанг қиласи.

Мунтазир. Юсуфқори Мирза Зоҳид ўғли Мунтазир 1831 йилда Кўқонда туғилди. Бир муддат Худоёрхон, сўнгроқ Насридинбек саройида ишлаган бўлса-да, аристократия доиралидаги ифлослиқ ва ҳақизликларни кўриб, ишдан истеъзо берди ва умрининг охиригача Андижонда фақирона, риндларча ҳаёт кечирди.

Мунтазир лирик ва сатирик шеърлар ёзган. Лирикада илғорғояларни илгари сурган, сатирада эса ҳоким гуруҳлар кирдикорларини фош этган.

Шоирнинг «Ашъор ҳо дорад» сарлавҳали форс-тоҷик тиљида ёзган бир шеърида қўллаган, ўз ифодаси билан айтганимизда, Мунтазир «дўстларга гул тутган, душманларга тикан санчган» шоирдир. Адабиёт тарихи фактларидан маълумки, бу шеър Муқимийга манзур бўлгани учун унга мухаммас боғлаган, адабиётимизда Муқимий мухаммаси машҳур.

Мунтазир шеърлари пароканда қолиб кетган. Уларнинг бизгача етиб келган қисми, тахминан, 1300 мисра шеърни ўз ичига олади.

Мунтазир 1884 йилда 53 ёшида Андижонда вафот этган.

Рожий. Ҳўжажон Рожий Марғилоний 1834 йилда Марғилон шаҳрида ҳунарманд (сувоқчи) оиласида туғилди. Марғилонда, сўнг Кўқон мадрасаларида таҳсил кўрди. Табиий истеъоди, шеърлари билан адабий доираларда шуҳрат қозонди, Муқимий ва Фурқатлар билан шахсий алоқада бўлди.

Рожий ўз замонасиининг кенг маълумотли, илғор фикрли киниларидан бўлган. Рус шарқшунос олимларидан академик В. В. Бартольд ва академик А. Н. Самойловичлар билан алоқада бўлган, уларниң илмий-адабий тадқиқотларига кўмаклашган, ҳамкорлик қилган.

Рожий адабий ижодда ўзига хос сарбаст услугба эга. Унинг ёзган лирик, сатирик ва юмористик шеърлари, тахминан, ўн мисрани ташкил қиласди. Булар тематик ва мотив жиҳатдан демократик адабиёт билан ҳамоҳангидирлар.

Рожий лирикасида исёнкорлик, мавжуд тартиблардан норозилик, улардан қаноатланмаслик руҳи кучли. Рожийнинг шўх, сарбаст услуби, исёнкорлик руҳи Нодира ғазалига боғланган «Этиб кет!» радифли қўйидаги мухаммасида яхши кўриниб туради:

Дунёга келиб, забона келдинг,
Кўлфатни уйи макона келдинг,
Заҳмат ўқига нишона келдинг,
Мақсад на эди жаҳона келдинг,
Кайфиятини баён этиб кет.

Қоч, зоҳид асоси бир йилондур,
Вонзии насиҳати гаврондур,
Дард аҳлиға бит каби зиёndур,
Ушшоқ мақоми бўстондур,
Азми раҳи бўстон этиб кет.

Рожийки, эшитти сўзларингни,
Муштоқ кўрарга юзларингни,
Шўри ғазалингда тузларингни,
Сен ишқ йўлида қўзларингни,
Эй Нодира, дурафшон этиб кет.

Рожийнинг юксак лиризм билан суғорилган мазмундор ғазалларидан бирида қўйидаги фавқулодда оригинал мисраларга дуч келамиз.

Начук жонман, паришонман, саропо айбу нуқсонман,
Ёмонман, йўлдан озғонман, на инсонман, на ҳайвонман.

Бўюнда ишқ тавқи йўқ, дилимда ёр шавқи йўқ,
Тилимда тавба завқи йўқ, гарикни баҳри исёнман.

Бу дунёни вафоси йўқ, яқин билдим бақоси йўқ,
Ажал дардин давоси йўқ, на қўлғойман — паришонман.

Рожий чиройли туюқлар ҳам ёзган:

Дедим, эй дилбар куним не кечадур?
Деди: васлим ваъдаси бу кечадур.
Этмадим бовар бу сўзга негаким,
Ўзга топилғонда мандин кечадур.

Рожий шеъриятида ҳажвиёт алоҳида ўрин тутади. Демократик адабиётда кенг ишланган Дукчи эшон темасида Рожий ҳам сатирик шеър ёзди. 144 мисрани ўз ичига олган бу катта сатирини, ҳеч шубҳасиз, демократик адабиётда яратилган Дукчи эшон циклидаги сатираларнинг энг кучли намуналаридан бири деса бўлади.

Рожий ижодий мероси ўзининг юксак бадиий қиймати ва илгор, чуқур мазмуни билан ўша давр адабий ҳаётини ўрганишда бой материал беради ва алоҳида эътиборга сазовордир.

Рожий 1918 йилда Марғилонда вафот этди.

Шавқий. XIX аср ўрталари ва XX аср бошларида Шавқий тахаллуси билан олтига шоирнинг ижод этгани маълум. Шулардан бири Шавқий Наманганий тахаллуси билан шуҳрат топган шоир Намангана яқин Калвак қишлоғида яшаб ижод этган Мулла Шамсdir.

Мулла Шамс Шавқий шарқшунос Наливкиннинг берган маълумотига кўра, ўтган асрнинг 80-йилларида ўз қишлоғи Калвакда яшаб, деҳқончилик ишлари билан шуғулланган ва Фарғона тарихини ўрганишда унга кўп ёрдам қилган. Шавқий ўз замонасининг кенг маълумотли пешқадам кишиси ва талантли шоири бўлган.

Шавқий кўп лирик шеърлар қаторида «Пандномаи Шавқий» (Маллахон номидан Худоёрхонга ўгит) номли сатирик асар, «Жомеул ҳаводис» номи билан тарихий достон ёзган. Достонда Худоёрхон билан унинг оталиғи Мусулмонқул ўртасида ҳокимият учун олиб борилган курашлар тасвирланади. Реалистик асосда ёзилган бу асар бой тарихи, этнографик маълумотларни ўз ичига олади ва ўша давр ҳалқ ҳаётини ўрганишда қимматли манбадир.

Шавқий XIX аср иккинчи ярми адабиётимизда реалистик асосга қурилган эпик жанрни ривожлантиришга катта ҳисса қўшган талантли шоирдир.

Ҳавоий. Муҳаммад Умар асли марғилонлик бўлиб, Ҳавоий—Умидий тахаллуслари билан асарлар ёзди. У, тахминан, 1835—36 йиллар атрофида туғилиб, 1905 йилда вафот этди.

Ундан қолган ижодий мерос, тахминан, 10 минг мисра шеърини ўз ичига олади. Уларни бадиий-гоявий хусусиятларига қараб икки группага бўлиш мумкин. Кичик ҳажмдаги лирик, сатирик шеърлар ва эпик характердаги достонлар.

Ҳавоий лирикада классик адабиёт традицияларини давом эттириди, унинг «Дукчи эшон», «Ҳажви Мусакал баззоз», «Ҳажви Обид халифа» каби асарлари бевосита демократик адабиётдаги ҳажвиёт таъсирида ёзилган. Ҳавоий Муқимий, Фурқатлар билан дўстона алоқада бўлган, улар билан ижодий ҳамкорлик қилган.

Ҳавоий адабиётимизда эпик жанр тараққиёти учун сезилар-

ли ҳисса қўшди. У 1884 йилда «Мактубчай хон» асарини ёзди. Шоир унда Қўқон хони Шерали хон давридан (1842 йилдан) ўлка Россияяга қўшиб олингунча бўлган давр воқеаларини баён қиласди.

Ҳавоий 1888 йилда «Жангнома» достонини ёзди. Достон XIX асрнинг 60—70-йилларида Қашқарда рўй берган Ёқуббек воқеалари тасвирига бағишлиланган.

Ҳавоий Қашқардаги Россия конусли, шарқшунос олим Н. Ф. Петровский маслаҳати ва илтимосига биноан 1880 йилда «Бадавлатнома ёки тарихи Ҳўқанд» достонини ёзди. Бу асар бизгача Н. Ф. Петровский коллекцияси ичida етиб келган ва ҳозир СССР Фанлар Академияси Шарқшунослик институтининг Ленинград бўлими қўл ёзмалар фондида сақланади. Шоир 2700 мисра шеъри ўз ичига олган бу достонда 1822 йилда Умархон вафот этгандан сўнг Қўқон хонлигига рўй берган сиёсий воқеалар тўғрисида сўзлайди. Достон воқеаларининг марказида «Қашқардаги Ёқуббек воқеалари туради. Достон воқеаси Ёқуббекнинг вафоти билан тугайди.

Ҳавоий достонлари Қўқон хонлиги тарихини ўрганиш, XIX аср ўрталарида авж олиб кетган хонлар, беклар қирғини даврида фожиона умр кечиришга мажбур бўлган халқ ҳаётини ўрганиш учун адабий хужжат сифатида жуда муҳимдир.

ДЕМОКРАТИК АДАБИЁТДА РЕАЛИЗМ МАСАЛАЛАРИ

Демократик адабиётнинг ижодий-эстетик принциплари тўғрисида гап боргандга кўзда тутиладиган асосий ва дастлабки масала унинг турмушга муносабати масаласидир. Демократик адабиётнинг гоявий асосларига, тематикасига, мазмунига, умумий руҳига назар ташласак, унинг конкрет тарихий давр ҳаёти билан боғлиқ эканлигини, давр масалаларини ўзида акс эттирганини, ўз даврининг илфор гояларидан озиқланганлигини кўрамиз. Демократик адабиёт илфор адабиётларга хос бўлган ижодий принципларни қўллаб, объектив реал борлиқни ҳаққоний акс эттиришга ҳаракат қиласди, реализмга интилди.

Ф. Энгельс ўзининг реализмга берган классик таърифида: «Реализм деталларнинг тўғри бўлишидан ташқари, типик шароитда типик характерлар ‘яратишни кўзда тутади»¹—деган эдик, бу таъриф борлиқдаги ҳодисаларнинг энг муҳимини, характерлisisини, типик ҳисобланганини танлаб олишни ва уни ўзига хос бўлган шароитда, муҳитда кўрсатишни талаб қиласди. Ўз турмуш ҳодисаларининг ташқи кўринишларини тўғри тасвирлаш билан бирга, уларнинг ички моҳиятларини ҳам очиб

¹ Маркс и Энгельс об искусстве. М., 1933. стр. 194.

бериш демакдир. А. М. Горькийнинг реализм тўғрисидаги фикрида ҳам Энгельс таърифининг ана шу асосий мағзи таъкидланади, «Қисқача қилиб айтганда, турмуш ҳодисалари ичидан, инсонлар ўртасидаги ўзаро муносабатлар ва характерлардан умумийлик белгиларига энг кўп эга бўлганларини танлаб олиш йўли билан ташқи борлиқни тасвир қилиш реализмдир». А. М. Горькийнинг бу сўзларида ҳам реализм олдига конкрет давр, конкрет ҳаёт учун характерли, типик бўлган ҳодисаларни ажратиб ола билиш ва улар орқали умумлаштирма образлар яратса билиш талаби қўйилади.

Реалистик адабиёт олдига қўйиладиган шу талаблар нуқтаи назаридан демократик адабиётга кўз ташласак, нимани кўрамиз? Демократик адабиётдаги реализм XIX асрнинг иккинчи ярмидаги объектив тарихий процессни—мехнаткаш ҳалқ оммасининг кураш ва интилишларини ўзида тўғри акс эттиришда, меҳнаткаш ҳалқ оммаси манфаати учун курашишида, ҳалқпарварлик, ватанпарварлик, маърифатпарварлик гояларини илгари суришда кўринади. Демократик адабиётнинг губмоҳиятини ташкил қилган унинг бу бадиий-ижодий принциплари унда куйланган асосий гоявий мотивларда, эксплуататор синфларга қарши кураш, мавжуд ижтимоий тузумдан нафрatlаниш, социал адолатсизликка қарши норозилик, озод ва фаровон турмушга интилиш, жаҳолат ва қолоқликни лаънатлаш, илм-маърифатни ва тараққиётни тарғиб қилиш мотивларида ўз ифодасини топди.

Ўша замонда демократ шоирларнинг эстетик қарашлари ни системали равишда баён қилувчи яхлит бир назарий асар яратилмаган бўлса ҳам, лекин уларнинг ижодий тажрибаси, яратган асарлари демократик адабиётда реализм асосий ижодий метод бўлганлигини кўрсатиб турди. Бундан ташқари, демократ шоирлар ўзларининг айрим асарларида ижодий принципнинг баъзи масалаларига тўхталиб, қимматли фикрларини баён қилганлар. Бу жиҳатдан Фурқатнинг «Шоир ва шеър муболағаси хусусида» шеъри гоятда характерлидир. Фурқат бу шеърида адабиётнинг турмушга муносабати тўғрисида сўзлаб, шоирнинг (адабиётнинг) вазифаси турмушда кўрган ҳодисаларни ўша ҳодисага «мувофиқ қилиб», «мазмунига лойиқ қилиб» тасвир қилишадир, дейди ва шундай принципга амал қилмай ижод этувчи шоирларни танқид қиласди. Фурқатнинг адабиёт учун турмушни объект қилиб олиш ва уни ҳаққоний тасвирлаш кераклиги тўғрисидаги фикри деярли ҳамма демократ шоирларда турли шаклларда учрайди ва уларнинг ижодий принципини ташкил қиласди.

Демократ шоир Муқимий ўзининг лирик шеърларидан бирда шоирнинг вазифаси турмуш ҳақиқатларини куйлашдан иборат эканини таъкидлаб:

Гар қилич бошимга ҳам келса дегайман ростин,
Сўзки ҳақ бўлса саволимга жавобим ким десун?!—

деган эди.

Қорақалпоқ халқининг атоқли демократ шоири Бердақ (1827—1900) ўзининг ижодий йўли тўғрисида фикр юритиб, «ҳақиқатни излагани», «ҳақ сўзни сўзлаши» ҳақида гапиради:

Бердимурод ҳақиқатни изладинг,
Мудом элга тўғри йўлни кўзладинг,
Ёвузлардан қўрқмай, ҳақни сўзладинг.
Жон-танингни бердинг доим халқ учун.

Хоразмлик машҳур шоир Аваз Утар адабиётда ростгўй-ликни тарғиб этиб, ўзига шундай хитоб қилади:

Улар ҳолатда ҳам деб рост сўз ҳолни табаҳ этгили,
Демасманким, дебон ёлтон номингни сиёҳ этгили,
Нажоти ҳар балодин истасанг, сидқинг гувоҳ этгили.

Шоир Завқий ўз ижодини халққа, халқ ҳаётига бағишлага-
нини шундай ифодалаган эди:

Дўзанда косиблик ишим
Эл бирладур ёзим-қишим.

Ижодий-эстетик принцип масаласида демократ шоира Анбар Отин ижоди ҳам характерлидир. Оддий халқ ичидан чиққан Анбар Отин ўз ижодини бутунлай халққа бағишлайди. Ўзининг асосий диққати халқ ҳаётини ҳаққоний тасвирлашга қаратилгандир. У ўзининг шеърларидан бирида бу позицияни қўйидагича ифодалайди:

Шеър ёёсангиз, халойиқ ҳолидан мавзу этинг,
Кўп улувларни мадҳ этмоқ эрур бу истроф.

Шоиранинг адабиёт олдига қўйган бу талаби демократик адабиётдаги умумий тенденцияни — ҳаётийлик, ҳаққонийлик тенденциясини ўзида яхши акс эттиради. Анбар Отин ижоди ҳам ўзининг умумий тематикаси, мотивлари, гоявий йўналишлари билан халқчилдир, ўзининг чуқур илдизлари билан давр ҳаётидан озиқланган реалистик характерга эга бўлган ижоддир.

Демократик адабиётдаги реализмнинг тез суръат билан ривож топишида юқорида кўрсатиб ўтилган маданий-адабий омиллар—ўзбек класик адабиётининг илғор традициялари, оғзаки халқ ижодининг битмас-туғанмас бойликлари, шунингдек илғор рус маданияти ва рус класик адабиётининг самарали таъсири муҳим роль ўйнади.

Демократик адабиёттинг ижодий методи бўлган реализм тўғрисида гап боргандা, унинг ўзига хос хусусиятларини ҳам кўрсатиб ўтиш зарур. Чунки реализм ўзбек адабиётида фақат XIX асрнинг иккинчи ярмида, демократик адабиётда вужудга келган ҳодиса бўлмай, ўзбек адабиётининг илгариги тараққиёт босқичларида ҳам бор эди. Масалан, улуғ ўзбек шоири ва мутафаккири Алишер Навоий ижодида, XVII—XVIII асрларда яшаб ижод этган Турди фаолиятида турмушни реалистик тасвир этадиган асалар учрайди. Шунингдек, XIX асрнинг биринчи ярмида ижод этган Гулханийнинг «Зарбулмасал» асадидаги, Махмурнинг қатор сатидаларидаги реализмни инкор этиш мумкин эмас. Лекин масаланинг аҳамиятли томони шундаки, ўтмишдаги прогрессив адабиёт билан демократик адабиётдаги реализм ўртасида тарихий даврларнинг турлича бўлиши билан изоҳланадиган фарқ ҳам бор.

Демократик адабиёт ўтмишдаги прогрессив адабиётдан ўзининг изчил реализми билан ажралиб туради. Агар ўтмиш прогрессив адабиётидаги реализмда «XVII—XIX асрлар адабиёти» типик характер бўлгани ҳолда, типик шароит этишмаган бўлса, демократик адабиётда типик шароит ҳам яратилди, реализм олдига қўйилган талабга тўлиқ риоя қилинди. Шумъонода демократик адабиётдаги реализм ўтмиш прогрессив адабиётдаги реализмнинг қонуний давоми ва юқори босқичи ҳисобланади. Демократик адабиёт билан ўтмишдаги прогрессив адабиёт ўртасида бўлган ана шу фарқ демократик адабиёт реализмининг ўзига хос хусусиятини ташкил қиласди.

Айни замонда улар ўртасида умумий белгилар, реализмнинг типологик хусусияти сифатида кўрсатилиши мумкин бўлган муштарак моментлар ҳам йўқ эмас. Инсонни ижтимоий муҳит маҳсули сифатида тасвир этиш, шу муҳит таъсирида ўзгариб, шаклланиб боришини кўрсатиш, яъни характер динамикасини бериш реализмнинг шундай типологик белгиларидан ҳисобланади.

Демократик адабиётдаги реализмнинг ўзига хос хусусиятини яқъол кўрсатадиган масалаларнинг иккинчиси унинг тип яратиш усулидир.

Маълумки, реалистик адабиётдан конкрет, индивидуал хусусиятлари сақланган ҳолда турмуш ҳодисалари ҳақида чуқур бадий образлар, типлар яратиш талаб қилинади. Типда индивидуаллик билан умумлашма диалектик бирликни ташкил қиласди. Ёзувчи конкрет, индивидуал шахсларда турмуш ҳодисаларининг асосий, етакчи томонини, ундаги қонуниятни, унда ҳаракат қилувчи социал кучнинг моҳиятини кўрсатиш орқали тип, образ яратади.

Адабиёт фактлари шуни кўрсатадики, ёзувчи тип яратишда умумлашмага эришиш учун турли усуllардан фойдалана-

ди. Ёзувчи маълум социал табақага, синфга мансуб бўлган бир қанча одамлардаги хусусиятларни, белгиларни, одат ва психологияни ўрганиш, тўплаш ва уларнинг энг характерли бўлганларини йигиб умумлаштириш орқали тип яратиш мумкин. Гоголнинг «Ўлик жонлар» асаридаги Манилов ва Чичиков, Гончаровнинг «Обломов» асаридаги Обломов, Горькийнинг «Фома Гордеев» романидаги Фома Гордеев, Ҳамзанинг «Бой ила хизматчи» драмасидаги Ғофир ва Солиҳбой, Ойбекнинг «Қутлуғ қон» романидаги Йўлчи образи, Абдулла Қаҳҳорнинг «Қўшчинор чироқлари» романидаги Сиддиқжон образлари ва бошқалар шу йўл билан яратилган типлардир.

Ёзувчи тип яратишда бошқа ижодий усулни қўллаши ҳам мумкин. Ёзувчи маълум социал табақа ёки синфга мансуб бўлган юзларча, мингларча кишилар ичидан шу табақа ёки синфга хос бўлган хусусиятларни ўзида яқол ва тўлиқ гавдалантирган бир шахсни танлаб олиши, шу шахс характерини тасвир қилиш орқали маълум социал табақа ёки синфнинг асосий хусусиятларини ўзида гавдалантирган тип яратиши мумкин. А. М. Горькийнинг «Она» романидаги Павел Власов ва Пелагея Ниловна, Борис Полевойнинг «Чин инсон қиссанаси»даги Мересьев, С. Айнийнинг «Судхўрнинг ўлими» асарида Қори Ишканба образлари ва бошқалар шу йўл билан яратилган.

Демократ шоирлар тип яратища, асосан, ана шу иккичи йўлдан бордилар. Демократик адабиётдаги асосий сатирик типлар турмушдаги конкрет шахсни тасвираш орқали яратилди. Демократ шоирлар эксплуататор табақаларга хос бўлган психология, феъл-атвор ва хусусиятларни шу табақага мансуб бўлган ва шу табақа феъл-атворларини ўзида тўлиқ гавдалантирган айrim шахсларни тасвираш йўли билан тип яратдилар. Демократик адабиётда яратилган муҳим социал типларнинг деярли ҳаммасининг прототипи бор. Демократик шоирлар кўп ўринда ўша замондаги маълум конкрет шахсни, ҳатто, номини сақлаган ҳолда одиллар, баъзан эса асарда номи айтиласа ҳам, маълум конкрет шахс кўзда тутилди. Ҳар икки ҳолда ҳам маълум социал табақанинг типик хусусиятлари унинг айrim, конкрет вакиллари орқали очилди. Ҳодихўжа (Муқими, «Масковчи бой таърифида») ўз бойлигини яна ҳам ошириш учун капиталистик корхоналар қуришга интилаётган маҳаллий бойлар типи. Султон Алихўжа ва Ҳакимжон (Муқими, «Танобчилар») чор мустамлакачилик аппаратидаги бюрократ амалдорлар типи. Дукчи эшон (Муқими, «Ҳажви Халифаи Мингтепа», «Курбақалар», Завқий «Ҳажви Икчи эшон» ва бошқалар) ашаддий реакцион дин аҳлларининг типи. Виктор (Муқими, «Ҳажви Викторбой», Завқий «Воқеаи Виктор» ва бошқалар) фирибгар, амалпараст буржуа типи. Муқимиининг «Охуним», «Доддоҳим», Завқийнинг «Аҳли раста ҳажви» ва

бошқа сатирик асарлари ҳам ана шу принцип асосда яратилгандир.

Ўзбек демократик адабиётидаги реализмнинг ўзига хос хусусиятларидан яна бири ўлкада туғилиб келаётган капиталистик муносабатларнинг акс эттирилишидир. Қапиталистик муносабатлар Ўрта Осиёнинг Россияга қўшиб олинишидан кейин рўй берган иқтисодий силжишлар натижаси эди. Янги тарихий шароитнинг янги ижтимоий ҳодисалари реалистик методда асосланган демократик адабиётда ўз аксини топди. Бошқача бўлиши мумкин ҳам эмас эди. Демократик адабиётга хос бўлган бу янги мотив унда «Масковчи бой таърифида», «Тўйи Иқонбачча» сатиralарини, Виктор ҳақидаги ҳажвий асарлар циклини яратди. Бу асарларда жамиятда туғилган янги ижтимоий муносабатлар ва унинг оқибатлари фош қилинади. Шундай қилиб демократ шоирлар феодал-патриархал ҳаёт қолдиқла-рига қарши кураш олиб боришлари билан бирга; буржуа жа-миятини фош этувчилар сифатида ҳам майдонга чиқадилар. Бу эса уларни илгариги давр адабиётидан, илгариги давр прогрессив ёзувчиларидан ажратадиган ўзларига хос хусусиятларидир.

Демократик адабиётнинг ўзига хослигини кўрсатувчи бу хусусиятлар унинг давр ҳаёти билан чамбарчас боғлиқ эканини ва реализм методи асосида ижод қилганини исботлайди.

ДЕМОКРАТИК АДАБИЁТНИНГ ЖАНРЛАРИ ВА БАДИЙ ХУСУСИЯТЛАРИ

Турмуш ҳодисаларини реалистик акс эттириб, янги гоявий мазмун яратган демократик адабиёт шу янги мазмунга муво-фиқ бадиий шакл ҳам яратишга интилди. Демократик адабиётнинг бадиий услуби феодал-клерикал адабиётнинг услубидан принципиал фарқ қиласди. Формализм, санъатпардозлик асосига қурилган феодал-клерикал адабиётнинг гажакдор, дабдабали услугуга қарши демократик адабиёт халқ оммасига яқин ва тушунарли бўлган реалистик услуб яратди. Бу янги услуб фикрнинг равшан ва аниқлиги, тилининг соддалиги, бадиий тасвир воситаларининг оригиналлиги ва ҳаётийлиги билан характерланади. Демократик адабиётнинг бадиий-ижодий хусусиятларига доир барча янгиликлар у илгари сурган илгор демократик гоялар заминида, реализм асосида майдонга келди.

Демократик адабиёт-жанрлар масаласи. Маълумки, демократик адабиёт намоянда-да жанрлар масаласи. лари, асосан поэзия соҳасида ижод этди-лар. Адабиётимизнинг кейинги тараққиёт босқичларида майдонга келган бадиий проза, драматургия жанрлари демократик адабиётда учрамайди. Демократик шоирлар кўпроқ поэзиянинг кичик турларида асарлар ёздилар.

Бу ҳодисанинг маълум тарихий сабаблари бор, албатта. Бу сабаблардан муҳими классик адабиётимизда поэзия жуда кенг тараққий этгани, демократ шоирлар учун поэзия соҳасидаги мавжуд традицияларни давом эттириш қулай бўлганидир. Бундан ташқари, поэтик асарлар хусусан унинг ғазал формаси ҳалқ оммаси орасига тез сингиб кетувчи, ҳалқнинг юксак бадиий дидига ҳозиржавоб бадиий шакл бўлгани туфайли демократ шоирлар кўпроқ шунга мурожаат қилганлар.

Шундай қилиб, демократ шоирлар поэзиянинг кичик турларида: ғазал, мухаммас, мусаддас, мураббаъ, маснавий, фард, қисман туюқ ва рубоий жанрларида асарлар ёздилар. Агар Коғимил Хоразмийнинг насрый таржималарини назарга олмаганимизда, ҳамма йирик демократ шоирлар—Муқимий, Фурқат, Завқий, Аваз Ўтар поэзиянинг шу турларида ижод қилдилар. Бу шубҳасиз, демократик адабиётнинг жанрлар масаласида маълум даражада чекланганлигини кўрсатади. Бундан ташқари, бадиий ижодиётнинг бошқа формал-стилистик масалаларида ҳам демократик адабиётнинг эски адабий традициялар рамкасидан ҳали батамом чиқиб кета олмаганини кўрсатиб ўтиш керак. Демократик адабиёт ўтмишдаги поэзиянинг шеърий турлари билан бирга, унинг вазни (аруз), қоғия системасидан, бадиий тасвир воситаларидан ҳам фойдаланиб келди.

Шуни айтиш керакки, демократик адабиётнинг поэтик шаклнинг бир қатор элементларидан фойдаланиши, шубҳасиз, вақтинча, ўткинчи, шу билан бирга мажбурий ҳодиса эди. Чунки ҳар бир шакл ҳамиша ўз мазмунидан кейинда қолиб боради. Шаклнинг мазмунга тамомила лойиқ келган вақти сира учрамайди, деса бўлади. Шу тариқа янги мазмун, вақтинча бўлса ҳам, эски шакл либосини кийиб туришга мажбур бўлади.

Лекин демократик адабиёт янги реалистик мазмунни ифодалашда эски шеърий шаклларни тўғридан-тўғри ўз ҳолича олмади, улардан кўр-кўронга фойдаланмади, балки уни янги мазмун билан бойитди, унинг характеристини, вазифасини маълум даражада ўзгартирди. Чунки ҳамма ижтимоий ҳодисаларда бўлгани каби, адабиётда ҳам эски нарса оддий равишда буткул бекор қилинмасдан, балки янги нарсага мувофиқ равища ўз табиатини ўзгартириб боради.

Масалан, демократ шоирлар фаолиятида классик адабиётдаги эски шакллар (ғазал, маснавий, мухаммас ва бошқалар) ишлатилган бўлса-да, бу шакллар мазмун жиҳатидан маълум эволюцияга, ўзгаришга учради, эски шеърий турларнинг шакли сақланиб қолган бўлса-да, мазмуни ўзгарди. Демак, демократик адабиётдаги ғазал, мухаммас ва бошқалар классик адабиётдаги, масалан, XV аср поэзиясидаги ғазал, мухаммас ва бошқаларнинг худди ўзи эмас, балки ўзгарган, маълум эволюцияни бошидан кечирган янги туридир. Мисол

учун Муқимийнинг «Ҳажви Ҳалифа Мингтепа», Завқийнинг «Ҳажви Икчи эшон», Аваз Ўтарнинг «Халқим», «Сипоҳийларга» асарларини олайлик. Бу асарларнинг ҳаммаси ғазал шаклида ёзилган. Лекин уларни ғоявий-бадиий хусусиятлари жиҳатидан XV аср ғазалларига тенглаштириб бўлмайди. Бу ғазаллар шакли (бандлар системаси, қофијаси, радифи) жиҳатидан XV аср ғазалларига ўхшаса ҳам, тематикаси, ғоявий йўналиши жиҳатидан улардан жуда узоқлашган, янги мазмун билан бойиган.

Бундай ҳолни мухаммасларда ҳам кўриш мумкин. Масалан, Завқийнинг «Ажаб эрмас», Муқимийнинг «Ҳапалак қашлоги тўғрисида» номли мухаммасларини ғоявий-бадиий хусусиятлари жиҳатидан XV аср мухаммасларига тенглаштириб бўлмайди. Бу мухаммаслар шакли (бандлар системаси, қофијаси, радифи ва вазни) жиҳатидан XV аср мухаммасларига ўхшаса ҳам, тематикаси, ғоявий йўналиши жиҳатидан улардан жуда узоқлашган, зўр эволюцияга учраган.

Бундай мисолларни демократик адабиётдаги барча шеърий турлардан келтириш мумкин. Бу мисолларда XV асрдаги шеърий турларнинг демократ шоирлар ижодида ўзининг ҳукмрон ишқий-лирик тематикасини, традицион услубини ташлаб, янги мазмун, янги руҳга эга бўлгани яқъол кўриниб турибди. Демак, демократ шоирлар эски шеърий турларни янги тарихий шароитда янги мазмун билан бойитиб, уларни ривожлантиридилар. Бу фикр фақат сатиralарга, социал темада ёзилган шеърларгагина хос бўлмай, балки демократик адабиётдаги лирикага ҳам алоқадордир.

Демократик адабиётдаги тор-интим лирикада бу эволюция, гарчи сатирада ёки социал темада ёзилган шеърларда бўлганидек, равшан, яқъол кўзга ташланиб турмаса ҳам, ҳар ҳолда, уларнинг ғоявий-бадиий хусусиятларида маълум ўзгариш рўй берди. Чунки демократик адабиётнинг янгича ижодий-эстетик принциплари, демократизм, халқпарварлик каби ғоявий асослари лириканинг ҳам моҳиятини белгилаб қўйган, унда янги ғоявий-бадиий хусусиятларни яратган эди. Демак, демократ шоирлар эски шеърий шаклларга муносабат масаласида феодал-клерикал адабиётидан фарқ қиласидар. Феодал-клерикал адабиёт намояндалари эски шеърий шаклларни бутун ғоявий-бадиий хусусиятларини сақлаган ҳолда, кўр-кўрона қабул қилиб, XV аср поэзиясининг тақлидгўйлари бўлиб қолган бўлсалар, демократ шоирлар масалага ижодий ёндошдилар, уларни янги сифатлар билан бойитиб, адабий ҳаётни бир қадам олдинга силжитдилар, ривожлантиридилар. Шубҳасиз, демократ шоирлар бу соҳада ўзларининг бевосита салафлари бўлган Махмур, Гулханий, Ҳозиқ каби прогрессив шоирлар традициясидан илхомландилар, уни давом эттиридилар.

Демократик адабиётдаги ҳажвиёт, сатира ва юмор бу давр

адабиётидаги асосий ва етакчи жанр сифатида демократик адабиётнинг моҳиятини белгиловчи ижодий методига таъсир кўрсатди, унинг реализмини танқидий характерга эга бўлган реализмга, яъни танқидий реализмга айлантирди. Бу демократик адабиётидаги сатира ва юморнинг энг муҳим хусусияти эди.

Демократик адабиётидаги ҳажвиётнинг бошқа давр ҳажвларидан ажралиб турувчи яна бир муҳим хусусияти шуки, бу давр ҳажвиёти ҳаётни адабиётнинг асосий обьекти бўлган киши — шахс образлари орқали акс эттиришга киришди. Турмушни типик шароитда ҳаракат эттаётган типик характерлар фаолиятида акс эттириш адабиётнинг балофатга эришганини қўрсатувчи белгилардан биридир. Чунончи, Муқимийнинг «Танобчилар» сатирасидаги Ҳакимжон билан Султон Алихўжа, «Масковчи бой таърифида» асаридаги Ҳодижўжа, «Воқеаи Виктор» асаридаги Виктор ва бошқалар маълум ижтимоий ҳодисанинг моҳиятини гавдалантирувчи мужассам шахс образларидир.

Демократик адабиётида саёҳатнома ҳам янги жанрdir. Адабиёт тарихида саёҳат хотираларини шеърий шаклда баён қилувчи бундай асарлар бўлмаган. Умуман, саёҳатлар, саёҳат хотиралари эса тарихда кўп учрайди. Лекин, уларнинг деярли ҳаммаси мемуар характеридаги асарлар бўлиб, бошқача бадиий стилистик хусусиятларга эгадир.

Демократик адабиётида саёҳатнома жанрини яратишда Муқимий ташаббускор бўлди. Муқимий турли маршрут (Кўқон — Фаргона, Қўқон—Шоҳимардон, Қўқон—Исфара) билан турли вақтларда қилган саёҳати таассуротларини «Саёҳатнома» номли асарида баён этди.

Муқимий «Саёҳатнома»си ўша вақтларда ҳалқ ўртасида кенг тарқалган ва шуҳрат қозонган эди. Бу асар турли варнантларда ҳалқ ичida ҳозиргacha яшаб келмоқда ва санъат ҳаваскорлари томонидан ижро этилмоқда.

Муқимий «Саёҳатнома»си ўз вақтида назираларни майдонга келтириди. Муқимий «Саёҳатнома»си руҳида, унинг вазнини, қофиясини, бандлар системасини сақлаган ҳолда шоир Завқийнинг ҳам «Саёҳатнома» ёзгани маълум.

Фурқатнинг, тахминан, 1892 йилдаги Хиндистондан Хитойга қилган сафари вақтида унга ҳамроҳ бўлган шоир Тажаллийнинг ҳам Муқимий «Саёҳатнома»сига жавобан «Саёҳатнома» ёзганлиги тўғрисида маълумот бор. Тажаллий «Саёҳатнома»си бизгача тўлиқ етиб келмаган бўлиб, ундан айrim парчаларгина сақланиб қолган. Фурқатнинг ҳам «Саёҳатнома» ёзгани ҳақида маълумотлар бор. Лекин у ҳали топилганича иўқ.

Демак, демократик адабиётида бир хил руҳ ва бир хил темада ёзилган ва муштарак бадиий хусусиятлар билан характерланадиган маълум жанр—«Саёҳатнома» жанри туғилди ва

шаклланди. Саёҳат хотираларини баён этиш бу асарларнинг ҳаммаси учун умумий тематикадир.

Демократик адабиётда «Саёҳатнома» жанрининг аҳамияти каттадир. Унинг энг муҳим қиммати шундаки, унда халқ ҳаётининг ҳаққоний лавҳалари акс этади. («Саёҳатнома»ларда чор бюрократик аппаратурининг бўлис бошлиқлари, мингбоши ва юзбошилари ҳақида танқидий материаллар ҳам оз эмас. Бу жиҳатдан «Саёҳатнома»лар танқидий реализм адабиётининг муҳим намунаси сифатида баҳоланиши мумкин.

Демак, «Саёҳатнома» жанри ўша даврдаги демократик адабиётда ўзининг гоявий-бадиий хусусиятлари билан муҳим аҳамиятга эга бўлган янги ҳодисадир.

Демократик адабиётдаги муҳим янги жанрлардан яна бир мактуб жанридир.

Шеърий шаклда мактублар ёзиш адабиёт тарихимизнинг ўтмиш даврларида ҳам учрайди. Масалан, Алишер Навоийнинг Ҳиротдан дўсти Сайд Ҳасан Ардашерга юборган «Ҳасби ҳол» номли шеърий мактуби бу жанрнинг муҳим намунасидир. Лекин ўтмишдаги даврлардан, демократ шоирларда бўлгани каби, кўп ва қимматли мактублар сақланиб қолмаган.

Демократик шоирларда насрий ҳат билан бирга, шеърий мактублар ёзиш ҳам одат бўлган. Муқимийнинг ўнтача шеърий мактуби бизгача етиб келган. Фурқатнинг ҳам Фаргона ва Тошкентда ҳаёт кечирган чоғларида ёзган мактублари, шунингдек, чет элларга қилган саёҳати даврида Туркия, Ҳиндистон ва Хитойдан ёзган шеърий мактублари маълум ва машҳурдир. Масаланинг аҳамияти томони шундаки, бу мактублар оддий «дуойи саломлар» бўлмай, шоирнинг кайфияти, ҳис-туйғулари, ички кечинмаларига оид қимматли сатрларни ўз ичига олувчи бадиий асарлардир. Шундай қилиб, демократ шоирлар ўртасида туғилган ёзишмалардан эпистоляр адабиётнинг бебаҳо намунаси ҳисобланадиган мактубот жанри майдонга келди. Демократ шоирлар ҳаёти ва ижодини ўрганишда, шунингдек ўша давр адабий ҳаётини текширишда бу шеърий мактублар мислсиз манба ҳисобланади.

Демократ шоирлар ижодий меросининг бу қисми шу вақтгача кам ўрганилди. Ҳолбуки, бу ҳужжатларни ўрганимай туриб, адабиёт тарихимизнинг кўп томонларини ёритиб бўлмайди.

Демократик адабиёт-да бадиий тилга доир баъзи масалалар.. Ҳар қандай адабий тил тараққиётининг даражаси унинг халқ тили билан алоқасида, яқинлигига, унга сайқал бериб ривожлантиришда кўринади. Бундан, адабий тил халқ тили савияси даражасига тушиши керак, деган маъно чиқмайди, аксинча, халқ тили бойликларини эгаллаб, унга жило бериш, унга мунтазам кўркам тус бериб, уни юқори поғонага кўтариш керак, деган маъно чиқади.

Адабий тилнинг халқ жонли тилига муносабати ҳақида А. М. Горький шундай деган эди: «...Тилни халқ яратади. Тилни адабий ва халқ тилига бўлиш фақат «хом» тил ва ёзувчилар томонидан ишланган тил борлигини кўрсатади. Буни биринчи марта тушунган киши Пушкин бўлди, халқнинг сўз материалидан қандай фойдаланиш кераклигини, уни қандай қилиб ишлаш зарурлигини ҳам биринчи марта у кўрсатиб бердай».¹

Атоқли совет ёзувчиси Алексей Толстой ҳам адабий тилнинг моҳияти ҳақидаги шу фикрни янада равшанроқ ифодалайди:

«Адабий тил ва халқ жонли тили бир хил материалдан иборат бўлиши керак. Адабий тил тартибга солинган ва ишланган тиллар, лекин унинг бутун қурилиши халқ тили қурилишидан иборат бўлиши зарур».²

Демократик адабиёт тилига шу нуқтаи назардан қарасак, унинг ўзбек адабий тили тарихида катта бурилиш ясаганини кўрамиз. Бу бурилиш, даставвал, унинг халқ жонли тилига яқинлашишида, лексикасида кўзга ташланади.

Маълумки, хўжалик, ҳаёт ва маданиятнинг юксалиши янги тушунчаларни келтириб чиқаради, бу эса ўз навбатида янги сўзларни яратади. Ҳар қандай тилнинг луғат состави биринчи навбатда шу тилнинг ички имкониятлари, специфик қонунлари заминида яратилган сўзлар ҳисобига боййиди. Турмушда майдонга келган янги тушунчалар янги сўзларни яратади, бу янги сўзлар тилнинг луғат составига қўшилади. Шундан тиљдаги неологизмлар келиб чиқади. Бу ҳол ҳамма вақт бир хил дараҷада бўлмаса ҳам, ҳар ҳолда адабий тил тараққиётида бор ҳодисадир.

Халқ жонли тили ҳам адабий тилнинг бойишидаги муҳим манбалардан биридир. Демократик адабиёт бу манбадан жуда унумли фойдаланиб, адабий тилни бойитди. Демократик адабиёт намуналари ижодидан бунга сон-саноқсиз мисоллар тошиш мумкин: «бўзчи», «косов», «пахса», «безгак», «искаб топар», «лой», «арава», «қирчангি» ва ҳоказолар. Бу ва шунга ўхшаш сўзлар асрлар давомида халқ ичидаги яшаб келган ва алоқа воситаси сифатида ишлатилгандир. Лекин турли сабаблар билан бу сўзлар ёзувчилар диққатидан четда қолиб, адабий тил хазинасига қўшилмай келган эди.

Кенг халқ оммаси ўртасида ишлатилиб келган энг оддий, ҳаётий сўзларга биринчи марта XIX асрнинг биринчи ярмида яшаб ижод этган Махмур, Гулханий каби прогрессив шоирлар катта эътибор бердилар. Махмурнинг сатираварида, Гулханийнинг «Зарбулмасал»ида бунга жуда кўплаб мисоллар

¹ М. Горький адабиёт ҳақида. УзССР Давлат Бадний адабиёт нашрити, Т., 1962, 96- бет.

² А. Н. Толстой, Полное собрание сочинений. Госполитиздат, Москва, 1943—1953, том 13, стр. 289.

топиш мумкин. Демократ шоирлар прогрессив адабиётнинг бошлаган ана шу ижобий ишини давом эттирилар ва адабий тилни халқ жонли тили ҳисобига бойитдилар. Бирор адабиётнинг жонли тилга интилиши ва унинг хазинасидан самарали фойдаланиши бу адабиётнинг ҳаётга яқинлашаётганидан, реализмга қараб интилганидан далолат беради. Ҳақиқатан ҳам, демократик адабиётда реализмнинг ғалаба қилаётганилиги адабий тил тараққиётида ҳам, унинг лексик составида ҳам кўриниб туради.

Улуғ рус тили ўша даврдаги адабий тил тараққиётида учинчи қудратли манба бўлди. Демократик адабиёт ўзбек адабий тилини улуғ ва қудратли рус тили лексикаси ҳисобига бойитди. Бу даврда адабий тилимизга « завод», « поезд », « машина », « самовар », « билет », « процент », « вексель », « мастер », « мастеровой », « мужик », « рабочий », « вагон », « телеграф », « электр » каби жуда кўп рус-интернационал сўзлар кириб, ўзлашиб борди. Бу сўзларнинг адабий тилимиз бойлигига айланиши тасодифий ҳодиса эмас эди, албатта. Бу янги ҳодиса фақат демократ шоирларнинг ташаббуси натижаси деб ҳам баҳоламаслиги керак. Ҳақиқатда эса, бу ҳодиса халқимиз ҳаётida рўй берәётган улуғ ижтимоий ўзгаришларнинг қонуний ва мажбурий оқибати эди.

Демократ шоирларнинг хизмати шундаки, улар жамиятда алоқа воситаси сифатида ишлатилиб турган бу янги тил элементларини саралаб ўзбек тилининг ички қонуларига мувофиқлаштириб олдилар ва уларни жасурлик билан адабий тилга киритдилар. Демократ шоирларнинг бу хизмати катта тарихий аҳамиятга молик бўлди ва ўзбек адабий тили тараққиётнинг истиқболларини белгилаб берди. Ўзбек адабий тилини рус ва интернационал сўзлар ҳисобига бойитиш соҳасида демократ шоирлар бошлаб берган бу йўлни уларнинг муносиб меросхўрлари давом эттирилар, совет ҳокимияти йилларида эса бу йўл янги қудратли ижтимоий заминдан озиқланиб, яна ҳам кенг ривожланди, ўзбек адабий тили тараққиётида мисли кўрилмаган катта аҳамиятга эга бўлди.

Демократик адабиётнинг бадиий тили тўғрисида гапирганда, унинг яна бир муҳим хусусиятини—демократ шоирларнинг икки тilda ижод қилганларини кўрсатиб ўтиш лозим бўлади. Маълумки, классик адабиётимизда кўп шоирлар икки тilda — ўзбек ва форс-тожик тилларида, баъзан эса уч тилда — ўзбек, форс-тожик ва араб тилларида ижод этганлар. Демократ шоирлар классик адабиётимизда зуллисонайн деб аталган икки тиллилик традициясини давом эттирилар. Муқимий, Завқий, Фурқат, Комил Хоразмий, Аваз Утарлар, асосан ўзбек тилида ижод этган бўлсалар ҳам, форс-тожик тилини мукаммал билганлар ҳамда бу тilda мазмуни ва бадиий-

лиги жиҳатидан ўзбекча шеърларидан қолишмайдиган юксак асарлар яратганлар.

Демократ шоирларнинг зуллисонайн шоирлар ё бўлишлари тасодифий эмас эди. Бунда, биринчидан, классик адабиёти-миздаги кўпдан бери давом этиб келаётган традиция маълум роль ўйнаган бўлса, иккинчидан, реал ҳаёт талаблари, эҳтиёжлари, яъни ўзбек ва тоҷик халқарининг кўп асрлардан бери ёнма-ён яшаб, умумий, муштарак маданият яратиша ҳамкорлик қилиб келаётганликлари ҳам муҳим аҳамиятга эга бўлди.

* * *

Адабий тилнинг муҳим хусусиятларидан бири автор тили, персонаж тили масаласидир. Бу масала бадиий адабиётда нутқий характеристика тушунчаси билан боғлиқдир.

Бадиий адабиётда образ яратиш, персонажларнинг индивидуал хусусиятларини таъмин этиш нутқий характеристика орқали амалга оширилади. Шунинг учун ёзувчилар бу масалага алоҳида аҳамият берадилар ва унга бадиий маҳоратнинг масъулиятли вазифаларидан бири деб қарайдилар.

Демократик адабиётда ҳам образ индивидуаллигига, нутқий характеристика орқали эришиш масаласига алоҳида эътибор берилди. Бу мақсадга персонаж тили ёки қаҳрамон тили, шунингдек, автор тили устида қунт билан ишлаш орқали эришиш учун тинмай ижодий меҳнат қилинди.

Образ яратиша тил воситасида индивидуалликни таъмин қилиш адабий тилнинг муҳим масалаларидан биридир. Қаҳрамоннинг касб-ҳунари, турмушидаги ҳодисалар, онгидаги савия ва хусусият, унинг психологияси ва характеристики мана шу тил индивидуаллигига акс этади. Мисол учун Муқимиининг «Танобчилар» сатирасидаги Султон Алихўжа ва Ҳакимжон билан Фурқатнинг «Суворов» поэмасидаги Суворов образларини олайлик. Султон Алихўжа ва Ҳакимжонлар тили билан Суворов тили ўртасида, бу тилнинг лексик составида, терминларида, интонацияси ва таркибида катта фарқ бор. «Танобчилар»даги персонажларнинг тили мақтанчоқлик, дўқ қилиш, ҳақорат мазмунини ифода қилиб, бюрократик аппарат амалдорларига хос диний ва маъмурий терминларни кўп ишлатиш билан ажralиб турса, Суворов тили содда, тушунарли бўлиши билан, очиқ ва равшан фикрий ифодаси билан, самимий ва олижаноб туйғуларни баён қилиши билан характеристиканади. Бундай мисолларни бошқа асар персонажларидан ҳам келтириш мумкин. Чунончи, «Тўйи Иқонбачча» сатирасидаги тошкентлик бой билан Иқондаги гумашта тилига эътибор беринг. Бу икки хил характеристикини икки персонаж тили-

да уларга хос характерлар ва психологияни кўрсатишда Муқимий яхши маҳорат қозонган. Бирининг тилида кескинлик, дағаллик, буйруқ кўриниб турса, иккинчисининг тилида эзмалик, ланжлик, ялинчоқлик хусусиятлари сезилиб туради. Бу мисолда ҳам, юқоридаги мисолда кўрганимиздек, нутқий характеристика индивидуал хусусиятларни бўрттириш учун хизмат қиласди. Демак, ёзувчилар персонаж ёки қаҳрамон нутқидан уларнинг характери ва психологиясини очишида, образни реалистик чизишда муҳим восита сифатида фойдаланадилар.

Демократик адабиёт-да бадиий-тасвирий воситалар.

Бадиий-тасвирий воситаларнинг характери поэтик образ ва фигуralар яратиш усуслари, шунингдек, воқеликни образли идрок этишининг ўзига хослиги адабиётнинг

умумий ижодий принциплари билан белгиланади. Агар бирор адабиёт илғор позицияда турган бўлса, воқеликдан озиқланиб, уни акс эттириш йўлидан борса, яъни реалистик принциплар асосида ижод этаётган бўлса, у адабиёт ўзининг шу умумий руҳи ва мазмунига мувофиқ тушадиган реалистик, ҳаётний тасвир воситаларини танлайди, ишлатади. Аксинча, агар бирор адабиёт реакцион позицияда туриб, воқеликдан кўз юмса, уни бузиб кўрсатса, яъни формализм, «санъат-санъат учун» принципи асосида ижод этаётган бўлса, у адабиёт ўзининг шу умумий руҳи ва мазмунига мувофиқ бўлган қуруқ, дабдабали, диний-мистик характердаги тасвир воситаларини ишлатади. Шу жиҳатдан XIX асрнинг иккинчи ярмидаги демократ адабиётда ишлатиладиган тасвир воситалари билан феодал-сарой адабиёти ёки диний-мистик адабиётда ишлатиладиган тасвир воситалари ўртасида катта принципиал фарқ бор. Демак, адабиётда тасвирий воситалар ҳамма вақт, адабиётнинг умумий йўналиши билан боғлиқ бўлиб, маълум гоявий асосни ташкил этади.

Демократик адабиётда қўлланадиган бадиий тасвир воситаларининг энг муҳим хусусияти шундаки, улар объектив воқелик, реал турмуш заминидá туфилган.

Демократик адабиётнинг бадиий тасвир воситаларидаги новаторликни кўрсатиш учун уни шу даврдаги феодал-клерикал адабиётга қиёс қилиш кифоя.

Маълумки, 'классик поэзиямизда традиция масаласи алоҳида эътибор берилишини талаб қиласидиган масалалардан биридир. Классик поэзиямизда шеърий шакллар жуда узоқ давом этиб, чуқур томир отди. Феодал-клерикал адабиёт шеърий шаклларга, шу жумладан, бадиий-тасвирий воситаларга кўр-кўрона ёндашиб, уларни тўгридан-тўғри, ўзгаришсиз қабул қилиб, тақлидчилик адабиётини яратди. Шунинг учун феодал-клерикал адабиёт сийқаланган, жонсиз образлар,

метафоралар доирасида ўралиб қолиб, оригинал ижодий маҳсулот бера олмади.

Демократик адабиёт эса классик адабиёт традициясига ижодий ёндашиб, ҳам шеърий шаклларда, ҳам бадий тасвир воситаларида маълум янгилик яратди. Бу ҳолни сатирик асарлар мисолида кўрсатиш мумкин. Демократик адабиёттинг реалистик методи айниқса сатирада кучли намоён бўлади. Чунки сатирадаги бадий тасвирлар яққол реалистик характерга эгадир. Лекин лирикада масала бир оз мураккаброқдир. Демократ шоирлар яратган лирик асарлардаги тасвир воситаларида ўтмиш адабиёти, традициялари бошقا жанр турларига нисбатан ҳали ўз кучини кўпроқ сақлагани учун ундаги новаторликни бирданига пайқаб олиш қийин. Шунга қарамай, диққат билан текширилса лирикада ҳам жиддий янгилик мавжудлигини кўриш мумкин.

Маълумки, булбул, гул образлари классик поэзиямизда жуда кўп такрорланган образлардан биридир. Фурқат «Булбул» сарлавҳали ғазалини ана шу традицион образга бағишлийди. Лекин бу теманинг классик поэзиямизда ишланиш усули билан Фурқат усули ўртасида катта фарқ бор. Агар классик поэзияда булбул ёр ишқида куйган ва чаманди нола чекувчи ошиқ образи сифатида талқин қилиб келинган бўлса, Фурқат ўз шеърида бу ошиқлик тимсолининг эскириб қолганлиги тўғрисида баҳс очади. Шоир чаман, гул, булбулларнинг поэзияда куйланиши етар, энди унинг объекти даштдаги лола, яъни ҳаёт гули бўлиши керак, демоқчи бўлади. Фурқат булбулнинг чаманди кўп вақт туриб қолганини, чаман саҳнини ишратхонага айлантириб қўйганини таъкидлаб, энди поэзия чаманида сайраш навбати ўзгаларга етганини айтади, яъни поэтик ижодиёт принципларида янги давр бошланганидан дарак беради. Мисол учун Фурқатнинг ҳар жиҳатдан диққатга сазовор бўлган бу ажойиб ғазалидан баъзи байтларни келтирайлик:

Билурманким, дебон, ман вола булбул
Гул ишқида чекарсан нола булбул.

Хақиқий маъноси бирла ишинг йўқ,
Боқарсан доимо тимсола, булбул.

Чаман саҳнини ишратхона қилдинг,
Олиб хотун, чиқардинг бола, булбул.

Чамандин кетки, энди Фурқатийға,
Етибдур навбати имсола, булбул.

Демократик адабиётдаги тасвир воситалари чуқур ҳаётий реалистик бўлиши, феодал-клерикал адабиёттинг бадий

усулларидан принципиал фарқ қилиши билан бирга, поэзияда илгари сурилган муайян мақсадни ҳам ғоявий, ҳам эмоционал жиҳатдан кучайтиришга хизмат ҳам қиласи. Бадиий тасвир воситаларининг бу вазифаси ўхшатиш, сифатлаш, муболага, жонлантириш, литота ва бошқалар орқали амалга оширилади.

Демократик адабиёт намуналарида бадиий тасвирнинг деярли ҳамма турлари учрайди ва зўр мувваффақият билан ўз функциясини бажаради. Бадиий тасвир воситаларининг маълум образнинг ғоявий ва эмоционал кучини оширишга қандай хизмат қилишини кўрсатувчи фактларни шеърий жанрларнинг ҳамма турларидан ҳам келтириш мумкин. Агар ҳажвиёт (сатира ва юмор)да бадиий тасвир воситаларидан кўпроқ муболага ва литота учраса, лирикада кўпроқ метафоралар (ўхшиш, мажоз, сифатлаш ва бошқалар) учрайди.

Мисол учун Муқимийнинг «Тўй» сатирасидан олинган қуидаги парчани кўздан кечирайлик:

Солди алқисса эски дастурхон,
Қўйди сойил каби неча хил нон,

Бириси юмшоғу бири қотган,
Бири иссиқ, бири могоғ отган.

Енг учида қўюлди, тўққиз нон,
Кулчалар тошки, синдирур дандон.

Кўриниб турибдики, бунда шоир муболага усулидан фойдаланиб, гумашта тўйида дастурхонга қўйилган нонларнинг тишини синдирадиган даражада қотиб кетганини бўрттириб тасвирлайди ва теманинг характеристидан кузатилган мақсадга эришади. Шу сатирада дастурхонга қўйилган ош тасвири ҳам муболага усулида ёритилади:

Сузди ош бир ликавда уч кишидин,
Кетти ошни кўриб ҳама ҳушидин.

Ош мисоли табақда кўз ёши,
Курмаги кўп, гурунчидан тоши.

Бир оғиз эмди олдилар янги,
Чиқди лаппак табақ уза чангни.

Бу ҳар икки парчада ҳам бадиий тасвир воситалари образдаги ғоявий ва эмоционал кучни оширишга ёрдам беради ҳамда ўқувчиларда маълум образ ҳақида салбий холоса ҳосил қилиш учун зарур бўлган ғоявий ва эмоционал таассурот туфдиради.

Бадиий тасвир воситаларининг бу функциясини лирик шеърлардан олинган мисолларда ҳам қўриш мумкин. Чунончи:

Ул қаро кўз кўзларига сурма бежо тортадур,
Балки андин даҳр эли ортуқча фавғо тортадур,

Қошлари остида гўё никки фаттон кўзлари,
Икки ҳинду баҷчадирким ёндошиб ётадур.

(Фурқат, «Ул қаро кўз»)

Бу парчадаги мураккаб образлар системасида ёр кўзининг қоралиги, гўзаллиги ғоят зўр маҳорат билан куйланади. Иккинчи байтда шоир мураккаб метафора ишлатиб, чиройли манзара—лавҳа яратишга мусассар бўлади: никки фаттон (ўйнаб турувчи) кўзлари шу қадар қораки, уларнинг қош остида саф тортган киприклар орасида туриши бир-бирига ёндашиб, ёй тортиб турган ҳинди болаларига ўхшайди. Фурқат шу лавҳани чизиш билан қошни камонга, киприкларни эса шу камонга тортилган ўқларга ўхшатади. Шу шеърнинг бошқа байтида Фурқат ишқ дардини мушк бўйи—ҳидига таққослаб чиройли метафора яратади:

Ишқни пинҳон тутарға бўлма шайдойи кўнгул,
Мушк пинҳон бўлса, бўйи ошкоро тортадур.

Кўйидаги байтда, эса сариқ олтиннинг ўзи ранги билан сафрога ўхашлиги айтилади ва унинг ҳам сафро сингари турли савдо—дард қўзғатиши таъкидланади:

Сориғ олтун касрати кўнгулни айлайдур қаро,
Чунки сафро бўлса ғолиб ўзга савдо тортадур.

Еки Муқимийнинг «Кўзларинг» сарлавҳали фазалида шундай чиройли муболага учрайди:

Оҳуий Чин кўрдию шаҳололигидин қон ютуб,
Рашқидин овораи даشتни Хитодур, кўзларинг.

Бундай мисолларни кўплаб келтириш мумкин. Буларнинг ҳаммаси учун муштарак хусусият шуки, улар турли приёмлар орқали бир мақсадга хизмат қиласи: маълум поэтик образ ҳақида ўқувчидаги кучли эмоционал туйғу ҳосил қилиб, унинг эстетик завқини оширади.

Демократик адабиётда бадиий-тасвирий восьиталар ва уларнинг вазифалари ҳақида фикр юритганда, демократ шоирларнинг ҳалқ ижоди материалларидан—мақоллар, ҳикматли сўзлар, маталлар ва бошқалардан фойдаланганини ва бу материалларнинг демократик адабиёт учун катта аҳамиятга эга бўлганини гапирмаслик мумкин эмас.

Маълумки, демократ шоирлар ҳалқ оғзаки ижодига алоҳида эътибор бердилар ва ундан мухим ҳазина сифатида фойдаландилар. Бу ҳол бадиий тасвири усулларида ҳам ўз ифода-

сини топган. Демократ шоирлар ўзлари қўллаган бадиий тасвир усууларининг таъсир кучини ошириш мақсадида халқ мақолларини, ҳикматли сўзларини ва ҳоказоларини кўплаб қўллашга ҳаракат қилдилар. Бу ҳолни демократ шоирларнинг деярли ҳаммасида учратиш мумкин:

Ишни сан қилдинг, балоға қолдилар бечора халқ,
Ғўзани сан еб, кесилди бўёзи енги, ё эшон!

(Завқий, «Ҳажви Икчи эшон»).

Кўрмадим, бўлмаса бошида мушкул ҳар киши,
Қадри ранжи хор бу боғдин узар гул ҳар киши.
Тешани чапқай үзига, расмдур шул, ҳар киши,
Ўз кўмочига, масалким, тортадур кул ҳар киши,
Бас, куйиб ишқида чеккан изтиробим ким десун!

(Муқимий, «Ким десун!»)

Демократ шоирларнинг ўз ижодларида халқ мақоллари ва ҳикматли сўзларини кўплаб ишлатишлари, улар услубида реализмга интилиш ҳаракати борлигини яна бир марта исботлайди.

ФЕОДАЛ-КЛЕРИКАЛ АДАБИЁТ

XIX асрнинг иккинчи ярми ва XX аср бошларидағи адабий ҳаётда меҳнаткаш халқ оммаси ҳаёти билан боғлиқ бўлган демократик адабиётдан ташқари, эксплуататор синфлар манфаати заминида туғилган ва чоризм томонидан қувватланган реакцион феодал-клерикал адабиёт ҳам бор эди.

Феодал-клерикал адабиёт бу даврда икки кўринишида давом этди: феодал-сарой адабиёти ва диний-мистик адабиёт. Бу икки адабиёт моҳияти жиҳатидан бир-биридан фарқ қилмагани ҳолда, тематикаси, мотивлари жиҳатидан ажралиб туради.

Феодал-сарой адабиётининг типик кўриниши Хева саройида, Хева хони Муҳаммад Раҳимхон соний (11) ҳукмронлиги йилларида (1864—1910) майдонга келди. Муҳаммад Раҳимхон соний ўзидан илгари ўтган Шарқ феодал ҳукмронларига эргашиб, ўз саройида адабий ҳаракат яратишга интилди. У саройига кўплаб шоирларни тўплаб, уларга ўзи бошлилк қилди ва Феруз тахаллуси билан шеърлар ёзди. Феруз бу ҳаракати билан сарой адабиётининг гоявий ва бадиий асосларига ўзи бевосита раҳбарлик қилишга тиришиди, уни сарой завқи ва кайфиятига мос бўлган томонга йўллади.

Муҳаммад Раҳимхон соний XX аср бошларида сарой шоири Аҳмад Табибийга тазкира —«Мажмуа» тузишни буюрди, бу «Мажмуа»ни XIX аср бошларида Умархон ҳукмронлиги даврида Қўқонда тузилган «Мажмуа» принциплари асосида тар-

тибга солиб, унда сарой атрофидаги шоирларнинг асарларидан маълум усулда намуналар беришни топширди. Аҳмад Табибий композицион тузилиши, материал танлаш принциплари, уларни жойлаштириш усуллари жиҳатидан Қўқон «Мажмуа»сини намуна қилиб олгани ҳолда Хоразм «Мажмуа»сини тузиб чиқди. Бир хил принципларда тузилган ва бир хил хусусиятларга эга бўлган бу икки «Мажмуа»ни бир-биридан фарқ қилиш учун адабиёт тарихида Қўқон «Мажмуа»си «Мажмуат-уш-шуаройи Умархоний», Хоразм «Мажмуа»си эса «Мажмуат-уш-шуаройи Феруз шоҳий» деб юритилади.

Хева хонлигига бўлганидек, Бухоро хонлигига Амир Музаффар (1860—1885) ва Амир Абдул Аҳад (1885—1910) ҳукмронликлари даврида ҳам сарой адабиёти мавжуд эди. Бу хонликда майдонга келган сарой адабий ҳаракати кўпроқ форс-тожик тилида давом этди. Бухоролик шоирларнинг ҳаётни ва ижодига одд айrim маълумотлар бу даврда тузилган қатор тазкираларда учрайди. (Қори Раҳматуллоҳ Возеҳ Бухорий —«Туҳфат-ул-аҳбоб фи тазкират-ул-асҳоб», Ҳожи Азим Шаъий —«Тазкират-уш-шуаро», «Тазкираи Мұхтарам» ва бошқалар.)

Чор Россиясиининг мустамлакасига айланган собиқ Қўқон хонлиги терриориясида — Фарғона ва Тошкентда, гарчи феодал саройи барҳам топган бўлса-да адабий ҳаётда феодал-сарой адабиётига хос кайфиятлар — тенденциялар ҳукмронлик қилар эди.

Қўқон хони Худоёрхон саройида яшаб ижод этган Котибий (Мулла Сиддиқ), Имом Алиқори Қундузий, Мулла Ниёзмуҳаммад каби шоирлар хонлик ҳалок бўлишига марсиялар ёзиб, алам-ҳасрат билан ўз умрларини тутагтган бўлсалар, Муҳъян, Ҳожи таҳаллуси билан шеърлар ёзган Мулла Ҳусайн Хатлоний, фарғоналиқ Ҳомуший ва бошқалар янги тарихий шароитда улар йўлини давом эттиридилар ва сарой адабиёти услубидаги адабиётни яратдилар. Маҳаллий эксплуататорлар идеологияси ва психологиясини ифода қиласан бу адабиётни чоризм ўз ҳимоясига олди, меҳнаткаш ҳалқни қулликда сақлашда ундан муҳим қурол сифатида фойдаланишга тириши.

Феодал-сарой адабиёти вакиллари ҳақида фикр юритганда, хон саройи атрофига йигилган барча шоирларни шу адабиётга мансуб, деб ҳисоблаш тўғри бўлмайди. Чунки ўша даврда хон кўпчилик ижодкорларни, айниқса, ҳалқ ўртасида обрўси бўлган, юксак истеъодли шоирларни ўз саройига яқинлаштиришга ҳаракат қилар эди. Бу шоирлар ҳам шароит тақозосига кўра, маълум муддат саройга алоқадор бўлганлар ва ҳукмрон одатларга мувофиқ айrim пайров шеърлар, назиралар яратганлар. Илгор фикрли, демократик йўналишдаги хоразмлик талантли шоирлар Мунис, Оғаҳий, Баёнӣ, Аваз ва бошқалар шулар жумласидандир.

Бухорода ҳам шундай бўлган. XIX аср Қўқон хонлиги даврида ҳам шундай эди. Аммо улар ижодининг асл моҳияти ва асосий характери феодал-сарой адабиёти вакиллари ижодидан қатъиян фарқ қиласди. Шунинг учун ҳам феодал-сарой адабиёти вакилларини аниқлашда шоирнинг қайси гуруҳда, қайси жойда ижод қилганилиги жиҳатидан эмас, балки унинг ғоявий ва ижодий-эстетик позицияси, унинг асосий ижодий тенденцияси нимада эканлиги нуқтаи назаридан ёндашиш керак.

Феодал-сарой адабиёти турмуш ҳодисаларини баҳолашда, ижодий принципларда, услуга ва приёмларда демократик адабиётга принципиал қарама-қарши позицияда туради. Феодал-сарой адабиёти бадиий ижоднинг асосий масаласида — турмушга муносабат масаласида эксплуататор синфларнинг реакцион манфаатларини ҳимоя қилиб, тарихий ҳаққониятдан кўз юмди, турмушни бўяб, бузиб кўрсатишига ҳаракат қилди. Феодал-сарой адабиётининг ана шу реакцион ижодий-эстетик позициясидан унинг формализмга асосланган бадиий хусусиятлари келиб чиқади.

Феодал-сарой адабиётининг тематикаси чекланган ва турмушдан узоқ эди. У, бир томондан, сарой дабдабасини куйлаш, хон ва бекларни кўкларга қўтариб мадҳ этиши билан овора бўлса, иккинчи томондан, майшатпастликка даъват этди, турмушни кайф-сафодан иборат деб талқин қилиб келди. Феодал-сарой адабиётининг жонли реал ҳаётдан узоқ бўлиши, ижтимоий ҳаётнинг асосий масалаларидан кўз юмиши, шунингдек, тематик томондан чекланганлиги, мазмун жиҳатидан қашшоқланиши уни ўз ўзидан формализмга олиб келди. Феодал-сарой адабиёти шаклни мазмундан устун қўйган санъатпардозлик адабиётидир. Шунинг учун унинг намуналарида пардоғза, гажакдорликка, сўз ўйинларига берилиш яқъол кўзга ташланади. Чунончи, XIX асрнинг иккинчи ярмида Фарғонада яшаб ижод этган Хомуший тахаллусли бир шоирнинг «ҳай-ҳай» радифли фазали формалистик сарой поэзиясининг асосий хусусиятларини ўзида мужассамлантиради:

Чиқди гулгун кийибон бўлди қиёмат ҳай-ҳай,
Ана ҳусну, ана қадду, ана қомат ҳай-ҳай.

Коши меҳробини кўргач, анга қилдим сажда,
Ана зуҳду, ана тақво, ана тоат ҳай-ҳай.

Ул замсники висолингга мушарраф бўлдим,
Ана вақту, ана фурсат, ана соат ҳай-ҳай.

Сайри кўйингда итинг ҳамдами бўлди Хомуший,
Ана базму, ана айшу, ана роҳат ҳай-ҳай.

Бошдан оёқ ана шундай жонсиз, сийقا тасвирий воситалар билан ифодаланган бу шеър сарой адабиётидаги ғоявий тушкунлик намунасидир.

Феодал-сарой адабиёти тарихда тақлидчилик адабиёти деб ҳам юритилади. Чунки бу адабиёт формал-стилистик масалалардада адабиётимизнинг классик даври — XV аср поэзиясига эргашиб, унинг оддий тақлидчисига айланди, унинг кучсиз, рангсиз, жонсиз нусхаси бўлиб қолди; XV аср поэзияси традицияларини ижодий давом эттира олмади.

Феодал-сарой адабиётининг бадиий хусусиятларидан яна биро шуки, у пайровчилик асосига қурилганни. Шунинг учун бу адабиётни тарихда пайров адабиёти деб ҳам юритилади. Юқорида эслатилган «Мажмуат-уш-шуаройи Феруз шоҳий» деб номланган катта ҳажмдаги антология ана шу пайровчилик асосида майдонга келган. Хоразм сарой адабиётига хос бўлган бу хусусиятни машҳур «Шажараи Хоразм шоҳий» асари нинг автори тарихчи Баёний ўз китобида алоҳида таъкидлаб ўтади:

«Хон ҳазратлари шеърга кўп завқ қилдилар ва ўзлари ҳам бурундан «Феруз» тахаллуси бирла шеър айтур эрдилар. Сўнгроқ шеърга кўпроқ харис бўлдилар. Ҳар кишининг шеър айтмоққа қобилияти бўлса даргоҳи олийга олиб бора бердилар. Шоирларнинг адади кам беш қирққа ёвук борди.

Али Маҳрамнинг Аҳмад отлиғ бир ўғли бор эрди. Ул ҳам... «Табибий» тахаллуси бирла шеър айтмоққа бошлади. Хон ҳазратлари ўз ғазалларидан юз ғазални шоирларга бериб, буюрдилар: бунга пайровлик айтиб, ғазал битинглэр. Ҳар бири анга пайровлик айтиб юз ғазал битдилар. Хон ҳазратлари Табибийга амр этдилар, токим ул ғазалларни маснавий зимнида жамъ қилиб, бир китоб эткай. Табибий фармон мушкиби била амал қилиб, ул ғазалларни жамъ қилиб, тамом этиб ул китобга «Мажмуат-уш-шуаро» от қўйилди».

Баёний ўз китобида мазкур «Мажмуа»нинг 1908 йилда тузиљанини ҳам кўрсатиб ўтади.

Машҳур тарихчининг юқоридаги сўзларидан Хева саройидаги адабий ҳаракат пайровчилик асосига қурилганини билишдан ташқари, «Мажмуат-уш-шуаро» тўпламишининг қандай принципда тузилганини ҳам англаймиз. Фақат Хева «Мажмуа»си эмас, балки Қўқон «Мажмуа»си ҳам шу принципда — хон ғазалларига сарой шоирларининг пайровлари асосида тузилган эди.

Феодал-сарой адабиётининг етакчи, асосий темаси ишқий тематика эди. Юқорида келтирилган шеър феодал-сарой адабиётида ҳукмрон бўлган ана шу ишқий тематиканинг ёрқин намунасиadir. Бу ишқий тема уларда, кўпинча, порнография (ахлоқсизлик) даражасигача бориб етади. Ҳатто, бу даврда порнографик руҳда асаллар ёзиш учун маълум шеърий шакл ҳам «кашф» қилинди. Бу «қабиҳу-малиҳ» деб аталган шеърий шаклдир. Ғазал шаклида ёзиладиган «қабиҳу-малиҳ» шеърининг ху-

сусияти шундан иборатки, бу шеър сўз ўйинлари асосига қурилган бўлиб, ундаги ҳар байтнинг биринчи мисрасида дағал, ахлоқий жиҳатдан бузуқ («қабиҳ» мазмун ифодаланади, иккинчи мисраси эса шу бузуқ сатрга бошқача мазмун бериб, уни юмшатиб («малиҳ» қилиб) ўтади, шу билан шеърнинг умумий порнографик йўналишини йўқотгандек бўлади. Феодал-сарой адабиётида кенг тарқалган бу шеър намуналари Муҳъммад, Хомуший, Мискин ва бошқа шоирлар ижодида кўп учрайди.

Феодал-сарой адабиётининг бир томондан, ташқи́ безакка берилиши, санъатпардозликни авж олдириши, иккинчи томондан, ишқий тематикага, шаҳватпарастликка, порнографияга ружу қилиши тасодифий ҳодиса эмас эди. Феодал-сарой адабиёти бундай ижодий-эстетик принципларни қўллашдан маълум амалий мақсадларни кўзда тутар эди. У адабиётда формализмни авж олдириб, айш-ишрат мотивларини кенг тарғиб этиб, ўз ўқувчилари диққатини жиддий ижтимоий масалалардан четга тортишни, уларда принципсизлик, маишатпарастлик кайфиятларини авж олдиришни мақсад қилиб қўйган эди. Жамиятда бундай кайфиятларнинг томир ёйишидан эса ҳукмрон синфлар манфатдор эди. Феодал-сарой адабиётининг социал функцияси ва ижтимоий моҳияти ҳам шу билан белгиланади.

**Диний-мистик
адабиёт.** Агар феодал-сарой адабиётининг моҳияти формализм ва порнография билан характерланса, диний-мистик адабиёт асосини тарки-

дунёчилик, диний тарғибот, мистика ташкил этади. Шу даврда етишиб чиқсан Ҳазиний-Хуқандий, Қорий, Улфатий, Мирзо Шоший каби шоирлар диний-мистик адабиётининг намояндалари эдилар.

Ислом руҳонийлари жамиятда узоқ асрлар давомида реакцион роль ўйнаб келдилар. Хусусан, кейинги икки-уч асрлар мобайнидаги хонликлар даврида улар фаолияти ўта реакцион тус олди. Бу даврда диний фанатизм, жаҳолат авж олди. Илм, маданият, замонавий тараққиёт ўрнига хурофот, диний-мистика томир ёйди. Ҳукмрон синфлар халқни жаҳолат ва нодонликда сақлашга тиришдилар. Улар эксплуатацияни, зулмни осонлаштириш мақсадида жамиятда диний-хурофий тушунчаларни кенг ёйиб келдилар.

XIX асрнинг иккинчи ярмида, чоризм Ўрта Осиёни истило қилганидан сўнг ҳам бу борада аҳвол ўзгармади, аксинча, чоризм маҳаллий эксплуататорларга ҳомийлик қилиб, халқни жаҳолатда, қулликда сақлаш сиёсатини давом эттирди. Мамлакатда дин аҳлларининг мавқеи янада мустаҳкамланди. Натижада ислом руҳонийлари халқни диний сафсалалар билан заҳарлаш учун ҳамма имкониятлардан, шу жумладан, адабиётдан bemalol foydalaniishi давом эттирдилар.

XIX асрнинг иккинчи ярмида адабий ҳаётдà майдонга келган диний-мистик адабиётнинг ижтимоий илдизи ва социал қиёфаси ана шу билан белгиланади.

Диний-мистик адабиёт учун таркидунёчилик, художўйлик мотивлари характерлидир. Мистик шоирлар бу дунёни «бевафо», «беш кунлик ўтикинчи дунё» деб тушунтирилар; «ҳақиқий», «адабий дунё», «охират дунёси» деб эълон қилдилар. Бу дунёда яшашдан мақсад ана шу охират дунёсига тайёрланиш, дин-шириат буйруқларини адо қилиб, худога тоат-ибодат этишдир. Мана шу асосий реакцион тезисдан мистика, ҳаётдан воз кечиш, дарвишлик мотивлари келиб чиқади. Бундай мотивлар, чуқур пессимизм диний-мистик адабиётнинг ҳамма намуналарида ва ҳамма машҳур намояндалари ижодида кўзга ташланиб туради.

Диний-мистик адабиёт жамиятнинг қолоқ қисмига мўлжалланган заарли адабиёт эди. У эксплуататор синфлар қўлида алдаш ва найрангнинг синалган қуроли сифатида хизмат қилди. Реакцион шоирлар бу қурол воситасида динни тарғиб қилдилар, ҳалқ онгини заҳарлаб, жамиятда пессимизм, пассивлик, иродасизлик уруугларини сочиб келдилар. Бу билан диний адабиёт меҳнаткаш ҳалқ оммасидаги ҳаётий завқ ва муҳаббатни, актив курашга бўлган иродани сўндириш мақсадини кўзладики, унинг ўта реакцион роли ҳам худди шундадир.

Шундай қилиб, мистик адабиётнинг илдизи жуда чукурдир. Умидсизлик, таркидунёчилик мотивлари кўпгина ўтмиш давр шоирлари ижодида ҳам учраб туради. Омманинг диққат-эътиборини муҳим сиёсий воқеалардан четга тортувчи, уларни фаолиятсизлик ва умидсизлик йўлига ундовчи мағкурадаги мистик адабиёт ҳеч қачон ижобий аҳамиятга эга бўлмаган. XIX аср охири ва XX аср бошларида Россияда, шу жумладан, Ўрта Осиёда ҳам революцион ҳаракат етилиб келаётган, меҳнаткаш ҳалқнинг золимлар ва мустамлакачилар ҳокимиятига қарши кураши авж олиб бораётган бир даврда, синфий ва миллий уйғониш юксак даражага кўтарилаётган бир шароитда таассуб, таркидунёчилик ва фаолиятсизликни тарғиб қилувчи диний-мистик адабиёт ўта реакцион роль ўйнади, эксплуататорлар манфаатларига хизмат қилди.



Муқимий

(1850—1903)

XIX асрнинг иккинчи ярми ва XX асрнинг бошларида равнақ топган ўзбек демократик адабиётининг эчг кўзга кўринган вакилларидан, бу адабиётни юзага келтирган ижодкорлардан бири Муҳаммад Аминхўжа Муқимийdir. Шу даврда етишиб чиққан Фурқат, Завқий, Комил Хоразмий, Аваз Ўтар ўғли, Нодим Намонгоний, Алмайи, Муҳайир, Дилшод, Анбар отин каби шоирлар ҳам буюк демократ шоир Муқимий бошчилигидаги адабий ҳаракатга мансуб эдилар. Бу шоирлар орасида Муқимий ўзининг зўр истеъоди, ўзига хос услуги билан ажralиб туради. У оддий халқ ичидан чиққан ва бутун куч-ғайратини шу халқ учун баҳш этган шоирdir.

ҲАЁТИ ВА ИЖОДИЙ ФАОЛИЯТИ

Муқимиий фаолияти ва
адабий меросини
ўрганиш тарихидан.

Демократ шоир Муқимиий ҳаёт чоғларидаёқ унинг фаолияти билан қизиқувчилар, уни ўрганиш тарихидан. Ҳақида турли қарашлар туғилган эди. Замон ўтиши билан бу қарашлар ўзгаради, янги тусга киради, ўзгача фикрлар ҳам пайдо бўлади, қисқаси, Муқимиий ижодини ўрганиш масаласининг ўтмиши, тарихи туғилади.

Муқимиий ҳаёт вақтидаёқ унинг ижодий фаолиятига бўлган турли муносабатлар, Муқимиий атрофидаги фикрлар кураши унинг вафотидан сўнг янада кучаяди, турли тарихий шароитларда турлича шаклда давом этади.

1907 йилда, Муқимий вафотидан тўрт йил кейин Николай Остроумов Тошкентда «Девони Муқимий» номли кичик бир тўплам нашр эттириди.

Тўпламнинг охирида Н. Остроумов томонидан ёзилган кичик мақола ҳам илова қилингандар бўлиб, бу мақолада автор Муқимийнинг таржимаи ҳоли ҳақида маълумот беради, унинг шахсияти ва ижодий фаолиятини баҳолайди. Остроумов Муқимийни «умрини қаландарона ўткармоқни лозим» топиб, таркидунё қилган, дарвишлиқ тариқатни қабул этган киши, деб талқин қилади. Остроумов ўз характеристикасининг охирида, Муқимий кундузлари дин аҳллари хизматида бўлар ва мадраса ҳужрасида ўтипар, кечалари эса қуръон ўқиш («Қаломулло тиловоти») ва шеър ёзиш билан шуғулланар эди, деб кўрсатади. Шундай қилиб, Остроумов Муқимийни бу дунёдан воз кечган, таркидунё қилган диндор, фанатик бир шахс қилиб кўрсатади.

1910 йилда Тошкентда Порцев литографиясида «Девони Муқимий маа ҳажвиёт» номи билан Муқимий асарларининг иккинчи тўплами нашр қилинди.

1912 йилда Тошкентда Орифжонов типолитографиясида Муқимий асарларининг яна бир тўплами «Девони Муқимий маа ҳажвиёт» номи билан нашр қилинди. Бу ҳар икки тўпламда ҳам Муқимий ижодий қиёфасини ёритишида Н. Остроумов концепцияси давом эттирилди.

Муқимий ҳаёти ва ижодини ўрганиш масаласига тааллуқли бу фактлар шуни кўрсатадики, революциядан илгари буржуа олимлари Муқимийни сохталашибириб, бузиб кўрсатишга уриндилар. Бу билан улар Муқимийни «ўз одамлари»га айлантироқчи ва унинг ҳалқ ўртасидаги обрусидан ўз манфаатлари йўлида фойдаланмоқчи бўлдилар.

Реакциянинг бундай қабиҳ ниятларига қарамай, меҳнаткаш ҳалқ, тараққийпарвар зиёлилар Муқимийни ўзининг севикли ва қадрдан шоири сифатида ҳурмат қилиб келди, унинг шеърларини кўз қорачиғидек асрари, севиб ёдлади, энг яхши кўрган кўйларига солиб, тараним этди.

Лекин революцион ҳаракат кучайиб, синфий кураш кескинлашган ва реакция ашаддий қутурган бир шароитда Муқимийга муносабат масаласи яна ёмон тус олди: реакция тарафдорлари, буржуа олимлари Муқимийни сохталашибиришдан бир натижага чиқара олмаганларидан сўнг, уни рад этишга ўтдилар, прогрессив адабиётга, унинг намояндаларига янги-янги бўхтонлар уюштира бошладилар. Чунончи, ашаддий реакционер руҳонийлар органи бўлган «Ал-ислоҳ» журнали саҳифаларидага прогрессив адабиётга, биринчи навбатда Муқимий ва Фурқатларга қарши ўт очди, бу шоирлар одамларни тўғри йўлдан оздирувчи «иблис», «шайтон»лар деб аталди ва улар ёзган шеърлар «ҳаром» деб эълон қилинди.

Муқимий Улуғ Октябрь социалистик революциясидан кейин ўзбек классик адабиётининг машҳур намояндаси сифатида танилди ва кенг шухрат қозонди. Совет ҳокимияти йилларида Муқимий ижодини ўрганишнинг умумий вазияти ўзбек совет адабиётшунослигининг тараққиёт даражасини, унинг босиб ўтган йўлини кўрсатиб туради.

Совет адабиётшунослиги В. И. Лениннинг ўтмиш маданий меросини ўрганиш ва танқидий ўзлаштириш тўғрисидаги таълимотига асосланиб, Муқимийни ўзбек классик адабиётининг ажойиб ва машҳур намояндаларидан бири сифатида унинг ижодини ўрганишга киришиди.

Лекин Совет ҳокимиятининг дастлабки йилларида, маданий ҳаётимизнинг кўп соҳаларида бўлгани каби, адабиёт соҳасида ҳам буржуа миллатчилари жиддий путур етказдилар. Буржуа миллатчилари Муқимий тимсолини сохталаштиришга, ҳалқни севикли шоиридан маҳрум этишга уриндилар. Буржуа миллатчилари XIX асрнинг иккинчи ярми ва XX аср бошларидағи ўзбек адабиётини тўғридан-тўғри «Ўзбек буржуа адабиёти» деб аташгача бориб етдилар. Миллатчилар бу даврда етишган машҳур шоирларни, шу жумладан, Муқимийни «буржуа шоири», «жадидизм даври шоири», «жадидларнинг салафи» деган турли ча таъбирлар билан атадилар. Улар буюк Алишер Навоийни «пантуркистларнинг отаси» деб танитганлари сингари, Муқимийни жадид шоирига айлантироқчи бўлдилар.

Буржуа миллатчиларининг адабиёт тарихи ва ўтмишдаги машҳур ёзувчилар тўғрисидаги бундай сафсаталари адабиёт тарихини ўрганиш масаласига жиддий зарар етказди, унинг нормал изга тушишига монелик қилиб келди. Лекин бундай аҳвол узоқ давом этмади ва давом этиши мумкин ҳам эмас эди. Марксизм-ленинизм илмий таълимоти билан қуролланган ёш ўзбек совет адабиётшунослиги ўзбек адабиёти тарихини, шунингдек, Муқимий ҳаёти ва ижодини ўрганиш масаласида йўл қўйилган хатоликларга, «сохталаштиришлар»га муайян зарба берди. ВКП(б) Марказий Комитетининг 1932 йил 23 апрелда «Адабий-бадиий ташкилётларни қайта қуриш ҳақида» қабул қиласан қарори, шунингдек, 1934 йилда ҳалқимиз маданий ҳаётида зўр ҳодиса ҳисобланган СССР ёзувчилар I съездининг чақирилиши совет адабиётининг, жумладан, унинг ажралмас қисми бўлган ўзбек совет адабиётининг жадал равнақ топишига кенг йўл очиб берди. 1937 йилда рус ҳалқининг улуғ миллий шоири А. С. Пушкин вафотининг 100 йиллиги муносабати билан ўтказилган юбилей, улуғ ўзбек шоири ва мутафаккири Алишер Навоийнинг туғилганига 500 йил тўлиши муносабати билан ўтказиладиган юбилейга тайёргарлик ишларининг бошланиши ўтмиш маданий меросини танқидий ўрганиш ва ўзлаштириш проблемасининг мувваффақиятли равишда ҳал қилинишига имкон яратди ҳамда

ўтмиш адабиётининг машхур намояндалари ҳаёти ва ижодини ўрганиш масалаларида ажойиб намуна кўрсатди.

1938 йилда республикамизда Муқимиининг вафотига 35 йил тўлиши муносабати билан ўtkазилган юбилей даврида шоир ҳаёти ва ижодини ўрганиш соҳасида кескин бурилиш рўй берди. Юбилейга тайёрлик даврида Муқими асарларини тўплаш, ўрганиш, нашр этиш устида қизғин ва самарали иш олиб борилди, газета ва журналларда кўплаб мақолалар босилди. Бу мақолалар ичida Faafur Fулом ва Ҳамид Олимжон мақолалари диққатга сазовордир.

Муқимиининг адабий меросини тўплаш ва нашр қилиш соҳасида шиор Faafur Fулом томонидан тузилиб, 1938 йилда Тошкентда нашр этилган «Муқими баёзи» номли тўплам катта аҳамиятга эга бўлди. «Баёз»да шоирнинг 800 мисрадан иборат 27 шеъри берилган бўлиб, улар жанр принципига қараб жойлаштирилган (сатира, юмор, лирика) ва уларга зарурий изоҳлар, лугатлар берилган. «Баёз»нинг бош қисмida кичик сўз боши ҳам берилган бўлиб, унда шоир биографияси ва ижодининг энг муҳим томонлари тавсифланган.

Шундай қилиб, юбилейга тайёргарлик ва уни ўtkазиш даврида буржуа миллатчиларининг Муқимиин жадид деб баҳолашлари илмга хилоф эканлиги етарли даражада очиб ташланди ва Муқимиининг демократ шоир сифатидаги асл ижодий қиёфаси тикланди. Шунингдек, бу даврда Муқими асарларининг тўплами, унинг ижодига доир бир қанча илмий-оммабоп мақолалар нашр этилиб, шоир ижодини бундан кейин чуқур ўрганиш учун кенг имкониятлар очиб берди.

Муқимиий ва у яшаган давр адабиётiga бўлган қизиқиши совет адабиётшунослигига борган сари кучайиб борди. Муқимиий ижодига оид проблематик масалаларни қўзғаш ва ёритиш жиҳатидан Ойбекнинг «Муқими асарларида социал типлар»¹ сарлавҳали мақоласи диққатга сазовор. 1950 йилда Москвада Давлат бадиий адабиёт нашриётида Муқимиининг «Лирика ва сатира» номли иккинчи тўплами рус тилида чиқарилди, бу тўплам ҳам рус китобхонларини Муқимиий ижоди билан танишириш жиҳатидан катта аҳамиятга эга бўлди.

1953 йил Муқимиий ижодини ўрганиш тарихида янги давр бўлди. Шу йили Муқимиий вафотига 50 йил тўлишини нишонлаш мақсадида ўtkазилган юбилей муносабати билан шоир ҳаёти ва ижодини ўрганиш, уни оммалаштириш соҳасида анча катта ишлар қилинди. Бу даврда газета ва журналларда Муқимиий ҳаёти ва ижодига доир жуда кўп мақолалар босилди. Муқимиийга багишланган маҳсус китблар чиқарилди. Муқимиининг янги «Танланган асарлар» тўплами рус ва ўзбек тилларида нашр этилди.

¹ Қаранг, «Звезда Востока» журнали, 1947, № 7, 72—78- бетлар.

Муқимий ижодий фаолиятининг айрим жиҳатларини ёритувчи бир қанча кандидатлик диссертациялари ёзилди.

Муқимий ижодини ўрганиш масалалари совет адабиётшунослигининг аҳволи ва тараққиёти билан чамбарчас боғлиқ ҳолда давом этди, унинг кейинги йилларда эришган ютуқларига асосланилган ҳолда ёритилди. Кейинги йилларда Муқимий ижодига бағишилаб чиқарилган китоблар: Ҳ. Ёқубовнинг «Ўзбек демократ шоири Муқимий» (1953), А. Олимжоновнинг «Муҳаммад Амин Муқимий» (1953), Ҳ. Зарифовнинг «Муҳаммад Амин Муқимий» (1955), Ҳ. Раззоқовнинг «Муқимий ва Завқий» (1955) номли китоблари ҳамда «Фурқат ва Муқимий» (1958) номли мақолалар тўплами, Муқимий «Танланган асарлар»ининг (1958) рус ва ўзбек тилларидаги нашри, Муқимийнинг икки томли асарлар тўплами (1960) бунга яққол мисол бўла олади. Шубҳасиз, бу асарлар ва шу каби бир қатор ишлар адабиётшунослигимизнинг кейинги даврларда эришган жиддий ютуқларидир. Айни замонда XIX—XX асрлардаги адабий ҳаётимизни, бу даврда яшаб ижод этган йирик шоирлар фаолиятини, шу жумладан, атоқли демократ шоири Муқимий ҳаёти ва фаолиятини чуқур илмий асосда ўрганиш ҳамон ўзбек совет адабиётшунослигининг муҳим вазифаларидан бири бўлиб келмоқда.

Болалик чоғлари ва ўқиш йиллари. Муҳаммад Аминхўжа Муқимий¹ 1850 йилда Кўқон шаҳрида тўғилди. Унинг отаси Мирзахўжа асли тошкентлик бўлиб, 1835—36 йилларда ўз отаси Мирфозил билан Қўқонга кўчиб борган. Манбаларда кўчиш сабаблари кўрсатилмаган бўлса ҳам, хонлар ўртасидаги урушлар авж олган бир даврда, айниқса Қўқон хонлиги билан Бухоро амирлиги ўртасида талаш бўлиб турган, Тошкентнинг нотинч ва фожиали кунларида «тирикчилик тақозоси» билан кўчиб кетилганлигини тахмин қилиш мумкин. Хуллас, Мирзахўжа ва унинг отаси Мирфозил Қўқонда «Беквачча» маҳалласидан ҳовли-жой қилиб, шу ерда ўрнашиб қолганлар.

Мирзахўжа Қўқонда Бибиойша (Ойшабиби) исмли қизга уйланган. Бибиойшанинг отаси Сайдолим Нодиршоҳ ўғли бўлиб, у ҳам Мирзахўжалар оиласи сингари ўз юрти Хўжанддан кўчиб келган ва Қўқонда турғун бўлиб қолган эди.

Мирзахўжа билан Бибиойша беш фарзанд — тўрт қиз (Тожиниса; Улуғбиби, Сайдиниса ва Мехриниса) ва бир ўғил (Муҳаммад Аминхўжа) кўрган эди. Шаҳарнинг оддий ҳунарманд табакасига мансуб бўлган Мирзахўжа етти кишилик катта рўзгорини базўр тебратиб турар эди.

Муқимий мактаб ёшига етгач, одатга кўра, уни ўз маҳалласидаги мактабдор домлага топширилдилар. Мактаб Муқимийнинг

¹ Бу тахаллус аслида арабча *муқим* сўзидан олинган бўлиб, у «турғун» маъносини англатади.


саводини чиқарди, унинг бадиий завқини ўз оиласи уйғотган эди. Чунки унинг онаси Бибиойша ўз замонасининг зирик, қувноқ, ўқимишли ва бадиий завқи юксак аёлларидан бўлган. У ўз эртаклари, нақллари, қўшиқлари билан йиғинларга файз киритиб, дугоналари қалбida завқ-шавқ уйғотиб, Кўқон аёллари ўтасида катта обрў ва самимий муҳаббат қозонган. Ойшабиининг дугоналари уни ўзларига яқин тутиб ва севиб, «Хуморбиби» деб атайдиган бўлгандар, бу ном бутун Кўқонга тарқалган ва Ойшабиби «Хуморбиби» номи билан шуҳрат қозонган. Хуморбибидаги бу маънавий хислат, шубҳасиз, ўғли Муқимиийга ҳам таъсир этган ва унда жуда эрта эстетик завқ уйғонишига сабаб бўлган. Муқимиий маҳалла мактабини битиргач, ўқишини давом эттириш мақсадида мадрасага ўтган. Маълумотларга қараганда, Муқимиий шоира Нодира бино қилган Кўқоннинг машҳур «Ҳоким ойим» мадрасасида ўқиган.

Муқимиининг қачондан бошлаб шеър ёзишга киришганини аниқ белгилаш қийин. Лекин, шоирнинг сақланиб қолган адабий мероси ичидан бу муҳим масалага алоқадор тарих-муаммо-хронограмма шаклида ёзилган бир шеъри борки, унда учрайдиган маълумотлар асосида, Муқимиий ўз ижодини 60-йилларнинг ўрталарида бошлаган, деган хуносага келиш мумкин.

Муқимиий, тахминан, 1872—73 йилларда Кўқон мадрасасини битиргач, ўқишини давом эттириш учун ўз даврининг илмий маркази ҳисобланган Бухорога кетади.

Муқимиининг бир неча йил давомида Бухорода бўлиши унинг маънавий такомилида сезиларли из қолдирди. Айниқса, шоирнинг форс тилини мукаммал ўрганиб, у тилда бадиий юксак шеърлар ёзишида Бухоро муҳитининг таъсири кучли бўлди.

Муқимиий Кўқон ва Бухоро мадрасаларида узоқ муддат давом этгаҳ ўқиш даврида ижодий иш билан шуғулланиб, талайгина шеърлар ёзди. Муқимиининг мадрасаларда ўқиши даври ўн йилдан кўпроқ, тахминан, 1864-65 йиллардан 1875-76 йилларгача давом этади. Демак, 1876 йилгacha бўлган давр Муқимиий ҳаё-



тининг ўқувчилик даври, шоир ижодининг шогирдлик, изланиш, қидириш майллари сезилиб турган илк давридир.

**Муқимийнинг
Қўқонга қайтиши.** Узоқ муддат «мадрасаларда риёзат чекиб», илм хазиналарини эгаллаб, «хатми кутуб» қилган олим, зўр чидам ва қаноат билан ўз

истеъдодини камолотга эриштириш йўлида меҳнат қилган шоир, 1876 йилларда Бухородан ўз юртига — Қўқонга қайтди. Одатда, «Бухоройи шариф»да «хатми кутуб» қилган муллалар зўр тантана билан кутиб олинар эди. Лекин Муқимийнинг Бухородан қайтишига тантаналар ҳам уюштирилмади, «ёш олим»лар истиқболи ҳақида тузиладиган катта-катта режалар ҳам чизилмади. Қўқон муҳитида ҳукмрон бўлган дэиралар, «өддий новвўй боласи»нинг Бухорога ўқишга кетишига қандай бефарқ қараган бўлсалар, «қашшоқ муллабачча»нинг олим ва шоир сифатида қайтишига ҳам шундай совуқ ва лоқайд қарадилар. Бу ҳол шонрининг ҳукмрон муҳит билан биринчи учрашуви, айни замонда, шоир билан Қўқондаги ҳукмрон муҳит ўртасида рўй берган биринчи тўқнашув эди.

Муқимийнинг оиласи ҳаёт қуриши ҳам шу вақтларга тўгри келади. Муқими Бухорода ўқиб юрган кезларида, унинг отаси Мирзахўжа узоқ вақтлар бева юргандан сўнг (Муқимийнинг онаси Хуморбиби, таҳминан 1867 йиллар атрофида вафот этган эди) Зиёдабиби исмли бир жувонга уйланган эди. Зиёдабиби Мирзахўжа оиласига уч қизини ҳам эргаштириб келган эди. Шу қизларидан бири Санамбиби бўлиб, у янги оиласига кўчиб келган кезларида ёш бўлса ҳам, Муқими Бухородан қайтган вақтларда анча бўйи чўзилиб, етилиб қолган эди. Мирзахўжа ва Зиёдабиби — эр ва хотин қуда бўлишга қарор қилдилар; бу маслаҳатга «иши юришмай турган» Муқими ҳам қаршилик кўрсатмади. Натижада ими-жимида тўй ўтказилди. Муқими ўз ўгай синглиси Санамбибига уйланиб, «уй-жойлик» ҳам бўлиб қолди.

Энди оила шароити уни бирор иш билан машғул бўлишини тақозо қиларди. Лекин Муқимига дурустроқ ўрин таклиф қилинмаганидан, у анча вақт бекор юргач, охири 1877 йилга яқин Қўқондаги ер қурилиши маҳкамасига мирзалик (саркотиблик) вазифасига ишга кирди. Шу расмий вазифа туфайли унга ер қурилиши маҳкамасининг амалдорлари билан биргаликда қишлоқларга чиқишга тўғри келар эди. Эҳтимол, сўнгроқ «Танобчилар» асарида акс эттирган ҳаётий лавҳаларни шоир шу вақтларда қишлоқларни кезганида ўз кўзи билан кўргандир ва оғир мусибатли халқ ҳаётига гувоҳ бўлгандир. Муқими бу вазифада узоқ турмаган. Унинг маҳкамадаги мирзаликдан кетиш сабабини аниқ кўрсатиш мумкин бўлмаса-да, ер қурилиши маҳкамасидаги адолатсизликлар, бирократизм, ҳаддан ташқари авж олган зулм ҳассос ва олижаноб шоирга маъқул бўлмаган бўлиши табиий эди. Орадан кўп ўтмай Муқими ишини ўзгартиради ва

Қўқоннинг ғарби-шимолида — Сирдарё ёқасидаги Оқжар паромида паттачи вазифасида ишлай бошлайди. Муқимийнинг шу давр ҳәтидан «Дар мардуми Оқжар ба тариқи мухаммас» («Оқжар одамлари ҳақида мухаммас») сарлавҳали фоят характерли сатираси сақланиб қолган.

Келганим ушбу маконга қиладур манга алам,
Лойиқи табъ йўқ одамни десам ҳасрату фам,
Гаплашувга киши йўқ эртадин шомфача ҳам,
Кун совуқ, қора чироқ, гўрдек ую, ўтун кам,
Чиқсан эшикка қилур тўргайи чулдур-чулдур.

Зотимиз саййиду содот эмасмиз, қорамиз,
Фам ўқидин тани мажруҳ саропо ёрамиз,
Ўлтурон жойда ҳам баъзи маҳалда ҳорамиз.
Сув учун дарё уза ҳавсала айлаб борамиз.
Гоҳ йўловчи келадур кемага гулдур-гулдур...

Сатирининг автобиографик характерга эга бўлишидан ташқари, унинг темаси ва мазмуни ҳам диққатга сазовордир. Ўқиши битириб, биринчи марта турмуш билан юзма-юз келган ва ундан аччиқ ҳақиқатларни ўз кўзи билан кўрган шоир ўзининг бу илк сатирасида ҳаётнинг худди ўзгинасини беради, кема саркорлари билан халқ ўртасидаги драматик муносабатларга диққатни жалб қиласди. Бу сатирада ҳали социал конфликт тўлиқ ва чуқур очилмаган бўлса-да, танлаган темани ишлашда соддалик ва юзакилик кўринса-да, ҳар ҳолда сатира учун асосий ҳаётний материал тўғри танланган, унда шоирнинг «тўнлари жулдур-жулдур» халқка хайриҳоҳ эканлиги сезилиб туради. Шу илк сатирада ёқ бўлғуси реалист шоирнинг фоявий йўналиши, услуби, янги ижодий усуслари шакллана бошлаган эди.

Шоир ижодининг бурилиш даври. Муқимиининг ер қурилиши маҳкамасида, сўнгроқ Оқжар паромида ишлаб, турмуш билан бевосита танишиши унинг ижодида катта ўзгаришлар рўй беришига замин ҳозирлади. Ҳаётний фактлар, турмуш таассуротлари, меҳнаткаш халқнинг аянч ҳаёти, бошидан кечираётган фожиалари «оддий новвой боласи» Муқимиий ижодида борган сари чуқурроқ из қолдира бошлади. Ўқиши ва сокин оилавий ҳаёт қучоғини тарқ этиб, ҳаёт гирдобига отилган шоир ҳамма жойда қашшоқликни, кулфатни, азоб-уқубатли турмушни кўрди. Ҳаётнинг бундай даҳшатли манзаралари шоирни ўйлашга, турмуш ҳодисалари ҳақида чуқур ва жиддий мулоҳазалар юритишга мажбур этар эди. Натижада, шоир ўз ижодига ва адабиётга, адабиётнинг вазифаси, шоирлик бурчи каби масалаларга ўзгача ёндаша бошлади, ҳаёт ҳақидаги тушиунчаси кенгайиб, уларни бошқача баҳолашга интилди.

Шундай қилиб, Муқимиий ҳаётининг 1876 йилдан кейинги йилларини шоир ижодининг бурилиш даври, янги ижодий пози-

цияларга қўчиш даври, деб ҳисоблаш керак.² Бу даврда Муқимий илгари, ўз фаолиятининг илк даврида йўл қўйган ёт адабиётниң баъзи бир таъсирларидан қутулди ва классик адабиётниң энг яхши традицияларини ўзига сингдириб олган етук шоир сифатида уни бойитиб, ривожлантириб борди.

Муқимий ер қурилиши маҳкамасидаги мирзаликни қандай сабаблар билан тарк этган бўлса, худди шундай сабаблар билан Оқжар паромидаги паттачиликдан ҳам воз кечди. Тирикчилик ишлари шу тахлитда муваффақиятсизликка учрагандан сўнг, Муқимий 70-йилларнинг охирларида Қўқонга қайти ва бутун борлиғи билан ижодий ишга шўнғиди. Етарли назарий базаси ва ижодий малакаси бўлган, шунингдек, халқ ичидаги юриб маълум ҳаётий тажриба ҳам ортирган истеъдодли шоир ўз ижодий фаолияти билан тез орада адабий доиралар диққатини ўзига жалб этди.

Муқимий асарларини ўз ичига олган қўйл ёзма баёзлар 80-йилларнинг бошларига тўғри келади. Шулардан бири 1881 йилда китобат қилинган, ҳозир Ўзбекистон Фанлар академияси Шарқшунослик институти фондида (инв. № 1307) сақланаётган баёз бўлиб, унда Муқимийнинг «Улмасун» радифли бир лирик шеъри келтирилган. 1883 йилда китобат қилинган бошқа бир баёзда (инв. № 1821) Муқимийнинг йигирмага якин шеърлари жойлаштирилган. Бундан кейин тузилган баёзларда эса Муқимий асарлари борган сайин кўпроқ учрайди. Бу фактлар Муқимийнинг 80-йиллар бошидаёқ шоир сифатида кенг шуҳрат қозонганини кўрсатади.

Муқимий ва ҳукмрон доиралар. Муқимий шоир сифатида шундай катта обрў қозона бошлаган эдик, уни пайқамай қолиш ёки менсимай ўтиш ортиқ мумкин эмас эди. Ҳукмрон доиралар яна шунинг учун ҳам Муқимий тўғрисида жиддийроқ бош қотиришга мажбур бўлдиларки, у халқ ўртасида обрўли ва суюкли шоир бўлишидан ташқари, турмуш ҳодисаларини,adolatcizliklarni танқидий баҳоловчи ҳажвгўй ҳам эди. 70-йилларнинг иккинчи ярмида Оқжар одамлари ҳақида ёзган асари билан бошланган Муқимиydagi ҳажвгўйлик истеъоди ва тажрибаси йиллар ўтиши билан ривожланган ва яхшигина самаралар бера бошлаган эди. Натижада ҳукмрон доиралар олдида Муқимий обрўсидан фойдаланиш ва унинг ҳажвгўйлик фаолиятини ўзларига мувофиқ томонга йўналтириш муаммоси туғилди. Улар Муқимийни ўз мақсадлари учун хизмат қилдириш режасини тувишга киришдилар. Қўқоннинг ҳукмрон доиралари дастлабки вақтларда Муқимийни иқтисодий томондан асоратга олиш йўлини тутдилар. Эксплуататор гуруҳларнинг кўп марта синовдан ўтган бу эски ва жирканч үсулини Муқимийга нисбатан қўқонлик Шайх Сулаймон Афғоний қўллади.

Шайх Сулаймон Афғоний Қўқоннинг катта чойфуруш бойларидан бўлиб, ўзи адабиёт ҳаваскори сифатида шеърлар ҳам ёзар эди. Шайх Сулаймон санъат-адабиётга ҳомийлик қилувчи «саҳоватли бой» даъвосини қиласа ва атрофига лаганбардор шоирларни йигиб олиб, уларга иқтисодий «ёрдам» ҳам бериб турар эди. Муҳъйи, Ҳазиний, Котибий ва бошқалар Шайх Сулаймоннинг «мехмонхона»сида доимий намакхўракларидан эдилар.

Шайх Сулаймон бошқалар кўмагида Муқимиини ҳам маълум вақтгача ўз доирасига тортишга муваффақ бўлди. Муқимиий дастлабки вақтларда, унга бошқалар қатори «саҳоватли ва қарамали давлатманд» сифатида ёндашди ва уни санъат-адабиёт тараққиёти учун фойдали шахс, деб ўйлади. Шу муносабат билан Муқимиий ижодида Шайх Сулаймонга бағишилаб ёзилган бир неча шеърлар («Эй Шайх», «Шайх», «Шуд падид») майдонга келган. Фазал шаклида форсча ёзилган бу шеърларда Муқимиий Шайх Сулаймон «фазилатларини»ни улуғлайди ва унинг номини миннатдорчилик билан тилга олади.

Орадан кўп ўтмай Шайх Сулаймон ва унинг атрофини қуршаган Муҳъйи, Ҳазиний каби шоирларнинг мақсадлари, асл қиёфалари маълум бўла бошлайди. Натижада Муқимиий Шайх Сулаймон билан, шунингдек, Муҳъйи, Ҳазиний каби шоирлар билан алоқасини узигина қолмасдан, уларга қарши кескин кураш ҳам бошлади. Бу драматик муносабат Муқимиининг форс-тожик тилида ёзилган «Роҳати жовид» сарлавҳали шеърида акс эттирилган. Муқимиининг асл маънавий ҳаёти, ички кечинмалари, бошидан кечган воқеалар ҳақида ҳар нарсадан кўра чуқурроқ ва аниқроқ маълумот берувчи бу шеърда шоирнинг ҳаёт драмаси, оғир руҳий кечинмалари ўқувчи кўз ўнгида жуда яқол гавдаланади. Шеърнинг охирги байти айниқса диққатга сазовордир:

Жузвий саҳтиҳо Муқимиий роҳати жовид дошт,
Оҳ, аз бетоқатиҳо дидаро нам мекунам.

(Муқимиий тортаётган қаттиқчиликлардан ташқари, унинг абадий роҳати ҳам бор. Лекин чидаб бўлмас тоқатсизликлардан оҳ тортиб, кўзимга ёш оламан.)

Кўрамизки, Муқимиий «абадий роҳат» деганда шоир сифатида халққа манзур бўлишни, ўз асарларида халқ орзусини куйлаб, халқ олқишиларига, миннатдорчилигига сазовор бўлишни назарда тутади. Шоир шу «абадий роҳат» туфайли турмуш машиқатларига бардош берарди ва кам кишиларга муюссар бўладиган шу баҳти билан ғуурланарди.

Муқимиий билан Шайх Сулаймон Афғоний ўртасида бўлиб ўтган бу драматик муносабат Қўқон шоирлари ўртасида рўй берәётган ажralишдан нишона эди. Чиндан ҳам 1876 йил воқеалидан кейин, яъни Қўқон хонлиги тугатилиб, янги тарихий ва-

зият майдонга келгандан кейин адабий ҳаётда бошланган ажралиш — табақаланиш кун сайн равshan тус олиб бормоқда, ижтимоий кучлар ўртасидаги кураш борган сайн кескинлашмоқда эди. Бу процесс фақат Кўқонга ёки Кўқон адабий ҳаётига тааллуқли бўлиб қолмай, ижтимоий ҳаётимизнинг ҳамма соҳала-рида содир бўлаётган умумий ҳодиса эди. Ўрта Осиёнинг Россияяга қўшиб олиниши натижасида туғила бошлаган янги ижти-моий муносабатлар — капиталистик муносабатлар жамиятда синфий табақаланишни кучайтирган, кескин тусга солган эдикি, бу ўз навбатида адабий ҳаётдаги курашга таъсир этмай қолма-ди, ундаги табақаланишга, кучларнинг ажралишига, янги адабий платформаларнинг майдонга келишига замин ҳозирлади.

XIX асрнинг 80-йиллари бошларида Кўқонда ўзининг социал қиёфаси, хатти-ҳаракати билан бир-биридан принципиал фарқ қиласидан икки адабий группа кескин ажралиб чиқди. Уларнинг бири — Шайх Сулаймон Афғоний бошчилик қилаётган консерватив шоирлар тўдаси, иккинчisi — Муқимиy раҳбарлиги остида ташкил топаётган прогрессив шоирлар адабий груп-паси эди.

Муқимиyнинг рамзлар, кинояли иборалар билан ёзилган «Ахтаринг» радибли шеърининг мазмунидан маълум бўлишича, Муқимиy қандайдир бир «жиноят»да айбланиб, ҳукумат маъмурлари томонидан таъқиб этилган ва қочишга, яширинишга мажбур бўлган. Муқимиy ўз шеърида маъмурлар устидан ис-теҳзо билан кулиб, ўзини қаерлардан, қандай қилиб ахтариш кераклиги тўғрисида сўзлайди. Шеър «подшоҳ ҳукумати»нинг таъқиб қилиб ахтараётгандарига ишора билан бошланади ва унда охиригача уларга қарши қаратилган аччиқ киноя давом этади:

Подшоҳ йўқлатсалар ногоҳ, гадо деб ахтаринг,
Тутманг ҳаргиз номими, баҳти қаро, деб ахтаринг,

Кимса билмайдур мани, ному насаб қилсанг баён,
Лола янглиғ дотиғи ғамга мубтало, деб ахтаринг.

Лайли топғил, десалар, Мажнуни саргардони(нг),
Кўзларининг ёшидур ранги ҳино, деб ахтаринг.

Истаган чоғда топай деб, бўлса, кўнглида ҳадд,
Қоматидур бори меҳнатдин дуто, деб ахтаринг.

Ҳажр водийсида кезгай доимоким хўблар,
Хоки пойидур кўзига тўтиё, деб ахтаринг.

Бир шакарлаб, зулмпарвар ҳасратидин, дўстлар,
Умрлар умри чароги безиё, деб ахтаринг.

Даҳр зулмидин сиришки тинмай оқиб, айланур,
Чарх жавридин бошида осиё, деб ахтаринг.

Толии шум, вожгун бахту ғизоси дарду ғам,
Нотавон мўри заифдин бенаво, деб ахтаринг.

Ер васлига етолмай қолмиш улкунким Муқим,
Ушбу боисдан ўлумига ризо, деб ахтаринг.

Қўқонда илғор шоирларга нисбатан даҳшагли қувғин уюштирилган эди. Манбалардан Завқийга қарши ҳам худди шундай ҳужум уюштирилгани маълум. Завқий «ўтқир тили» учун, «Ақли раста ҳажви» муносабати билан реакционерларнинг ғазабли ҳужумига бардош беришга мажбур бўлган эди.

Муқимий ва Завқийларга қарши уюштирилган бундай қувғин ва таъқиблар тасодифий ҳодиса эмас эди. Бу демократ шоирларнинг ҳаммасига қарши, жамиятнинг илғор фикрли қисмига қарни реакционерлар томонидан олиб борилган онгли ва планли сиёсат натижаси эди. 80-йилларнинг охирларида Фурқатнинг Қўқонда туролмай, бир умрга ўз ватанини тарқ этиб кетиши, Комил Хоразмийнинг сарой реакционерлари таъқибига тушиб, бутун ишдан четлатилиши, Бухорода Аҳмад Донишнинг фанатик руҳонийлар томонидан заҳарланиши, сўнгроқ Аваз Ўтарнинг аюб билан ўлдирилиши ва бошқалар шу онгли равишда ташкил қилинган қувғин кўринишларидан эди. Зотан, бу хуруж ва фитналарнинг илдизи анча чуқур бўлган. Бу ҳодисалар 80-йилларда чоризмнинг ваҳшийларча ўтказаётган ашаддий реакцион сиёсатининг — жамиятнинг илғор кучларига қарши олиб борган террор сиёсатининг Туркистондаги акс-садосидир. Чиндан ҳам 80-йиллар қора реакциянинг қутурган даври бўлиб, чоризм рус халқининг энг асл фарзандларини — машҳур ёзувчилар ва шоирларни, илғор жамоат арбобларини тор-мор қилиш сиёсатини ўтказаётган эди.

Урта Осиёдаги аҳвол эса Марказий Россиядан ҳеч фарқ қилас, балки оғирроқ эди. Туркистон Генерал губернаторлиги «Маҳаллий халқ ўртасида осойишталик ўрнатиш учун» реакцияни сиёсатни оғишмай ўтказар ва хур фикрликнинг ҳар қандай кўринишини ваҳшийларча бостирар эди.

Муқимий Тошкентда. Ижтимоий ҳаёт ва адабий курашларда актив иштирок этиб, реакцион кучлар томонидан уюштирилган ҳужумларга мардларча жавоб бериб келаётган Муқимий шахсий-оилавий ҳаётда ҳам бирин-кетин баҳтирикликларга дуч кела беради. Санамбиби Муқимий билан узоқ умр кечирмади. У 1879 йилда, Акбархўжа туғилгандан сўнг кўп нақт ўтмай, Муқимийдан ажралди ва ўғлини онасида қолдириб, бошқа оила қурди. Турмушда, қувонч ва мاشаққатларда садоқатли дўст сифатида бирга бўладиган ҳаёт йўлдошининг бундай йўл тутиши, албатта, шоир учун катта зарба бўлди.

Бу кўнгилсиз воқеадан икки-уч йил кейинроқ, тахминан, 1885-86 йилларда Муқимий оиласида яна баҳтсизлик рўй бер-

ди: оилани аранг тебратиб турган Мирзахўжа вафот этди. Мирзахўжа ўлгандан сўнг оиланинг бутун масъулияти Муқимий устияга тушди. Ўгай она, сингиллар, гўдак ўғли Акбархўжа шу оиланинг аъзолари бўлиб, уларга ёлғиз Муқимий қарави ва бундан кейин уларни ўз парваришига олиши зарур бўлиб қолган эди. Лекин ҳамма фожиа шунда эдикни, оиласа бошчилик қилиши лозим бўлган Муқимиининг доимий даромади ва шоирликдан бошқа касб-кори йўқ эди.

Муқимий бу даврда ниҳоятда оғир аҳволни бошидан кечирап эди. Бир томондан, шахсий ҳаётидаги баҳтсизликлар ва фожиалар, иккинчи томондан, бунга қарам бўлган оиласидаги чексиз иқтисодий танқислик, мұхтожлик, учинчи томондан, ишсизлик, муңтазам даромаднинг йўқлиги Муқимиини жиддий ташвишга солиб қўйган эди. Ўз аҳволини, ички сирларини айтиб ёрдам сўрайдиган бирор қариндошининг йўқлиги, бунинг устига, адабий фронтдаги душманларнинг тўхтовсиз ҳужум қилиб туришлари шоирни қаттиқ эзар эди. Ҳассос шоир ҳам иқтисодий, ҳам маънавий азобларга бардош беришга маҳкум эди. Табийки, Муқимиин узоқ вақт бош қотирди, оғир вазиятдан қутулиш йўлларини ахтариб кўрди. Ҳовли жойини, рўзгорини оила тирикчилиги учун сарф этиб, ўгай онаси ва сингилларини бироз иқтисодий жиҳатдан тинчитгач, ўзи бу бўғиқ мұхитдан, кулфатли ҳаётдан қутулишнинг бирдан-бир йўли Қўқонни тарк этиш, деб тушунди ва Тошкентдан паноҳ излаб, йўлга чиқди. Муқимиининг бу вақтлардаги оғир ички кечинмалари унинг қуидидаги мисраларида яққол ифодаланган:

Кетардим бош олиб, гар бўлса эрди рўзгорим йўқ,
Нетард безудо — тўша йўлга юрмакка мадорим йўқ,
Туарга қолмади тоқат, кўнгулда ихтиёрим йўқ,
Ўзингдан ўзга, ёраб, раҳбари лайлу наҳорим йўқ,
Ҳидоят айлагайму деб Муқимиинг интизор ўлмиш.

Муқимиининг Тошкентга қилган бу биринчи саёҳати 1887-1888 йилларга тўғри келади. Унинг Тошкентда бирор расмий вазифа билан машғул бўлгани маълум эмас. У қариндош-уруғларницида, дўстларницида меҳмон бўлишдан ташқари, Тошкентнинг адабий доиралари билан танишди, улар билан адабий мажлислар ўтказиб, қизғин ижодий ишини давом эттиради. Тошкент ҳаётини, хусусан, бу ерда равшанроқ кўринадиган рус маданияти янгиликлари шоир диққатини ўзига жалб этди, шоир уни муҳаббат билан ўрганишга киришди.

Муқимий Тошкент маданий ва адабий ҳаётини чуқур ўрганиб, унинг энг соғлом, прогрессив қисми билан алоқа боғлади, ижодий ҳамкорлик қилди. Бу жиҳатдан Муқимиининг тошкентлик шоир Алмайига бўлган муҳаббати характерлидир. Муқимий ўз замонасининг пешқадам олими, истеъдодли шоири ҳисоблан-

ган Алмайга зўр ҳурмат ва муҳаббат билан қаради, ижодий тажрибаларида у билан ўртоқлашди. Бу ҳолни Алмаййнинг қатор асарларига Муқимий боғлаган мухаммаслардан кўришумкин.

Муқимий Тошкентда шоир Нодим Наманганий билан учрашиди. Илгаридан Муқимий билан дўстона алоқада бўлиб келган шоир Нодим Муқимиининг Тошкентга келганлигини эшишиб, у ҳам Тошкентга келган эди. Эски дўстлар бир неча вақт Тошкентда бирга бўлганларидан сўнг, шоир Нодим Намангандаги қайтди ва у ердан Муқимиюга мактуб ёзди. Нодим ёзган мактуб бизгача сақланган эмас. Нодим мактубига жавобан Муқимий ўзининг «Жавоб руқъай Нодим Наманганий» сарлавҳали машҳур шеърий мактубини ёзди. Бу мактуб ажойиб ўткир мазмуни, кучли танқидий руҳи билан «дуойи салом»дан кўра, кўпроқ антиклерикал адабиётнинг нодир намунаси бўлиб чиқсан. Исёнкорона руҳда яратилган бу асарда шоирнинг динга бўлган танқидий муносабати, дин ақидалари устидан аччиқ кулиши равшан сезилиб туради.

Муқимиининг 1887-1888 йилларда Тошкентга қилган биринчи саёҳати, гарчи бошда мажбурият остида, ихтиёрий сургун тариқасида юз берган бўлса-да, бу саёҳат унинг ҳаёти ва ижоди учун катта аҳамиятга эга бўлди. Тошкент маданий мұхитидан жуда катта маънавий озиқ олди. Унинг бу саёҳати шоирни Тошкент билан, ундаги илфор шахслар, замонавий маданият, рус ҳаётининг янгиликлари билан бир умрга боғлади. Муқимий Тошкент таассуротлари билан фикрий жиҳатдан бойиб, ижодий тажрибада янада чиниқиб, Қўқонга қайтди ва умрининг охиригача Тошкент билан алоқасини узмади. У кейинроқ яна иккимарт: 1892 ва 1899 йилларда ҳам Тошкентга келиб кетди.

Муқимиининг Тошкентта қилган саёҳатлари кўнгил жароҳатларига малҳам, дардига дармон бўлиб, шоирга зўр маънавий куч бағишилаган бўлса-да, унинг иқтисодий ҳаётида ўзгариш ясай олмади. Сафардан илгари Муқимиининг иқтисодий аҳволи қандай бўлса, Тошкентдан қайтгандан сўнг ҳам шундайлигича қолаверди. Оилани боқиши, унинг энг зарурий эҳтиёжларини қондириш учун бирор тадбир кўриш керак эди. Лекин, турмуш мashaққатларининг ниҳояси кўринмас эди. Муқимиининг бу даврдаги оғир иқтисодий ҳаётини кўрсатувчи мұхим бир ҳужжат бизгача сақланиб қолган: бу Қўқон қозихонасининг ҳовлижой сотилганлиги тўғрисидаги 332 рақамили васиқасидир. Афтидан, Муқимиюга отадан қолган бир парча жойни сотиб, шу йўл билан оилани очлик ҳалокатидан сақлаб қолишдан бошқа чора қолмаган бўлса керак. Ҳозир Қўқондаги Муқимий ҳужраси — музейи фондида сақланётган бу васиқада Муқимий ўғай онаси — Зиёдабиби ва синглиси Улуғбилилар ваколати билан Бегвачча маҳалласидаги отадан қолган ҳовлисини қирқ тиллага.

Уста Қаримжон валади мулла Мұхаммад Қосимга соттеганилиги учун қўл қўйган. Бу васиқа «тегишли гувоҳ шоҳидлар олдида, шарнатга ва қонунга мувофиқ, 1907 йил 23 шаърон»да (1890 йил 16 апрелда) тузилган.

Ҳовли сотилиши Мирзахўжа оиласининг хонавайрон бўлганидан далолат берарди. Чиндан ҳам ҳовли сотилгандан сўнг ўғай она Зиёдабиби қизлариникида паноҳ топди. Муқимий эса бир парча ҳовлидан ҳам ажралиб, «беватан» бўлди ва бутунлай мадраса ҳужрасига боғланниб қолди. Бу вақтларда 10—11 ёшларга кирган ўғли Акбархўжанинг аҳволи ҳаммадан ҳам оғирроқ эди. У гоҳ бувисининг ёнида, гоҳ аммалариникида меҳмон тариқасида яшар, кўпинча эса мадрасанинг тор ва заҳ ҳужрасида отаси билан бирга умр ўтказар эди.

Юқорида эслатганимиздек, Муқимий Қўқон ер қурилиши маҳкамасида миrzалик вазифасида ва Данғара (Оқжар) паромида паттачи бўлиб ишлагандан сўнг қайтиб расмий вазифаларда бўлмади, яъни унинг доимий даромади ўйқ эди.

Муқимий «расмий вазифа»ларда ишламаган, «доимий даромад»га эга бўлмаган бўлса ҳам, у узлуксиз меҳнат билан умр кечирган: унинг маълум даромад манбалари бўлган. Аввало, Муқимиининг тирикчилик манбалари тўғрисида фикр юритганда, унинг хаттотлик—котиблик ҳунари бўлганлигини унутмаслиқ керак. Санъат даражасига кўтарилиган бу ҳунар Муқимий замонасида — матбаачилик ишлари ҳали туғилмаган ёки етарли йўлга қўйилмаган даврда катта аҳамиятга эга бўлган ва ҳунар эгасига тирикчилик манбай сифатида хизмат қилган.

Муқимий ўз замонасининг машҳур хаттоти сифатида одамлардан буюртмалар қабул қиласи ва китобат иши билан шуғулланар эди. Муқимий жалий қаламда лавҳалар ҳам ёзган. Бу нодир ва қимматбаҳо санъатнинг Муқимий қўли билан ёзилган бир қатор намуналари бизгача етиб келган.

Муқимий ҳаётини таъмин этган энг муҳим манба халқ эди, халқ орасидаги Муқимий мухлислиарининг шоирга кўрсатадиган моддий ва маънавий ёрдамлари эди. Муқимий халқ ичидан яшади ва халқ учун ижод этди. У ўз ижоди учун халқдан фақат мадад, маънавий озиқ олиб қолмади; қийин пайтларда уни моддий жиҳатдан ҳам қўллаб-қўлтиқлаган яна шу халқ бўлди.

Халқнинг турли табақалари орасида Муқимий талантининг мухиблари бор эди. Улар ичидан оддий меҳнаткаш, косиб-ҳунарманд ва деҳқонлардан тортиб, илм-маданият тарафдори бўлган айрим тараққийпарвар давлатманд кишилар ҳам топилар эди. Буларнинг ҳар бири ўз имкониятлари доирасида шоирга ёрдам беришга тайёр ва унинг яратадиган шўх, мазмундор шеъларига бир хилда муштоқ эдилар. Чунончи, Қўқондаги читфуруш Ҳожи Зоҳид, Исомиддин оқфуруш, Тошкентдаги Маҳмудхўжа ишбоши, Абдулазизхон ва бошқалар Муқимиининг яқин дўстлари ҳамда



Каллиграфия санъатининг моҳир усталаридан бўлган
Муқимиининг ҳусниҳат машқларидан бир намуна

унга моддий жиҳатдан ҳомийлик қилиб келган илм-маданият жонкуярлари эдилар.

Муқимийга оддий халқ вакилларининг ҳомийлиги, меҳру шафқати, айниқса, самимий эди. Шоир ҳам уларга зўр мамнуният ва миннатдорлик билан қарап ва улар илтифотидан ҳам маънан, ҳам жисман озиқланар эди. Бу жиҳатдан Муқимиининг Зокир ҳожи исмли деҳқон билан бўлган муносабатлари характерлидир. Зокир ҳожи асли Кўқон яқинидаги Қоратепа қишлоғидан бўлиб, «Бегвачча» кўчасидан, «Ҳазрат» мадрасаси ёнидан уйланган ва шу туфайли Муқимий билан таниш бўлиб қолган эди. Шоир Чархийнинг Кўқондаги Муқимий музейи фондида сақланаётган «Хотиралар» қўйл ёзмасида кўрсатилишича, Зокир ҳожи Муқимий билан бўлган алоқаси тўғрисида қўйидагиларни ҳикоя қиласди:

«Шоир Муқимий билан биз жуда яқин эдик. Қишин-ёэин мен у кишидан хабардор бўлиб турардим. Ўтинчўп, дехқончиликдан чиққан дон-дун, мева-чевалардан олиб келиб, ҳужралирига ўзим жойлаб кетардим. Қачонки, азизроқ меҳмон, қадрдан улфатларидан келиб қолса, мени йўқлатар эдилар. Қовун сайли вақтида ароба олиб келиб, қовун сайлига Қоратепага олиб кетар эдим.

Шоирнинг вафот кунлари, таъзия маросимида, мен қўлдан келган қадар, ўз дехқончилигидан чиққан нарсалардан ва исқотларига пул холис сарфланман».

Муқимий ана шундай ҳаёт кечирган эди. Лекин унинг ҳаёти оғир ва мусибатли бўлса ҳам, нурсиз ва баҳтсиз эмас эди. У қашшоқ ва камбағал бўлса ҳам, ёлғиз ва ғариб эмас эди. У ҳалққа суюнган ва ҳалқ билан бирга яшар эди. У ўз шахсий ҳаётининг оғир, мусибатли бўлишига қарамай, ҳалқ билан бирга бўлгани учун баҳтиёр эди, чунки унинг ёзган асарларини ҳалқ қувонч ва зориқиши билан қарши олар эди. У ўз асарларининг ҳалққа манзур бўлишини шоирлик баҳт-саодати деб билган ва шу баҳтни ҳар қандай давлатдан, «Доро шаъни шавқати»дан ҳам юқори қўйган. Шоирдаги бу кайфиятни унинг кўпгина шеърларида кўриш мумкин. Шоирнинг ҳалққа суюнгани, унинг илтифоти ва муҳаббатидан мадад олгани қўйидаги мисраларда равшан ифодаланган.

Килма пандинг, носиҳо, девонаман, суд айламас,
Эмли фаҳми сабру орому қарор айлармудим?
Ҳалқ лутғу марҳаматлар айлагай беҳад манго
Субҳа қўй, эй зоҳидо, шукрин шумор айлармудим?

Муқимий шахсий ҳаётидаги бутун қийинчиликларга зўр матонат билан чидаб, ижтимоий ҳаётдаги курашларни енгиб борди, ўз эътиқодига қатъий ишонган ҳолда бутун борлиғи билан ижодий ишга берилди, ўз атрофига зўр талантларни уюштириб, янги прогрессив адабий ҳаракатга раҳбарлик қилди.

Ҳаётининг сўнгги йиллари. Муқимий умрининг охиригача изчил демократик позицияда туриб, ҳалқ учун, меҳнаткаш омма баҳт-саодати учун ижод қилди. Муқимий зўр матонат ва кучли иродга эгаси эди. Шу ажойиб фазилатлари билангина шоир бутун қийинчиликларни енди, унинг қаддини букмоқчи бўлган душманларни додга қолдириб, қизғин ижодий фаолиятини давом эттириді ва дўстлар олқишига, ҳалқ муҳаббатига сазовор бўлди.

Муқимий ҳаётининг сўнгги йилларида ҳам лирик шеърлар ёзишни давом эттириш билан бирга, юмористик ва сатирик асарлар ҳам ижод қилди. Чунончи, унинг шу даврда яратган сатириларидан бизга «Воқеаи кўр Ашурбой Ҳожи», «Ҳажви Халифай Мингтепа», «Қурбақалар» номли асарлари маълум. Муқимийнинг бу даврдаги юмористик шеърларидан намуна сифатида «Беҳад ёмон безгак», «Шикояти безгак», «Пашшалар» ва

бошқаларни кўрсатиши мумкин. Демак, Муқимий ўз ҳаётининг охиригача ҳажвгўй шоир сифатида ижод этган ва ажойиб сатирик, юмористик шеърлар ёзиши давом эттирган. Бу жиҳатдан ҳам Муқимий демократ шоир сифатида ўзи куйлаган ва илдари сурган асосий мотивларга умрининг охиригача содиқ қолган.

Муқимийнинг бу даврдаги юмористик шеърларидан бири «Беҳад ёмон безгак» шеъри бўлиб, бу юмор гоявий ва бадиий қиммати жиҳатидангина эмас, балки шоир таржимай ҳоли жиҳатидан ҳам катта аҳамиятга моликдир. Чунки Муқимийнинг Москвадаги Лазарев номидаги жонли Шарқ тиллари институтининг тайёрлов группасида ўқиб турган жияни Рўзимуҳаммад Дўсматов 1898 йилнинг ёз ойларида каникулга чиқиб, Қўёнга келди ва безгак касали билан оғриб ётиб қолди. «Беҳад ёмон безгак» юмори шу муносабат билан ёзилган эди.

Новвойлар, мешкоплар оиласидан чиққан оддий ўзбек боласининг рус маданиятининг улуф маркази бўлган Москвага бориши ва у ерда институтга кириб, дунёга машҳур рус шарқшунос олимларидан илм ўрганиши ниҳоятда характерли фактдир. Бу фактнинг содир бўлишида Муқимийнинг ҳам маълум дараҷада иштироки бўлган эди. Рўзимуҳаммад Дўсматов, бир томондан, Муқимий билан яқин қариндош сифатида, иккинчи томондан, Москва институтининг студенти сифатида узоқ вақтлар давомида шоир билан алоқа боғлаб юрдики, бу ҳол шоирнинг ижодий такомилига таъсир этмаслиги мумкин эмас эди. Бинобарин, ана шундай муносабатларни, ижодий алоқаларни назарда тутиб, Рўзимуҳаммад Дўсматов ҳаёти ва саргузаштларига оид баъзи маълумотлар билан танишиш мақсадга мувофиқдир.

Рўзимуҳаммад Дўсматов билан бир неча мартабалар ўтказилган шахсий сұхбатларда (1954—55 йилларда) у ўз бошидан кечирганларини ҳикоя қиласар экан, маърифатпарвар рус оиласида олган тарбиясини, бу оиласага бўлган самимий муҳаббати ва зўр хурматини, Арабистонда бўлиб, ундан Петербургга келишини, сўнг Москвага кўчишини ҳикоя қилиб берди. Кейин у сўнгги йиллардаги воқеаларни эслаб, қуйидагиларни гапириб берди:

«Орадан тўрт йил ўтга, 1898 йилнинг ёз вақтида ўқиш тўхтаб, каникул бошлангандан сўнг, тоғам Муқимий таклифига мувофиқ, Қўёнга келдим. У вақтларда йўл юриш ҳозиргидек осон ва тез бўлмас эди. Москвадан поезд билан чиқиб Нижний-Новгород (ҳозирги Горький шаҳри), Самара (Куйбишев шаҳри), Саратов орқали Астрахангэ келдим. Ундан пароход билан Бокуга, сўнгра Қаспий денгизни кесиб Красноводскка ўтдим. Ундан кейин Ашхобод, Когон орқали Бухорога тушдим, унда уч кун туриб, сўнг Самарқандга келдим. Самарқанддан қизил вагонга ўтириб, уч кун йўл юриб Қўёнга шу йил май ойи охирларида етиб келдим.

Ман Қўёнга келганимдан сўнг кўп ўтмай безгак касали билан оғриб ётиб қолдим. Мани бу вақтда тоғам Муқимий мадрасадаги ўз ҳужраларида сақлаб, парвариш қилдилар. Дори-дармон ёрдамида, тоғамнинг ҳавсала билан қўилган парваришлари орқасида касалдан халос топдим.

Биз тоғам Муқимий билан кўп ва узоқ-узоқ сұхбатлар ўтказар эдик. Ман ўзим билан бирга Пушкин, Толстой, Крилов, Некрасов каби машҳур рус шонорларининг асарларидан баъзиларини олиб келган эдим. У ёзувчилар ҳақида сўзлаб бердим, асарларини қайта-қайта ўқиб чиқдим.

Тоғам Муқимий қовунни яхши кўрар эдилар. Биз у киши билан бир неча марта бошларида Қўйон атрофига қовун сайлига чиқдик. Бешариқ, Янги Қўргон қишлоқларида у кишининг дўстлари, муҳиблари кўп бўлур эди».

Рўзимуҳаммад Дўсматов ўз ҳикоясини шундай тутатди:

«Икки ойдан кўпроқ Қўйонда меҳмон бўлганимдан сўнг, 1898 йил август бошларида Москвага ўқишига қайтдим. Мани тоғам ва бошқа қариндошлар вокзалда кузатиб видолашиб қолдилар. Шундан сўнг тоғам Муқимий билан манинг ўртамда мунтазам хат алоқаси бошланди. Тоғам Россия билан, рус халқининг ҳаёти ва ўтмиши билан, унинг маданияти, улуғ шоирлари билан жуда қизиқар ва мандан у тўғриларда кўпроқ маълумот беришни илтимос қиласар эдилар..

Ман Қўйондан тоғамдан борган хатларни ўйқотмай сақлашга ҳаракат қилдим. Хозир Қўйон музейида сақланастган хатлар тоғам ёзган хатларнинг кўпчилиги бўлса ҳам, ҳаммаси эмас. Ман ҳам бу хатларнинг деярли ҳаммасига ўз вақтида жавоб ёзганман.

Ман билан тоғам Муқимий ўртасида хат алоқаси 1902 йилгача давом этди. Лекин кейинги йилларда бу алоқа сийраклашиди. Бунга шоирнинг тез-тез касалланиб туриши, умумий турмуш шароитнинг оғирлиги сабаб бўлган бўлса керак.

1904 йилда қариндошларни ва эл юртни соғиниб, ўқишини тутатиб Қўйонга келдим. Ман келганимда тоғам Муқимий вафот этган эдилар».

Рўзимуҳаммад Дўсматов эсадаликларида тилга олинган тоға-жиян ўртасидаги ёзишмалар Муқимий ҳаётининг сўнгги йилларини ўрганишда қимматли манба ҳисобланади. Бу хатларда шоирнинг ижтимоий аҳволи тўлиқ акс этганидек, унинг маънавий ҳаётига, руҳий аҳволига, кайфиятига оид кичик, лекин жуда ҳарактерли деталлар учрайди. Масалан, Муқимийнинг 1899 йилда Москвага ёзган хатларидан бирида қўйидаги сатрлар кўзга ташланади:

«Ва яна «Назм ёзувларингиздан юборинг» деб экансиз. Фақир не ја муддат бўладирким, назм айтурға табиат лоҳази эрдим, бовужуди бир ёзув назм пашшаларнинг шаънига айтиб эрдук... қуруқ хат бормасун деб, кираси қилмас ҳам, бир омади гап деб ёздуқ, айбга қўшманг».

Лекин узоқ муддат давом этган оғир ва мусибатли турмуш ўз ишини қилди: шоир тез-тез касалга чалиниб, 4-5 ойлаб ётиб қоладиган бўлди. Муқимийнинг юқоридаги парчада «назм айтурға табиат лоҳази эрдим», деган жумласини ҳақиқий аҳвол тўғрисида жуда эҳтиётлик билан айтилган сўз деб тушуниш керак. Аслида ҳам 1899—1900 йиллардан умрининг охирларигача бўлган даврда шоир соғлиги анча оғирлашган эди. 1899 йилга мансуб бўлган бир хатда шоир шундай маълумот беради:

«Аммо, уч-тўрт йўл хатлари келди, фақир ҳеч бир хат қилолмадим, сабаб шулким беш-олти ой бўладирким, бетоб эрдим».

1900 йилнинг 24 ноябринда ёзилган хатда ҳам шоир узоқ давом этган қулоқ касаллиги тўғрисида сўзлайди:

«Аммо ҳар ойинни инсофга қараганда ман айблик, негаким, бир-бир кетин-сиздин уч йўл хат келдиким, ман бир хат қололмадим. Сабаб шулким, неча ойлар қулоғ оғриғ бўлди, оғриққа ҳеч гапу сўз сифмас экан».

Хуллас, шоир қулоқ оғриғи, бел оғриғи ва бошқа ўткинчи касалликлардан ташқари, доимий равишда ўша замонда «ярақон» деб аталган сариқ касали билан оғриганки, айниқса, ўша даврларда бу дардни даволаш мушкул бўлган.

Муқимиининг соғлиғи, ҳаёти тўғрисида унинг ёр-дўстлари ғамхўрлик қилиб турганлар. Бу вақтларда шоирнинг таҳминан 21-22 ёшларга кирган ёлғиз ўғли Акбархўжа ҳам отаси билан бирга мадрасада яшаган. У шоир ҳаётининг сўнгги йилларида доим бирга бўлган ва отасининг ҳолидан хабардор бўлиб турган.

Лекин бу меҳрибонлик ва ғамхўрликлар шоир соғлиғида жиддий ўзгариш ясай олмади, унинг аҳволи борган сари оғирлашди. Ўз асарлари билан ҳалқ дилидан абадий жой олган машҳур шоир Муқимиий узоқ давом этган касалликдан сўнг 53 ёшида, 1903 йил 25 май душанба куни кечаси мадрасадаги ўз ҳужрасида вафот этди.

Муқимиийнинг ижодий мероси. Муқимиийдан бой ижодий мерос қолган. Шоир, асосан, поэзия жанрида ижод этган бўлса-да, унинг асарлари ўзининг тематикаси ва бадиий-ғоявий хусусиятлари жиҳатидан ранг-бараангидир.

Улар адабиётимизнинг энг яхши традицияларини ўзида тўлиқ акс эттирибина қолмай, уни янги мазмун билан бойитди, юқори босқичга кўтарди. Муқимиий ўзбек классик поэзиясининг забардаст лирик шоирларидан бири бўлиши билан бирга, адабиётимизда ҳажвиётни янги босқичга кўтарган ва сатира мактабини яратган ҳажвгўй ҳам эди. Адабиётимизда шеърий усулда ёзилган ажойиб «Саёҳатнома»лар Муқимиий ижоди туфайли майдонга келди. Муқимиий мактуб шаклидаги эпистоляр адабиётнинг ҳам широйли намуналарини яратди.

Афсуски, Муқимиий яратган шундай бой ижодий мерос «Девон» «Мажмуя» ёки «Баёз» ҳолида бизгача тўлиқ етиб келган эмас. Муқимиий ҳаёт вақтида ўз қўли билан асарларини бир муқова остига тўпламаган. Унинг яратган мазмундор ва бой асарлари турли манбаларда учрайди. Бу манбаларни тўрт групнага ажратиш мумкин:

- а) давлат фондларидағи қўл ёзма манбалар;
- б) айрим адабиёт ҳаваскорлари тўплаган коллекциялар;
- в) Туркистонда революциядан илгари литография ва типография йўли билан нашр қилинган материаллар (газета, журнал, тўплам ва китоблар);

г) оғзаки манбалар¹.

Муқимишуносликнинг ҳозирги босқичида, демократ шоир қолдирган мерос батамом тўпланди, деган холосага келиш қийин, албатта. Лекин шуни қатъий айтиш мумкинки, ҳозир демократ шоир яратган ижодий мерос асосан тўпланди ва нашр этилди. Бундан сўнг яна қўшимча текширишлар натижасида то-пилган алоҳида асарлар билан унинг тўлдирилиши, мукаммаллашиб бориши мумкин. Муқимидан бизгача етиб келган мероснинг умумий ҳажми, ҳозирча, тахминан, 10 минг мисрадан иборатdir.

Бу катта ҳажмдаги шеърий меросни жанрлар жиҳатидан қўйидагида классификациялаш мумкин:

1. Лирика (ғазал, мухаммас, мураббаъ, маснавий, рубоий, туюқ, фард каби).
2. Ҳажвиёт (сатира, юмор).
3. Саёҳатномалар.
4. Мактублар (шеърий ва прозаик шаклларда).

Муқимишуносликнинг ижодининг асосий тараққиёт босқичлари. Муқимиш ҳаёти ва ижодига оид мавжуд фактларни диққат билан ўрганиш шуни кўрсатадики, шоир ўз ижодий фаолиятида қўйидаги уч даврни бошидан кечирган:

1. Муқимиш ижодининг илк даври (XIX асрнинг 60—70-йиллари).
2. Муқимиш — демократ шоир (XIX асрнинг 80—90-йиллари).
3. Муқимиш ҳаёти ва фаолиятининг сўнгги йиллари (XIX аср охири ва XX аср бошлари).

Муқимиш ижодининг илк даврида, қисман, тематик маҳдудлик, формализм элементлари, санъатпардозлик майлларига беъзилиш тенденцияси ҳам учрайди. Шоирнинг айрим шеърларида мазмундан кўра шакл устун туради. Сийқаси чиққан образларни қўллаш, услубда сунъийлик, мисралардаги традицион ибора ва тасвирлар шу тенденциянинг оқибати эди. Муқимиш бу даврда ёрниш келишган қоматини тасвир қилишда поэзияда қайта-қайта қўлланган ташбеҳни — «раъно қад», «сарв қад» ибораларини ёки унинг ширин сўзли эканини англатишда, «шакаргуфткор», «тўтикалом» ўхшатишларини кўп ишлатади. Чунончи:

Узга боғларда бино кўйган, нигоро, қил хиром,
Шохи синсун сарвни, раъно ниҳолингни кўриб.

Хомуш ўлтурмай гапур, жоноки, бўлсун гунгу лол,
Тўтий ширин такаллум қийлу-қолингни кўриб.

(«Жамолингни кўруб»)

Учради, ногоҳ манга бир пари моҳрӯгина,
Хандаси ширин, каломи жонфизо дилжӯгина.

¹ Қаранг: Муқимиш, икки томлик асарлар тўплами, II том, УзССР Давлат Бадий адабиёт нашриёти, 1960, 157—179-бетлар.

Хусnidин ўтлиғ нетонгким, боқса рухсорин очиб,
Келтуралмай тобу тоқат бўлса кўзгу сувгина.

Меҳр вақтида ниҳоят меҳрибон, кўнгулнавоз,
Қаҳр ҳангоми бағоят тунду ҳам бадхўгина.

Донаи холи ярашган чеҳраи гулнорига,
Кўзлари оҳу каби, мушки Хўтган сесугина.

Холи ҳиндусин гирибонида кўргач рашиқидин,
Келди чеккум ул замон саҳро сари деб «хув»гина.

Оҳ урар товус боғларда ҳиромини кўриб,
Ҳасратидин кабк гўё ўтга тушган мўгина.

Нола булбулдек жудоликдин, Муқимий айларам,
Етса шояд деб висолинг гулларидин бўгина.

Лекин Муқимий аста-секин тақлидчилик, шогирдлик даври-ни орқада қолдириб, мустақил мушоҳада қилиш даврига — изланиш, қидириш босқичига ўтди. У сарой адабиётининг чекланган ва бўғиқ қонун-қоидаларидан четланиб, ўзига муносиб мазмун ва услуб излашга киришди. Бу борада у биринчи галда Шарқ классик адабиётининг ажойиб бой хазинасига суюнди. Муқимий ўзбек халқининг улуғ шоири ва мутафаккири Алишер Навоий, форс адабиётининг классиги Абдураҳмон Жомий, озарбайжон халқининг гениал шоирлари Низомий Ганжавий, Фузулий ва бошқа машҳур шоирлар ижоди билан чуқур танишди, зўр муҳаббат билан улардан ўрганди. Айтиш мумкинки, Муқимий ёшлиқ вақтида тўйиб ичган Шарқ поэзиясининг бу туганмас чашмасидан умрининг охиригача баҳраманд бўлди.

Муқимийнинг форс-тожик адабиётининг улуғ намояндаси Абдураҳмон Жомийни ўзига устоз сифатида танлаши ҳам шу Шарқ поэзиясини мароқ билан ўрганган даврларига тўғри келади. Муқимийнинг шеърий мероси ичida Жомийга бағишилаб ёзилган бир неча шеърлар учрайди. Муқимийнинг Жомийга бўлган ихлоси ва муҳаббатини кўрсатиш жиҳатидан унинг «Мекуни ё не?» радифли мухаммаси ҳарактерлидир. Жомий ғазалига боғланган бу машҳур мухаммасининг охириги бандида Муқимий Жомийни ўз устози деб билиб, ижодий ишда ундан мадад тилайди:

Муқимий зарра ҳамчун офтоби ховари Жомий
Заифу ожизам, кун дастгири, ёвари Жомий
Бадоди додхоҳон аз ту шояд довари Жомий
Қадомин дарду меҳнатро кунам ёдовари Жомий,
Ту осон мушкуили мо мустамандон мекуни ё не?

Таржимаси:

Муқимий Жомий олдида қуёш атрофида айланувчи зарра сингариидур,
Заифман, ожизман, қўлимдан тут, ёрдам қил, эй Жомий,

Сандан ёрдам сўровчиларга, ҳамма вақт мадад этиб келгансан, эй Жомий.
Дарду меҳнат чекувчи мен гадони ҳам ёд қил, эй Жомий,
Биз ёрдамга муҳтоҷларнинг мушкулини осон қиласанми ё йўқ?

Муқимийнинг ижодий эволюциясида Шарқ классикларининг ажойиб асарлари, шубҳасиз, муҳим роль ўйнаган. Муқимийнинг улуғ ўзбек шоири ва мутафаккири Алишер Навоий ғазалларига, шунингдек, Шарқ поэзиясининг гениал лирик шоири Фузулий ғазалларига қайта-қайта мурожаат этгани ва кўплаб мухаммаслар боғлагани маълум. Бу мухаммасларнинг хронологиясини белгилаш қийин бўлса-да, ҳеч янглишмасдан Муқимий ёш вақтларида ёк бу улуғ ижод эгаларини зўр ҳаяжон ва муҳаббат билан ўқиганини ҳамда уларга мухаммас боғлай бошлаганини айтиш мумкин. Шарқ классиклари хазинасининг сўнмас машъали Муқимийнинг бутун ҳаёти давомида унинг ижодий йўлини ёритиб турди. Бу жиҳатдан Муқимийнинг Бухородаги ҳаёти ҳам характерлидир. Матъумки, Муқимий Бухорода ўқиган даврида, XIX асрнинг 70-йилларида у ерда Аҳмад Дониш бошчилигидаги прогрессив адабий ҳаракат мавжуд эди, шоирнинг у адабий ҳаётдан баҳраманд бўлганлиги шубҳасизdir.

Ҳаёт воқеалари ва ҳодисалари, ҳаётий мушоҳадалар, шубҳасиз, Муқимий ижодий эволюциясини таъмин этган асосий ва ҳал қилувчи омил бўлди. 70-йилларнинг иккинчи ярмини шоир ижодий фаолиятидаги бурилиш даври деса бўлади. Чунки шоирнинг бу даврдаги ижоди учун қуйидаги икки хусусият характерлидир: бу даврда шоир, биринчидан, эски сарой адабиёти традицияларидан воз кечиб, янги ижодий принциплар томон йўл олди; иккинчидан, турмуш иллатларига, эски тушунча нормаларига танқидий назар билан қараб дастлабки сатирик асарларини ёзишга киришди. Муқимий онгига, дунёқарашида ҳосил бўлган бу ўзгаришлар унинг тез суръатлар билан ўсишига сабаб бўлди ва ижодий такомилининг янада кўтарилиши учун замин ҳозирлади.

Муқимий ижодий эволюциясининг иккинчӣ даври 80—90-йилларни ўз ичига олади. Бу даврда Муқимий изчил демократ шоир сифатида шаклланди ва ўзининг қизгин ижодий фаолиятини давом эттирди. Муқимий ижодий меросининг асосий қисми — лирика, ҳажвиёт ва саёҳатномаларнинг машҳур намуналари худди ана шу даврда яратилди.

Муқимий ҳаёти ва ижодий фаолиятининг сўнгги йиллари шоир ижодий эволюциясининг иккинчи давридан принципиал фарқ қилмаса ҳам, айрим ўзига хос хусусиятлари билан ажралиб турди.

Шуни айтиш керакки, Муқимий умрининг охиригача демократик поэзияга содиқ бўлиб қолди ва сермазмун, бадий юксак асарлар яратишни давом эттирди. Турли манбаларга асосланган

ҳолда шоирнинг бу даврда яратган баъзи асарларини аниқлаш мумкин. Масалан, Муқимийнинг 1902 йил декабрь ойида Андижонда бўлган зилзила муносабати билан 54 мисрадан иборат каттагина шеър ёзгани ва бу шеърнинг кейинроқ «Тарихи зилзилаи Андижон аз Мавлоно Муқимий» сарлавҳаси билан нашр қилингани маълум. Демак, бу шеър Муқимий томонидан 1902 йилнинг охириларида ёзилган эди. Бу шеърда Муқимийнинг рус маданиятига бўлган муҳаббати яхши акс этган. Шоир шеърда зилзиладан зарарланган ҳалқа кўрсатилётган моддий ва маънавий ёрдам ҳақида зўр муҳаббат билан сўзлайди, рус врачлари, ҳамширалари фаолиятини батафсил ёритиб, уларнинг инсон-парварлик ва олижаноблик фазилатларини ҳурмат билан мадҳ этади. Шунингдек, «Қўр Ашурбой Ҳожи» номи билан юритилаётган сатирик шеър «Туркистон вилояти газети»нинг 1903 йил 15 январдаги сонида «Ҳўқондли бир бойни(нг) шаънига Муқимий шоирнинг айтган шеъридур» сарлавҳаси остида босилган. Демак, бу шеър ҳам Муқимийнинг энг сўнгги асарларидан биридан.

Бу фактлардан кўриниб турибдикি, Муқимий умрининг охиригача лирик шеърлар ёзиш билан бирга, ҳажвиёт соҳасида ҳам ўз ижодини давом эттирган ҳамда сатира ва юморнинг ажойиб намуналарини яратиб келган.

МУҚИМИЙ ЛИРИКАСИ

Муқимий лирикасида муҳаббат мавзуи.

Муқимий лирикасининг асосини муҳаббат тематикаси ташкил этади. Бу мавзуу фақат классик адабиётимизда ёхуд Шарқ поэзиясидагина эмас, балки жаҳон адабиётида ҳам жуда кўп ишланган ва унда қанчадан-қанча шоҳ асарлар яратилган. Бу мавзуу улуғ Алишер Навоийга XV асрда қандай битмас-туганмас маънолар бахш этган бўлса, орадан қарийб беш аср ўтгандан сўнг ҳам Муқимийга шундай илҳом манбаи бўлиб хизмат қилди. Бу тасодифий эмас, албатта. Чунки адабиётнинг асосий объекти инсондир. Инсонни муҳаббатсиз тасаввур қилиш мумкин эмас, муҳаббат инсон маънавий ҳаётининг ажралмас қисмидир. Инсон социал категориядир. Шунинг учун унинг муҳаббати социал, конкрет тарихий мазмунга эга бўлади.

Муҳаббат ҳақида қўшиқ тўқиши ҳаётни куйлаш демакдир. Шу маънода Муқимий лирикаси чуқур оптимизм руҳи билан суғорилган ҳаётий лирикадир. Ҳаётийлик — Муқимий лирикасининг асосий ва етакчи хусусиятини ташкил қиласиди. Муқимий лирикасининг зўр социал қимматини ҳам унинг шу ҳаётийлиги таъмин этади.

Муқимий ўз лирикасида кенг маънодаги муҳаббатни, муҳаббат алангасида ёнган инсонни куйлади. Бу инсон истаклари, ар-

монлари, курашлари, кечинмалари, севинч ва аламлари, шоир шеърларининг туб мазмунини ташкил этди. Маълум маънода Муқимий лирикасини «инсон психологиясининг қомуси» деб аташ мумкин. Улуг Алишер Навоий ўз лирикасини қандай асослар билан «Хазойин-ул-маоний» («Маънолар хазинаси») деб атаган бўлса, худди шу асослар билан Муқимий лирикасини ҳам «инсон кечинмаларининг хазинаси» дейиш мумкин.

Муқимий ўз лирикасининг «муҳаббат қўшиги» эканлигини қайта-қайта таъкидлайди:

Ўзимда, гарчиким, ҳад йўқ эди алҳамдиллоҳқим,
Муборак қўйнига жо топти ашъорим мани они.

Муқимий сўзидан бўйи муҳаббат келгай, эй аҳбоб
Тараннум қилса маҳфилларда ҳофизларни хушхони.

Бу ижодий-эстетик программа иккинчи ўринда шундай ифода қилинади:

Қилма шеъримга тамасхур, тарки одатдур маҳол,
Хўбрўларга, Муқимий, ман. фазалхон, охуним.

Чиндан ҳам ҳаёт, инсон, муҳаббат ҳақида қўйлаш Муқимий ижодининг тарк қилиб бўлмайдиган «одати»га айланган бўлиб, унинг моҳиятини ташкил қиласр эди.

Муқимий муҳаббат темасида кўп дилрабо шеърлар ёзди. Уларда инсоний кечинманинг турли ҳолатлари таъсир қилинади. Муқимий баъзан шундай зўр ижодий маҳорат кўрсатадики, сўз санъатининг намунаси бўлган бу шеърларни ўқигандан, кишининг кўз ўнгидаги жонли манзара, сеҳрли рассом қалами билан чизилган ажойиб лавҳа намоён бўлади. Шоир хаёлида яратилган лавҳа жонли ва қонли ҳаёт манзарасига айланниб кетади. Чунончи «Ёлғуз» радифли разал шундай санъат мўъжизаларидан бири бўлиб, у рассом учун ҳам, ҳайкалтарош учун ҳам тайёр материалдир.

Баногаҳ учради от ўйнатиб бир дилрабо ёлғуз,
Рикобига сурниб кўз, қўй очиб қилдим дуо ёлғуз.

Дедимким: «Нозанинлар хайлида инсоф қилгандা,
Ўзингдур хуш такаллум, тўтии ширин адо ёлғуз».

Табассум бирла пинҳони деди: «Ошиқларим ичра,
Вале сен ҳам асиру мубталолигда жудо ёлғуз».

Дедим: «Жоно чекардим дарди ҳижронингни муддатлар,
Ҳарими васлингга маҳрамлиғ эрди муддао ёлғуз».

Деди: «Хилватда танҳо кўрмоғингдин не гараз бордур?»
Дедимким: «Орзу шулдурки, жон қилсанм фидо ёлғуз».

Муқимийни паноҳи исматингда асрафил ёраб,
Хатарлик дашт аро гумгаштай бераҳнамо ёлғуз.

Бу шеърда тасвир қилинган манзара ўзининг реаллиги ва жонлилиги билан кишини мафтун этади: от ўйнатиб келаётган гўзал — маҳбуба, от узангисига кўзини сурниб, гўзал ҳақига дуо қилувчи ошиқ. Бу манзарада Шарқ адабиётига хос қанчадан-қанча романтика ва инсоний ҳис-туйгу бор.

Муқимий ғазаллари муҳаббат изтиробларида энтикан бир ошиқ кечинмаларининг жонли ва ҳаққоний ифодасидир. Унда, худди ҳаётнинг ўзида бўлганидек, нозик ва чуқур туйғулар, қарама-қарши кайфиятлар акс этади. Бу ғазалда муҳаббат алан-гасида ўртанган юракка хос қайғу-алам билан бирга муҳаббат оғушининг лаззати ҳам бор, айрилиқ — ҳижрон жафоларида фарёд қилиш билан бирга, ёр — висол умидининг севинчлари ҳам янграб туради. Шеърни реал ва ҳаётий қилган, уни жозибадор санъат кучига айлантирган нарса ҳам ана шу инсоний кечинмаларни, қарама-қарши руҳий ҳолатларни, инсон табиити ва психологиясидаги диалектикани бера билиш маҳоратидир. Бундай шеър ҳеч қаҷон эскирмайди ва ўлмайди, ҳар сафар ўқигандан янги завқ-шавқ баҳш этади.

**Муқимий поэзиясида
лирик қаҳрамон
масаласи.**

Муқимий ўз шеърларида юксак инсоний фазилатларни улуғлайди, куйлайди. Бу фазилатлар у яратган лирик қаҳрамон тимсолида мужассамланади. Муқимий шеърларида гавдаланган лирик қаҳрамон дўстлик, садоқат, самимият, вафдорлик, мақсад йўлида сабот ва матонат билан курашиб каби олижаноб инсоний фазилатларга эга. Муқимий бу инсоний фазилатларни куйлаш, мадҳ этиш орқали кишиларда яхши хусусиятларни, фазилатларни тарбиялашга интилди.

Муқимий куйлаган лирик қаҳрамон конкрет тарихий давр, ижтимоий муҳит маҳсулидир. Бу қаҳрамон ўша муҳит билан чамбарчас боғланган бўлиб, жамиятнинг энг илғор foяларини мужассамлантиради. Муқимий ўзининг турмуш ҳақидаги истакармонларини лирик қаҳрамон орқали илгари суради.

Колониал қуллик ва социал адолатсизлик ҳукмронлик қилган билан даврда Муқимий ғазалларини кенг халқ оммасига қадрли ва азиз қилган нарса шу эдикӣ, унинг ғазалларида яхши хислатлар тараниум этилар, адолатли ва баҳтли замонлар ҳақида орзу қилинар ва шундай кунларнинг келишига ишончи билан, ҳаёт, баҳт, истиқбол ҳақидаги зўр оптимистик туйғулари билан халқа яқин ва тушунарли эди.

Муқимий лирикасида ҳаётни севишга, ҳаётдан завқланишга ҳақириб, турмушнинг озод ва баҳтиёр бўлишини орзу қилиш асосий ва етакчи мотивни ташкил қиласиди. Лирик қаҳрамондаги бу улуғ ниятларни амалга ошириш, турмушни фаровон ва қувноқ қилиш икки ёқлама зулм ҳукмронлик қилган адолатсиз, мудҳиш колониал тузум шароитида мумкин эмас эди. Шоир истаклари билан ҳукмрон муҳит ўртасидаги бу қарама-қаршилик

Унинг поэзиясида ҳасрат, нолиш, шикоят мотивларини туғдирди. Шунинг учун Муқимий лирикасида «бахтсизлик», «толе забунлик», «зулм», «жабру ситам» иборалари тез-тез учрайди. Шоирнинг кўп шеърларида «чархи қажрафтор» («тескари айланувчи фалак») дан шикоят қилиниб, «булбуллар ўрнини зоғлар» олгани «аҳли тамиз»нинг хор бўлиб, «нодонлар»нинг иззат-икромда эканлиги баён этилади.

Муқимий классик поэзиямизда кенг тарқалган бу «шикоят мотиви»нинг машҳур намуналарини яратди. Бу мотивнинг Муқимидағи ўзига хос хусусиятларидан бири шуки, ўнда «толе, бахт» проблемаси ўртага қўйилади. Ўтмишда шоир билан ҳукмрон социал муҳит ўртасидаги қарама-қаршилик турли шоирларда турлича ифода қилинган бўлса, Муқимида бу масала «толе, бахт» тушунчалари орқали ифода қилинди. Демократ шоир, бу тушунчалар орқали ўзининг мавжуд тартиблардан норозилигини, ҳукмрон доираларнинг эсаadolатсиз эканликларини англаради. Бу типдаги шеърларнинг энг характерли ва типик намунаси «Толеим» ғазалидир:

Оҳқим, ағсус, эмас ҳеч ишда раҳбар толеим,
Вожгундур имтиҳон қилдимки, аксар толеим.

Юз тарафдин еткуруб гарди кудрат занги ғам,
Айлагай оинан табъим мукаддэр толеим.

Ҳар неча қилсан тавалло-зори қилмас илтифот,
Рўйгардон, тескари, тобора бадтар толеим.

Рўзгорим тийра, иқболим забун, бахтим қаро,
Бўлса равшан бормукин тадбири дигар толеим.

Ногаҳон берсам, Муқими, бир мусулмонга салом,
Дафъетан икки қулогини қилур кар, толеим.

«Рўзгорим тийра, иқболим забун, бахтим қаро» мисраси шоир кайфиятини тўлиқ ифода қилиши билан бирга, бир формула сифатида унинг кўп шеърларида турли вариантларда такрорланиб туради. Масалан:

Эй табиб айланма, дардим бедаволардин бири,
Ранги зардим, кўру кўрма каҳраболардин бири,
Рўзгорим тийра, мен бахти қаролардин бири,
Оҳқим, ҳолимни сўрмас ошнолардин бири,
Ошнолар, балки хешу-ақраболардин бири.

(«Оҳқим, ҳолимни сўрмас ошнолардин бири» мухаммасидан.)

Умр ўтар юз хайфким ҳосил қилолмай лаҳза ком,
Рўзгорим тийра, бахтимдур қаро монанди шом,
Манга сунсангчи висолинг бодасидин эмди жом,
Бўлди корим бори ғам остида жон узмак мудом,
Ваҳқим, ҳар кун меҳнати бу кору бор ўлтургуси.

(«Интизор ўлтургуси» мухаммасидан.)

Рўзгорим тийра то чанд этмак, эй қоши қалам,
 Сўрмаоб ахволими ўтмай неча кўрганда дам,
 Мунча ҳам дилхасталардин айламай чун ваҳши рам,
 Жавру бедоду-ситам, беҳад чекиб ранжу алам,
 Куйларингни биргина ният қилолмай доғмен.

(«Доғмен» мухаммасидан.)

Дўст бўлдим ҳар кишига, кўрдим анда минг жафо,
 Топмадим, дунёни кездим, муnisу ғамхор ман.

Рўзғоримдур паришон зоҳири ботин хароб,
 Чарх давридин жигар хун, сийнаси афғорман.

Кимга дод айлай бориб шум толеимни дастидан,
 Кўза синдурган азизу, сув кетурган хорман.

(«Мактубот»идан.)

Аммо Муқимий поэзиясидаги алам, ҳасрат ва шикоят мотивлари умидсизлик белгиси бўлмай, балки лирик қаҳрамондаги зўр орзулар, улуғ ғоялар ва уларнинг амалга ошишига бўлган зўр умид натижасида туғилган мотивлар эди. Муқимиининг фаровон ҳёт, ҳалқ бахти, шахс эркинлиги ҳақидаги эзгу ниятлари ўша тарихий шароитда, ҳақсизлик, зулм, адолатсизлик ҳукмронлик қилиб турган жамиятда муттасил зарбага учради ва шоир ижодида нолиш, ҳасрат, шикоят мотивларининг туғилишига сабаб бўлди.

Муқимий билан ҳукмрон муҳит ўртасидаги бу қарама-қаршилик шоир поэзиясида бошқа ҳодисани ҳам — келажакка умид боғлаш туйғусини ҳам туғдирди. Келгусига нигоҳ ташлаш, ўз эзгу ниятларини келгусидаги «яхши замонлар»дан ахтариш, яъни романтик парвоз демократик адабиёт билан узвий равища боғлиқ бўлиб, бу унинг моҳиятидан келиб чиқади. Прогрессив характерга эга бўлган бу романтика ҳамма машҳур демократ шоирлар ижодида кўринади. Завқийнинг «Ажаб эрмас» мухаммаси, Фурқатнинг «Сайдинг қўё бер...» мусаддаси, Аваз Ўтарнинг яқинлашиб келаётган «Хуррият куни» ҳақидаги қўшиклиари, «булут остида қолмас офтоб» деб қилган хитоблари демократик адабиётдаги романтиканинг яхши намуналари ҳисобланади. Бундай романтика Муқимий поэзиясига ҳам хосдир. Мавжуд тузумдан қаноатланмаган ва ўз юксак ғояларини амалга ошириш учун турмушда ҳали етарли ижтимоий замин топа олмаган Муқимий истиқболга қараб интилади ва ўзига ўзи:

Келур охир сени ҳам йўқлагудек бир замон яхши,—
 деб хитоб қиласди.

Келажакдаги яхши замонлардан башорат берувчи бу сатрда Муқимий поэзиясининг энг кучли томони, Муқимий лирик қаҳ-

рамонининг асл қиёфаси яққол кўриниб туради. Муқимий яратган лирик қаҳрамон чинакам ҳаётий қаҳрамон бўлиб, шоир поэзиясининг чуқур реалистик характерга эга эканини кўрсатиб туради.

Муқимий лирикаси ўзининг мана шу гоявий хусусиятлари билан меҳнаткаш халқ оммасининг руҳига жуда яқин эди. Унинг лирикаси ўзининг шу ички қарама-қаршиликлари билан колониал қуллик ҳукмронлиги даврида яшашга мажбур бўлган ва ҳар соат шу турмуш занжири бўғовларидан қутулишга ҳарарат қилган, озод ва фаровон ҳаётга интилган, лекин ўша тарихий шароитда бу интилишларига мұяссар бўла олмаган меҳнаткаш халқ оммасидаги, биринчи навбатда кенг дәхқонлар табақасидаги қарама-қарши кайфиятни, психологияни яхши ифода қиласр эди. Муқимий шеърларининг халқ ўртасида кенг шуҳрат қозонишининг ва севилиб куйланишининг сири ҳам ана шундадир.

Муқимий мураббаъла-ри.

Адабиётимиз тарихида Муқимий ўз мураббаълари билан машҳурдир. Муқимий поэзиясининг бу турида жуда кўп чиройли намуналар яратди. Унинг адабиётимиздаги ўзига хос қиёфаси ана шу мураббаъ жанрининг устаси бўлиши билан ҳам белгиланади.

Муқимий мураббаълари, унинг кўпчилик ғазал ва мухаммаслари каби, ўзбек халқ куйларига мослаб ёзилган. Эҳтимол, уларнинг баъзилари маҳсус ашула учун атаб ёзилгандир. Улар ўзининг содда ифодаларда чуқур мазмунни билдириши, куй учун равонлиги, асосан, халқ қалбидаги нозик туйғуларнинг дилбар тараннуимидан иборат бўлиши натижасида халқ ҳаётига сингиб кетган.

Бизга Муқимий мураббаъларидан 21 таси маълум бўлиб, улар ўзининг гоявий ва бадиий хусусиятлари билан алоҳида диққатга сазовордир. Мураббаъларнинг деярли ҳаммаси ишқий темада ёзилган. Лекин бу таниш тема мураббаъларда шу қадар усталик, шу қадар юксак маҳорат билан ишланганки, натижада мўъжизалар яратувчи санъат асари майдонга келган. Мазмунан тугалланган, шаклан кам-кўстсиз ёзилган кўп мураббаъларнинг бир намунаси сифатида «Кўнглум сандадур» мураббаъсини олайлик:

Эмди сандек, жоно, жонон қайдадур,
Кўриб гул юзингни боғда бандадур.
Сақлай ишқинг токи жоним тандадур,
Узим ҳар жойдаман, кўнглум сандадур.
Меҳринг ўти ногаҳ тушди жонларга,
Парвойим йўқ зарра хону монларга,
Лола янглиғ тўлиб бағрим қонларга,
Узим ҳар жойдаман, кўнглум сандадур.
Эртаю кеч фикру зикрим хаёлинг,

Бир сўрмадинг: «Налар кечди аҳволинг?»
 Эсларимга тушиб ширин мақолинг,
 Ўзим ҳар жойдаман, кўнглум сандадур.
 Воқиф эрмас киши сенинг аслингдин,
 Тоқим десам пари сенинг наслингдин,
 Водариго, жудо бўлдим васлингдин,
 Ўзим ҳар жойдаман, кўнглум сандадур.
 Йўқ сан каби малоҳатлик ягона,
 Кўрганмукан мисолинни замона,
 Бўлиб халқ ичидা мундоғ афсона,
 Ўзим ҳар жойдаман, кўнглум сандадур.
 Юзларингдин хижил моҳи тобонлар,
 Рафторингга шайдо жумла ёронлар,
 Қолиб ҳар дам ўз ишимга ҳайронлар,
 Ўзим ҳар жойдаман, кўнглум сандадур.
 Султонисан, барча хўблар надиминг,
 Дойим эрдим дуогўйи, қадиминг,
 Бовужуди сўрмай ўттиғ Муқиминг,
 Ўзим ҳар жойдаман, кўнглум сандадур.

Дастлаб бу мураббаънинг мазмунига диққат қиласйлик. Кўриниб турибдики, унда муҳабbat кечинмалари тасвирланади. Лекин шоирнинг усталиги, маҳорати шундаки, кичик ҳажмдаги шеърда муҳаббатнинг бутун бир саргузашти ва тарихи: муҳаббатнинг туғилиши, бошидан кечган кунлар, алам-ҳасратлари, шодликлари ва, ниҳоят, унинг тақдири кўрсатилган.

Келтирилган бу бандлар мазмунидан кўриниб турибдики, шеърнинг маълум ва аниқ муқаддимаси ва хотимаси (1-ва 7-бандлар) бор, шунингдек, ундаги руҳий ҳолатлар ривожида ички боғланиш тадрижий ва мантиқий ҳаракат ҳам мавжуд. Мураббаъ бандлари ўзининг ғоявий ва эмоционал функциясига батамом мувофиқдир; биронта ҳам ортиқча банд йўқ. Маҳбуни кўриб ошиқ бўлган ва унинг висолига эришолмай, эртаю кеч ҳижрон ўтида ёнган ошиқ дуогўй бўлиб туриш билан қаноатланишга мажбур. Ҳақиқий ва самимий ошиқ образининг ана шу камтар психологияси мураббаъда мусиқий равонлик билан чизилган.

Мураббаъ мазмунан мукаммал бўлиб, ўқувчида муҳабbat саргузашти ҳақида тўлиқ таассурот қолдиради.

Муқимий лирикаси ва халқ оғзаки ижоди. Умуман, Муқимиининг шеърий асарлари, хусусан, унинг мураббаълари юксак бадиий хусусиятларга эгадир. Муқимий мураббаъларининг формал-стилистик белгилари ҳақида фикр юритганда, биринчи навбатда, уларнинг халқ поэзиясига яқин эканлигини таъкидлаш зарур. Муқимий ўз ижодий фаолиятида халқ адабиёти хазинасидан кўп баҳраманд бўлди. Муқимий ва халқ оғзаки ижоди баҳси анча диққатга сазовор темалардан бири бўлиб, шоир ижодида, хусусан, унинг лирикасида бу масалага оид ҳарактерли мисоллар кўп учрайди. Фактлар шуни кўрсатдики, Муқимиининг лирик шеърлари билан халқ қўшиқлари ўр-

тасида мұштарақ нұқталар кўп. Шунинг учун Муқимий лирикасининг энг яхши намуналари қўшиққа айланиб кетган ва кенг халқ ўртасида куйга солиб, ижро этилади. Бўндан ташқари, шундай ҳоллар ҳам учрайдики, халқ қўшиқлари ичидаги Муқимий шеърлари услубида тўқилган текстлар ҳам бор. Чунончи:

Зулм этиб мазлумларни хор қилмоқ шунчалар,
Чўридек зўрлаб сотиб озор қилмоқ шунчалар.

Севдигим унда бўлибон ётса менга интизор,
Севмаган бир чолга зўрлаб ёр қилмоқ шунчалар.

Революциядан кейинги даврда хотин-қизлар озодлиги учун кураш руҳида ёзилган бу қўшиқ Муқимийнинг «Шунчалар» радибли машҳур шеърини эслатади. Муқимийнинг халқижодига, халқ музикасига яқинлиги ҳам унинг санъати аҳллари — халқ ашулачилари, музикачилари ва бастакорлари билан дўстона алоқада бўлиши туфайли эди, албатта. Бу ҳол, айниқса, мураббаъларда очиқ кўриниб туради. Муқимий мураббаъларининг жозибадор чиқиши ва зўр шуҳрат қозонишининг сири ҳам унинг мазмунан ва руҳан халқ поэзиясига яқин бўлишидадир.

Муқимий мураббаъларини халқ поэзиясига яқинлаштирадиган энг муҳим хусусияти улар мазмунининг аниқлиги, услубининг соддалиги ва самимийлигидир. Муқимий мураббаъларида чуқур мазмун ғоят содда ва аниқ шаклда баён этилади.

Муқимий мураббаъларига хос бўлган хусусиятларни: чуқур мазмундорлик, равонлик, шўх ўйноқи вазнда ёзилганлик ва самимийликни кўрсатиш учун «Эй чеҳраси тобоним» асарини эслаш кифоя.

Бундай шеърлар Муқимий мураббаълари ичидаги кўп учрайди. «Кўнглим сандадур», «Кўрдим юзингни», «Ёдимга тушди», «Ажаб шиор айладинг» мураббаълари ҳам ўзиңинг композицион тугалланганлиги, ифодаларидағи соддалиги ва самимийлиги, мазмунининг чуқурлиги ва равшанлиги билан классик поэзиямизнинг энг яхши намуналаридандир.

Муқимий лирикасининг бадиий хусусиятлари.

Муқимий шеър ёзганда унинг жарангдорлигини, мусиқийлигини таъмин этадиган вазн, қоғия, радиф масалаларига катта эътибор берди. У аруз вазнининг деярли барча

баҳрларидан тўла хабардор бўлган. Муқимий шеърлари, асосан, арузда, унинг энг енгил, ўйноқи вазнларида ёзилган бўлиб, бу ҳол шеърнинг эмоционал кучини оширишга ёрдам берган.

Муқимий кўпроқ арузининг ҳазаж, рамал, ражаз баҳрларидаги вазн турларидан фойдаланди. У классик адабиётимизда қабул қилинган энг машҳур вазнлардан фойдаланиш билан бирга, шоирлар тажрибасида кам ишлатиладиган вазнларни ҳам қўллади. Буларнинг бири комил баҳри тармоқларидан комили

мусаммани солим вазнидир. Бу вазнининг ритмик схемаси қуйидагичадир:

| | | | |
|------------|------------|------------|------------|
| мутафоилун | мутафоилун | мутафоилун | мутафоилун |
| ∨ ∨ — √ — | ∨ ∨ — √ — | ∨ ∨ — √ — | ∨ ∨ — √ — |

Адабиётимизда ғайри табиий, ясама, кам тарқалган маъноларида номатбу деб аталадиган бу оғир ва узун вазнда Муқимий бир нечтагина шеър ёзган. Муқимийнинг «Асарлар тўплами»га кирган «Бу чаман аро» ғазали, мухаммас шаклидаги «Дар мазаммати сагеки, элликбоши номи ниҳода буданд» сарлавҳали сатираси ана шу вазнда ёзилгандир. Шоирнинг «Асарлар тўплами»га кирмай қолган шеърлари орасида ҳам бу вазннинг баъзи намуналари учрайди.

Комил баҳридан бу оригинал вазнининг хусусиятларини аниқроқ тасаввур қилиш учун унда ёзилган шеърлардан бирининг вазн парадигмаси — ритмик схемасини кўздан кечирайлик:

| | | | |
|--------------|---------------|---------------|---------------|
| Қариллик юки | тушубон манга | қади мавзуним | букулиб кетиб |
| Соқолим оқи | ўлум элчиси, | яна хотирим | чўкулиб кетиб |
| Мутафоилун | мутафоилун | мутафоилун | мутафоилун |
| ∨ ∨ — √ — | ∨ ∨ — √ — | ∨ ∨ — √ — | ∨ ∨ — √ — |

Муқимий арузнинг қандай вазнларида шеър ёзган бўлса, шуларнинг барчасида унинг нодир намуналарини ярагди.

Муқимий поэзиясида қофия ва радифнинг роли айниқса каттадир. Шубҳасиз, қофияда ҳам, радифда ҳам маълум фикрий вазифа бўлади, бусиз қофия ҳам, радиф ҳам йўқ. Лекин қофиянинг ҳам, радифнинг ҳам биринчи вазифаси асарнинг мусиқийлигини таъмин этиш, унинг эмоционал кучини ошириш учун хизмат қилишдир. Шунинг учун ҳам Муқимий поэзиясида қофияси бузуқ ёки сохта қофияли шеър топилмайди.

Маълумки, ҳар бир шеърий шаклнинг ўз қофия тузилиши бўлади. Ғазал ўзига хос қофия системаси билан (а-а-, б-а, в-а каби) бошқа шеърий шакллардан фарқ қиласди. Мухаммас шеърий шакл сифатида ғазалнинг такомилга эришган тури бўлиб, уларнинг қофия тузилишида маълум ўҳашашлик бор (а-а-а-а-а, б-б-б-а, в-в-в-в-а каби). Мураббаъларнинг ҳам ўз қофия тузилиши бор. Муқимий мураббаъларида икки хил қофия системаси учрайди. Улардан бирининг схемаси а-а-а-а, б-б-б-а, в-в-в-а тарзида, иккинчиси б-б-б-а, в-в-в-а, г-г-г-а тарзда кўрсатилиши мумкин. Лекин шеърий шакллардаги бу қофия тузилишидан ташқари, уларнинг мусиқийлигини ошириш учун хизмат қиласдиган яна қўшимча белгилари ҳам бор. Масалан, шеър санъатидаги қўш қофия ёки мисраларнинг ички қофияланиши, кўпроқ ғазалга хосдир. Юқорида келтирилган «Арзимни айтай...» ғазали шундай қўш қофияли асардир. Бундай қўш қофияли шеърларга Му-

қимий поэзиясидан кўплаб мисоллар келтириш мумкин, Чуонончи, унинг «Кулбам аро» ғазали ҳам ана шундай қўш қофияли асадарид:

Кулбам аро қўйди бу дам, юз шукур ул барно қадам,
Масканларим айлаб карам, қилди гулистони эрам.

Жаллод кўзлар қоп-қаро, мужгонлари дур сурмасо,
Кайрилма қошлар гўйи ё, хунрез шамшири дудам.

Жоно дедимки, соддарў, кўпдур гўзаллар тундхў,
Суҳбатда ширин гуфтугў, олифта сандек шўхи кам.

Айди куслуб: «Эй нотавон, ҳажримда рангинг заъфарон.
Жавру жафо қилдим ёмон, маззур тут чектинг ситам».

Айдимки, «Кулликка битиб, келган замон ташриф этиб,
Қолди, кўнгуллардан кетиб, ҳар қанчаким ранжу алам».

Гул-гул ёниб, рухсор сийб, гуфторидин дурлар сочиб,
Келмас Муқим эмди қочиб, кетти қилиб чун ваҳши рам.

Шуниси характерлики, қўш қофияли бу шеърнинг ҳар байтидаги ички қофияларни ҳам ҳисобга олсак, ғазалнинг қофия тузилиши а-а-а-а, б-б-б-а, в-в-в-а, г-г-г-а шаклларида намоён бўладики, бу мураббаъ қофия турларининг бирини эслатади. Лекин шунга қарамай, бу шеър мураббаъ эмас; унинг қофия тузилиши ҳам ғазалларнинг қофия тузилиши каби а-а, б-а, г-а шаклларида кўрсатилиши мумкин.

Шеърнинг мазмунини кучайтиришда ва эмоционал таъсирини оширишда радифнинг ҳам роли каттадир.

Радиф мисралар охирида такрорланиб турувчи сўз бўлиб, у бир ёки бир неча сўздан ташкил топиши мумкин. Муқимий радифни кенг қўллаган. У шеър турларининг ҳаммасида ҳам радифдан фойдаланган, жумладан, унинг мураббаъларида ҳам радифнинг чиройли намуналари учрайди. Лекин, бундан ташқари, мураббаъда унинг мазмунини, эмоционал кучини ошириш мақсадида такрорланиб турадиган мисралар ҳам бўладики, улар мураббаъга хос бадиий тасвир воситаларидан биридир. Муқимий ўз мураббаъларини такрорланиб турувчи мисралар билан зийнатлаганда, икки хил бадиий усулдан фойдаланади. Биринчи усул шуки, мураббаънинг ҳар бандидаги тўртинчи мисрада бир мазмун такрорланади, бу мантиқий урғу орқали асар тоғаси кучайтирилди. Масалан, «Ошнолигинг ёдимга тушти» мураббаъсида тўртинчи байт қуйидагича такрорланиб келади:

1- банд: Маҳви ҳайронингиз ёдимга тушти.

2- банд: Зулфи раҳиҳонингиз ёдимга тушти.

3- банд: Тийри мижгонингиз ёдимга тушти.

4- банд: Тифи парронингиз ёдимга тушти.

- 5- банд: Манга ошнолигинг ёдимга тушти.
 6- банд: Ҳозир пайдолигинг ёдимга тушти.
 7- банд: Ераб танҳолигинг ёдимга тушти.

Иккинчи усулда эса мураббаъдаги тўртинчи мисра тўғридан-тўғри такрорланаверади. Бу усулнинг энг гўзал намунаси «Кўнглум сандадур» мураббаъсида учрайди, яъни «Ўзим ҳар жойдаман, кўнглум сандадур» мисраси мураббаънинг етти бандида етти марта қайтарилиб, асарнинг оҳангдорлигини оширади. Муқимий мураббаълари ичидаги бу усулнинг бошқа намуналари ҳам бор.

Шундай қилиб, Муқимий ўз щеърларининг бадиий шакли устидаги зўр муҳаббат ва матонат билан ишлаган ва бадиий маҳоратнинг вазн, қоғия, радиф каби элементларини мукаммал эгаллаб, унинг классик намуналарини яратган.

Муқимий лирикасининг тили, услуби, бадиий тасвир воситалари ҳақида фикр юритганда, шуни таъкидлаб ўтиш зарурки, Муқимий ўз ижодида илфор, олижаноб ғояларни тарғиб қилиб, реалистик халқчил поэзия яратган экан, шу янги руҳ ва ғояга мувофиқ келадиган янги услуб, янги шакл яратишга ҳам киришган. Натижада Муқимий лирикасининг тилида халққа яқинлашишга, демократизмга, ортиқча араб-форс элементларидан қутулишга бўлган интилишни, услубида аниқлик ва соддаликни, тасвир воситаларида эса ҳаётийлик ва конкретликни кўрамиз. Шубҳасиз, Муқимий ўз лирикасида эски адабий услубдан, унинг дабдабали тасвир воситаларидан батамом қутулди, деб бўлмайди. Муқимий поэзиясида традицион образларнинг анча элементлари учрайди. Лекин демократ шоир Муқимий лирикаси учун характерли ва типик хусусият ундаги ҳаётийлик ва реализмдир.

Муқимий поэзияси халқ ичидаги яшаб, халқ завқига, талабига жавоб бериб келмоқда ва бундан кейин ҳам у халқнинг эстетик дидини тарбиялашда ўз қимматини йўқотмайди. Муқимий поэзиясининг бу хилда халққа мансур бўлиши ва узоқ умр кўришининг сабаби шундаки, унда юксак ғоявийлик, илфор замонавий ва халқчил ғоя юксак бадиий шаклда берилган. Ҳар ҳандай асар ғоявийлик билан бадиийликни шу хилда узвий боғланган ҳолда бера олса, Муқимий лирикаси сингари узоқ умрли санъат обидасига айланади.

АСР

МУҚИМИЙ ҲАЖВИЁТИ

Муқимий ижодий меросида ҳажвиёт салмоқли ўрин тутади. Муқимий ҳажвиёти унинг ижодидаги асосий мотивлар билан узвий равишда боғлиқ бўлиб, шоир ижодий қиёфасини тўлиқ тасаввур қилишга, шоир ижодининг ижтимоий аҳамиятини тўла-роқ тушунишга ёрдам беради.

Муқимий ўз лирикасида ифодалай бошлаган ҳукмрон мұхитдан нолиш, шикоят қилиш, мавжуд тузум тартибларидаң қаноатланмаслик, ҳасрат мотивларини ҳажвиётда янада кучайтириб, кескин тус олдириб, танқидий, сатирик ва юмористик асарларини яратди. Муқимий лирик қаҳрамонидаги мавжуд түзумдан қаноатланмаслик, турмушдаги адолатсизликларга норозилик кайфиятлари бу лирик қаҳрамонни шу камчиликларни танқид қылувчи сатирик қаҳрамонга айлантириди. Шу маънода Муқимий — лирик шоир билан Муқимий—ҳажвгүй тушунчалари бир-бiri билан узвий равишида боғланған бўлиб, бири иккинчи сини тўлдиради. Фақат фарқ шундаки, лирик шоир Муқимий бир хил адабий усуllар ишлатган, олижаоб ва самимий ижобий образлар яратган бўлса, энди у сатирик шоир сифатида бошқача адабий усуllар қўллаб, танқидий — сатирик образларни яратди, ёзувларнинг кулгили, жирканч ташқи қиёфаларини очиб ташлади.

Муқимий ҳажвиёти ўзининг мазмуни ва услуби, бадиий усуллари жиҳатидан сатира ва юморга бўлинади.

Сатиralар.

Муқимий сатиralари мазмун жиҳатидан бой, тематик жиҳатдан ранг-бараңгdir. Айтиш мумкинки, Муқимий сатиralари жамият ҳаётининг ҳамма асосий томонларини қамраб олди, эксплуататор синflарга хос бўлган ҳамма ижтимоий табақаларнинг типик образларини яратди. Ўзбек демократик адабиётида яратилган ажойиб социал типлар галереяси, даставал, Муқимий қаламига мансубдир. Бу социал типлар галереясидан эксплуататор синflарнинг ҳамма табақаларини: колонизатор амалдорларни, маҳаллий бойларни, рус капиталистларни, текинхўр рӯҳонийларни, мустамлакачиларнинг ювундихўр малайларини, савдогарларни, судхўрларни ҳаётининг топиш мумкин.

Муқимий сатиralарининг моҳиятини равшанроқ очиш ва улар тўғрисидаги мулоҳазаларимизни осонлаштириш учун бу сатиralарни танқид объектига қараб, шартли равишида уч группага ажратиш мумкин:

1. Чор чиновниклари ва маҳаллий амалдорлар зулмини кўрсатишга, уларнинг жирканч образларини яратиб, фош этишга қаратилган сатиralар («Танобчилар», «Доддоҳим», «Ахтаринг», «Сайлов», «Тар мевалар», «Дар мазаммати сагеки, эллиқбоши номи ниҳода буданд» ва бошқалар).

2. Маҳаллий бойлар, мустамлакачи капиталистларнинг кирдикорларини очиб ташлашга, уларнинг хусусий мулкчилик заминида түғиладиган пасткашликларини кўрсатишга қаратилган сатиralar («Масковчи бой таърифида», «Ҳажви Виктор бой», «Ҳажви Виктор», «Воқеаи Виктор», «Дар шикояти Лахтин», «Воқеаи кўр Ашурбой», «Тўйи Иқон бачча», «Ҳожи қадоқчи», «Гап тўғрисида гап» ва бошқалар).

3. Жамиятда техкинхўрлик билан ҳаёт кечиравчи дин аҳларини танқид қилишга, уларнинг феълу атворларида ифлосликларни, кулгили ҳолларни тасвир қилишга бағишланган сатиralар («Ҳажви халифаи Мингтепа», «Дар мазаммати қурбака», «Авлиё» ва бошқалар).

«Танобчилар». Бу сатира ўз мавзуи, турмушни акс эттиришдаги бадиий умумлаштирма кучи билан демократик адабиётдаги сатиralар ичida алоҳида ўрин тутади. Унда мустамлакачилик тартиблари ҳукмронлик қилган даврда чор амалдорларининг меҳнаткаш халққа кўрсатаётган зулмзўрликлари равшан ҳаётий лавҳаларда, типик шахслар фаолиятида тасвирланган.

«Танобчилар» сатираси зулмга йўлиққан оддий бир деҳқоннинг ҳикояси тарзда ёзилган. Деҳқон ўз бошига тушган кулфатларни, кечирган саргузаштларини шундай ҳикоя билан бошлиди:

Бўлди таажжуб қизиқ ҳангомалар,
Арз этайин эмди ёзиб номалар.

Ўн икки ойда келадур бир таноб,
Ўзгалара роҳату менга азоб.

Ҳақиқатан ҳам, бу «таноб» воқеаси ўзгаларга — бойларга, катта ер эгаларига, мустамлакачиларга роҳат бахши этар, оддий меҳнаткаш деҳқонларни эса азоб-уқубатга солар, хонзайрон қилар эди. Чунки «таноб» орқали чор ҳукуматининг олиб бораётган оғир солиқ сиёсати амалга оширилар эди.

Маълумки, чор мустамлакачилари томонидан ўрнатилган тартибга кўра, ҳар йили деҳқонлар ўз экинини экиб бўлганларидан сўнг, экин майдонининг қанчалигини аниқлаш ва шунга қараб солиқ солиш учун қишлоқларга амалдорлар чиқар эдилар. Улар экин майдонларини таноб¹ билан ўлчаганлари учун улар танобчилар деб юритилганлар. Танобчилар қишлоқларда истаганларича зўрлик ўтказар, порахўрликни авж олдириб, бойларга ён босар, камбағаллар ерини ўлчашда турли фирибгарликларни ишлатиб, халқни катта солиқлар билан қийнар эдилар. Халқнинг ана шундай аяничи ҳаёти 68 мисрали «Танобчилар» шеърида акс этади. Муқимий бу шеърида меҳнаткаш деҳқонларнинг оғир аҳволини кўрсатиш билан бирга, чор малайлари бўлган маҳаллий амалдорларнинг жирканч ва типик қиёфасини тасвирлайди.

«Танобчилар» сатирасининг бош қаҳрамонлари Султон Алихўжа билан Ҳакимжондир. Улар бюрократизм асосига қурилган мустамлакачилик аппаратининг тимсоли сифатида ҳаракат қила-

¹ Таноб — тахминан, гектарнинг олтидан бир қисмига тўғри келади.

дилар. Порахўрлик, адолатсизлик ва зўрлик улар учун характерли хусусиятдир. Чор самодержавиеси ўзининг бутун даҳшати билан, қамчи ва қилич кучига асосланган мустамлакачилик сиёсати билан уларни ҳимоя қиласди. Муқимий бу амалдорларни ёлғиз ҳолда эмас, балки ўз «хўжайнлари»га суюнган ҳолда, уларга орқа қилган ҳолда, улар номидан ҳаракат қилдириб, сатирада типик шароит яратади.

Муқимий бу икки амалдорнинг халқни талаш учун «иттифоқ» тузиб, дўст, аҳил бўлиб олганликларини жуда усталик билан фош этади:

Султон Алихўжа, Ҳакимжон иков,
Бири хотун, бириси бўлди куёв,

Иккаласи бўлди чунон иттифоқ,
Гўё хаёл айлаки, қилмай нифоқ;

Ош есалар ўртада сарсон илик,
Хўжа — чироф ёғи, Ҳакимжон — пилик.

Шу тахлитда шоир Ҳакимжон билан Султон Алихўжанинг ёр ўлчаш учун қишлоққа чиқиб келишини, насл-насаблари, амал ва ҳуқуқлари тўғрисида деҳқонларга мақтаниб, улардан пора талаб қилишларини, порани олгандан сўнг ҳам деҳқонлар ерини ортиқча «дучандон» ўлчаб, уларга зулм ўтказишларини қадамбақадам акс эттириб, уларнинг типик характерини очиб беради. Чунончи, Султон Алихўжа халқа шундай буйруқ беради:

Менки танобингга чиқибман келиб,
Хизматимни яхши қилинглар билиб;

Ўт қўюбон куйдиродиргон ўзим,
Ҳокимингу ўлдирадургон ўзим.

Хоҳ танобингни дучандон қиласай,
Хоҳ карам бирла бошингни силай.

Ҳакимжон ҳам зўравонликда Султон Алихўжадан қолишмайди, балки ундан ошиб тушади:

Икки танобингни қиласай ўн таноб,
Юртингизни куйдириб айлай хароб.

Султон Алихўжа билан Ҳакимжоннинг бу хилда ўзини хўжайин ҳисоблаб, халққа дўқ қилиши тасодифий эмас эди, албатта. Ҳақиқатан ҳам, улар чор ҳокимиятининг вакиллари сифатида халқ устидан чексиз зўрлик ва зулм ўтказиш ҳуқуқига эга эдилар. Адолатсизлик ҳукмрон бўлган ўша замонда бу бюрократ тўралар устидан қилинган халқ арзини, шикоятини ҳеч ким эшитмас, уларнинг ҳар қандай кирдикорлари, жиноятлари жазосиз қолиб кетар эди. Шунинг учун ҳам улар:

Зулм бирлан эллику юзни олур,
Боз танобини дучандон солур —

эди. Шу сабабдан шоир ғазабланади, мавжуд тартибларга нафрат билдиради, лънатлар ўқийди. Шоир сатирасининг ҳоким гурухларга қаратилган сўнгги мисраларида бундай аlam-ҳасрат ва нафрат айниқса кучли ифодаланади:

Тори булар яхшию, бизлар ёмон,
Эл тамизидин ҳазар эт, алъамон.

«Танобчилар» сатираси зўр маърифий ва тарбиявий аҳамиятга эга бўлган асардир. Ўнинг персонажлари Ҳакимжон билан Султон Алихўжа Муқимий яратган социал типларнинг энг муҳимларидан бўлиб, улар тимсолида чор ҳукумати ўринатгани мустамлакачилик режимининг жирканч моҳияти гавдалантирилгандир.

«Сайлов». Муқимиининг чор чиновниклари ва маҳаллий амалдорлар қиёфасини чизишга багишлиган сатирик асарлари ичida «Сайлов» шеъри алоҳида диққатга сазовордир. 7 байтдан иборат бўлган бу ғазал кейинги вақтларда (1956 йилда) топилди.

Адабиётимиз тарихида сайлов темаси янгилиkdir. Зотан, сайловнинг ўзи турмушимизда, ижтимоий ҳаётимизда янги ҳодиса эди. Ўлкага қапиталистик муносабатларнинг кириб келиши натижасида рўй берган янги ҳодисаларнинг бири давлат аппаратларида сайлов системасининг жорий қилиниши эди. Чор ҳукумати томонидан ўринатилган тартибга мувофиқ, қўйи мансабларга — мингбоши, юзбоши, қози каби мансабларга тайинлаш сайлов йўли билан ўтказиларди, унга «халқ идора усули» деган жарангдор ном ҳам берилган эди. Лекин халқ иштироқида ўтказиладигаи бу сайловда мулкдор гуруҳлар томонидан қандай найранг ва лўттибозликлар ишлатилишини, қандай фожиалар рўй беришини, ҳатто тасаввур қилиши қийин эди.

Бу муҳим социал ҳодиса демократ адабиётда кенг акс этди ва бу темада қатор сатирик асарлар ёзилди. Бу даврда Муқимиининг «Сайлов» номли сатирасидан ташқари, Завқийнинг ҳам «Воқеаи қози сайлов» асари ижод қилинди.

Муқимиий бу мавзуни ўзига хос моҳирлик ва ғоявий юксаклик билан ишлайди. У «ҳокимлар амри билан» халқ бошига тушган бу «ғалва»ни, «бало сайлов», «вабо сайлов» деб атайди. Ҳақиқатан ҳам амалпараст, худбин маъмурларнинг ҳаёт-мамотини ҳал қилувчи бу воқеа натижасида қизиб кетган ўзаро курашларнинг бутун оғирлиги халқ зиммасига тушар эди:

... Сочиб қарзу-қавола, пул кўтариб, истаюб мансаб,
Бўлолмай кўп кишини синдируб, қилди гадо сайлов...

Талоши жоқ айлаб, от чопиб, олмай даме ором,
Мусулмонларнинг рангин айлади чун қаҳрабо сайлов.

Муқимий, оғриди бошлар, ҳалойиқ гуфту-тўйидин,
Шаҳар тинчӣ қолурди бўлсачи эмди адо сайлов.

Муқимий бошлаб берган бу традиция бошқа демократ шоирлар томонидан давом эттирилди ва бу муҳим социал воқеа адабиётда кенг акс этди.

Сайлов воқеасининг ҳалқ ҳаётида қанчалик катта, ўрин тутиши ўзбек совет адабиётининг асосчиси Ҳамза Ҳакимзода Ниёзийнинг ҳам сўнгроқ бу темага қайта-қайта мурожаат қилганидан кўриниб туради. Ҳамза Муқимий традициясини давом эттириб, бу темада маҳсус драматик асар — «Бурунги сайловлар»ини ёзди. Бу асарда, шунингдек, ўзбек совет драматургиясининг классик намунаси бўлган «Бой ила хизматчи» драмасида Ҳамза колониал қуллик ҳукмронлиги давридаги сайловларниң ҳалқ бошига келтирган кулфатларини чуқур бадиий лавҳаларда, унтилмас образларда тасвирлаб берди.

Демократ шоир Муқимий «Додхоҳим», «Тар мевалар», «Дар мазаммати сагеки, элликбоши номи ниҳода буданд» сатираварида ҳам турли мансабдаги амалдорларга — чор чиновникларига ҳам, маҳаллий амалдорларга ҳам зўр нафрат билан қараганини равшан ифодалади.

«Тўйи Иқон бачча». Муқимиининг иккинчи хил сатиравари капи-талисталар, мустамлакачи савдогарлар ва маҳаллий бойларнинг кирдикорларини очиб ташлашга бағишлиланган. Улардан бири «Тўйи Иқон бачча» сатирасидир. Бу сатира сюжетли асар бўлиб, унда тасвирланган воқеа Иқондаги гумашта билан Тошкентдаги хўжайн ўртасида ўтказилажак тўй ҳақида хабарлашиш — «сим қоқиши» билан бошланади. Тошкентлик бойнинг телеграммасида қўйидагилар айтилади:

Мен ризомас, кишига ион берсанг,
Ё товуқ сақласангу дон берсанг.

Тўйнугунгдин агарда чиқса тутун,
Мунда бер дастмояларни бутун.

Бўлса умидингиз агар биздин,
Манфаат кўрмасин бирор сиздин.

Тошкентлик бойнинг бу кўрсатмаси Иқондаги гумашта учун дастур бўлди. Лекин тўйни ўтказмасликнинг иложи йўқ эди. Шунинг учун гумашта бой кўрсатмаларига амал қилиб, тўй ҳаражатларини жуда ҳам қисқартиради. Муқимиининг тасвирлашича, маслаҳат ошига уч киши чақирилади, қўй сўйилиб гўшт-ёғи хумга босилади, улар олдига калла шўрва олиб чиқилади. Тўйга етти киши айтилиб, улар олдига «қотғон, мөғор

отғон» нонлардан қўйилади. Чунончи, тўйда ёзилган дастурхон ва тортилган ош таърифи шундай баён этилади:

Солди алқисса эски дастурхон,
Қўйди сойил каби неча хил нон.

Бириси юмшоғу, бири қотғон,
Бири иссиг, бири мөғор отғон,

Енг учида қўйилди тўққиз нон,
Кулчалар тошки, синдурур дандон...

Сузди ош бир ликовда уч кишидин,
Кетти ошни кўриб ҳама ҳушидин.

Ош мисоли табақда кўз ёши,
Курмаки кўп, гурунчидин тоши;

Бир оғиз эмди олдилар янги,
Чиқди лаппак табақ уза чангি.

Фотиҳа жаҳл ила ўқиши туруб,
Келдилар тўйдин уйга оч кекуруб.

Муқимий сатира охирида тўй ўтгандан сўнг ҳисоб-китоб қилинганини, жами харажат ўттиз уч танга бўлганини айтиб, қўйконлик гумаштага эл-юрт номидан «уятсиз» деган баҳо бераб, сатирани ўзига хос услубда тутатади:

«Хатми қуръон» қўюлди тўйнинг оти.
Бўлса шундоғ бўлурмуди ўёти?!

Урди чўт сарфига тўй ўтканда,
Тузғача жамъи ўттуз уч танга.

Ушбу сўзлар, Муқим, эмас ёлғон,
Кўни-қўшниси шоҳиду бурҳон.

Мухтасар бўлди топти сўз анжом,
Алдуо, вассалому нома тамом.

Муқимий гумашта образини зўр маҳорат билан чизган. Сатирада келтирилган эпизодлар фоят характерли ва ўринли: оёқ учида юриб иш битириш, енг ичидаги тўйга одам айтиш, овоз чиқармай ош дамлаш, ўчоқ бошида йўталган кишининг елкасига косов билан тушириш, дастурхон ёзилиши ва ош тортилиши — буларнинг ҳаммаси бир мақсад учун — гумашта образини яққол кўрсатиш учун хизмат қиласи. Сатирада ортиқча, кераксиз эпизод — лавҳа бўлмаганидек, биронта ўринисиз сўз, бадий тасвир ҳам йўқ. Сатирадаги ҳамма элементлар ўзининг маълум фоявий йўналишига, вазифасига эга бўлиши билан бирга, айни замонда, сатиранинг умумий вазифасига бўйсундирилган, сатира фоясини очишга хизмат қилдирилган. Шу маънода сатира фоявий-

бадиий жиҳатдан етук ва композицион тузилиши жиҳатидан тугалланган асардир. Сатира услубидаги равонлик, вазъидаги енгиллик, тасвир воситаларидағи ҳәётйлик, мазмуни ва умумий руҳидаги реализм эса унга яна куч ва жозибадорлик бағишлади.

Муқимий тасвирлаган гумашта образи жамиятдаги маълум ижтимоий гуруҳнинг моҳиятини очиб берувчи социал типдир. У мулкдорлар ўртасида кенг тарқалган ва хусусий мулкчиликнинг ажралмас қисми бўлган хасислик, баҳиллик ва қурумсоқликни ўзида гавдалантиради. Бу жиҳатдан гумашта тошкентлик бой изидан боради.

Хасислик ва очкӯзликнинг тимсоли сифатида тасвирланган тошкентлик бой ва унинг қўёнлик гумаштаси адабиётимизда ягона образ эмас. Бу хилдаги образлар ўзбек адабиётида анчагина учраганидек, жаҳон адабиётида ҳам топилади. Масалан, О. Бальзакнинг «Гобсек» романидаги Гобсек образи, А. С. Пушкиннинг «Хасис рицарь» асаридаги рицарь образи ана шундай ярамас хислатларни ташувчи кишилардир. Бундай образлар ўзбек адабиётида ҳам бор. Узининг чуқур мазмундорлиги ва моҳирона чизилганлиги билан устоз Садриддин Айний яратган Қори Ишкамба образи жаҳон адабиётидаги ҳеч қандай хасис образидан қолишмайди. «Тўйи Иқон бачча» сатирида Муқимий томонидан яратилган хасис образи адабиётдаги шу хилдаги образлар галереясидан ўзига муносиб ўрин олади.

«Тўйи Иқон бачча» сатирида гумаштанинг хасисликдан ташқари яна бир хислати: малайлик хислати ҳам фош этилади. Гумаштанинг биринчи хусусияти — очкӯзлик қандай чуқур социал мазмунга эга бўлса, унинг иккинчи хусусияти — малай бўлиши ҳам шундай катта умумлаштирма кучга эгадир. Чунки гумаштанинг жамиятдаги ижтимоий вазиятидан келиб чиқадиган хушомадгўйлик, малайлик, ялинчоқлик, қўрқоқлик маълум ижтимоий гуруҳнинг хусусияти ҳисобланади. В. И. Ленин менъшевикларни буржуазиянинг малайи деб атаб, «малай учун эса социал тип сифатида риёкорлик характерли хусусият» деган эдики, бу гап тошкентлик бой паноҳида яшашга мажбур бўлган гумаштага ҳам тамомила тааллуқлидир. Гумашта ўз характерига хос бўлган бу хусусиятни ўзи ҳам сизади:

«... Нима кўп менда — ёру ошно кўп,
Бой кўп, шайху хўжа, мулло кўп.

Етса ногоҳ қулоқларига бу гап,
Обрўйим кетиб қолурда тугаб.

Мен бир одамнинг одамию малай»...
Занчалиш, эзма ҳам чўзилди талай.

Муқимий сатирик сифатида эксплуататор, мулкдор синфларга хос бўлган ярамас хусусиятларни тўғри пайқаган ва уни «Тўйи Иқон бачча» сатирасида ҳаққоний тасвирлаб берган. Сатиранинг фош этувчилик кучи ҳам унинг шу реалистик методидадир.

**Муқимий
сатириларида
буржуа жамияти
иллатларининг фош
етилиши.**

Муқимий сатирасининг реалистик кучини кўрсатадиган муҳим фактлардан бири шуки, унда ўлка ҳаётига янгидан кириб кёлаётган капиталистик муносабатлар ва уларнинг оқибатлари фош этилди.

Маълумки, Урта Осиёning Россияга қўшиб олиниши натижасида ўлка капиталистик муносабатлар доирасига тортилди. Бу ерда пахта тозалаш заводлари, мой заводлари, темир йўл устахоналари ва бошқалар қурила бошлади. Закаспий темир йўлнинг қурилиши эса ўлка экономикасида бурилиш ясади: бу темир йўл Урта Осиёни рус капитализми учун хом ашё манбаи сифатида кашф этди, очиб берди; иккинчидан, бу темир йўлнинг қурилиши ўлкага капиталистик муносабатларнинг келиб киришини тезлаштириди. Бу умумий ҳодиса натижасида маҳаллий халқ ичидан савдо ва саноат буржуазияси етишиб чиқа бошлади. Маълумки, метрополия капиталистлари билан миллий ўлка буржуазияси мустамлакадаги меҳнаткаш халқни эксплуатация қилишда иттифоқ тузиб халқни зулук бўлиб сўрадилар. Иккинчи томондан, улар ўртасида рақобат ҳам давом этади. Мустамлакада туғилиб келаётган ёш савдо-саноат буржуазияси доим метрополия капиталистлари назорати остида иш кўришга мажбур бўлганидан хом ашё манбаларидан истаганча фойдаланиш, ўлка бозорида савдо-сотиқ қилиб бойиш имкониятига тўлиқ эга бўлолмайди. Натижада улар ўртасида кураш — конкуренция бошланади. Лекин бу курашда миллий ўлка буржуазияси ҳамма вақт ўзидан зўрроқ метрополия капиталистларига ялинини умр ўтказишга мажбур бўлади. Ўлкага капиталистик муносабатларнинг кириб келиши муносабати билан жамиятда туғилган мана шу янги ижтимоий ҳодиса Муқимиининг «Масковчи бой таърифида» сатирасида равшан акс этди.

«Масковчи бой таърифида» сатираси маснавий йўлида ёзилган бўлиб, у 84 мисрадан иборатdir. Сатиранинг бош қаҳрамони — Ҳодихўжа. Сатирада қўёнлик Ҳодихўжанинг савдо-сотиқ ишлари билан бойиши, завод қуриш ниятида ишга киришиб, қарзга ботиши, берган векселларининг муҳлати ўтиб куйиши, охирида уй-жойларини, ер-сувларини ва ҳали битмаган заводдини ҳам арzon баҳода сотиши, яъни заводчи бойнинг синиши ҳикоя қилинади.

Ҳодихўжа — Муқимий сатирасининг таниқли ва доимий обьектларидан бири. Шоир «Воқеаи Виктор», «Вексель» ва

бошқа сатираларида ҳам Ҳодихўжа тўғрисида сўзлайди. Шунингдек, бошқа демократ шоирларнинг асаларида ҳам Ҳодихўжа номи учраб туради. Муқимий «Воқеаи Виктор» сатирасида Ҳодихўжа тўғрисида шундай маълумот беради:

Жаноби ўшал Ҳодихўжа эшон,
Олур ўзларин ағниёни замон.
Хаёлида Ҳўқандда дейдур: «Қани,
Узумдан бўлак хўжайи сайнд ғани?»

Муқимий ўзининг Зáвқий ғазалига боғлаган «Вексель» муҳаммасида ҳам бу эски танишини эсдан чиқармайди:

Олтириқлари ҳам векселни кони чиқди,
Заводни битказолмай эшонни жони чиқди.

Ҳодихўжа эшон — ўзбек миллий буржуазиясининг типик вакили. Ўдўкон очиб, савдо-сотиқ қилас, ер-сув орттириб, унда одамларни раҳмисизларча ишлатиб, бойлик тўплар, завод қуришни, яна катта бойликларга эга бўлишни орзу қилас эди. Лекин у ўзбек миллий буржуазиясининг бошқа вакиллари каби, ўз тақдирининг ҳам ҳалокатли эканини, ўз жонининг метрополия капиталистлари қўлида эканлигини билмас эди. Ҳодихўжа мустамлакачилик тартиблари ҳукмронлик қилаётган даҳшатли капиталистик конкуренцияда синиб, хонавайрон бўлади.

Муқимий «Московчи бой таърифида» сатирасида ҳаётий воқеаларни, қўёнлик бой Ҳодихўжа кечмишларини баён қиласди. Бу ҳаётий материал маълум тарихий шароитда ўзбек миллий буржуазиясининг турмушдаги мавқеи, тақдири учун характерли бўлганидан Ҳодихўжа образи чуқур умумлашма кучга эга бўлиб чиқди.

Муқимий Ҳодихўжани тип сифатида ижтимоий аҳволи, жамиятдаги фаолияти нуқтаи назаридангина тасвирилаб қолмай, унинг шахсий ҳаётини, оиласи турмушини ҳам тасвирилаш орқали унинг психологиясини, хулқ-автори ва характерини кўрсатишга мусасар бўлади.

Муқимий тасвирича, Ҳодихўжа — ўз бойлигига мағрур бўлган такаббур шахс. У ўзини ҳаммадан улуғ ва устун ҳисоблайди. Расталарда катта оқ саллани ўраб, кеккайиб от устида юрганида, одамлар уни аллома, шайх деб гумон қиласидилар. У халқ кўзига пок кўринишга тиришса ҳам, аслида ахлоқий жиҳатдан шубҳали киши. У оиласи ҳаётда ҳам жирканч қиёфасини намоён қиласди: давлат кучи билан «сийм-зар тўкиб», гўрков қизига уйланган, лекин эрдан ёлчимаган гўрков қизи ҳам унинг дастидан додга келади:

Деди оҳ уриб:—«Бўлса эр ҳоли бу!»
Фигонидин эл ичра тушти ғулу.

—«Даригоки, бахтим қаро бўлмаса,
Сенга тушмас эрдим, худо урмаса!»

Чиқиб ичларида ниҳон қотишиб,
Базўр қўйди ҳамсоялар босишиб.

Ҳодихўжанинг табиати паст, хулқ-автори ва қилиқлари ярамас бўлса ҳам, пул — давлат кучи билан ўзига қалбаки обрў тиклаб юрар эди. У синиб, молу мулки хатланиб, ҳовли-жойлари сотилгандан сўнг, пати юлинган товуқдек, совуқ қиёфаси билан намоён бўлди. Бу қиёфа унинг асл башараси бўлиб, у мулкдор табақалар ўртасида авж олган маънавий қашшоқликни, ахлоқий бузуқликни ўзида мужассамлантиради.

Муқимий чизган Ҳодихўжа образи мустамлакачилик даври ҳаёти учун, ўзбек миллий буржуазияси учун ниҳоятда характерли социал типдир.

Муқимий ўз сатиralарida маҳаллий бойлар образини чизиш билан чекланмай, мустамлакачи капиталистлар кирдикорларини ҳам дадил фош этди. Бу жиҳатдан унинг «Ҳажви Виктор бой», «Ҳажви Виктор», «Воқеаи Виктор» шеърлари характерлидир. «Ҳажви Виктор бой» мухаммас шаклида ёзилган 20 мисрали асар бўлиб, у ўз замонасида Н. Остроумов томонидан ашулачилар оғзидан ёзил олинган ҳамда матбуотда ўзбекча тексти ва русча таржимаси билан эълон қилинган эди¹. Бу шеърнинг совет матбуотида эълон қилинаётган тексти ҳам шу варианта асосланади.

«Ҳажви Виктор» сатираси ҳам мухаммас шаклида ёзилган бўлиб, у 25 мисрадан ташкил топган. 132 мисрадан иборат бўлган «Воқеаи Виктор» сатираси эса маснавий шаклидаги кенг сюжетли асар бўлиб, уни «сатирик достон» деб ҳам аташ мумкин.

Бу сатиralарининг учаласида ҳам асосий қаҳрамон Виктордир. Муқимий диққатини бунчалик жалб этиб, учта асар ёзишига сабаб бўлган бу киши ким?

Ўша замон вақтли матбуоти маълумотларига кўра, Виктор Димитрович Ахматов Қўйондаги ака-ука Каменскийлар савдо конторасида иш бошқарувчи бўлиб хизмат қилган. Шу даврда у маҳаллий бойларга арzon баҳода Москвадан мол келтириб беришни ваъда қилиб, улардан пул йиғишига киришган ва жуда кўп пул тўплагандан сўнг қочиб кетиб, дом-дараксиз йўқолган. Бу воқеа Фарғона водийсида катта шов-шуввларга сабаб бўлган ва «Виктор воқеаси» номи билан шуҳрат қозонған. Табиийки, бу воқеа ўша замон шоирлари диққатини ўзига жалб қилган ва адабиётда кенг акс этган.

Виктор воқеаси 1891 йилда бўлиб ўтган, Муқимий шеърлари ҳам шу вақтларда ёзилган.

¹ Қаранг: «Записки Восточного отделения Императорского Русского Археологического общества», том IX, Петербург, 1896, стр. 87—92.

Муқимий шу уч шеъридаң ташқари, бу темада яна бир қатор шеърлар ёзган. Айтиш мумкинки, адабиётда «Виктор цикли» майдонга келган. Викторга бағишлиган сатирик циклнинг диққатга сазовор намуналаридан Завқийнинг «Воқеаи Виктор» сарлавҳали сатирасини кўрсатиш мумкин.

Муқимийнинг мустамлакачи капиталистларга қарши қаратилган сатиralаридан яна бири «Дар шикояти Лахтин» шеъридир. Газал шаклида ёзилган етти байтли бу шеърда Муқимий Тошкентдаги улдабурон бойлардан бўлган Лахтин тўғрисида фикр юритади. Лахтин саноат корхоналари: ёғ ва пахта тозалаш заводлари очган, типография-литографиялар бунёд қиласа, Туркестоннинг турли шаҳарларида савдо контораларида мол сотган юлгич ва олғир капиталист эди. У янги босиб олинган ўлкада бойлик тўплаш учун ҳамма усууллардан фойдаланиб иш кўрган колонизаторларнинг типик вакили эди. Улуг рус революцион-демократ ёзувчиси М. Е. Салтиков-Шчедрин ҳам ўзининг «Жаноб тошкентликлар» романини ёзиб, бойлик тўплаш иштиёқида узоқ ўлкаларга йўл олган рус саводгарлари, капиталистлари, бюрократ маъмурлари тўғрисида сўзлаганда, Лахтин, Виктор сингари типларни кўзда тутган эди.

Муқимийнинг характерли сатиralаридан яна бири «Воқеаи кўр Ашурбой» асаридир. Бу агар тексти Муқимий ҳаёт вақтида 1903 йилнинг бошларида «Туркестон вилояти газети» саҳифасида «Хўқандлик бир бойни(нг) шаънига Муқимий шоирнинг айтқон шеъридур» (1903 йил 15 январь) сарлавҳаси остида босилиб чиқди. Демак, бу сатира Муқимийнинг сўнгги асарларидан бири бўлиб, у конкрет бир шахсга «ҳўқандлик бир бой»га қарши қаратилганки, бу ҳол сатиранинг аҳамиятини белгилашга ёрдам беради.

62 мисрадан иборат бўлган маснавий шаклидаги бу сатира сюжетли асар бўлиб, унда ҳажга бориб, эл кўзида «габаррук» бўлиб олган кўр Ашурбой ёки Ҳожи Ашурбойнинг кирдикорлари фош этилади. Сатира сюжетидан маълум бўлишича, бой ахлоқан бузуқ киши бўлиб, у камбағал қўшиносининг қизи уйига кечаси ёмон ният билан бостириб киради, лекин шовқин-сурон кўтарилигач, қочиб қолади, одамлар уйгониб, кўпчилик бўлиб уни қўлга туширадилар; шармандаси чиқсан ҳожини маҳкамага, ундан қозихонага олиб борадилар. Лекин маҳкамама маъмурлари ҳам, қозихона катталари ҳам «бойнинг обрўси»ни туширмаслик учун ишни бости-бости қилиб юборадилар, жинояткор ҳожи сувдан қуруқ чиқади. Бу адолатсизликнинг ички сиридан яхши хабардор бўлган шоир ўз сатирасини қуйидаги мисралар билан тутгатади:

Ҳақорат қилинган кишилар қолиб,
Топиб бой сўзи бунда зўр ёътибор,

Қачон камбағалларнинг сўзи ўтар,
Агар бўлса ақчанг, сўзинг зулфиқор.

Ниҳони сочиб сийму зар сув каби,
Босилди машаққат билан бу губор...

Халойиқфа қилмас эди ихтилот,
Агар табъида бўлса номуси ор.

«Хожи қадоқчи» сатираси ўзининг мазмуни ва ғоҳияти жиҳатидан «Тўйи Иқон бачча», «Чойфуруш», «Воқеаи кўр Ашурбой», «Гап тўғрисида гап» сатиралари билан бир қаторда туради ва Муқими ҳажвиётидаги социал типлар галереясини тўлдиради.

Муқимийнинг колонизатор капиталистлар ва маҳаллий бойлар образини яратишга багишланган сатиралари демократик адабиётдаги ҳажвиётга қўшилган салмоқли ҳисса бўлиб, шоир поэзиясининг ҳаётий мазмунини, жанговар руҳини кўрсатиб туради.

**«Ҳажви халифаи
Мингтепа».**

Муқимийнинг учинчи гуруҳ сатиралари дин аҳлларини фош этишга, уларнинг жамиятдаги зааррли мавқеларини кўрсатишга қаратилгандир. Утмиш адабиётимизда антиклерикал адабиётнинг бой тажрибаси ва мустаҳкам традицияси бор. Дин аҳлларини ҳажв қилиш, дин найрангларини фош этиш адабиёт тарихимизнинг ҳамма босқичларида бўлганидек, демократ адабиётда ҳам катта ўринни эгаллади.

Муқимий бу даврда яратилган кучли антиклерикал адабиётни ўзининг ўткир сатиралари билан бошлаб берди. Муқимий сатиралари ичida дин аҳлларини фош қилишга қаратилган учта шеър бор: «Ҳажви халифаи Мингтепа», «Авлиё», «Дар мазаммати қурбақа». Булардан иккитаси маълум мутаассиб Дукчи эшон кирдикорларини фош этишга бағишлиган.

Тарихдан маълумки, 1898 йил қўзғолони, асосан, ҳалқ озодлик ҳаракатининг кўринишларидан бири бўлиб, антифеодал, антиколониал характерга эга эди. Лекин ундан маҳаллий феодал ва дин пешволари ўз манфаатлари учун фойдаланишга ҳаракат қилдилар. Андижон яқинидаги Мингтепага уя қуриб олган Дукчи эшон (Муҳаммад Али халифа) «ғазоват» шиори остида коғирларни мамлакатдан ҳайдаш, мусулмон давлати тузиш каби хаёллар билан ҳаракат бошлади. Дукчи эшон шиори панисломистлар кайфиятини ифода қиласа эди. Дукчи эшон ҳаракати Эрон, Туркия каби феодал давлатлари билан тил бириткириш натижасида майдонга келган бўлиб, улар орқасида Англия, Америка империалистлари турар эди. Ўзбекистон тарихидан маълумки, Дукчи эшон бошчилигидаги бу қўзғолон чоризм томонидан бостирилди.

Демократ шоирлар Дукчи эшон кирдикорларини фош қилишга қаратилган сатирик асарлар ёза бошладилар. Муқимий биринчи бўлиб ўзининг «баччағар» радифли «Ҳажви халифаи Мингтепа» номли 38 мисралик сатирасини ёзди. Муқимийдан сўнг ўша давр шоирлари бирин-кетин бу темада сатиralар ёза бошладилар. Натижада «Дукчи эшон цикли» яратилди. Чунончи, Чимкентлик шоир Султон Аҳмад, демократ шоир Завқий, шоир Нодим Намангоний, шоир Рожий ва бошқалар ўз сатирик шеърлари билан бу циклга ҳисса қўшдилар.

«Ҳажви халифаи Мингтепа» сатирасининг мазмунидан кўринишича бу асар 1898 йилдан илгари ёзилган, чунки унда Дукчи эшон «фитна бошлиғи» сифатида эмас, ҳийлагар, фирибгар эшон сифатида тасвир этилади. Сатирада эшоннинг номи тилга олинмаса ҳам, унинг Дукчи эшонга қарши қаратилганлиги шубҳасиздир.

«Ҳажви халифаи Мингтепа» сатирасида шоир ўзига хос изчиллик билан Дукчи эшон қиёфасини, кирдикорларини равшан очиб ташлади. Дукчи эшоннинг сатирик образини яратишда шоир кучли муболагалар, аччиқ киноялар, истеҳзоли қулги ва ўтири танқид усууларидан жуда усталик билан фойдаланди. Муқимий ҳамма бадиий воситаларни ишга солиб, Дукчи эшон характеридаги салбий томонларни яққолроқ кўрсатишга интилди. Масалан, эшоннинг савлат учун ҳасса тутишини шоир унинг кўрлигидан деб тушуниради: гарчи у зоҳирان кўр бўлмаса ҳам, яъни кўзи сўқир бўлмаса ҳам, бутун туриш-турмуши билан кўрдир, шунинг учун унга ҳасса зарурдир, демоқчи бўлади:

Гар асо тутса қўлиға сиз ани айб айламанг,
Воқеанким, кўзи очиқ, ботин аъмо баччағар.

Сатиранинг мазмуни тўғрисида гапирганда, унда Дукчи эшон ҳаракатининг реакцион панисломистик моҳиятининг очиб ташланганлигига диққат қилиш лозим. Маълумки, Дукчи эшон темасида асар ёзган кўп шоирлар эшоннинг кирдикорларини, ёлғон кароматларини, муғамбирлик, айёрлик каби хислатларини аниқ ва яққол кўрсатганлар. Дукчи эшоннинг бу хусусиятлари Муқимий сатирасида ҳам қайд этилади. Бундан ташқари, унда эшоннинг панисломизм идеологиясининг вакили сифатида иш кўриши, «ғазавот» шоири остида фитна тайёрлаши ва бу йўлда империалистик мамлакатларга суюниб Туркия султонидан бевосита топшириқлар ва ёрдамлар олиши таъкидланади. Муқимий ижодида панисломизм, пантуркизм каби «идеология» ларга қарши кураш мотиви асосий масалалардан биридир. Шоир «Ҳажви халифаи Мингтепа» сатирасида Дукчи эшоннинг ўлка-да дин номидан ҳаракат қилиб, одамларни «кофириларга қарши ғазавотга» чақирувчи Туркия султонининг одами эканини кўрсатади:

Илгари филжумла номусу ҳаёси бор эди,
Қайси кун ҳаждинки келди, бўлди расво баччагар.

Борса ҳар ерда уруб беҳуда ёлғон лофу қоф.
Дерки: «Султон берди менга етти тилло» баччагар.

Муқимиининг «Дар мазаммати қурбақа» сатираси ҳам Дукчи эшонга қарши қаратилгандир. Етти байтдан иборат бўлган ғазал шаклидаги бу сатира 1898 йилда Дукчи эшон воқеаси рўй берган жойда — Ойимқишилоқда ёзилган:

Илгари эркан Ойимқишилоқ, Муқимий, эмди хайф,
Баччагар оқ дўпилик қорни йўғон қурбақалар.

Муқимиининг таржимаи ҳолидан маълумки, у дўсти Завқий билан 1898 йилда Андижон ва Ўш тарафларга саёҳат қилган ва шу саёҳат вақтида Дукчи эшон воқеасининг устидан чиққан. Икки шоир воқеа рўй берган жойни — Ойимқишилоқни бориб ўз кўзлари билан кўрганлар ва ундан олган таассуротларини шеърий қолипга солганлар. Натижада Муқимиининг «Дар мазаммати қурбақа», Завқийнинг машҳур «Ҳажви Икчи эшон» сатираси майдонга келган.

Муқимий ўзининг «Авлиё» сатирасида эса халқ олдида тақвадор, «покиза» бўлиб кўринувчи «авлиё»нинг қандай пасткаш, риёкор, мунофиқ одам эканини очиб ташлайди. Муқимий сатиralari унгача бўлган сатирик адабиётдан ўзининг янги сифати, янги ғоявий эстетик асослари билан ҳам фарқ қиласди. Улар изчил халқчиллик—демократизм позициясидан туриб ёзилган. Муқимиий жамият асосини синфлар ташкил қилишини, уни ҳаракатга келтирувчи куч синфлар кураши эканини, бутун кишилилк жамияти тарихи эса синфлар кураши тарихидан иборат эканини англаб етмаган бўлса-да, жамиятнинг бир-бирига зид икки лагерга — мулкдор бойлар, судхўрлар ва камбағал қашшоқлар, меҳнаткаш халқ лагерига ажралиб қолганини ва бу лагерлар ўртасида муттасил кескин кураш бораётганини яхши тушуниб етган эди. Бу курашда у шоир сифатида ўз ўрнини ҳам белгилаб олган эди. Муқимиий демократ шоир сифатида жамиятдаги бутун ҳодисаларни халқ нуқтаи назаридан баҳолар, унинг манфаати учун тинмай курашар, унга заарарли бўлган ҳодисаларни эса сатира кучи билан аёвсиз фош этар эди. Муқимиий сатиralari ўзининг ғоявий-эстетик асослари билан халқга суянгани учун ҳам қадрли ва таъсирчан бўлди. Демократ шоирлар, жумладан Муқимиий, янги тарихий вазиятнинг янги вазифаларидан илҳомланиб, рус демократик маданиятининг баракали таъсири остиди ижтимоий ҳаёт масалаларини ҳал қилишда юқори позицияларга кўтарилилдилар ва ўз ижодларида янги ғоявий-эстетик принципларни яратдилар. Шу маънода Муқимиий сатиralari

демократик адабиётдаги сатира тараққиётида янги босқич ҳи-
собланади.

Муқимий юмори. Муқимий ҳажвиётининг иккинчи қисми юмористик шеърлардир. Ҳажвиётнинг бундай қисмларга бўлиниши бежиз ва тасодифий эмас, албатта. Сатира турмушнинг асосий ҳодисалари устидан ҳукм чиқазиб, кучли бўрттирма ва ўткир образларда эскилика қарши курашса, юмор ҳаётнинг жузъий, иккинчи даражали ҳодисалари устидан ҳукм чиқазади. Агар сатира «санъаткор руҳининг қаҳргазаби, чақмоқ ва момақалдироқлари» бўлса, юмор унинг кулгиси, ҳазил-мутойибасидир. Сатиранинг ҳам, юморнинг ҳам асосини танқид ташкил этади. Сатирада бу танқид ҳаётнинг туб, асосий ҳодисаларини обьект қилиб олади ва турмуш иллатларини йўқотишни мақсад қилиб қўяди, юморда эса бу танқид жузъий ҳодисаларни обьект қилиб олади ва бу камчиликларни тузатишни мақсад қилиб қўяди. Шу маънода юмор оддий кулги эмас, балки мазмундор кулгидир.

Муқимийнинг ўттизга яқин юмористик асарлари бўлиб, улардан 25 таси нашр этилган. Бу юморлар бир неча тематик груп-паларга бўлинади. Муқимийнинг таъбига ёққан темалар ҳам борки, шоир бу темаларга қайта-қайта мурожаат қиласи ва бирин-кетин асарлар ёзади. Бу ҳолни от, арава, лой, пашша, безгак темаларида кўриш мумкин. Муқимийнинг кўса темасига алоҳида мойиллиги сезилади. Чунончи, у «Кўсамен», «Девонамен» радиофларида бешта шеър ёзган. От мавзуидаги шеърлари ҳам бундан кам эмас.

Юморда ҳам, сатирада бўлгани каби, Муқимийга эргашиб, назира ёзувчилар майдонга келди. Масалан, Муқимийнинг от ҳақидаги бешта юмористик шеъридан ташқари, Завқий, Ёрий, Камийларнинг ҳам шу мавзуда шеърлар ёзгани маълум. Шундай ҳолни пашшалар, безгак мавзуларида ҳам кўрамиз. Муқимийнинг пашша темасидаги иккита асаридан ташқари, Завқий, Хидр, Ҳамза Ҳакимзода Ниёзийлар ҳам шу мавзуда асарлар ёздилар. Шоир Нодим Намангоний Муқимийнинг безгак ҳақидаги шеърига жавоб ёзади. «Кўсамен» ғазалига 12 бандли мухаммас боғлайди. Демак, демократик адабиётда юмор ҳам, сатира сингари, кенг ривожланади ва маълум темада ёзилган «юмористик шеърлар серияси» ёки «юмористик цикл»лар майдонга келади. Чунончи, Муқимийнинг «От», «Ҳажви от», «Бу отингиз», «Отим», «Дар сифати асби Тожи телеграфчи ба тариқи ҳажв Муқимий гуфтааст» юморлари, шунингдек, шоир Ёрийнинг «От ҳақида ҳажв», шоир Камийнинг «Мухаммас дар мазаммати асби мавлоно Рух» юморлари ва бошқалар от циклидаги юморларни ташкил этади. Демократик адабиётда от темасининг бу хилда кенг ишланишида классик адабиётимизнинг, хусусан Махмурнинг таъсири катта бўлди. Махмурнинг «Авсофи оти Қаримқул Мех-

тар» сарлавҳали юмористик шеъри машҳур. Муқимийнинг «От» номли юмористик мухаммаси кўп жиҳатлари билан Махмурнинг шу юморини эслатади.

От ҳақидаги бу юморлар масал деб қаралмаслиги керак, улар символик тасвир ҳам эмас. Муқимий ва бошқа шоирлар ўз юморларидаги конкрет, реал от тўғрисида сўзлайдилар ва номидан бошқа ҳеч қандай отлик хусусияти қолмаган аячли жони-вор устидан кулдилар. Бу кулги оддий эрмак ёки масхараబозлилк бўлмасдан, бу кулги заминида жиддий мазмун англашила-ди. Хароб бўлган от, хира паشا, тўлиб-тошган лой, шалоқ арава ва бошқалар феодал ва мустамлакачилик зулми остида қашшоқлашган турмушнинг, харобазорга айланган мамлакат ҳёти-нинг айрим тимсоллари-ди. Шу жиҳатдан уларни сатирик руҳда дейиш мумкин. Демократик адабиётда яратилган от ҳақидаги юморлар беихтиёр Махмурнинг «Ҳапалак» сатирасини, бу сати-рада тасвирланига ҳаёт лавҳаларини эслатади. Ахир хон ва беклар ҳукмронлик қиласи даврда ҳам ҳаёт шу хилда қашшоқлашган, Махмур айтгандек, товуқлар озиб-тўзиб иғначига, ўрдак ва ғозлар капалакка айланниб қолган эди. От юморида ҳам шундай «бедани чайнаб ютишга дармони қолмаган», «логар», «яғир», «қирчанғи» от устидан кулинаники, бу кулги, аслида, ҳаётни шу ҳолга келтириб қўйган ижтимоий шароит устидан қилинган за-ҳархандадир.

Мазмун ва мотив жиҳатидан от циклидаги юморлар билан ҳамоҳанг бўлган бошқа сериядаги юморлар лой, арава, паشا, безгак ҳақидаги асарлардир.

Лой ҳақидаги юморларнинг умумий ижобий мазмуни ва шўх, ўйноқи услубидан ташқари, уларда Муқимийнинг динга лоқайд қараши, дин ақидалари устидан истеҳзо билан кулиши ҳам акс этади. «Ҳайрон қилди лой» юморида шоир лойгарчилик Нуҳ тў-фонидек ҳамма ёқни босиб кетганлигини тасвирлаб худодан элчи бўлиб тушадиган малоикалар (фаришталар) учун ҳам қўна-диган тозароқ жой қолмади, улар ҳам қаерга қўнишини билмай ҳайрон қолдилар, деб кулади:

То нузул этса малоик субҳ ҳақ амри билан,
Осмондин ер уза тушмакка ҳайрон қилди лой.

Худо даргоҳи, унинг ерга юборадиган элчилари, умуман, ху-до ўрнатган тартиб-низомлар устидан кулиш қаттиқ гуноҳ сана-лар ва бундай киши диндорлар термини билан айтганимизда «шаккок», «куфурга кетган» ҳисобланар эди. Лекин Муқимийни худо даргоҳининг тадбирлари ҳам, дин аҳлларининг фатвола-ри ҳам чўчитмайди.

Муқимийнинг безгак ҳақида ёзган «Шикояти безгак» раза-лида классик адабиётимизда кенг тарқалган «ширу-шакар» усу-лининг намунаси кўринади. Юморни ташкил этувчи саккиз байт-

нинг олти байти ўзбек тилида, икки байти — тўргинчи ва олтинчи байтлари — форс-тожик тилида ёзилгандир.

Шу мавзудаги «Беҳад ёмон безгак» ғазали шоир биографиясини ўрганиш нуқтаи назаридан диққатга сазовордир. Юморнинг мазмунидан кўриниб турибдики, унда Москвадан қавму қариндошларини кўришга келган меҳмон, безгакка учраган жияни тўғрисида гапирилади:

Демаским: «Тутмайин қавму қариндошини кўрмоққа,
Келибдур мунда Масковдин неча кун меҳмон», безгак.

Бу янглиғ бандаларга берса озор интиқомига,
Курубон беҳу бунёди, не тонг бўлса ҳазон безгак.

Илоҳо, сақла шарридин Муқимийга жияндир бу,
Баҳаққи чор ёру ҳурмати пайғамбарон безгак¹.

Хуллас, арава, бой, безгак ва пашша ҳақидаги юморлар, худди от циклидаги юморлар сингари, маълум ижтимоий мазмунга эга. Уларда ҳам шоир ўша давр ҳаёти учун характерли бўлган майда-чўйда камчиликлар устидан кулади, уларни масхара қиласди. Бу юморлар шоирнинг яхши ҳаётга интилганини, атрофи ни ўраб олган муҳитдаги салбий ҳодисалар билан муроса қилолмаганини кўрсатади.

«Таърифи печ». Муқимиининг ҳаёт ҳақидаги ширин орзула-

рини, ҳалқ турмушининг фаровон ва беозор бўлиши ҳақидаги истакларини, идеални кўрсатиш жиҳатидан унинг «Таърифи печ» юмори ғоят характерлидир. Бу юморда шоир печканни ота-бободан қолган эски усул — сандал ва гулхан билан чоғиширади ва турмушимиизга кириб келаётган янгилик сифатида уни табриклайди. Муқимий ҳаётдаги қолоқлик ва ўрта асрчиликнинг ҳар қандай кўринишига қарши эди, шунинг учун у лой, арава, безгак, пашшалар ҳақида юморлар ёзиб, улар устидан кулар, прогресснинг ҳар қандай элементини зўр қувонч билан қарши олар ва улуғлар эди. Муқимийга хос бўлган бу муҳим хусусият «Таърифи печ» шеърида равшан ифодаланган:

Совуқ, қайда экан ороми жон печ,
Дегайким баъзи нодонлар: ёмон печ,

Эшикдин қалтираб келсанг иситгай,
Ки мушфиқ волидангдин меҳрибон печ.

Совуқ душман бўлиб урса шабохун,
Килурға дафъи ул соҳибқирон печ.

¹ Бу ғазалнинг ёзилиш тарихи ҳақида юқорида, шоирнинг ҳаётий фаолияти тўғрисида фикр юритганимиизда, батафсил гапирилган.

Зимистон фаслида қурсанг уйингга,
Хузури дил, чу боғу бўстон печ.

Чу тортиб келса лашкар қору борон.
Ўзи танҳо қочургай қаҳрамон печ.

Келур на сандали тўғри, на гулхан,
Чиқорғонин, Муқим, эткай омои печ.

Қўса циклидаги юморлар.

Муқимий ҳажвиёти ичидаги кўса циклига кирган юморлар ўзининг мазмунни ва характеристи-
жихатидан юқоридаги юморлардан ажра-

либ туради. Кўса циклида Муқимиий «Кўсамен», «Ҳайрон қўса-
мен», «Паришон қўсамен», «Девонамен» радиофли ғазаллар ёзган
бўлиб, буларнинг биринчиси 11 байдан, қолганлари 7 байдан
иборатдир. Булардан ташқари, шоир Нодимнинг Муқимиий ра-
залига («Кўсамен») боғлаган 12 бандли мухаммаси ҳам маъ-
лумдир.

Замонасининг машҳур шоирлари диққатини ўзига бунчалик
жалб этган ва маҳсус шеърлар циклининг яратилишига сабаб
бўлган бу киши Исмоил ота деган қўёнолик найчи санъаткор-
дир. У киши бутун ҳаётини санъатга бағишилган, лекин умри
қашшоқлик билан ўтган. Исмоил ота давримизнинг атоқли
санъаткорларидан Ўзбекистон ССР да хизмат кўрсатган артист
марҳум Абдиқодир найчи Исмоиловнинг отасидир.

Муқимиий Исмоил ота билан дўстона алоқада бўлган, унинг
санъаткорлик истеъодига ҳурмат билан қараган. Муқимиий ен-
гил ҳазил йўли билан унга бағишилаб юқоридаги тўртта шеърини
ёзган бўлса-да, лекин бу ҳазил — кулги остида аччиқ ҳақиқат ёта-
ди. Муқимиининг бу темага қайта-қайта мурожаат қилиб, кекса
санъаткор ҳақида бир неча асарлар ёзишининг чуқурроқ сабаби
ҳам бор эди: ўз замонасидан қадр-қиммат кўрмай, фифон қилиб
ўтган Муқимиий ўз тақдирини, қисман, девона—тиланчи санъат-
кор тақдирига ўхшатар эди. У найчи — санъаткор тўғрисида ёз-
ганда, ўзи тўғрисида, шоир санъаткор тўғрисида куйлагандек
бўлар эди.

Шунинг учун Исмоил ота тўғрисида шоир яратган мисралар
йиги аралаш кулгига ўхшаб янграйди:

Камбағал бир тўда гўдак ичра қолғон кўсамен,
Рост хоҳиким гумон қил, хоҳ ёлғон кўсамен.

Қўп бўғулганман, ҳаво иссиғ, кетарман эрта-кеч,
Дафъи савдо қилғали йушу Аровон, кўсамен.

Үйға овқоти учун ун-мун олиб бермоқчиман,
Бир тийин йўқ, дўстлар ёнимда, ҳайрон кўсамен.

Гоҳи беҳуд, гоҳ худ ҳолимға йиғлаб, тоҳ кулуб,
Алғаразким, бир нафасда неча алвон кўсамен.

Эрта бирлан бор жанозамга, хабар даркор эмас,
Ош емай ёткан кечим, албатта, ўлтон кўсамен.

Зийнат эркакка сақол ёркан, сақолим йўқ учун,
Халқ аро ўлгунча шумшук бад намоён кўсамен.

Хайр мардумда, Муқимий, кам қолиб тушмай чақа,
Най чолурга қолмаган бир зарра дармон кўсамен.

Исмоил ота тимсоли жуда характерли ва ибратлидир. Халқ ичидан етишиб чиқиб, халқ бадиий эҳтиёжлари учун хизмат қиувчи бундай талантли санъаткорлар ҳар бир миллатда ҳам бўлган. Бундай дарбадар, кезиб юрувчи сайёҳ санъаткорлар ўзбек халқи ўтмишида ҳам бор эди. Лекин ҳамма фожиа шунда эдики, икки ёқлама зулм остида таланиб, ўзи қашшоқлашган, халқ суюкли санъаткори учун зарур ёрдамни беришга ожиз эди. Шунинг учун шоир Муқимий санъаткор тилидан, тўғрироғи, санъаткор тили билан ўзининг ғамгин саргузаштларидан баҳс очади:

Зиндалиғ водийсида тентуб гадолиглар билан,
Бир қадамга қолмаган юрмакка дармон кўсамен.

Найлайн овора бўлмай мулкида Фарғонанинг,
Камбағалликдин ниҳоятда паришон кўсамен.

* * *

Юқорида кўриб ўтганимиздек, Муқимий сатиралари ҳам, юморлари ҳам катта эътибор қозонди ва адабий ҳаётнинг марказий масаласига айланди. Натижада Муқимий бошлаб берган темаларни давом эттирувчилар чиқди, «шеърий цикллар» яратиши традиция тусини олди. Муқимий бошчилигида яратилган бу традиция демократик адабиётдаги ҳажвиётнинг ўзига хос хусусиятини ташкил қиласиди ва уни адабиёт тарихимиздаги ҳажвиётнинг бошқа тараққиёт босқичларидан ажратиб туради. Бу хусусият Муқимий ҳажвиётининг шунингдек, демократик адабиётдаги ҳажвиётнинг ташкил белгиларига оид бўлиб, унинг моҳиятини ташкил қиласидиган ва бошқа давр ҳажвиётидан ажратадиган изчил халқчиллигидан ва ҳукмрон ижодий методга айланган реализмидан дарақ бериб туради. Демократик адабиётдаги реализм ҳажвиёт тифайли таққидий характерга эга бўлди, яъни таққидий реализм тусини олди.

Муқимий ҳажвиётининг аҳамияти ва роли тўғрисида фикр юритганда шоир ҳажвларининг халқ озодлик курашида ўйнаган ролига диққат қилиш лозим. Муқимий ҳажвиялари ҳозир бизнинг давримиз учун зўр маърифий ва тарихий аҳамиятга эга бўлганидек ўз даврида меҳнаткаш халқнинг эксплуататорларга, золим амалдорларга қарши олиб борган курашларида ҳам катта амалий аҳамиятга эга бўлди. Шунинг учун халқ ўз душманларини фош этиш, уларни обрўсизлантириш ва бебурд қилишда

Муқимий ҳажвиётидан ўткир қурол сифатида фойдаланди. Шу маънода Муқимий ҳажвиёти ўша даврда халқ ғазабининг ҳайқириғи, халқ виждонининг овози каби янграб турди.

«САЁҲАТНОМА»ЛАР

Ўзбек демократик адабиётида маълум ғоявий ва бадиий хусусиятларга эга бўлган «Саёҳатнома» жанрини бошлаб берувчи Муқимий бўлди. Муқимий турли маршрут (Қўқон — Фарона, Қўқон — Шоҳимардон, Қўқон — Исфара) билан турли вақтларда қилган саёҳат таассуротларини тасвирлаб, учта «Саёҳатнома» ёзди. Муқимий яратган «Саёҳатнома»ларнинг ҳаммаси шундан иборат, деган фикрни қатъий равишда айтиб бўлмайди. Чунки кейинги вақтларда (1953) «Исфара саёҳати»дан 40 мисрадан иборат янги парча топилди.

Муқимий «Саёҳатнома»лари ўша вақтларда халқ ўртасида кенг тарқалган ва шуҳрат қозонган бўлиб, ҳозиргача ҳам яшаб келмоқда, оғиздан-оғизга ўтиб нақл қилинмоқда. Унинг бир неча варианtlари ёзиб олинган.

Муқимий «Саёҳатнома»лари ўз вақтида назираларни майдонга келтирди. Чунончи, шоир Завқий ҳам Муқимий «Саёҳатнома»лари руҳини, унинг вазнини, қоғия системасини, бандлар тўртликлар усулини сақлаган ҳолда «Саёҳатнома» ёзган. «Обид мингбоши ҳақида ҳажв» номи билан юритилаётган бу «Саёҳатнома» Муқимий традициясини онгли равишда давом эттиради:

Хайҳот эшитсангиз улус,
Обид деган қайнар бўлис,
Мансаб эсиз, хайғи жулус,
Бадлафзу бадгуфтор экан.

Қайнар гапи — Қайнар булоқ,
Ҳеч сўзга солмайди қулоқ,
Улсни емай, эчки улоқ,
Кўп порахўр мурдор экан...

Завқийнинг 14 банд—56 мисрадан иборат бўлган бу асари ўзининг услуби, композицион қурилиши, бадиий хусусиятлари билан Муқимий «Саёҳатнома»ларига яқин туради ва демократик адабиётда шаклланган янги жанрнинг бир намунаси ҳисобланади. Шунинг учун уни «Завқий саёҳатномаси» деб аташ тўғрироқ бўлур эди.

Завқийнинг яна бир «Саёҳатнома» ёзгани маълум. «Шоҳимардон хотираси» деб аталадиган ва 10 банддан иборат бўлган бу асар ўз шакли ва услуби билан «Саёҳатнома»лар принципида тузилгандир:

Икки тарафдин сой, денг,
Кўм-кўк мусаффо чой дeng,

Ҳар дам ичib ҳой-ҳой, денг,
Оби ҳаётি жон экан....

Келдик етиб моҳи ражаб,
Ҳар ким кўрар айлар ажаб,
На форс кўрган, на араб,
Бир жаннати ризвон экан.

1892 йилда Фурқатнинг Ҳиндистондан Хитойга қилган сафари даврида унга ҳамроҳ бўлган шоир Тажаллийнинг ҳам Муқимий «Саёҳатнома» сига жавобан «Саёҳатнома» ёзганлиги тўғрисида маълумотлар бор. Лекин Тажаллий «Саёҳатнома»си бизгача тўлиқ етиб келмаган, ундан парчаларигина сақланиб қолган.

Демак, демократик адабиётда бир хил руҳ, бир хил тематика ва муштарак бадиий хусусиятлар билан характерланадиган «Саёҳатнома» жанри туғилган ва такомиллашиб борган. Саёҳат хотиралари ва таассуротларини шеърий шаклда баён қилиш бу асарларнинг умумий мазмунини ташкил қиласди. Бу асарларнинг бадиий хусусиятлари ҳақида фикр юритганда, уларнинг тўртликлар системасида, ўзига хос қофия усулида (а-а-а-с, б-б-б-с, в-в-в-с каби) ёзилганини кўрсатиш керак. Ҳар банднинг охирги — тўртинчи мисрасида «экан» сўзи радиф ўрнида келади. «Саёҳатнома» лар вазн жиҳатидан ҳам бир хил хусусиятга эга: уларнинг ҳаммаси арузнинг ражаз баҳри тармоқларидан «ражази мусаммани солим» (мустафъилўн, мустафыилўн, мустафъилўн, мустафъилўн) вазнида ёзилган. Буни яққол тасаввур қилиш учун «ражази мусаммани солим» баҳрининг вазн парадигмасини — ритмик схемасини кўздан кечирайлик:

| | |
|--------------|-------------|
| «Водил» мақо | ми дилфизо, |
| Мустафыилўн | мустафъилўн |
| Кўчалари | дур дилкушо |
| —у— | —у— |

| | |
|-------------|-------------|
| Анҳорида | оби сафо, |
| Мустафыилўн | мустафыилўн |
| Себарга о | би шар экан |
| —у— | —у— |

Муқимий «Саёҳатнома»лари уч ном билан юритилса ҳам, бир бутун бадиий асар деб қаралиши керак. Чунки уларнинг гоявий ўйналиши бир хил бўлиб, уларнинг ҳаммасида ҳам шоир бир мақсадини — турмушдаги кузатишларини баён этишини назарда тутади. Асарнинг композицион қурилиши, бадиий хусусиятлари ҳамма ўринда мана шу мақсадни амалга ошириш учун хизмат қиласди. Шунинг учун ҳам бу учта «Саёҳатнома»нинг ҳар бири бир бадиий асарнинг ажралмас узвий қисмларидир.

«Саёҳатнома»ларнинг бу уч қисми 51 банд (204 мисра) шеърни ўз ичига олади. Кейинги вақтларда топилган «Исфара саёҳат»идаги парчаларни ҳам қўшсак, «Саёҳатнома»лар 244

мисрадан иборат бўлади. Бу «Саёҳатнома»лар билан боғлиқ бўлган мұхим масалалар асосан қўйидагилардан иборатdir:

- а) «Саёҳатнома»ларда шоир образининг акс этиши;
- б) «Саёҳатнома»ларда ҳоким гуруҳларнинг фош этилиши;
- в) «Саёҳатнома»ларда табиат манзараларининг тасвири;

«Саёҳатнома»ларда шоир образи. «Саёҳатнома»ларда шоир ўз саёҳатлари эсдаликларидан баҳс этар экан, у турмуш ҳодисалари ҳақидаги таассуротларини,

уларнинг ўз кайфиятига таъсири ва бунинг натижасида ўзида туғилган руҳий кечинмаларни, туйғу ҳисларни, ўй-хәёлларни акс эттиради. «Саёҳатнома»ларнинг лирик чекинишларини ташкил қилиувчи бу материалларда шоирнинг маънавий ҳаёти, ички дунёси очилади, яъни ўқувчи кўз ўнгига шоир образи гавдаланади.

«Саёҳатнома»ларда акс этган шоир образи қандай?

Даставвал, шоирнинг саёҳатга чиқиши сабабига оид изоҳига диққат қиласлийк. Бу изоҳ юқорида келтирилган икки бандда — муқаддима бандларида берилган. Муқимиy саёҳатининг сабабларига оид яна бир парча учинчи «Саёҳатнома» («Қўқондан — Исфарага»)нинг бош қисмида берилган. Бу парчада ҳам Муқимиy ўз саёҳатининг сабабларини юқоридаги муқаддима бандларида қандай кўрсатган бўлса, шундай кўрсатади:

Афлок кажрафтор учун,
Ҳар дам кўнгул афгор учун,
Қўқонд тангутор учун
Саҳро чиқиши даркор экан.

Бу бандда ҳам, муқаддима бандларида ҳам «гардуни дун» зулми жафоси остида «юрак-бағри хун», «кўнгли афгор» бўлган шоирнинг шаҳарда туролмай, қишлоқ-саҳроларга сайд қилиб, ўз кўнглини юпатишга, дард-аламларини бир оз бўлса-да унтишга интилгани айтилади. Ҳақиқатан ҳам «Саёҳатнома»ларнинг, тахминан 1890 йил атрофларида ёзилганини ҳисобга олсан, уни қандай оғир шароитда яратилгани маълум бўлади. 90-йиллар Қўқон адабий мұхитида курашнинг қизрин тус олган даври ва демократ, ҳажвгўй шоир Муқимиyга реакционерлар томонидан туҳмат ва бўғтонлар кучайтирилган давр эди. Шундай оғир шароитда Муқимиyнинг «Чархи кажрафтор»дан нолиши, бўғиқ ва заҳарловчи шаҳар ҳаётини тарқ этиб, саёҳатни орзу қилиб қолиши табиий эди. Муқимиyнинг ҳаёт шароити бу даврда шу қадар оғир ва кулфатли эдикни, унда Қўқонни вақтинга эмас, абадий ташлаб чиқиши, Тошкентга кўчиш нияти ҳам пайдо бўлган эди. Шоирнинг таржимаи ҳолидан маълумки, унинг бу нияти амалга ошмай қолди ва у Фарғона водийисидаги кичик саёҳатлар билан чекланишга мажбур бўлди.

Бундан ташқари, Муқимиyнинг соғлиғи ёмон бўлганини ҳам ёддан чиқармаслик керак. Чунки у қоронғи, заҳ, қуёш тушмай-

диган зинданга ўхшаш бир ҳужрада муттасил истиқомат қилиб соғлигини йўқотган эди. Уни кўрган ва билган кишиларниң айтишларича, табиблар Муқимийга ёз вақтида баҳаво, тоғли жойларга тез-тез саёҳатга чиқиб туришни маслаҳат берганлар. Шоҳимардон, Исфара, Сўх каби хушманзара, баҳаво тоғ қишлоқлари шундай жойлар эдик, шоирнинг саёҳатларига шу ҳам сабаб бўлган бўлиши мумкин.

«Саёҳатнома»ларнинг турли ўринларида Муқимий ўз кайфијати, кечинмалари тўғрисида сўзлаганда, ўзининг «маъюс», «кўнгли маҳзун» эканлигини «мажнун сифат», «девонаваш» табиатини таъкидлайди:

Маъюс бордим «Зоҳидон»
Бир кўча кетгунча дўкон,
Шўх одами ичмай пиён,
Маст, отаси безор экан.

Ёки:

Чун шаҳридин чиқдим «Қудаш»,
Кўнгул бўлуб маҳзуну ғаш,
Мажнун сифат, девонаваш,
Сер чашмаю кам чанг экан.

Ехуд:

Маъюс чиқдим «Исфара»,
Дил хаста, мажруҳу яра,
Иссиқда куйган қоп-қора,
Олти жиҳат кўҳсор экан.

«Саёҳатнома»ларда шоир образининг бундай маъюс, кўнгли маҳзун, дили ярали ҳолда тасвирланиши тасодифий ҳол эмас, албатта. «Саёҳатнома»лардаги бу мотив шоир поэзиясида яратилган лирик қаҳрамон характеристига ҳамоҳанг бўлиб, уни маълум маънода тўлдиради. Муқимий поэзиясидаги лирик қаҳрамон ҳам адолатсизлик ҳукмрон бўлган жамиятда ўз олижаноб истакларига ета олмаганидан сўнг чор-ночор ҳасрат қилишга, нолишга, «бевафо дунё»дан шикоят қилишга мажбур бўлган эди, яъни ундаги ҳаёт ҳақидаги зўр оптимистик ғоялар шикоят мотивларини келтириб чиқазган эди. «Саёҳатнома»ларда ҳам худди шу ҳолни кўрамиз. Турмушдан, унда ўрнатилган тартиблардан, ҳукмронлик қилаётган қонун-қоидалардан қаноатланмаган шоир уни тарқ этмоқчи бўлади, «маъюс» ва «маҳзун» бўлиб, саҳроларни орзу қилиб қолади. Муқимийнинг, «Саҳро чиқиш даркор экан» деган сўзларцида унинг шу мураккаб руҳий ҳолати акс этади.

Шундай қилиб, «Саёҳатнома»ларда яратилган шоир образи, унинг турмушдан қаноатланмаслиги, нороziлиги, ундан шикоят қилиши демократик адабиётдаги лирик қаҳрамонни эслатади,

уни тўлдиради. Шоир табиати поэзияда ўзи яратган лирик қаҳрамон табиатига мос келади ва унга сингиб кетади.

«Саёҳатнома»ларда ҳоким гуруҳларнинг фош этилиши. «Саёҳатнома»ларда танинг муҳим намуналаридан бири бўлиб, унда ҳоким гуруҳларга мансуб бўлган амалдорлар, мингбошилар, бўлис бошлиқлари ва бошқалар кучли танқид остига олинади. Муқимий турмушни дикқат билан кузатиб, халқ ҳаётини қандай муҳаббат ва ачиниш билан тасвир этса, чор амалдорлари ва уларнинг кирдикорлари ни шундай нафрат ва ғазаб билан фош этади. Муқимий «Саёҳатнома»ларда ҳажвийлик истеъодини ишга солиб, мингбошилар, қозилар, бойлар ва бошқа «юргатта»лари ҳакида ажойиб ўткір мисралар яратади:

Мингбошилик кимнинг иши,
Десам, деди: бедониши,
Бир «қўштегирмонлик» киши,
Ҳожи Исо бадкор экан.

Мағрур, ҳасису бешу кам,
Ҳар гапда юз ичгай қасам,
Тагжой олур моховданам,
Ҳожи ўзи мурдор экан.

Дўрмонча қишлоғининг ҳокими ҳам ярамас феъл-атвори билан Ҳожи Исодан қолишмайди. Шунинг учун у ҳам Муқимий танқидидан омон қолмайди. Дўрмончада волость ҳокими («бўлис бошлиғи») бўлиб турган Фози номли киши золимлик билан шуҳрат қозонган, юргаттига сазовор бўлган эди:

Унда бўлис Фози деди,
Ҳам муфти, ҳам қози деди,
Юрг барча норози деди,
Қилган иши озор экан.

Муқимий юргатга озор берувчи бу чор амалдорларини социал тип сифатида фош этиб қолмай, уларнинг одам сифатида ҳам пасткаш, жирканч табиатли шахслар эканини кўрсатади. Уларнинг бир нусхаси Олтиариқ мингбошисидир:

Мингбошиси сўфинамо,
Тасбиҳу бўйнида ридо,
Чўқиб қочар зоги ало,
Бир дугули айёр экан.

Хайру сахо важҳига кар,
Бир пулни юз ердин тугар,
Келса гадой ногаҳ агар,
Бир нон чиқиши душвор экан.

Яккатут мингбошиси Эшдавлат ҳам бошқа амалдорлардан қолишмайди:

Мингбоши Эшдаёлат акам,
Аммо қуруқ савлат акам,
Қиласа чиқим гар бир дирам,
Уйқу қочиб, бедор экан.

Муқимиининг амалдорларни бундай хасис қилиб кўрсатиши тасодифий эмас эди. Халқ нақлларига қараганда, революциядан илгари қишлоқларга, волостларга ҳоким тайинланганда, катта амалдорлар янги бўлган амалдорларга қараб: «Мана энди, қишлоқ саники бўлди, уни сўраб, еб ёта бер!»— дер эканлар. Шундан кейин у мингбоши бутун қишлоққа хўжайин бўлиб қолар ва истаганича йўл-йўриқ тутар эди. Муқимиининг «Танобчиллар» сатирасидаги Султон Алихўжа билан Ҳакимжонларниң ҳам халққа қараб: «Улдирадиган ҳам ўзим, куйдирадиган ҳам ўзим»— деб ўшқиришлари шундан келиб чиқсан эди. Чор амалдорлари чекланмаган ҳуқуқлар билан халққа зулм ўтказувчи бюрократ бўлишлари билан бирга, бутун ўлигини халқ устига ортган порахўрлар, зулуклар эди. Шунинг учун улар, Муқимиий айтганидек, «бир дирам (танга) чиқса» ётиб уйқуси келмайдиган, бир пулни юз ердан тугадиган ҳаромхўрга — текинхўрга айланган эдилар. Ҳеч қандай низом, қонун билан чекланмаган золимлик, номуссиzelарча талаш асосига қурилган порахўрлик чор ҳукумати ўрнатган бюрократик аппаратга хос хусусиятдир. Бу чириқ, ярамас одатлар Россиянинг Турқистон каби чекка ўлкаларда ҳаддан зиёд авж олган эди.

Муқимиий мазкур «Саёҳатнома»ларда халққа жабру ситам қилювчи амалдорларни шундай нафрат билан эслагани ҳолда, ҳалол меҳнат билан машғул бўлувчи оддий халқ вакиллариномини ҳурмат ва самимият билан тилга олади.

Ду бора бордим даштлаб,
Бодом конига қараб;
Мирза Умарни сўрағлаб,
Ховлисида наjjкор экан.

Ёки:

Бўлгай ўшал Бурҷон омон,
Яхши йигитдур бегумон.

Яна бир ўринда халқ санъаткорлари: исфаралик Қаҳҳор ва Умар исмли ҳофизларни мадҳ этадики, улар шоир даврида бутун Фарғонага ном чиқазган эдилар:

Кам гайри Қаҳҳору, Умар,
Фарғонада ҳофиз дигар,
Билмас эканман бехабар,
Навмидлар хушхон экан.

«Саёҳатнома»лардаги яна бир муҳим хусусият шуки, шоир реал ҳаёт лавҳаларини кўрар, мушоҳада этар экан, у жуда катта умумлашмалар қиласи. Шоир очкўз ва золим амалдорларни йиরтқич бойларни, хароб қишлоқларни, оғир меҳнат остида,

зулм ваadolatsizlik натижасида эзилган оч ва юпун мөхнаткаш дәхқонларни, мустамлака қуллиги ва эксплуатация сиртмогида бўғилган ўлка ҳәтини, ўрнатилган тартибларни кўздан кечирав экан, ана шу дунёни одамлар учун қурилган дор деган холосага келади:

Белни Муқимий боғладим,
Шундог юришин чоғладим,
Олами таҳқиқ айладим,
Дунё қурилган дор экан.

«Саёҳатнома»лардаги танқидий бандлар унинг сатирик характерини кўрсатади. «Саёҳатнома»ларда мингбоши, бўлис бошлиқлари ва бошқа амалдорлар ҳақида ёзилган бандлар Муқимий сатирик меросига қўшилувчи бойлик бўлиб, булар асарнинг танқидий реализм адабиётининг муҳим намуналаридан бири эканини кўрсатади.

«Саёҳатнома»ларда табиат манзараларини тасвирлашга анча ўрин берилган. Зотан саёҳат таассуротларида табиат манзараларини тасвирлаш зарурий элемент ҳисобланади. Шоир Фаргона водийси бўйлаб қўлган саёҳатида турли қишлоқ ва далалар, саҳроларда бўлар экан, она-Ватан гўзалликлари билан қувонади, бу манзараларни зўр шавқ-завқ билан тасвирлайди. Муқимий ўз ватанини, унинг гўзал сойларини, қирларини, дала ва бояларини, адир ва баланд тоғларини севади, бу гўзал табиат қўйнида яшаётган мөхнатсевар халқини чуқур хурмат қиласди. «Саёҳатнома»ларда шоир жўшқин табиат куйчиси, оташин ватанпарвар сифатида гавдаланади.

Муқимий тоғлар орасида жойлашган Исфара тўғрисида сўзлаганда, унинг ўйноқи анҳор ва сойларини, боғ-роғларини шундай таърифлайди.

Анҳору сою чўллари,
Ўйнаб келодур сувлари,
Ширинки зардолулари,
Қанду асал бекор экан.

Рафқон ҳақида:

«Рафқон» ажойиб жой экан,
Бир кўча кетган сой экан,
Салқин супа ҳой-ҳой экан,
Ким кўрса ҳангуманг экан.

Яйфан таърифида:

Яйфан каби толзор кам,
Иўқ соясида зарра ғам,
Зебо санам, қоши қалам
(Жонон) лари бисёр экан.

Табиат манзаралари тасвири — пейзаж бадиий адабиётда муҳим компонент ҳисобланади. Муқимий асари «Саёҳатнома»да ўзининг табиатга бўлган муносабатини кўрсатади ва шоирнинг руҳий ҳолатидан дарак беради. Муқимий «Саёҳатнома»да ўз ватани ва халқини чуқур муҳаббат билан севган ватанпарвар шоир сифатида гавдаланади.

МУҚИМИЙ ИЖОДИДА ХАЛҚЧИЛЛИК ВА РЕАЛИЗМ

Муқимий халқ ҳаётини тасвир қилишга бағишиланган «Дар мардуми Оқжар батариқи мухаммас», «Ҳапалак қишлоғи тўғрисида», «Тарихи зилзилаи Андижон аз мавлоно Муқимий Ҳўқандий» каби маҳсус асарлар яратиши билан бирга, ўзининг бир қатор асарларида бошқа темаларга боғланган ҳолда халқ ҳаётига тўхтайди ва унинг ҳаққоний реалистик лавҳаларини чизиб беради. Бу гуруҳ асарларидан «Танобчилар», «Воқеаи кўр Ашурбой ҳожи», «Вексель», «Саёҳатнома», «Масковчи бой таърифида» ва бошқаларни тилга олиш мумкин. Муқимийнинг халқ тематикасида ёзган асарлари ҳажми ва характери жиҳатидан ҳар хил бўлишидан ташқари, улар турли вақтда ёзилган, уларнинг foявий савияси ҳам ҳар хилдир. Масалан, халқ ҳаётини тасвирлашга бағишиланган «Дар мардуми Оқжар батариқи мухаммас» асари шоир ижодий фаолиятининг илк даврида, яъни XIX асрнинг 70-йилларида ёзилган. Бу темада яратилган Андижон зилзиласи ҳақидаги асари эса 1902 йилда, яъни шоир ижодининг сўнгги даврида ёзилган. Бу мавзудаги бошқа асарлари ҳам ўттиз йилдан кўпроқ вақтни ўз ичига олган Муқимий ижодий фаолиятининг турли босқичларида майдонга келган.

Муқимийнинг халқчиллик руҳида ёзган асарларининг мазмунига ва foявий-бадиий кучига қараб, уларни уч гуруҳга ажратиш мумкин:

а) Муқимий ижодининг илк даврида халқ ҳаёти мавзуининг ишланиши («Дар мардуми Оқжар батариқи мухаммас»);

б) меҳнаткаш халқ оммасининг, биринчи навбатда, дехқонларнинг ҳаётини тасвирлашга бағишиланган асарлар («Ҳапалак қишлоғи тўғрисида», «Танобчилар», «Саёҳатнома», «Вексель», «Воқеаи кўр Ашурбой ҳожи», «Андижон зилзиласи» ва бошқалар);

в) ишчилар ҳаётини тасвирлашга бағишиланган асарлар («Масковчи бой таърифида»).

Адабиётда халқчиллик жуда кенг мазмунга эга бўлган тушиунчадир. В. Г. Белинскийнинг фикрича, турмушни тўғри, ҳаққоний акс эттирган адабиёт халқчил адабиётдир. Адабиётнинг халқчиллигини таъмин этадиган шартлар кўп, унинг мазмуни, foявий ўйналиши, ҳатто шакли ҳам халқчиллик масаласига та-

аллуқлидир. Лекин халқчилликнинг асосий ва етакчи шарти шуки, у ҳаётни халқ позициясидан туриб ёритиши ва халқнинг озодлик йўлида олиб бораётган курашига ёрдам бериши лозим. Ўзининг шакли ва мазмуни билан ана шу талабга жавоб берадиган асарлар ҳақиқий халқчил асарлардир. Масалан, А. С. Пушкиннинг «Евгений Онегин» асари, Л. Н. Толстойнинг «Уруш ва тинчлик» романи чуқур халқчиллик руҳи билан сугорилган асарлар бўлиб, улар рус халқи ҳаётининг асосий масалаларини ўзида акс эттиради ва халқ олдида турган тарихий вазифаларни англашга ёрдам беради. Худди шунингдек, улуғ ўзбек шоири ва мутафаккири Алишер Навоий асарлари ҳам ўзида халқ манфаатини акс эттирадиган чуқур халқчил асарлардир. Масалан, «Сабъаи сайёр» ёки «Сади Искандарий» асарларини олайлик. Бу достонларида Алишер Навоий мамлакатни идора этишда адолатли бўлиш, ҳукумат тадбирларини халқ манфаатига мослаштириш каби сиёсий ғояларни илгари сурадики, Навоийнинг бу сиёсий ғоялари ўша тарихий шароитда XV асрда халқ манфаати учун хизмат қиласр эди. Шунинг учун ҳам бу асарлар чуқур халқчил асарлардир. Машраб, Турди, Гулханий ва Махмурнинг танқидий асарлари тўғрисида ҳам худди шундай ҳукм чиқариш мумкин. Адабиётда халқчиллик тарихий категория бўлиб, у турли даврларда турлича мазмун ва характерга эга бўлади.

Шуни ҳам айтиб ўтиш керакки, адабий асарнинг халқчил бўлиши учун, албатта, унинг кенг меҳнаткаш халқ ҳаётидан олиниб ёзилган бўлиши шарт эмас, лекин халқ ҳаётини ана шу халқ манфаатларини кўзлаб тасвирашга бағишлиланган ҳар қандай асар халқчил асардир. Шу маънода Муқимиининг халқ тематикасида ёзилган асарлари халқчил асарлардир. Шунга қарамай, Муқимиининг халқ тематикасида ёзилган асарларида халқчиллик, асарнинг ғоявий-бадиий даражасига қараб, турлича намоён бўлади.

«Дар мардуми Оқжар батариқи мухаммас» асарида Қўйон яқинидаги Оқжарда Сирдарё устига қурилган паромдаги йўловчилар — халқ тема қилиб олинган. Муқимий тасвирида, йўловчи халқ камбағал, қашшоқ, паром ҳақини тўлолмайдиган, «киссасида икки пули» ҳам бўлмаган «жулдур тўнли» кишилар эди:

Кема важхини демасларки, берибон қутулай,
Тарзи бир ҳийла қилиб дерки, юкумни яшурай,
Билса саркори «почча!» деб этагига осилай,
«Икки пул бер яна буйруққа қараб!» деса, дегай:
«На қилурсан чиқамиз йўқ, мана ўлдур-ўлдур!».

Шоир халқ қашшоқлигини кўради, лекин у қашшоқликни келтириб чиқазаётган шароитни — таловчиларни, эксплуататор-

ларни етарли даражада кўрсатмайди. Мухаммасда халқ ҳаётининг характерли, типик лавҳаси—манзараси бор, лекин шу манзарани майдонга келтирган муҳит, унга қарши халқнинг курashi, нафрати ҳали кўринмайди. Шунингдек, шоирнинг «жулдур тўйли»ларга бўлган муносабати ҳам асарда етарли даражада равшан ифода қилинган эмас. Бу ҳол халқ ҳаётини тасвирлашда ҳали шоирнинг изчил реализмга эриша олмаганини кўрсатади. Изчил реализмнинг йўқлиги эса халқчилликда юзакиликка, бир ёқламаликка олиб келади. Зотан, бу даврда ҳали дунёқараши шаклланмаган ёш шоир ижодида халқ тематикасини ишлашда бундай камчиликнинг, юзакиликнинг бўлниши табиий эди. Бу даврда Муқимий ижодининг характерли ва етакчи томони унинг йўл қўйган камчилигига эмас, балки халқ ҳаётига диққат қилиб, жасурлик билан бу муҳим темани ишлашга киришиши дадир.

Муқимий ижодида халқ темасига бағишланган асарларнинг классик намунаси «Ҳапалак қишлоғи тўғрисида»ги мухаммасидир. Муқимий саккиз банддан иборат бўлган мухаммасини XIX асрнинг биринчи ярмида яшаб ижод этган фаргоналик шоир Махмур ғазалига боғлаш—тахмис йўли билан яратган. Муқимий мухаммасда Махмур йўлини давом эттириб, халқ ҳаётининг типик манзарасини, колониал давр қишлоғига хос бўлган манзарани жуда усталик билан чизиб берди. Маҳаллий эксплуататорлар ва мустамлакачи таловчилар зулми остида эзилган оч халқнинг «ажриқ ўти» билан тирикчилик қилиши, яланғоч «увада тўн» га ўралиб, «кўрпача ўрнида қамишда ётиши», «болиш ўрнида увот»га бosh қўйиши шу ҳаётнинг аниқ деталлари эди. Ҳапалак қишлоғининг талангани халқи шундай аянчли ахволда бўлса, у ернинг жониворлари, ҳайвон ва қушлари ҳам «логар», «хароб», «ўласи»дир. Муқимийнинг муболагали тасвирича, бу қишлоқнинг товуқлари ниначидек, ўрдаги ва ғози озиб-тўзиб капалакдек енгил тортиб кетган. Қишлоқ вайронага айланган, унда-мунда бир-иккни кападан бошқа ҳамма уйлар ер билан яксон бўлган.

Халқ бойқушлар уясига айланиб қолган мана шу вайронанинг вужудга келишига сабаб бўлган ҳокимларга, мулкдорларга нафрат билдиримай, бу адолатсиз ва инсофсиз тартибларга қарши бош кўтармай, «оҳу фифонини кўқдан оширмай» туролмас эди, албатта. Муқимийнинг тасвирлашича, халқ бу ҳақсизликка норозилик билдириб, ўз қишлоғини ташлаб қочишга мажбур бўлган эдики, бундай фактларни хонликлар ва мустамлакачилик даврига онд тарихий манбаларда кўплаб учратиш мумкин. Масалан, машҳур рус сайди А. П. Федченко ўзининг 1870.йилларда Туркистонга қилган саёҳати даврида Самарқанд атрофидаги Ўрамитон беклиги тўғрисида гапирганда, бу бекликда яшовчи халқнинг ҳаддан ташқари зулм ва та-

ловчилик натижасида хонавайрон бўлганини ва ўз юрт-жойла-
рини ташлаб, қочишга мажбур бўлганини баён этади¹.

XIX аср адабиётига оид асарларда ҳам беҳад зулм натижасида ўз юртини ташлаб қочишга мажбур бўлган халқ тўғрисида-
ги маълумотлар учрайди. Шуларнинг бир намунаси Муқимий
муҳаммасидаги қўйидаги банддир:

Кўчти халқи ёпишиб, кўхна, увода тўниши,
Чархдин ўткаришиб оҳу фанону унини,
Солмасун душмана ҳам бошига келган кунини.
Кечা ногаҳ эшишиб шуҳрати тилло пулини,
Ҳапалак қўрқиншдан учти мисоли капалак.

«Ҳапалак қишлоғи тўғрисида» муҳаммасида тасвирланган бу
лавҳа—манзара ҳаққоний ва реалистик характерга эга бўлиб,
халқ ҳаётининг асл моҳиятини англашга ёрдам беради.

Халқ ҳаётининг реалистик тасвири «Саёҳатнома»ларда ҳам
муҳим ўрин тутади. Шоир «Саёҳатнома»ларда амалдорлар,
мингбошилар, бўлис бошлиқлари ҳақида газаб ва нафрат билан
сўзлаб, халқни, унинг кечираётган оғир, мاشақкатли ҳаётини
зўр ачиниш билан тасвирлайди. Бу жиҳатдан Муқимийдагина
эмас, балки, бутун демократик адабиётдаги халқчиликнинг ёр-
қин намунаси ҳисобланган «Саёҳатнома»ларнинг қўйидаги
бандлари машҳурdir:

Кетгунча йўллар хорлар,
Йўл заҳмидин озорлар,
Кўкка етар кўхсорлар,
Ҳайҷот, хористон экан.

Қир пастида шўртанг ариғ,
Бир тўп йигит ўргай тариф,
Тўнсиз, яланоч, ҳай дариг,
Бечора, оч дехқон экан.

Қўйидаги парчада ҳам демократ шоир Муқимийнинг халққа
ғамхўрлиги сезилиб туради:

Сўрсам дедилар «Бўрбалиқ»
Бирмунча эчкилар ариқ,
Келса киши еяр тариқ,
Шому саҳар тайёр экан.

Муқимийнинг халқ ҳаётини тасвирлашга бағишланган махсус
асарларидан бири, Андижон зилзиласига бағишланган асари-
дир. «Андижон зилзиласи» асари шоир умрининг охирларида
1902 йил декабрда ёзилган бўлиб, у Муқимийнинг ўз ҳаётининг
охирги дақиқаларигача илфор ижодий-эстетик позицияларига

¹ Қаранг: А. П. Федченко, Путешествие в Туркестан, М., 1953,
стр. 140.

содиқ қолганлигидан дарак беради. Муқимий баҳтсизлик рўй бергандан сўнг Андижонга бориб, халқ бошига тушган мусибатни ўз кўзи билан кўрди ва ундан олган таассуротини мазкур шеърида ифодалади.

Муқимиининг «Андижон зилзиласи» шеъри икки жиҳатдан муҳимдир. Биринчидан, шоир зилзила натижасида рўй берган фожиани халқ баҳтсизлиги сифатида зўр қайғу билан тасвирлайди ва зилзиладан талафот кўрган халқ аҳволига «космон ҳам қон йиғлаганини» айтиб ачиниш туйғусини изҳор этади. Иккичидан, Муқимий бу асарда шикастланган халқа дори-дармон ва озиқ-овқатлар бериб, меҳрибонлик қилувчи рус врачларини, ҳамшираларини ва бошқа маъмурларини улуглайди, халқ аҳволига малҳам бўлиш учун кўрилаётган тадбирларни батафсил акс эттиради. Бу ўринда Муқимиининг маърифатпарвар сифатида илғор рус маданиятини улуглаши унинг халқпарварлигидан келиб чиқади.

«Танобчилар» сатирасининг ҳам асосий ижобий персонажи халқидир. Салбий қаҳрамонлар — Султон Алихўжа ва Ҳакимжонлар ҳам халқ фонида ҳаракат этадилар. Сатирада халқ образи жуда мукаммал қилиб яратилган. Зотан, сатира аслида таноб воқеасини бошидан кечирган халқ тилидан — унинг бир вакили тилидан ҳикоя қилиш усулида ёзилгандир:

Адл қулоғила эшил ҳолими,
Зулм қилур, баски, менга золими.

Ун икки ойда келадур бир таноб,
Ўзгалара роҳату менга азоб.

Халқ ўша тарихий даврда — амалдорлар, бойлар, капиталистлар ва уларнинг малайлари бўлган дин аҳллари ҳукмронлик қилиб турган пайтда чидашга, ўз ғазабини ичига ютишга мажбур әди. Халқнинг бу вазияти сатира охиридаги қисқа, лекин ниҳоятда ибратли эпизодда ифодаланган:

Бир-бирига қишлоқ эли боқишиб,
Гоҳ у ён, гоҳ бу ён чопишиб.

Жам бўлиб айлаюбон маслаҳат,
—«Дўғмага,— дер,— бир нима бериб жўнат!»

Ақча қўлида икки-уч мўйсафид,
Дерки: «Бу назирингиз-у, бизлар мурид!»

Зулм кўрган ва таланган меҳнаткаш халқнинг бундай тасвирланиши тарихий ҳақиқатга мосми ёки халқ образини яратишида Муқимий реализмдан чекинганми? Чиндан ҳам Муқимиининг ҳеч бир асарида халқни золимларга қарши бош кўтарган ва мавжуд тартибларга қарши актив кураш олиб борган ҳолда кўрмаймиз. Бу тасодифий эмас, албатта.

В. И. Ленин «Лев Толстой — рус революциясининг ойнаси» сарлавҳали мақоласида пролетариат синфи тарих саҳнасига чиқиб ўзининг онгли ва ташкилий ҳаракатини бошлагунча бўлган даврлардаги деҳқонлар ҳаракатининг моҳияти тўғрисида сўзлаб, унинг онгли ва планли тус ололмаганини, стихияли тусда борганигини, кўпинча эса, зулмга қарши нафрат ва ғазабдан нарига ўта олмаганини уқтирган эди. Муқимий асарларида тасвирланган халқ зулм-ситам ўтказувчи жафокорларни беҳад ёмон кўради, қалбида уларга қарши нафрат сақлайди, лекин улар чангалидан қутулиб, фаровон баҳтли ҳаётга эришиш йўлини ҳали тополмайди, фифон-фарёд кўтаради. Муқимиининг халқ тематикасида ёзган асарларидагина эмас, балки унинг поэзиясида, бутун ижодиётида халқ психологияси, биринчى навбатда меҳнаткаш деҳқон психологиясида хос бўлган қарама-қаршилик ва деҳқонларга хос бўлган стихияли исен акс этади. Муқимий поэзиясидаги, умуман, классик поэзиямиздаги чуқур оптимизм билан суғорилган баҳт, истиқбол ҳақидаги орзу-хәёлларнинг доим фифон-фарёд ва кўз ёши билан ҳамроҳ бўлиб бориши ҳаёт ҳақидаги мана шу олижаноб умид-истаклар билан, уни амалга ошириш имкониятлари ўртасидаги қарама-қаршиликтан келиб чиқар эди.

Муқимий ижодида халқ тематикасининг ишланишида «Воқеаи кўр Ашурбой ҳожи» сатираси ҳам диққатга сазовордир. Сатирада оддий халқ вакили бўлган қоровулнинг ахлоқсиз, тарбиясиз бой кўр Ашур томонидан ҳақорат қилиниши ва бунинг оқибатлари ҳикоя қилинади. Сатира воқеасидан кўриниб турдики, ҳақорат қилинган камбағаллар даъвоси бир ёқда қолиб, оёқ ости қилинади, жинояткор бой пул кучи билан оққа чиқади ва иззат-хурматга эга бўлади. Муқимий бу воқеани баён қилиб, камбағал халқнинг ҳақ сўзи ҳам эътиборсиз эканлигини айтади.

Шундай қилиб, халқ тематикаси классик адабиётимизнинг асосий мавзуларидан бирин бўлиб, у адабиётимизнинг тараққиёт даражасини белгилайдиган мезонлик ролини ўйнайди. У турли тарихий даврда турлича мазмун ва ҳарактер кассб этиб келган.

Демократик адабиёт, шу жумладан Муқимий классик адабиётимиз традицияларини ҳамма соҳада давом эттиргани, бойитгани сингари, халқ тематикасини ишлаш соҳасида ҳам сезиларли янгилик яратди. Бу янгилик, даставвал, шундан иборатки Муқимий халқ темасини ишлашда изчил демократик позицияда турганини кўрсатди, охиригача халқ манфаати учун курашиди. Бу ҳол Муқимиининг меҳнаткаш халқ билан эксплуататор синфлар ўртасида принципиал зиддият бор эканлигини англаб етганлигигида, ҳоким гуруҳ вакиллари кирдикорларини танқид қилиб, уларни фош этганлигигида, ва ниҳоят, халқга чуқур хурмат ва муҳаббат билан қараб, ҳар масалада унинг манфаатини ҳимоя қилиб, бутун ижодини халқ учун бағишлаганида кўринади.

* *

*

Халқ тематикасини ишлаш борасида классик адабиётимиз традицияларини бойитиш, новаторлик, айниқса, адабиётга ишчилар темасини олиб киришда яққол кўринади.

XIX асрнинг охирларида капиталистик муносабатларнинг ривожланиши натижасида ўлкада пайдо бўла бошлаган ишчилар синфининг ҳаётини тасвирлаш, шубҳасиз, бу давр адабиётининг асосий ва энг муҳим вазифаларидан бири эди. Демократик адабиётнинг, хусусан, Муқимиининг бу мавзуни четлаб ўтиши мумкин эмас эди. Ҳақиқатан ҳам XIX аср охирларида демократ шоирлар фаолиятида, шахсан Муқимиий ижодида ишчилар мавзуи юзага келди.

Тўғри, бу давр адабиётида ишчилар ҳаётини тасвирлашга бағишлиланган йирик ва маҳсус асар йўқ. Лекин, саноат корхоналари очиб, иш бошлаган маҳаллий буржуазия ва метрополия буржуазиясининг кирдикорларини фош этишга бағишлиланган асарларда ишчилар ҳаёти ва курашлари кичик, лекин жуда характерли ва типик эпизодларда тасвирланади. Бунга Муқимиининг «Московчи бой таърифида» асари яхши мисол бўла олади. Муқимиининг «Московчи бой таърифида» сатирасида иш ташлаш эпизоди тасвирланади:

Чиқиб қочди бир-бир ҳама мардикор,
Купес қолди бу сирга ҳайрону зор.

Топиб мардикорини—«Сейчас юринг,
Пажалиста,— дер эрди — энди туринг!»

Деди: «Ҳар куни берсанг ўн сўм ҳам,
Борилмайди, қўй зовутни, хўжам».

Дубора яна борди бир ишга шул,
Сўкиб «нет,— деди,— келма, дуррак, пошёл».

Бу эпизодда ишчилар ҳаракатининг дастлабки даври учун ҳарактерли воқеа берилади. Чиндан ҳам, XIX асрнинг 80-90-йилларида, Туркистанда ишчилар синфи эндингина туғилиб, шаклланиб келаётган бир даврда, ҳали уларнинг озодлик курашлари стихияли тусда бўлиб завод-фабрика хўжайнларига қарши норозилик билдириш, иқтисодий талаблар қўйиб иш ташлашдан нарига ўтмас эди.

Демак, Муқимиининг ўзбек адабиётидаги хизмати ишчилар тематикасини биринчи бўлиб адабиётимизга олиб кириши билан чекланиб қолмай, бу темани ўз даври шароити учун тўғри, ҳаққоний, реалистик асосда ёритишида ҳам кўринади.

Муқимиий реализми халқ тематикасини ишлашда айниқса яққол намоён бўлди. Бу темага Муқимиий қайта-қайта мурожаат қилди ва ҳар гал янги бадиий куч билан халқ ҳаётининг ажойиб

ҳаққоний лавҳаларини яратди. Бундай асарларда халқ ҳәти-нинг бутун даври унутылмас манзараларда яққол акс эттирилади. Шунинг учун ҳам халқ темаси Муқимий ижодининг марказий проблемаларидан бирини ташкил этади.

Хулоса. Муқимий адабиёт тарихимизнинг маълум босқичини ташкил қиласди. Унинг ҳаёти ва

ижодий фаолияти XIX асрнинг иккинчи ярмида вужудга келиб, такомиллашиб борган ўзбек демократик адабиёти билан чамбар-час боғлиқdir. Ўрта Осиё Россияга қўшиб олингандан кейин майдонга келган янги тарихий шароит, шу даврдаги халқ ҳәёги ва кураши ўзбек демократик адабиёти учун, Муқимий ижоди учун ҳам куч ва мазмун берди, уни озиқлантириди.

Муқимий ижодий фаолиятида Ўрта Осиё Россияга қўшиб олингандан кейинги даврнинг ҳамма асосий масалалари акс этди. XIX асрнинг иккинчи ярмидан 1905 йилгача бўлган адабиётимиздаги ҳамма асосий мотивлар (лирикадаги нафосат, умидбахшлик, ҳаётнийлик, озодлик мотивлари, сатирадаги жамият иллатларини танқид қилиш, ижобий қаҳрамондаги романтика, истиқбол орзулари ва бошқалар) Муқимий ижодида ҳам учрайди.

Муқимий ўз ижодий фаолияти билан новатор шоир сифатида майдонга чиқди. Унинг замондошлари — шоирлар ундан кўп нарса ўргандилар, унинг традицияларини давом эттирдилар. Ундан кейин ҳам ўз фаолиятини давом эттирган Завқий, Аваз Ўтар, Дилшод, Анбар отин каби шоирлар эса сабот ва матонаг билан у бошлаб берган ижодий-эстетик принципларни давом эттирдилар ва адабиётда демократизм, халқчиллик байроғини баланд кўтарилиш, озодлик, прогрессив романтика мотивларини илгари сурдилар.

Муқимий ижоди ўзининг бутун кучли ва заиф томонлари билан XIX асрнинг иккинчи ярми ва XX аср бошларидағи тарихий давр этиширган катта адабий ва ижтимоий ҳодисадир. Ҳар қандай ижтимоий ҳодиса каби, у ҳам қарама-қарши хусусиятларга эга. Чунки у ўз ижодида халқ ҳәётини бутун тўлалиги, чуқурлиги ва мураккаблиги билан акс эттирган зўр талант эгаси эди. Шунинг учун XIX асрнинг иккинчи ярмидаги халқ озодлик ҳаракатига хос бўлган заиф нуқталар Муқимий ижодида ҳам ўз ифодасини топді.

Муқимий ижодининг мухим фазилатларидан бири унинг ўз услуби ва умумий руҳи билан халққа жуда яқин бўлиши, халқ маънавий ҳаётига сингиб кетганлигидадир. Муқимий оддий халқ ичидан чиқди, халқ учун ёзди, унинг асарлари халққа манзур бўлди ва эҳтиёт қилиб сақланди. Муқимий ҳақиқий халқ шоиридир.



Фурқат

(1858—1909)

Фурқат ўзбек демократик адабиётининг машҳур намоянда-ларидан бири бўлиб, у ўзбек демократик адабиётида маърифат-парварлик йўналишининг энг жўшқин куйчиси сифатида ижод этди. Фурқатининг адабиёт ва маданиятимиз тарихидаги ўрни ва қиммати ҳам шу билан белгиланади.

Фурқат Ўрта Осиёнинг Россияяга қўшиб олиниши натижасида туғилган янги ижтимоий онгнинг прогрессив характерини адабиётда тарғиб қилган ижодкорлардан биридир. Ўрта Осиёдаги ижтимоий-фалсафий онг тарихининг муҳим тараққиёт босқичи сифатида майдонга келган бу прогрессив маданий-адабий оқим қолоқликка, нодонликка, ўрта аср жаҳолатининг ҳар қандай кўринишларига қарши кураш очди, замонавий илм-маърифатни, маданиятни, тараққиётни тарғиб этди. Фурқат ўз билими ва бутун қобилиятини халқ хизматига бағишлиб, маориф, эркинлик ва баҳт куйини куйлаган маърифатпарвар демократ шоирdir.

ФУРҚАТНИНГ ҲАЁТИ ВА ИЖОДИЙ МЕРОСИ

Фурқат ижодини
ўрганиш тарихидан.

Фурқат ижодига қизиқиш ва уни ўрганиш шоирнинг ўзи ҳаёт вақтидаёқ бошланган эди. Бу ҳол Фурқат асарларини тўйлаш ва уларни нашр этишда айниқса очиқ кўринади. Литографик йўл билан босилган баёзларда («Баёз маъ ҳажвиёт мавлоно Муқимий маъ мавлоно Фурқат», 1913 ва бошқалар) Фурқатининг лирик асарларидан кўплаб намуналар нашр этилишидан ташқари, шоир асарларининг талайгина қисми ўша давр вақтли

матбуотида ҳам эълон қилинган. Бу жиҳатдан Тошкентда 1870 йилдан бошлаб чиқа бошлиған «Туркистон вилоятининг газети» характерлидир. Бу газетанинг 1889 йилдан, яъни Фурқат Тошкентга келганидан, таҳминан, 1905 йилгача бўлган сонларида (айниқса, газетанинг 1890—1891 йилги сонларида) шоирнинг кўп шеърий асарлари босилди. Шоир ҳаёти ва ижодини ўрганишда қимматли манба бўлиб қолган унинг автобиографияси — «Саргузаштнома»си ҳам «Қўйконлик шоир Зокиржон Фурқатнинг аҳволоти» сарлавҳаси билан шу газета саҳифаларида ўзбек ва рус тилларида нашр этилган эди.

Фурқат ижодини ўрганишга йилгор рус шарқшунослари ҳам қизиқдилар. Академик А. Самойлович Петербургда чиқадиган «Записки Восточного отделения русского археологического общества» тўпламининг XIX томида (1909) босилган «Урта Осиёдаги туркий адабиёт материаллари» сарлавҳали мақоласида Фурқатнинг Истамбулдан ёзган мактубининг асл нусхасини — автографини шоирнинг тошкентлик дўсти мулла Қамолиддиндан олганини айтади ва шу муносабат билан Фурқат ҳақида баъзи маълумотларини баён этади.

Демак, революциягача, асосан, Фурқат асарларини нашр этиш ўйли билангина шоир ижоди оммага таништирилган. Фурқатни атрофлича ўрганиш, Фурқат ижодининг маданият ва адабиётимиз тарихидаги ўрнини белгилаш, уни истеъододли шоир сифатида баҳолаш каби илмий масалалар Улуғ Октябрь революциясидан сўнг, совет адабиётшунослиги томонидан ҳал қилинди.

Фурқат ҳаёти ва ижоди тўғрисидаги дастлабки маълумотлар 30- йилларда нашр этилган мактаб дарсликлари ва хрестоматияларида учрайди. 1939 йилда «Гулистон» журналида (№ 4) биринчи марта Фурқат асарларидан намуналар берилиди. Худди шу йили бу журналда (№ 5) Холид Расулнинг «Фурқат» номли мақоласи ҳам босилиб чиқди. 1940 йилда эса Тошкентда «Фурқат шеърлари» номли китобча нашр этилди; бу тўпламни Холид Расул нашрга тайёрлаган бўлиб, унга сўз боши ҳам ёзган эди. Шундан сўнг Фурқатга қизиқиш ва унинг ижоди устида илмий тадқиқотлар олиб бориш сезиларли даражада жонланиб кетди.

1951 йилда Москвада ўtkazilgan ўзбек санъати ва адабиёти декадаси муносабати билан ташкил этилган «Ўзбек адабиёти классиклари кутубхонаси» сериясида Фурқатнинг «Танланган асарлар»и нашр этилди. 1954 йилда Холид Расулнинг монография характеристидаги «Зокиржон Фурқат ижоди» ва «Фурқат — маърифатпарвар демократ шоир» номли китоблари нашр этилди.

Фурқат ижодини ўрганиш, оммалаштириш ва уни истеъододли демократ-маърифатпарвар шоир сифатида баҳолаш соҳасида 1959 йилда шоир туғилган куннинг 100 йиллиги муносабати

билан ўтказилган юбилей алоҳида аҳамиятга эга бўлди. Бу юбилей даврида шоир яшаган даврнинг ижтимоий-сиёсий ва маданий-адабий ҳаёти ҳақида, шоирнинг фаолияти ва ижоди ҳақида кўп илмий мақолалар, тўпламлар, монографик характердаги асарлар, илмий-тадқиқот ишлари майдонга келди. Фафур Гулом, Мақсад Шайхзода, Собир Абдулла, И. Мўминов, В. Зоҳидов, И. Султонов, А. Қаюмов, Ҳ. Зарифов, Л. Қаюмов сингари шоир, драматург, олим ва адабиётшунослар шоир ижоди ва дунёқарашининг муҳим масалалари ҳақида қимматли мақолалар ёздилар. Шу йили Фурқатнинг «Танланган асарлар»и (Холид Расул нашрга тайёрлаган) яна бир бор нашр этилди. Илмий ва монографик характерга эга бўлган асарлардан Холид Расулнинг «Фурқат» номли таққидий-биографик очерки ва Ҳ. Воҳидовнинг «Фурқат — маърифатпарвар шоир» номли асари босилиб чиқди. «Фурқат ва Муқимий ҳақида мақолалар» (1958) ва «Зокиржон Фурқат» (1959) номли мақолалар тўплами ҳам шоир ҳаёти ва ижодини ўрганишда катта аҳамиятга эга бўлди. Чунки бу китобларда шоир, ёзувчи, философ, тарихчи ва адабиётшуносларничг мақолалари берилган бўлиб уларда Фурқат ижоди ва дунёқарашининг, шунингдек, шоир яшаган давр маданий ва адабий ҳаётининг муҳим масалалари ёритилган.

1959 йилда Фурқатнинг иккى томлик «Танланган асарлар»и ҳам тўртинчи марта нашр этилди. Бу тўплам шу вақтгача чиққан «Танланган асарлар»дан ўзининг мукаммаллиги билан ажралиб турса ҳам, шоир асарларининг ҳаммаси тўпланган, деб бўлмайди. Бинобарин, Фурқат ҳаёти ва ижоди ҳақида бир қанча мақола ва китоблар ёзилган бўлса ҳам, ҳали Фурқат ҳаёти ва ижоди билан боғлиқ бўлган ҳамма масалалар ҳал қилингани йўқки, бу масалаларни тўла ёритиш совет адабиётшунослиги олдида турган галдаги вазифалардандир.

Лекин Фурқатнинг ҳозиргacha топилган асарларининг ўзиёқ унинг ижодий мероси шаклан ранг-баранг бўлиб, мазмунан чуқур ва бой эканлигини кўрсатади. Шоирнинг ижодий мероси шеърий ва насрый асарлардан иборатdir. Шубҳасиз, Фурқат меросининг асосий қисмини шеърий асарлари ташкил қилади. Бу асарлар ичida лириканинг газал, муҳаммас, мусаддас каби кичик шеърий шаклларидан тортиб, ўртача ҳажмдаги сюжетли шеърлар — маснавийлар ва поэтик жанрнинг катта эпик шакли бўлган достонлар ҳам учрайди. Фурқатнинг шеърий шаклдаги мероси, тахминан, саккиз минг мисрага яқин шеърни ўз ичига олади.

Фурқатнинг насрый асарлари мемуар характердаги «Саргузаштнома»сидан ва «Туркистон вилоятининг газети» саҳифаларида босилган публицистик мақолаларидан иборатdir. Фурқатнинг бадиий прозадан ташқари, илмий, тарихий темада ҳам асарлар ёзгани маълум. Фурқат ўз «Саргузаштнома»сида Қўйкон

хонлигига тарихига оид бир асар ёзгани тўғрисида сўзлайди. Афуски, шоирнинг бу тарихий темадаги асари ҳали топилганича йўқ. Фурқат прозада тўртта рисола («Тўй тавсифи», «Гап таърифида», «Аза тавсифи» ва «Илми шеърнинг қоидай авзони») ҳам ёзган. Этнографияга ва адабиёт назариясига оид бўлган бу рисолаларнинг шоир қўли билан ёзилган асл нусхаси — автографи Узбекистон ССР Давлат архивида («Остроумовнинг шахсий фондси» составида) сақланмоқда.

Фурқат таржимон сифатида ҳам маданий ва адабий алоқала-римизнинг бойишига маълум ҳисса қўшди. Фурқатнинг форс-тоҷик тилида ёзган шеърлари унинг форс-тоҷик тилини мукаммал билганини яққол кўрсатиб туради. Фурқат Шарқ классик адабиётининг бир қатор намуналарини форс-тоҷик тилидан шеърий ва насрый йўл билан ўзбек тилига таржима қилди. Замондоши ва «Туркестон вилоятининг газети» редакциясидаги дўсти Сатторхон Абдуғаффоров ёрдами ва далдаси билан рус классик адабиётидан бაъзи асарларни ўзбек тилига таржима ҳам қилган. Демак, Фурқат рус тилини ҳам билган. Фурқат фақат шоиргина эмас, балки ўзбеклардан етишиб чиққан илк публицист журналистлардан ҳам биридир.

Шундай қилиб, Фурқат ижодий меросини, шакли ва мазмунига қараб, қуйидаги группаларга бўлиш мумкин:

- а) лирикаси;
- б) маърифатпарварлик руҳидаги асарлари;
- в) достонлари;
- г) мемуарлари;
- д) публицистикаси;
- е) илмий асарлари;
- ж) бадиий таржималари.

Фурқатнинг таржимаи ҳоли. Зокиржон Фурқат 1858 йилда Кўқон шаҳрида хунарманд оиласида туғилди. Унинг отаси Ҳолмуҳаммад, шоирнинг ўз таъбири билан айтганда, «жузъиёт илмига иқтидори бўлган», санъат-адабиёт билан қизиқувчи, замонасининг пешқадам кишиларидан эди.

Зокиржон Фурқат бошланғич маълумотини ўша замонининг эски усолдаги мактабларидан бирида олди. У ўзининг мактабда ўқиши ва ўша даврдаги ҳаёти тўғрисида сўнгроқ, 1891 йилда ёзган «Саргузаштнома» асарида батафсил сўзлайди.

Зокиржон Фурқатда адабиётга ҳавас жуда эрта уйғонди. У саккиз-тўққиз ёшларида, мактабда ўқиб юрган кезларида Шарқ классикларининг асарларини зўр мароқ билан ўқир эди. У, айниқса, улуғ ўзбек шоири ва мутафаккири Алишер Навоийга зўр муҳаббат қўйган эди. Зокиржон Фурқатда бадиий завқнинг бундай эрта уйғонишида, шубҳасиз, адабиёт ҳаваскори («жузъиҳон») бўлган отаси ҳам катта роль ўйнаган.

Зокиржон Фурқат ўзининг шеърият соҳасидаги дастлабки машқларини ҳам мактабда ўқиб юрган кезларида бошлаган эди. Шоирнинг ўз «Саргузаштнома»сида таъкидлашича, унинг мактабда ёзган биринчи шеъри қўйидаги байтдан иборат бўлган:

Менинг мактаб аро булдур муродим,
Хатимдек чиқса имло-ю саводим.

1870 йилда Зокиржон Фурқат мактабни муваффақият билан тутатгач, Қўқон мадрасаларидан бирига ўқишга кирди. Зеҳнили ва истеъдодли Зоқиржон Фурқат мадрасада ўқитиладиган билимларни тезлик ва осонлик билан ўзлаштириб борди, араб грамматикасига, мантиқ (логика) ва фалсафага оид китобларни яхши ўрганди. Унинг Шарқ классик адабиётига бўлган қизиқиши борган сари ортиб бориб, хусусий мутолаага қаттиқ берилди. Зокиржон Фурқат шу мадрасада ўқиб юрган вақтларида ёқ Ҳофиз, Бедил, Жомий, Фузулий ва Навоий ижодлари билан чуқур танишган ва Шарқ поэзиясининг бой ижодий тажрибасидан яхши хабардор эди. Бироқ Зокиржон Фурқатнинг мэдрасадаги ўқиши узоқ давом этмади. 1875 йилда Қўқон хонлигида авж олиб кетган ўзаро урушлар туфайли мадраса ёпилди. Фурқат ҳам ўқишини тўхтатиб, турмуш ишлари билан шугууланишга мажбур бўлди. Лекин илм-маорифга, айниқса, санъат-адабиётга ҳаваси кучли бўлган Зокиржон Фурқат хусусий мутолаа йўли билан ўз маълумотини тинмай чуқурлашириб борди.

Зокиржон Фурқат бир неча йил Қўқонда отаси ёнида тириклик ишлари билан машғул бўлгандан сўнг, 1878 йилда янги Марғилонга тоғаси ёнига борди ва у ерда бир неча йил савдо ишлари билан банд бўлди. Зокиржон Фурқат ҳаётида янги Марғилон шаҳри сезиларли из қолдирди. Чунки янги Марғилон русларнинг Фарғона водийисига келганларидан кейин бино қилинган янги типдаги шаҳар бўлиб, бу шаҳар, бу ердаги рус маданияти кўринишлари, ҳаётий янгиликлар шоир диққатини жалб этди. Фурқатнинг «Саргузаштнома»да берган маълумотига кўра у кўпгина ҳаётий ҳодисалар билан, жумладан, «Туркистон вилоятининг газети» билан шу ерда танишган эди.

Фурқатнинг янги Марғилондаги ҳаёти учун иккинчи характерли хусусият шуки, у халқ ўртасида билим тарқатган (манбаларда Фурқатнинг ўқитувчи сифатида шогирдлар сақлагани ва дарс бергани хабар қилинади) ва одамлар дардига малҳам бўлган (Фурқат турли шикоятлар билан келган кишиларга ариза ёзиб берган ва йўл-йўриқлар кўрсатган). Фурқат янги Марғилонда адабий-ижодий ишини ҳам давом эттирган.

Манбаларда Фурқатнинг шу вақтларда тоғасининг қистови ва бевосита иштироки билан янги Марғилонда уйланганлиги хабар қилинса ҳам, лекин ёш шоирнинг рафиқаси ким бўлганлиги кўрсатилмайди.

Фурқат 80-йилларнинг бошларида Қўқонга қайтади ва бутунлай ижодий иш билан машғул бўлади. Фурқатнинг Қўқонда Муқимий атрофида ташкил топган адабий ҳаракатга қўшилиши ва унда актив иштирок этиши шу вақтларга тўғри келади. Фурқатнинг ўз «Саргузаштнома»сида берган маълумотига кўра, бу пайтда шоир йигирма тўрт ёшларда бўлган.

Фурқат бу даврда кичик ҳажмдаги лирик шеърлар ёзиш билан бирга, бадиий таржима билан ҳам шуғулланиб, машҳур «Чор дарвеш» қиссасини форсчадан ўзбекчага таржима қилди; Шарқ адабиётида кенг тарқалган машҳур сюжетлардан ижодий фойдаланиб улар асосида «Ҳаммоми хаёл», «Нуҳ манзар» асарларини яратди. Лекин Фурқатнинг бу асарлари ҳозиргача топилмаган.

Фурқат, тахминан, 80-йилларнинг ўрталарида ўзининг лирик шеърларини юниб, тўплам тузган. Бу ҳақда у ўз «Саргузаштнома»сида «Ғазал ва мухаммасларим авроқини дафтар шерозасига боғлаб жамъ қилдим»,— деб хабар қилади. Фурқат адабий меросида учрайдиган «Баёз» радифли шеър ҳам (Муқимий ҳужраси — музейида сақланмоқда) мазкур тўпламнинг тузилганидан далолат беради:

Топди оройиш ғазалларданки, ҳар бир мисран,
Қомати баржастаи бир шўхи сийминбар баёз.

Ҳар қачонким, очди табъим боғидин бир тоза гул,
Боғладим гулдаста, Фурқат, айладим дафтар баёз.

Фурқат ҳаётида Қўқонда ташкил топган Муқимий бошчилигидағи адабий гуруҳ катта роль ўйнади. Шоирнинг 80-йилларнинг бошларидан 1889 йилларгача бўлган Қўқондаги ҳаёти шоир дунёқарашини шакллантирди, ижодини камол топтириди. Фурқатнинг Муқимий, Завқий, Нисбат, Мухайир каби илгор фикрли шоирлар билан шахсий алоқада бўлиши ва улар билан ижодий ҳамкорлик қилиши фақат Фурқатнинг шахсий ҳаётидагина эмас, балки демократик адабиётнинг тугилиши ва шакллашишида ҳам катта аҳамиятга эга бўлди.

Манбалардаги маълумотларга кўра, 80-йилларнинг охирларида Фурқат Марғилонга борган, у ерда бир неча вақт яшаб, адабий-ижодий ишлар билан шуғулланган, олимлар билан танишиб, ўз маълумотини чуқурлаштирган.

1889 йилда Фурқат саёҳат қилиш мақсадида Марғилондан чиқиб Қўқон орқали Хўжанд (ҳозирги Ленинобод)га келади. Фурқат ижодий меросидаги мазмун жиҳатдан ғоят характерли бўлган «Туф» радифли сатирик шеър шу даврда яратилган бўлиши мумкин. Шоир билан ҳукмрон доиралар ўртасидаги келишмовчиликдан дарак берувчи бу шеър шоирнинг ўз ватани — Қўқон шаҳрини тарқ этиб, умрининг охиригача у ерга қайтиб

келмаслигининг сабабларини маълум даражада изоҳлаб беради. Мазмун ва услуб жиҳатидан оригинал бўлиб, шоирнинг жўшқин ва исёнкор табиатидан дарак бериб турувчи бу шеърнинг тўлиқ текстини келтирамиз:

Эй Қўқон боёнлари, сизлардек инсонларга туф!
Талтайиб фойтунда сурган давру давронларга туф!

Фабриконларнинг пулин еб, синдингиз бир қанчангиз,
Туф, бу инсофу диёнатларга-ю, имонга туф!

Бўлди сизларга оно сутдан ҳалол судхўрлик
Бу ҳаром пуллардан этган хайру эҳсонларга туф!

Оту тўн сизнинг эмас, сизга амонат ҳовли-жой,
Еб етим ҳаққин қилинган кўшку айвонларга туф!

Хатмихўжа тўй қилурсиз домлалар, бойлар учун,
Камбағаллар—оч-ялангоч, қорни тўйғонларга туф!

Оқ-қора ажратмаган сизларку бир омию хар,
Роҳи рост кўрсатмаган уламо-ю эшонларга туф!

Фурқатий бойларнинг ҳажвин қанча этсанг шунча оз,
Рост эрур бу сўзларим биллоҳи, ёлғонларга туф!

Фурқат Қўқондаги ҳукмрон доираларга шу тарзда ғазаб ва нафратини сочиб, Хўжандга келди. Фурқат Хўжанд мадрасаларидан бирида бирмунча вақт яшаб, шаҳар олимлари, шоирлари билан танишди, суҳбатлар ўtkазди. Бу ҳодни аниқ тасаввур қилиш учун унинг ўз «Саргузаштнома»сидан келтирилган қўйидаги сўзлари диққатга сазовордир:

«Ҳар қандай яхши одам ва олим киши бўлса, бориб суҳбатига мушарраф бўлдим: гоҳо шеър арбоби бирла мушоира қилдим ва гоҳо тараф асхоби бирла улфат маҳофилида нишаст кўргуздум».

Фурқат Хўжандда бир неча вақт яшагандан сўнг яна саёҳатга отланди. У 1889 йилнинг июнь ойида Тошкентга келди ва бу ерда қарийб икки йил туриб қолди. Бу давр Фурқат ҳаёти ва ижодий такомилида муҳим роль ўйнади.

Фурқат Тошкентда. Фурқат Тошкентдаги дўстлари ва муҳиббалирининг ёрдами билан «Кўкалдош» мадрасасидан бир ҳужра олиб, шу ерда яшай бошлади.

Фурқат Тошкентга келгандан сўнг бутун борлиғи билан ҳаётга шўнғиди ва ижодий ишга берилди. У ўз одатига кўра маҳалий маданият намояндайлари — шоирлар, санъаткорлар ва илм аҳллари билан танишди, улар билан суҳбатлар, адабиё ўтиришлар, мушоиралар ўtkazdi, ижодий ҳамкорлик қилди.

Тошкентда Фурқат кўпроқ илғор рус маданиятига, унинг янгиликларига қизиқди. Чунончи, у «Туркистон вилоятининг газети» редакциясида ва босмахоналарда бўлиб, матбаачилик ишлало-

ри билан танишди. Гимназияда, рус-тузем мактабларида бўлиб, янгича усулда ўқиши-ўқитишиш ишларини кўрди, замонавий илм ва маорифдан хабардор бўлди. Театрга, концерт томошаларига, клуб ва бошқа жамоат муассасаларига борди, улардаги янгиликларни зўр завқ-шавқ билан кузатди. Шубҳасиз, Фурқат Тошкентда маҳаллий маданият арбоблари билан дўстлашгани сингари, илғор рус маданияти арбоблари билан ҳам танишган, дўстлашган ва ҳамкорлик қилган.

Тошкентда Фурқатнинг рус маданияти билан яқиндан танишуви унинг дунёқарашида катта ўзгариш ясади, шоир онгида турмушга янгича қаравашнинг шаклланишига зўр туртки бўлди. Натижада шоирнинг ижодида янги-янги мотивлар, гоялар пайдо бўлди, дунёқарашида жиддий ўзгаришлар туғилди. Бу даврда Фурқат ҳаётнинг истиқболи тараққиёт ва юксалиш учун куравишида эканини яқъол тушунди ва шу фикрларни ўзининг кўпасарларида қизғин тарғиб қилди. Фурқатнинг дунёқарашида ҳосил бўлган бу янги қаравашларни кўрсатиш жиҳатдан унинг «Саргузаштнома»да клуб ҳақида баён қилган фикри алоҳида диққатга сазовордир:

«Мен Тошкентда клубга бир неча мусулмонларнинг борганини кўрдим ва эшитдим. Мен ўйлайманки, буни гуноҳи йўқдир. Билъакс, биз мусулмон халқи Русия тирикчилигини кўриб, хурсандлик ва марғуб ишларини ўзимизникоға қиёс қилиб олмоғимиз керакдир».

Фурқат илгари сурган бу ғоя ўша давр шароитида жуда катта прогрессив аҳамиятга эга бўлган фикр эди. Фурқат ўзининг бу фикри билан турмушда янгилик яратишга чақиради, бидъат, хурофот ва жаҳолат ҳукмронлик қилаётган қолоқ, эски турмушда ўзгариш ясашга даъват этади. У халқни тараққиётга, илғор рус маданиятини эгаллашга, унинг «хурсандлик ва марғуб томонларини» олиб, замонавий, маданий турмуш қуриш учун курашга ундайди. Фурқатнинг бу илғор ғоялари унинг кўпгина бадий асарларида ажойиб моҳирлик билан тарғиб қилинди ва ижодида маърифатпарварлик мотивларини туғдирди. Фурқатнинг «Илм хосияти», «Гимназия», «Виставка хусусида», «Акт мажлиси хусусида», «Нағма базми хусусида», «Рус аскарлари таърифида» шеърлари ва «Суворов ҳақида» достони ана шундай маърифатпарварлик руҳида ёзилган асарлардир.

Фурқат Тошкентда маърифатпарварлик руҳидаги бундай ажойиб асарлар билан бирга, эскилик ва қолоқликни танқид қилувчи ҳажвий — сатирик асарлар ҳам ёзди. Фурқат илғор прогрессив тушунчали шоир сифатида турмуш иллатларидан кўз юма билмас, ижтимоий ҳаётдаги адолатсизликларни, ҳақсизликларни қораламай тура олмас эди. Шоирнинг кенг халқ омасига бўлган чуқур муҳаббати унинг ижодида танқидий — сатирик мотивларни кучайтирас эди.

Бизгача Фурқатнинг қўйидаги тўрт мисралик ажойиб шеъри сақланиб қолган:

Ҳангома талаб бўлсанг,
Маҳкамага йўрта кўр;
Тўрт «эчки»ни бир «лўли»
Афсун била ўйнатур.

Эпиграмма характеристида ёзилган бу тўртликдаги «лўли» Тошкент шаҳар бош қозиси Шарифхўжа қози бўлиб, «тўрт эчки» тўрт даҳа қозилариридир. Шарифхўжа қози халқ ўртасида «лўли» лақаби билан «шуҳрат» таратган эди. Шоир шу лақабдан фойдаланади ва унинг шаҳар бош қозиси сифатида генерал-губернатор олдида лаганбардорлик қилишини тўрт эчкини сеҳрафсун билан ўйнатаётган лўлига ўхшатади... Бу тўртликнинг ҳукмрон доираларда қандай таъсир қолдиришини ва унинг авторига нисбатан қилинадиган душманликни тасаввур қилиш қийин эмас, албатта.

Фурқатнинг маҳаллий амалдорлар билангина эмас, балки генерал-губернаторликдаги юқори маъмурий доиралар билан ҳам ораси бузуқ эди. Манбаларда хабар қилинишича Фурқат Апрелев деган ашаддий реакционер мустамлакачи генералга қарши ўткир сатирик шеър ёзган ва бу асари учун генерал-губернатор томонидан қувғин остига олинган.

Фурқатнинг Тошкентда қандай оғир вазиятда яшашга мажбур бўлганини тасаввур қилишда шоир ижодий меросидаги автобиографик материаллар алоҳида аҳамиятга эгадир. Бу жиҳатдан Фурқатнинг 1891 йилнинг куз ойларида Истамбулдан Тошкентга ёзган шеърий мактуби характеристидир. «Сабоба хитоб» номи билан юритилётган катта ҳажмдаги бу мактубда шоир Тошкентда ўтказган икки йиллик ҳаётини эслаб, ўзининг самимий дўстлари, адабиёт-санъат муҳиблари ва уларнинг ширин суҳбатларини ёдга олади, шунингдек, ёвуз нияти душманлар, фитна-фасод уюштирувчи фаразгўйлар ҳам бўлганини ҳикоя қилади.

Ҳақ сўzlари, таңқидий асарлари учун таъқиб остига олинган маърифатпарвар ва тараққийпарвар шоир Фурқат ҳаёти таҳлика ва ҳавф остида қолган эди. Академик шоир Ғафур Ғулом Фурқатнинг Тошкентдаги ҳаёти тўғрисидаги ўз мулоҳазаларини шундай якунлаган эди:

«Тарихда шуниси аниқдирки, Фурқат отилмоқлифи ёки қамалмоқлифи турган гап эди. Ўз мудҳиш тақдирини англаған шоир қочишига мажбур бўлди»¹.

¹ Ғ. Ғулом, Унутилмас кишилар тўғрисида. «Қизил Ўзбекистон», 1948 йил, 9 июнь.

Шундай қилиб, халқни уйғонишга, тараққиётга ундовчи ҳақ сүзли ва инсоф-адолат ҳимоячиси бўлган шоирни мустамлака-чилар муҳити ҳам, унда лаганбардорлик билан кун кечираётган маҳаллий ҳокимлар муҳити ҳам сифдирмади, шоир атрофида чидаб бўлмайдиган бўғиқ, таҳликали шаронт вужудга келди. Фурқатнинг бундай заҳарли ҳаётга нафрат билдириб, исён рамзи сифатида уни тарк этишдан бошқа чораси қолмади.

**Фурқат чет
элларда.**

Фурқат 1891 йилнинг май ойида Тошкент-дан чиқиб, Самарқандга борди. У ерда дўстти, тарихчи олим Мирза Бухорий билан учрашиб, бир неча вақт яшади. Орадан кўп ўтмай Фурқат саёҳат нияти билан яна йўлга тушди. Шу билан шоирнинг икки йилдан кўпроқ давом этган Ўрта ва Яқин Шарқ мамлакатлари бўйлаб қилган саёҳати бошланди.

Фурқат Самарқанддан Красноводск орқали Бокуга борди, ундан Истамбулга ўтди. Фурқат 1891 йилнинг куз ва қиши ойларини Истамбулда ўтказиб, 1892 йилнинг баҳорида Арабистонга йўл олди. Шу йилнинг ёз ойларида Арабистондан Мисрга, Болгарияга, Юнонистонга саёҳат қилди. 1892 йилнинг куз ойларида яна Арабистонга қайтди, унда бир неча вақт туриб, ўша йилнинг октябрь ойида Ҳиндистонга қараб йўл олди ва Бомбай шаҳрига бориб тушди. Фурқат Бомбайда Мавлавий Икромиддин номли бир сайёҳ билан танишди ва дўстлашди. Бу икки дўст Ҳиндистон вилоятларига саёҳатга отландилар. Улар Сарандиг (Цейлон ороли), Кашмир вилоятларини томоша қилдилар.

Фурқат қиши фаслини Ҳиндистонда ўтказиб, 1893 йилнинг бошларида Ҳиндистондан Тибет орқали Хитойга ўтди ва Хўтган шаҳрига келди, унда бир неча вақт яшаб, Ёркент шаҳрига ўтди ва шу ерда турғун бўлиб қолди. Шундай қилиб, Фурқатнинг икки йилдан кўпроқ давом этган Яқин ва Ўрта Шарқ мамлакатлари бўйлаб қилган саёҳати Ёркентда тугалланди.

Фурқат Ёркентда. Шоир Ёркентда қарийб ўн олти йил умр кечирди. Фурқат бу ерда Ёнахон исмли уйтур қизига уйланиб, ундан уч фарзанд — Нозимжон, Ҳакимжон ва Нодиржон исмли ўғиллар кўрди.

Фурқат узоқ муддат чет элларда яшаган бўлса ҳам, ҳеч қачон ўз ватанини унутмади. У умрининг охиригача Қўқон, Тошкент, Андижон, Марғилон ва бошқа шаҳарлардаги дўстлари билан хат орқали алоқа қилиб турди; у «Туркистон вилоятининг газети» билан ҳам ўз алоқасини узмади. Унинг шеърлари, мақолалари, хабарлари бу газета саҳифаларида босилиб турди.

Фурқат Ёркентда ўз ижодий ишини давом эттириди. Фурқатнинг бу даврда ёзган асарлари бизгача тўлиқ етиб келмаган бўлса ҳам, унинг кўп ва ажойиб жўшқин шеърлар ёзган бўлиши, шубҳасиздир.

Фурқат Ёркентда бадиий-ижодий иш билан бирга, илмий-ижодий иш билан ҳам шуғулланди. Фурқатдан сақланиб қолган материаллардан маълум бўлишича, у табобат (медицина) ва илми нужум (астрономия) билан жиддий машғул бўлган ва бу соҳаларда чуқур маълумот олишга эришган.

Фурқат ўз маърифатпарварлик фаолиятини Ёркентда ҳам давом эттириб, уйfur халқи ўртасида илм-маърифат тарқатиш соҳасида қизғин кураш олиб борган.

Фурқат Ёркентда Русия фуқароси сифатида ҳаёт кечирди. У бутун умри бўйи эзгу ниятлар билан яшаб, ўз орзуларига ета олмай, 1909 йилда Ёркент шаҳрида муҳожирликда вафот этди.

**Фурқат ижоди
еволюциясининг
муҳим даврлари.**

Фурқат босиб ўтган ижодий йўл бир-биридан равшан фарқ қиласидаги даврларга бўлинади:

1. Фурқатнинг Фарғона водийсида яшаган давридаги ижоди. Бу давр, тахминан, 70-йилларнинг ўрталаридан 1889 йилгача, яъни шоирнинг Фарғонадан циқиб кетгунинга қадар бўлган вақтни ўз ичига олади. Бу даврда Фурқат, асосан, лирик шоир сифатида ижод этади.

2. Фурқатнинг Тошкентда яшаган давридаги ижоди. Бу давр икки йилни (1889—1891) ўз ичига олади. Фурқатнинг бу даврдаги ижоди учун маърифатпарварлик мотивлари характерлидир.

3. Фурқатнинг чет элларда яшаган давридаги ижоди. Бу давр 1891 йилдан 1909 йилгача, яъни шоир вафотигача бўлган вақтни ўз ичига олади. Фурқат ўз ижодининг бу босқичида лирик ва маърифатпарвар шоир сифатида асарлар ёзиши давом эттиради. Фурқат ижодидаги ватанпарварлик ғоялари бу даврда турбат, айрилиқ оҳанглари билан янгради.

ФУРҚАТ ЛИРИКАСИ

Фурқат классик поэзиямизнинг йирик намояндаларидан биридир. Фурқат адабий меросининг катта қисмини унинг лирикаси ташкил этади. Фурқат классик поэзиямизнинг мавжуд шеърий шаклларидан (ғазал, мухаммас, мусаддас, маснавий, таржиъбанд ва бошқалар) моҳирлик билан фойдаланди ва уларнинг ажойиб, гўзал намуналарини яратди.

Фурқат лирикаси ўз моҳияти билан демократик адабиётга мансуб бўлиб, илғор бадиий ва ғоявий ҳусусиятларга эга. Фурқат лирикаси ўз мазмуни, умумий руҳи ва услуби жиҳатидан феодал-клерикал адабиётдан принципиал фарқ қиласиди.

Фурқат лирикасида ҳаёт, реал инсоний кечинмалар куйла-нади. Шунинг учун ҳам у реалистик характерга эгадир. Фурқат ўз лирикасида демократик адабиётдаги илғор ғояларни ифодалаб, инсонларни турмушдан завқланишга чақирди, уларни тур-

муш иллатларидан нафратланишга, турмуш гўзалликларини севиш ва сақлашга ўргатди. Фурқат ўзининг юксак бадиий асарлари билан кишиларда эстетик дид ва завқ тарбиялади.

Муҳаббат темаси Фурқат лирикасининг асосини ташкил этади. Шоир инсонларга гўзаллик ва улуғворлик бағишлоочи муҳаббатни куйлади, муҳаббат темасида ёзган асарларида олижаноб инсоний фазилатларни ва кечинмаларни улуғлади.

Фурқат поэзиясида лирик қаҳрамон. Фурқат лирикасида яратилган ижобий қаҳрамоннинг энг муҳим хусусияти шуки, у ҳаётни севади, ҳаёт гўзалликларидан лаззатланишга интилади. Ер-маҳбуба ва унинг хусну латофати, нозкарашмалари ҳақидаги қўшиқ шу ҳаёт гўзалликларининг тимсоли сифатида майдонга келади. Фурқат лирикасидаги «Фасли навбаҳор», «Фасли гулдир», «Баҳор айёмида», «Истар кўнгул», «Ул қаро кўз» ва шу каби бошқа кўп шеърларда ҳаёт гўзаллиги тараннум этилади. Фурқат лирикасига хос бўлган бу чуқур оптимизм ижобий қаҳрамон тилидан айтилган қуйидаги мисраларда яққол намоён бўлади:

Дўстлар, айшу тараф, фасли баҳор истар кўнгул,
Хар куни саҳрода сайри лолазор истар кўнгул,
Айламак ҳар сори оҳулар шикор истар кўнгул,
Қабк рафторин кўраға кўҳсор истар кўнгул,
Доги хурсанд этгуси ҳар неки бор истар кўнгул.

Фурқат лирик қаҳрамонининг бундай «кўнгил истаклари» шоирнинг «Баҳор айёмида» сарлавҳали ғазалида ҳам ўз ыфодасини топган:

Баҳор айёмида гулгашт этарга бир чаман бўлса,
Килурга шарҳи ҳол, аҳли муҳаббат икки тан бўлса,
Булут қатрафишону, руҳафзо сабзалар хандон,
Ариғларнинг лабида сабзавори бир чаман бўлса.

Киши туби-ю кавсар, жаннату рузронни не қилсун?
Жаҳон айвонида ҳосил бу янглиғ анжуман бўлса.

Фурқат муҳаббат лирикасининг кўп ва жуда гўзал намуналарини яратди. Мана яна бир мисол:

Ул қаро кўз кўзларига сурма бежо тортадур,
Балки андин даҳр эли ортуқча ғавғо тортадур.

Қошлиари остида гўё икки фаттон кўзлари
Икки ҳинду баччадурким, ёндошиб ё тортадур.

Фурқат поэзиясида тез-тез учраб турадиган, юқори маҳорат билан ёзилган бундай жўшқин ва оптимистик шеърлар шоир лирик қаҳрамонининг характерли ва етакчи хусусиятини белгилаб беради.

Фурқат поэзиясининг кучли ва муҳим нуқталаридан бири ундаги эркинлик ва озодлик мотивларидир. Фурқат ўзининг турмуш ҳақидаги олижаноб истак ва орзуларини куйлаганда қулликка, ҳақсизликка нафрат билдиради, эркин, озод ва қувноқ ҳаётни тараним этади. Бу жиҳатдан унинг «Сайдинг қўя бер, сайёд...» мусаддаси характерлидир.

«Сайдинг қўя бер, сайёд...» мусаддаси фақат Фурқат поэзиясининггина эмас, балки бутун демократик адабиётнинг энг яхши ва кучли намуналаридан биридир.

Бу мусаддас эркин ҳаёт ҳақидаги жўшқин қўшиқ, ҳақиқий эркинлик мадҳиясиdir. Мусаддасда демоқратик адабиётга, ундаги ижобий қаҳрамонга хос бўлган истиқбол орзулари, келгуси баҳти ҳаёт истаклари кўтаринки романтик руҳ билан акс эттирилади.

«Сайдинг қўя бер, сайёд...» мусаддаси сайёд ва унинг тузогига илинган сайд (ов)га хитобан ёзилган. Асарда сайёд — зулм, зўрлик ва адолатсизлик тимсоли сифатида гавдаланади, сайд эса тутқинлик, қуллик символидир. Шоир зулм ва жафо кўрган сайдга зўр муҳаббат ва ачиниш билан қарайди, сайёдни эса ёвуз куч сифатида қоралайди ва лаънатлайди.

Сайдинг қўя бер, сайёд, сайёра экан мендек,
Ол домини бўйнидин, бечора экан мендек,
Ўз ёрини топмасдин овора экан мендек,
Иқболи нигун, баҳти ҳам қора экан мендек,
Хижрон ўқидин жисми кўп ёра экан мендек,
Куйган жигари-бағри садпора экан мендек.

«Сайдинг қўя бер, сайёд...» мусаддаси зўр ҳаяжон, чуқур ҳис ва кучли эҳтирос билан ёзилган асардир. Фурқатнинг шоирлик истеъдоди бу шеърда янада яхшироқ намоён бўлади. Асарга хос бўлган жўшқин лиризм, айниқса, сайдга бағишлиланган қўйидаги мисраларда яққол намоён бўлади:

Бечорани зулм айлаб, қўл бўйнини боғлабсан,
Ҳар сори чекиб-судраб, ўлдургали чоғлабсан,
Қўксини жафо бирла лола каби доғлабсан,
Сот менга, агар қасдинг олғувчи сўролабсан
Хижрон ўқидин жисми кўп ёра экан мендек,
Куйган жигари-бағри садпора экан мендек.

Тоғда очилиб лола, ер сабза баҳор ўлса,
Охир бу нечук бедод, олам анга тор ўлса?
Чиқмай деса жойидин, узлатда фигор ўлса,
Гар чиқса бандоғоҳи домига дучор ўлса.
Хижрон ўқидин жисми кўп ёра экан мендек,
Куйган жигари-бағри садпора экан мендек.

Мусаддаснинг сайёдга хитобан айтилган мисралари ҳам дикватга сазовордир. Гарчи бу мисраларда шоир сайдни тутқинликдан, қулликдан озод этиш тўғрисида сайёдга мурожаат қил-

са ҳам, бу мурожаат шеър контекстида талаб оҳангини англатади. Шоир бу мисраларда сайдга ёлбормайди, ундан илтимос қилмайди, аксинча, сайдни озод этиш, унинг табиий ва қонуний ҳуқуқларини поймол қилмаслик зарурлигини уқтироқчи бўлади. Сайдга хитобан айтилган бу мисралар «тутқун табиат»нинг тиз чўкиб қилган илтижоси эмас, балки қулликка қарши бош кўтарган «исёнкор табиат»нинг шоирона нидосидир:

Саргашта бу водийда бир бошига раҳм эткил,
Йўқ тоқати бандингга, бардошига раҳм эткил,
Инглаб сенга термулур, кўз ёшига раҳм эткил,
Раҳм этмасанг ўзиға, йўлдошига раҳм эткил,
Хижрон ўқидин жисми кўп ёра экан мендек,
Кўйган жигари-бағри садпора экан мендек...

Фурқат поэзиясида ҳасрат, нолиш, шикоят мотивлари ҳам акс эттириладики, бу мотивлар шоир билан ижтимоий муҳит ўртасидаги қарама-қаршилик, конфликт натижасида туғилгандир. Фурқат яшаган тарихий даврда мустамлака қуллиги, социал адолатсизлик ҳукмрон эди. Шундай ижтимоий муҳитда яшашга мажбур бўлган шоир ўзининг юксак орзуларининг ҳукмрон табақалар томонидан рад этилганини, ҳар қадамда унинг умидлари, «кўнгил истаклари» зарбага учраб турганини кўрар эди. Оқибатда шоир поэзиясида нолиш, ҳасрат ва шикоят мотивлари туғилар эди. Бу жиҳатдан унинг «Оҳқим», «Доғмен», «Умр хуш ўтмас», «Оҳқим, ҳамдард йўқ» ғазаллари, «Бири», «Этмадим», «Бу нечук савдо» мухаммаслари характерлидир. Бу асарларда шоир билан уни ўраб олган ижтимоий муҳит ўртасидаги келищмовчилик натижасида туғилган руҳий ҳолат-кечинмалар акс этади.

Бундай асарларида шоир одамлар ўртасидаги бевафоликдан, жамият тартибларидаги ҳақсизлик ва адолатсизликлардан шикоят қиласиди, ўзининг чексиз ғам-андуҳ, аламлар ичida яшашга мажбур бўлганлигидан нолийди. Чунончи:

Оҳқим, йўқтур, мени табъимга лойиқ улфатим,
Анга изҳор айласам кўнглумда доги ҳасратим.

Бўлмадим бир лаҳза фориғ бу жаҳон ташвишидин,
Найлайн қон йиғламай ортар дамодам меҳнатим...

Ҳол агар ушбу эрур бўйла тириклиқдин на суд?
Бўлмаса бир қатла асҳоби жаҳонга ҳурматим...

Фурқат поэзиясида катта ўрин тутган бундай ҳасрат ва шикоят мотивлари «Бири» сарлавҳали машҳур мухаммасида ҳам яққол намоён бўлади:

Даҳр аро мен чекмаган жабру жафолардин бири
Қолдими ҳам кўрмаган дарду балолардин бири.

Айласам зоҳир агар, ул ибтилолардин бири
Тоқат этмас дарди ишққа мубталолардин бири
Шарҳи ғам қилса, қани бағри адолардин бири...

Меҳрибонлик пеша айлаб, кимга қўргуздим вафо,
Тарки меҳр айлаб менга ҳаддин фузун қилди жафо,
Йўқ эрур мендек киши толиъ забун, баҳти қаро,
Минг вафога бир вафо ҳам кўрмадим олам аро,
Қолмамиш бўлғай магар аҳли қафолардин бири...

Фурқат поэзиясида нолиш, ҳасрат ва шикоят мотивларининг асл моҳиятини очиб берадиган ва уларнинг социал илдизларини изоҳлайдиган шеърлар ҳам учрайди. Қайта-қайта таъкидланадиган бу мазмундаги шеърлардан намуна сифатида қўйидаги байти келтириш мумкин:

Чархи қажрафтгорнинг бир шевасидин доғмен.
Айишни нодон сурин, кулфатни доно тортадур.

Бу байтда шоир ўзи билан жамиятдаги ҳукмрон гуруҳлар ўртасида, жамиятнинг илгор қисми — «доно»лар билан реакцион қисми — «нодон»лар ўртасида туғилган қарама-қаршиликка очиқ ишора қилиб ўтадики, бу конфликт ҳасрат, нолиш ва шикоят мотивларини туғдирган эди.

Фурқат поэзиясида турбат мотивлари. Фурқат лирикасининг характерли хусусиятларидан бири ундаги турбат мотивларидир.

Фурқат поэзиясида, айниқса, шоирнинг чет элларда яшаган даврида яратган шеърларида бу мотив кенг ишланди.

Фурқат поэзиясидаги турбат мотивларининг маъмуни ва моҳияти нимадан иборат?

Фурқат оташин ватанпарвар шоир эди. У ўз халқини, ўз она-Ватанини чексиз муҳаббат билан севар, унинг истиқболи, баҳтсаодати ҳақида қайғурар эди. Фурқат узоқ муддат чет элларда яшаган даврида ҳам ўз Ватанини, халқини унутмади. Гарчи Хитой тупроғи Фурқат учун иккинчи ватанга айланаб қолган бўлса ҳам, у ўзининг турбатда эканини сезмаслиги мумкин эмас эди. Чунки шоирни ўз Ватани бағрида яйраш, ижоди билан халқига хизмат қилиш баҳтидан маҳрум этган эдилар. Ҳоким гуруҳлар, уларнинг фитна ва иғволари шоирни ўз Ватанини ташлаб чиқишига мажбур этган ва унинг қайтиб келиш ўйларини тўсиб қўйган эди. Фурқат поэзиясида кенг ишланган турбат мотивларини унинг биографиясидаги шу нуқта билан, шоир ва ҳукмрон муҳит ўртасидаги шу конфликт билангина изоҳлаш мумкин. Бу жиҳатдан унинг «Адашғанман» мухаммаси, «Бир қамар сиймони кўрдим», «Бечиз нест» ғазаллари диққатга сазовордир.

Мухаммас шаклида ёзилган «Адашғанман» асари шоирнинг ўз Ватани ҳақидағи чуқур ҳис-туйғуларини ажойиб маҳорат ва жўшқинлик билан тараним этади. Чунончи:

Манам шўрида булбул бўстонидин адашганман,
Юзи гул, қомати сарви равонидин адашганман,
Дилим ҳажри-ла қондур дилистонидин адашганман,
Ғариби кўйи ғурбат хонумонидин адашганман.
Ваё бир мурғи ваҳший ошёнидин адашганман.

Кўнгулни эл диёри ичра бедор, ибтиҳож айлай,
Бориб кимға ғариблик бирла арзи эҳтиёж айлай?
На суд андинки шарҳи достоним юз қулоч айлай?
Бошимға тушди ғурбат офтоби на илож айлай?
Фалакни(нг) гардишидин соябонимдин адашганман...

Кейинги давр адабиётимизда она-Ватан дардини Фурқатга ўхшаб чуқур ҳис этган ва ўз ижодида мукаммал ёритиб, Ватан муҳаббати ҳақида кўп ва ажойиб асарлар яратган шоирни кам учратамиз. Ўлуг Алишер Навоийнинг ҳам Ватан муҳаббати, ғурбат аламлари ҳақида ўлмас асарлар яратгани маълум. Фурқатнинг ғурбат мотивида ёзган асарлари адабиётимиздаги «Ватан муҳаббати» темасини ажойиб янги намуналар билан бойитди.

Фурқат Кашмирда ҳинд гўзалига бағишлаб, «Бир қамар сиймони кўрдим» ғазалини ёзар экан, ўзининг ғурбатда дарбадар кезиб юрганлигидан баҳс очади:

Айди: «Эй бечора, қилдинг на учун тарки ватан?»
Ман дедим: «Ғурбатда Фурқат бор экан тақдирда!»

Ватан муҳаббати темаси Фурқатнинг форс-тожик тилида ёзилган шеърларида ҳам ишланади. Бу жиҳатдан Фурқатнинг Тажаллий ва Муқимий шеърларига назира-жавоб тарзида ёзган «Бечиз нест» шеъри диққатга сазовордир:

Дод аз дасти баҳори зиндаги к-аз, жўши у,
Як гули хандони накҳатбезу рангомез нест.

Дар ватан аз жаври гардун хуррами моро набуд,
Ин чи толеъ буд ёраб, дар ғариби низ нест.

Мазмуни:

Агар тириклик баҳорининг жўшқинлигидан кулиб ва яшнаб турган гулнинг ҳиди келмас экан, ундан баҳорнинг дастидан дод!

Гардуннинг жабридан бизга ўз ватанимизда бирор шодлик кун бўлмади, эй тангри, бу қандай толеки, ғарибликда ҳам севинчли кун йўқдир.

Фурқат ғурбат темасига қайта-қайта мурожаат қиласи. Унинг Ёркент шаҳридан ўз ватандошларига ёзган хатларининг бирида бу ҳақда қуийидаги сатрлар битилган:

Ватаннинг иштиёқин тортарам ғурбат ғами бирлан,
Туруб эрдим кутулмай ғуссау ранжу инолардин.

Фурқатнинг ғурбат мотивида ёзган шеърлари унинг зўр ватнпарвар шоир эканлигидан дарак беради ва Ватан муҳаббатининг, Ватан садоқатининг тимсоли сифатида гавдаланиб туради.

«Уч хароботий»
шеъри.

Таржиъбанд-мусаддас шаклида ёзилган ва ўн беш банд — тўқсон мисрадан иборат бўлган катта ҳажмли бу шеър демократик ада-

биётдаги фалсафий лириканинг кучли намуналаридан биридир. Асар арузнинг «рамал баҳри» тармоқларидан «фоилотун фоилотун фоилотун фоилун» вазнида ёзилган.

Шеър таржиъбанд-мусаддас деб аталади. У олти мисрали бандлардан ташкил топгани учун мусаддас ҳисобланади: мусаддас бандларининг охирги икки мисраси бутун шеър давомида такрорланиб тургани сабабли таржиъбанд тусини олади.

«Уч хароботий» шеъри мазмунан жуда аҳамиятли бўлиб, унда Фурқат дунёқарашининг муҳим томонлари акс этиши билан бирга, унинг ижодий-эстетик позицияси ҳам ифода қилинади. Хар қайси банднинг охирида такрорланиб турувчи қўйидаги икки мисрада Фурқат поэзиясининг тематик йўналиши, тоявий асоси, ундаги реализм, услуг бу умумий йўналиш равshan кўришиб туради:

Ёр бизни(нг) ёримиз, жонон бизинг жононимиз,
Ушбу даврон бирла ўтсак йўқ эрур армонимиз.

«Уч хароботий» шеъри мазмун эътибори билан фалсафий йўналишдаги асардир. Бу йўналиш шеър текстида учрайдиган «Уч хароботий», «Уч аламкашмиз», «Уч қаландармиз» ибораларида кўриниб туради. Шеър дин ақидаларига, тақволарига қарши бош кўтарган ва ўзини «харобот аҳли» деб эълон қилган уч исёнкор тилидан ёзилган. Дин таълимотини, тақво ва ўгитларини тарқ этиб, эркпарварлик руҳи билан сугорилган бу шеърда саркашлиқ, шаккоклик ва риндлик кайфиятлари илгари сурнади:

Уч хароботий эрурмиз сокини майхонамиз,
Хум бошидин чарх уруб, монанди бир парвонамиз,
Маст ўлумиз жўшиши майдин ажаб девонамиз,
Холимиз дунё гамидин фориги кошонамиз,
Ёр бизни(нг) ёримиз, жонон бизинг жононимиз,
Ушбу даврон бирла ўтсак йўқ эрур армонимиз.

Уч аламкашмиз, ҳамиша толиби жононамиз,
Қўйига бормоқдин аммо эл аро афсонамиз,
Нашъеа пайдо қилибмиз, ақлдин бегонамиз

На ҳароси домдумиз, на асири донамиз,
Ёр бизни(нг) ёримиз, жонон бизинг жононимиз
Ушбу даврон бирла ўтсак йўқ эрур армонимиз.

Уч қаландармиз, қаландархонада ҳамхонамиз,
Хаserrat айлармиз негоким, рондан ҳар хонамиз,

Қайда қолди, во дариғо, согару паймонамиз,
Дайр пирини (нг) ҳузуридин ажаб журмонамиз,
Ер бизни(нг) ёримиз, жонон бизинг жононимиз,
Ушбу даврон бирла ўтсак ийқ әрур армонимиз.

«Үч хароботий» шеъридаги фалсафий мазмунни, исёнкор руҳни ва оригинал услубни тұлдирувчи бундай шеърлар Фурқат поэзиясида учраб туради. Бу жиҳатдан «Бормасмиз» сарлавҳалиғазали характерлайдір. Чунончы, шеърининг қуйидаги:

Биз истигно эли, қичқирмогон маъвого бормасмиз,
Агар чандики хирмон айласа дунёға бормасмиз.

Биз эллар — фақр әлимиз, парча нонга сабр айлармиз,
Фараз дунё учун Искандару Дорога бормасмиз —

мисраларига эътибор беринг.

Фурқат ўзининг бу ва бунга ўхшаш қатор шеърлари билан ўзбек адабиёті тарихида кенг ишланған антиклерикал адабиётта ўз ҳиссасини қўшди.

ФУРҚАТ — МАЪРИФАТПАРВАР ШОИР

XIX асрнинг иккинчи ярмида Туркистанда майдонга келган прогрессив характердаги янги ижтимоий онгнинг кўзга кўринган намояндадаридан бири Фурқатдир. Бу янги ижтимоий онг — фалсафий, ижтимоий-сиёсий оқим ўрта аср қолоқлигига, диний фанатизмга асосланған феодал идеологиясига қарши кураши, замонавий илм, маданият ва тараққиёт ғояларини тарғиб қилиши билан характерланади.

Фурқат дунёқарашидаги ўзгариш, ижодидаги маърифатпарварлик мотивлари улуғ рус маданиятининг бевосита таъсири остида майдонга келди. Бу таъсир Фурқатнинг янги Марғилонда яшаган даврида бошланған эди. Шоирнинг Тошкентда яшаган даврида эса бу таъсир янада кучайди ва ўзининг ажойиб самараларини берди. Фурқатнинг маърифатпарварлик ғояларини тарғиб қилувчи «Гимназия», «Илм хосияти», «Театр ҳақида манзума», «Нағма базми хусусида», «Гимназиянинг акт мажлиси», «Виставка хусусида», «Суворов ҳақида» ва бошқа асарлари унинг Тошкентда яшаган даврида майдонга келган эди.

Фурқат Тошкентда улуғ рус маданияти билан чуқур танишди, унга муҳаббат қўйди ва унинг оташин тарғиботчиси сифатида ижод қилди. Шоир Тошкентда клуб, газета редакцияси, босмахона, театр, концерт, виставкалар ва илмий муассасаларни бориб кўрди, улар тўғрисидаги таассуротини баён қилиб, кўп шеърлар ёзди. Бу машҳур шеърларнинг ҳаммаси учун умумий бўлган хусусият шуккӣ, уларда Фурқат, бир томондан, қолоқликни, маданиятсизликни қоралайди, ўтмишдаги хонлар, беклар

۱۸۸۹ - انجمنیه سنجی رادیوندہ تاسکنده مسیری اینٹک
تمیاز یہ سبیدہ بولنام آنکت مجلسی خصوصیدہ برپیم طالب العلم لار
برلانگ کریں گے شاپنگ نام جہت دین فقیر ذاکر مابن فرقہ رونجی سو زمانہ

| | | |
|---|---------------|---|
| <p>لکھنی قیلور بولیہ کندار نس</p> <p>خداوند خدا یازار بچھڑز نامه</p> <p>قیلور خدا متحمل رہمنی آغاز</p> <p>خریں بولدی برکت نہ مٹا لی</p> <p>میں ہر کو شے خدم دار تیرباں</p> <p>حدو لینج لوہہ تم بار ایردی چہنیز</p> <p>ایدی کو یا زمر د رنگ بخیں</p> | <p>اوپریم</p> | <p>رقم و صنیعہ قیلکار نکا شش</p> <p>ہدو دب کینمازیہ و صنفیہ نامہ</p> <p>بولو قیلکار کت محلیہ ہزار</p> <p>ادھر کہنمازیہ نی کتہ زالی</p> <p>پیا کہنبر الیہ زینت بہیان</p> <p>قیلیب اول سحر ادا صدلا صد</p> <p>کیا ہی تکیت سیر پوچیں سنل</p> |
|---|---------------|---|

Фурқатнинг 1889 йил 3 июня Тошкентда ёзган «Акт мажлиси хусусида» шеърининг асл құл ёзмасы (литография)

даврини нафрат билан эслайди; иккинчи томондан, илм-маданиятга, тараққиётга интилиш зарурлигини қайта-қайта таъкидлайди. Чунончи, у «Гимназия» шеърида халқни жаҳолат, нодонлик ва асоратда сақлаган хонлар даврини зўр афсуслар билан тилга олади:

Эсизким, бизни(нг) ўтмуш хону беклар
Кечиб ишратда зоеъ субҳу шоми.

Кетурмай ёнига бир аҳли дониш,
Ўзига хос этиб неча авоми.

Чу илму фазл элини тутмадилар,
Қилибон тарбиятда эҳтироми.

Фурқат, ўтмишдаги ҳамма маърифатпарварлар сингари, халқ баҳт-саодатини илм-маданиятни эгаллашда кўради. У халқ фожиасининг, оғир ва мусибатли ҳаётининг бирдан-бир сабабини нодонлик, жаҳолат деб билади. Шунинг учун зўр эҳтирос ва гайрат билан халқ ўртасида илм-маориф ва маданиятни тарғиб қилишга киришади.

Фурқатнинг маърифатпарварлик руҳидаги шеърлари унинг дунёқарашини равshan ифода этади. Фурқатнинг фикрича, илм-фан бир машъал бўлиб, у инсониятнинг баҳт-саодати йўлини ёритиб туриши керак.

Маърифатпарвар Фурқат илм-маданиятнинг аҳамияти ҳақидаги ўз қарашларини давом эттириб, бошқа бир ўринда «қўзларнинг нури, кўнгулларнинг сурори» илмдан эканлигини таъкидлайди:

Керак одамга қилғай илм ҳосил,
Жаҳондан ўтмагай то маҳз жоҳил.

Жаҳон басту кушоди илм бирла,
Надур дилни(нг) муроди илм бирла.

Кўнгулларни (нг) сурори илмданур,
Кўрар қўзларни (нг) нури илмданур.

Керак ҳар илмдин бўлмоқ хабардор,
Бўлар ҳар қайси ўз вақтида даркор.

Дариғо, Фурқатий, беним қолдим,
Ўзимни жаҳҳ зиндонига солдим

(«Илм хосияти» шеъридан)

Фурқатнинг илмга, илмнинг жамият ҳаётидаги ролига бундай юксак баҳо бериши, шубҳасиз, унинг қолоқликка, маданиятсизликка бўлган чуқур нафрatiдан, жаҳолат занжирида сақланган халиқа бўлган чексиз муҳаббатидан далолат беради. Фурқат рус халиқини дунёдаги маданиятли ва истеъдодли халқлардан бири деб билади. Шунинг учун Фурқат ўз шеърларида рус халиқи-

ни «ақлу донишда камолотга эришган» улуг халқ сифатида куйлади:

Зиҳи даврони фархунда нишони,
Замон ўлди Ўрусия замони.

Топарға илмни айлар жадаллар,
Төспиб, айлаб, аниңг бирла амаллар.

Бўлиб шул аср ҳикмат аҳли ҳадсиз,
Фатонат, аҳли донишманд агадсиз.

Улуму фанда Афлотундан афзал,
Камоли ақлу дониш бирла акмал.

(«Илм хосияти» шеъридан)

**«Нағма базми
хусусида», «Нағма
ва нағмагар
ва аниң асбоби
ва ул нағма таъсири
хусусида».**

Маснавий шаклида ёзилган ва қарийб икки юз мисрани ўз ичига олган бу шеърлар Фурқатнинг рус маданиятига бўлган муҳаббатини кўрсатиш жиҳатидан характерлидир. Бу шеърларда Фурқат Тошкент театрида бўлиб ўтган концертдан олган таассуротини, руҳий кечинмаларини ифода этади. Шеър мазмунидан англашилишича, Фурқат рус музикасини жуда севиб тинглаган ва унда ифодаланган мураккаб ҳис-туйғуларни, чуқур мазмунларни тушуниб олишга, у мазмунларни шеърий шаклда баён этиб, ўз ўқувчиларига етказишга ҳаракат қилган. Маълумки, музика санъатини, айниқса, бошқа миллат музикасини тушуниш учун тингловчи кенг билим ва юқори маданий савияга эга бўлиши лозим. Фурқат эса ана шундай билимли ва юқори маданиятли киши эди. У бой рус музикасининг чуқур мазмунини англаш даражасига кўтарилибгина қолмасдан, уни ўз ватандошлири ўртасида тарғиб қилишга ҳам тиришди:

Экандур нағмаи Русия дигар,
Ани асбоби ҳам ғайри мукаррар.

Муғаний айласа гар нағма оғоз,
Чиқар ҳар қайсидин бир бошқа овоз.

Эшитмоққа ҳама хомуш ўлурлар,
Басе лаззат топиб бехуш ўлурлар.

Муғаний нағма бирлан қийлу қолин,
Хусусан билдирур ҳар навъи ҳолин.

Бирор одам агар ғамбола бўлса,
Ваёғ ғам қайдидин озода бўлса...

Ваёғ бад толеидин бўлса ғамнок,
Ваёғ иқболи пастидин аламнок...

Ваё бир дилрабоға ошиқ ўлса,
Анга на сўз дегани лойиқ ўлса,

Ушал аҳволни айлаб баён ул,
Қилур мажлисдагиларға аён ул.

Дилида ҳамма сўз ўлса ниҳоний,
Дегай нағма забони бирла они,

Эшитганлар ани ҳолин билурлар,
Бағоят нашъалар ҳосил қилурлар.

Жаҳонга Чайковский, Мусоргский, Глинка, Римский-Корсаков каби машҳур композиторларни берган рус реалистик музика маданиятини ўзбек адабиётидаги бўлиб куйлаган ва тарғиб қилган шоир Фурқат бўлди. Фурқат рус маданиятининг «яхши ва марғуб» томонларини қабул қилишғасини илгари сурганди, музика маданиятимизни рус музика маданиятидаги янгиликлар билан бойитишни ҳам кўзда тутган эди. Фурқатнинг бу масаладаги яна бир тарихий хизмати шундаки, дунёга машҳур бўлган рус классик музикасини ўз замондошлари ўртасида тарғиб қилиб қолмай, бу мислсиз бойлиқдан келгуси наслларнинг ҳам баҳраманд бўлишини орзу қилди: Бизнинг замонамизда кенг томир отган рус — ўзбек музика маданияти ўртасидаги қардошларча дўстлик ва ижодий ҳамкорликдан башорат берувчи Фурқатнинг бу ажойиб орзуси қўйидаги мисраларда яққол ифодаланган:

Аё Фурқат, қулоқ сол забт этиб ҳуш,
Ки шояд наслимиз солғай дебон гўш.

«Виставка хусусида». Уч қисмдан иборат бўлан катта ҳажмдаги бу шеър 1890 йил сентябрь ойида ёзилган. Шеърда Фурқат Тошкентда ташкил қилинган виставкадан олган таассуротини баён қиласди. Виставкада Фурқат диққатини ўзига жалб қилган нарса у ерда қўйилган техника янгиликлари эди. «Виставка хусусида» шеърида Фурқат илм-фанни, ҳунарни мадҳ этади, илм-фан туфайли яратилган янгиликларни, турли-туман машиналарни зўр мароқ билан тасвирлайди. Фурқат турмуш янгиликларини диққат билан кузатувчи ва улар моҳиятини тез фаҳмлаб оловчи прогрессив тушунчали шоир сифатида техниканинг кишилар ҳаётидаги ролини, аҳамиятини алоҳида таъкидлайди. Бу жиҳатдан Фурқатнинг ипак машинаси, паровоз, пар машинаси ҳақидаги мулоҳазалари диққатга сазовордир. Фурқат тахта тилувчи машинанинг киши меҳнатини осонлаштиришдаги аҳамияти тўғрисида қўйидаги мисраларни ёзади:

Яна нажжор ишин осон қилурға,
Бўлиб машиналар тахта тилурға.

Бир одамдин бўлак одам керакмас,
Тилурға арра, уста ҳам керакмас.

Тилур кўб тахталарни соат ўтмай,
Нечук соатдинким, фурсат ўтмай.

«Виставка хусусида» шеърининг учинчи қисми электр лампочкасини тасвирлашга бағишлиган бўлиб, у гоят ибратлидир.

Чор ҳукуматининг таловчилик асосига қурилган мустамла-
качилик сиёсати натижасида қора чироқ билан қашшоқ ҳёт
кечирувчи халқ электр лампочкасининг нима эканлигини бил-
масди. Виставкалардагина кўрсатиладиган бу янгилик ҳақида
Фурқат томошибинларнинг баён қилган фикрларини келтиради
ва ўз мuloҳазаларини айтади:

Чунончи икки фонус, аҳли ҳикмат,
Ясабдурлар қилиб изҳор санъат.

Енар бефилта, бегугурт, беёғ,
Анга бир сим ишорат айлаган чоғ...

Фурқат рус тили
ҳақида.

Фурқат улуғ маърифатпарвар сифатида рус
тилини ўрганишга алօҳида аҳамият берди.

Фурқат замонавий илмни эгаллаш, мада-
ниятли бўлиб етишиш фақат рус тилини ўрганиш орқалигина
амалга ошиши мумкин эканлигини англади ва ўз асарларида
бу фояни қайта-қайта таъкидлаб ўтди.

«Русия лисони,— деб ёзади Фурқат ўзининг мактубларидан
бирида,— мамлакатдаги илмдор ва тужжорларга нақадар ло-
зим бўлса, сафар ва саёҳатга чиққан кишига юз анча лозим
экан».

Фурқатнинг улуғ рус тили ҳақида баён қилган фикрларидан
маълум бўлишича, рус тилини ўрганишда илғор рус маданияти
арробблари маҳаллий халқ вакилларига ёрдам қўлини чўзган-
лар, уларнинг маданият чўққиларини эгаллаш йўлидаги инти-
лишларига самимий ва беғараз кўмаклашганлар. Рус демократ
интеллигенциясига хос бўлган бу олижаноб хусусиятни Фурқат
ўз асарларида миннатдорлик билан тилга олади: «Русия ошна-
ларим мани Русия хатти ва лисонини бетакмил билмоғимни хоҳ-
лаб таклиф қилур эрди». Ёки:

«Анинг учун айтаманким одамизодға ҳар қандоғ илмни ўр-
ганмоқ ўз фойдаси учун лозимдур. Ўз нафслари учун бўлмаса
ҳам бошқа мусулмонларнинг ҳожати учун зарурдир. Агар бу
хусусда Русия халқи хат ва лисон ўрганмоқча биз халқни так-
лиф қилса, муроди ёмон эмасдур».

Оташин маърифатпарвар шоир Фурқатнинг улуғ рус тилини
ўрганиш соҳасидаги бу фикрлари ҳозирги кунимизда ҳам ўз
қимматини йўқотгани йўқ.

ФУРҚАТ ДОСТОНЛАРИ

Фурқат кичик ҳажмдаги лирик шеърлар (ғазаллар, мухаммаслар ва бошқалар), ўртача ҳажмдаги сюжетли шеърлар (маснавийлар) ёзиш билан бирга, катта ҳажмдаги эпик асарлар — достонлар ҳам яратди. Бизгача Фурқатнинг уч достони — «Суворов ҳақида», «Юнон мулкида бир афсона» ва «Бир можаро» достонлари етиб келган. Шуниси диққатга сазоворки, бу уч достон уч хил характердадир. «Суворов ҳақида» достони тарихий-биографик характерга эга бўлса, «Юнон мулкида бир афсона» достони ярим афсонавий тусдаги саргузаштни баён қилувчи романтик достондир; «Бир можаро» достони эса Фурқат даври ҳаётидан олинган бўлиб, танқидий — сатирик характерга эгадир.

Бу достонда Фурқат улуғ рус саркардаси, «Суворов ҳақида». рус қуролли кучларининг ифтихори Александру Васильевич Суворов образини яратишга ҳаракат қиласди.

Маснавий характеридаги бу шеърий асар 1890 йилда Тошкентда ёзилган бўлиб, у 172 мисрадан иборатдир. Достоннинг ёзилишига бевосита сабаб бўлган ҳодиса 1890 йил 5 октябрда Тошкентдаги рус театрида кўйилган томоша бўлди. Руз драматургларидан Н. Куликовнинг «Суворов қишлоқда, Миланда ва яхши аёллар орасида» номли драматик асарини саҳнада кўрган Фурқат ундан қаттиқ таъсиранди ва унинг мазмунини шеърий шаклда баён этиб, «Суворов ҳақида» поэмасини яратди. Достонда улуғ рус саркардаси А. В. Суворов ҳаётининг сўнгги йилларига оид эгизодлар акс эттирилади. Екатерина II таҳтининг меросхўри Павел I билан А. В. Суворов ўртасида чиққан низо, бу низо натижасида А. В. Суворовнинг сургуни қилиниши, Наполеон Бонапарт босқинчилкларига карши кўтарилган уруш муносабати билан А. В. Суворовнинг яна лашкарбоши қилиб тайинланиши, унинг рус аскарларига бошчилик қилиб, француз босқинчиларига қарши Италияда Альп тоғларида жанг қилиши, шиддатли жангларда душманни енгиши ва, ниҳоят, тантана билан Милан шаҳрига кириб келиши каби тарихий воқеалар достон мазмунини ташкил қиласди.

Фурқат поэмасида яратилган Суворов образи тарихий Суворовдаги асосий хусусиятларни, умуман, тўғри акс эттиради. Фурқат достонида Суворов, даставвал, рус ерининг бутунлиги ва хавфсизлиги учун куч ва ғайратини аямайдиган ватанпарвар саркарда сифатида гавдаланади. Подшоҳ Павел I ва сарой доираларида реакционерлар билан келиша олмай, ишни тарк этиб, қариллик чоғларини ўз қишлоғи Кончанскоеда ўтказаётган Суворов ватаннинг биринчи чақириғи биланоқ французларнинг тажковузкорлигига қарши отланиб, саркардаликни қабул қилди ва ўз юртини чет эл босқинчилари ҳужумидан ҳимоя қилишда бутун билим ва қобилиятини ишга солди. Суворовнинг бу ҳара-

кати унинг ҳақиқий рус ватанпарвари эканлигини яққол кўрса-тиб туради. Гарчи илгари подшо унга:

...«Нав законлар бирла қонун,
Сенға маъқул эмас бўлса, ўзинг бил,
Кетиб мундун бўлак ишни топиб қил!»—

деб, улуғ саркардани ҳақоратлаб вазифадан озод қилган бўлсада, А. В. Суворов ватан ва халқ бошига оғир кунлар тушганда кек сақламади, унинг ҳимояси учун бел боғлади.

Суворов рус халқининг зўр иродасига, рус солдатининг қаҳрамонлик кучига, жасурлигига, кучли сабр-матонатига астойдил ишонар эди, чунки унинг ўзида ҳам шундай хусусиятлар бор эди. Унинг рус солдатларини зўр муҳаббат билан севиши ва улар кучига чексиз ишонишининг боиси ҳам шунда эди. А. В. Суворов улуғ саркардалик истеъоди билан солдатларни ватанпарварлик, қаҳрамонлик ва жасурлик руҳида тарбиялар, уларга ҳарбий санъатни ўргатар эди.

Суворов образининг бундай тасвиrlаниши саркарданинг асл характерини, тарихий фаолиятини, реал қиёфасини тўғри акс эттиради. Тарихий шахс Суворов билан Фурқат поэмасидаги Суворов образи ўртасида қарама-қаршилик йўқ, аксинча, тўла ўйғунлик, мослик бор.

Фурқат достонида Суворов буюк саркарда сифатидагина эмас, балки олижаноб одам сифатида ҳам тасвиrlанади. Қамтарлик, соддалик, самимият ва ҳақгўйлик Суворовга хос инсоний фазилатлардир. Тарихий шахс Суворовга хос бўлган бу олижаноб хислатлар достонда тўғри ва ҳаққоний акс эттирилган. Суворов Коңчансое қишлоғида яшаган даврида ўзини камтар тутади, дехқонлар билан самимий ва дўстона муомалада бўлади:

На иш бўлса ва лекин қаёнда,
Билур эрди турубон ул маконда.

Юарар әрди бўлиб бир расми одам,
Ўшал қишлоқ халқи бирла боҳам.

Суворовнинг бундай олижаноб фазилатлари қишлоқ болалари билан бўлган муомаласида ҳам кўриниб туради. Хушчақчақ табиатли, очиқ кўнгилли Суворов қишлоқ болаларини тўплаб, улардан «қўшин тузади, уларга «ёғоч милтиқ», «чўпдан қилич» бериб, «ҳарбий иш низомини» ўргатади. Бу «машқлар» орқали Суворов қишлоқ болаларини ватанпарварлик руҳида тарбиялайди, ўз вақтини ҳам чоғ ўтказади:

Йигиб ёш болаларни баъзи авқот,
Яғоч милтиқ бериб айларди саллот.

Аларға ўзини сараскар айлаб,
Қилич чўпдан ўзига дарбар айлаб.

Бериб машқин низом ила юрушни,
Туруб милтиқ отарни ҳам урушни.

Демак, Суворов образи достонда инсон сифатида ҳам ҳақиқий, реал тарихий Суворовга мос, уйғун равишда акс эттирилган.

Бинобарин, Фурқат А. В. Суворов образини яратышда реализм йўлидан борганд, тарихий фактларга суюниб, лашкарбошининг ҳаққоний образини яратган.

Фурқатнинг «Суворов ҳақида» достони катта маърифий ва тарбиявий аҳамиятга молик бўлиш билан бирга, муҳим тарихий аҳамиятга ҳам эгадир. Фурқатнинг ўзбек адабиёти тарихи олдидаги унтутилмас хизмати шуки, у ўзбек адабиётида биринчи бўлиб рус тарихи ва маданиятининг машҳур арбоби Суворов образини яратди. Фурқат бу билан ўзбек китобхонлари ўртасида рус ҳаётига, тарихига ва маданиятига ҳурмат ҳисларини уйғотди, рус халқининг асл фарзандларига, илғор намояндадарига нисбатан муҳаббат туйғуларини тарбиялади. Бинобарин, машҳур маърифатпарвар шоир Фурқат ҳақиқий новатордир. У ўзининг ажойиб ижодий фаолияти билан адабиётимизга янги ғоялар, янги образлар олиб кирди.

**«Юнон мулкида
бир афсона».** Маснавий йўлида ёзилган бу достон 176 мисра шеърни ўз ичига олади. Достон арузининг ҳазаж баҳри тармоқларидан «мағолун, мағолун, фаулун» вазнида ёзилган.

Достонда шоир чет элларга қылган саёҳати даврида Юнонистонда бир қиз оғзидан эшитган ҳикоясини шеърий шаклда баён қиласи.

Шоир достоннинг бош қисмида Юнонистон саёҳатидан олган таассуротлари ҳақида қисқача сўзлагандан сўнг, қиз ҳикоясини баён этишга киришади. Ажойиб воқеаларни, экзотик эпизодларни ўз ичига олган ва романтик бўёқлар услубида баён қилинган бу қиз ҳикояси қўйидаги сўзлар билан бошланади:

Мени (нг) аслим эрур аҳли Итолё,
Иқоматгоҳим эрди шаҳри Румо.

Достоннинг бундан кейинги сатрларида қиз саргузаштлари баён қилинади. Қизнинг касалланиши, докторлар маслаҳати билан дарё лабида қаср бино қилиниши ва бу қасрда қизнинг даволаниши; бу қизнинг саёҳатга чиқиши ва дарёга ғарқ бўлиши, унинг балиқчи тўрига илиниб қутқарилishi, қиз ҳушига келгандан кейин ўз асли наасабини билдириши, балиқчининг қизни Румога олиб келиб, унинг ўз ота-оналари билан топиштируви достон воқеасининг асосий эпизодларини ташкил этади. Достоннинг охирги қисмида таъкидланишича, бир ўлимдан қолган қиз

қолган умрини саёҳат билан ўтказишга жазм қилган. У Италиядан чиқиб Юнонистонга келади, бунда бир неча замон яшаб, Францияга, ундан Россияга боришини мўлжаллайди.

«Юнон мулкида бир афсона» достонининг сюжетидан кўриниб турибдики, унда foят ҳаяжонли саргузаштларни бошидан кечирган қиз образи яратилади. Бу қиз ўз характери, саёҳат қилиш ниятида ўз эл-юртини ташлаб чиқиши, дунёни дарбадар кезиб юриши билан Фурқат табиатини эслатади ва унга ҳамоҳанг тушади. Фурқатнинг қиз ҳикоясига бунчалик эътибор берив, уни қаламга олиши ҳам шундан келиб чиққан бўлиши мумкин.

«Юнон мулкида бир афсона» достони Фурқат адабий меросида алоҳида ўрин тутади ва шоир ижоди учун романтик мотивлар ҳам хос эканлигини кўрсатади.

Фурқат мемуарлари. Фурқат 1891 йилда Тошкентда ўзининг бoshida кечирганларини, яъни таржимаи ҳолини ёзиб чиқди. Бу асар «Туркистон вилоятининг газети» саҳифаларида (1891 йил январь — июнь сонларида) босилди. Автобиографик характердаги бу асар «Ҳўқандлик шоир Зокиржон Фурқатнинг аҳволоти, ўзи ёзгони» деб аталган бўлса ҳам, бу сарлавҳа асарга ном бўла олмайди. Шунинг учун уни, Фурқатнинг ўзига асосланниб, «Саргузаштнома» деб аташ тўғрироқ бўлади.

«Саргузаштнома» мемуар асар сифатида қимматли маълумотларни ўз ичига олади. Бу асарда Фурқат ўзининг болалик давридан бошлаб 1891 йилгача, яъни Тошкентдан чиқиб кетгунча бўлган давр ичидан бошидан кечган воқеалар тўғрисида фикр юритади. Фурқатнинг Кўқонда ўтган ёшлиқ даври, оиласвий ҳаёти, мактаб ва мадрасада ўқиши, янги Марғилонга бориши у ердаги машғулоти, Кўқонга қайтиб келиши, Муқимий бошчилигидаги адабий ҳаракатда иштирок қилиши, шоир сифатида шуҳрат қозониши ва, ниҳоят, 1891 йилда Кўқондан Хўжанд (Ленинобод) орқали Тошкентга келиши ва Тошкентдаги ҳаёти бу асарда ёрқин эпизодлар орқали равон услубда ҳикоя қилинади. «Саргузаштнома» Фурқат таржимаи ҳолини ўрганишда энг қимматли ҳужжат бўлиб, у бебаҳо мўътабар манба сифатида тадқиқотчилар томонидан фойдаланилади.

«Саргузаштнома»нинг яна бир қимматли томони шундақи, Фурқат бу асарда ўзи тўғрисида сўзлаши билан бирга, муҳити, машҳур замондошлари, ўша даврда рўй берган муҳим тарихий ҳодисалар тўғрисида ҳам маълумот беради. «Саргузаштнома» ҳамма мемуар асарлар сингари, тарихий давр ҳаётини ёритувчи турли-туман хотираларни ўз ичига олади. Фурқатнинг ўша замон мактабларидағи дорматика ва схоластикага асосланган ўқитиш ва тарбия усули ҳақидаги берган маълумотлари, Тошкент маданий муҳити, илғор рус маданиятининг турли кўринишлари (газета, босмахона, театр ва ўқув юртлари — гимназия ва

бошқалар), рус маданияти арбобларидан орттирган дўстлари, улар билан алоқаси ва ҳоказолар ҳақидаги ҳикоялари шулар жумласидандир. Демак, «Саргузаштнома» Фурқат яшаган даврни, яъни XIX асрнинг иккинчи ярмидаги ҳаётимизни ўрганиш жиҳатидан ҳам муҳим манбадир.

Фурқат **Унинг Тошкентда яшаган даврида «Туркис-
публистикаси.** **Фурқат** биринчи ўзбек журналистидир. Унинг Тошкентда яшаган даврида «Туркис-

тон вилоятининг газети» редакциясида ишлагани маълум. Фурқат бу даврда ва бундан кейин чет элларда саёҳат қилиб юрган кезларида, Ёркентда яшаган вақтида ҳам ўз шеърлари, хабарлари ва публицистик мақолаларини газета редакциясига юбориб турди.

Фурқат газета саҳифасида босилган мақолаларида оташин ватанпарвар, мазлум Шарқ халқларининг самимий дўсти, тажовузкор империалистларнинг муросасиз душмани сифатида кўз ўнгимиизда гавдаланиб туради. Бу жиҳатдан шойринг «Ҳўқандлик Зокиржон Фурқатнинг «Песан ахбор» ном Ҳиндистон газетидин нақл қилиб ёзган хабари» сарлавҳали мақоласи ва «Рус аскарлари таърифида» шеъри диққатга сазовордир.

Фурқатга хос бўлган ва бадиий ижодида яққол кўриниб турган ватанпарварлик унинг публицистик мақолаларида ҳам кўзга ташланиб туради. Фурқат ўзининг «Рус аскарлари таърифида» шеърини рус-япон уруши муносабати билан империалистик мамлакатларнинг, айниқса, инглиз империалистларининг рус халқига нисбатан уюштирган иғво ва бўхтонларига жавобан ёзган эди. Бу шеърнинг муқаддимасида Фурқат қўйидагиларни таъкидлаб ўтади: «Хабулут матин» ва «Песай ахбор» ном Ҳиндистон газеталарида Русия давлатининг Япон бирла қилган муҳорибалири хусусида, Ўрусия аскари борасида аксар киноюмиз сўзларни ёзадур... Лекин мазмунин диққат бирла мулоҳаза қилганда киноя ва ҳасадомиз маънилар маълум бўладилар...» Инглиз мустамлакачилари назорати остида Ҳиндистонда чиқаётган газеталар рус-япон урушида рус қўшинининг мағлубиятга учрашишини дастак қилиб олиб, рус халқи шаънига турли тухматлар ёғдириши, Фурқат айтганидек, «ҳасадомиз маънилар» тарқатиши билан жаҳон жамоатчилигини адаштирас, нотўғри хулосаларга келтирас эди. Фурқат рус халқи ва унинг жасорати тўғрисида ҳақ гапни тиклаш мақсадида инглиз газеталарига жавоб ёзишни зарур деб ҳисоблади.

Фурқат ўз шеърида, гарчи рус-япон урушида рус қўшини мағлубиятга учраган бўлса ҳам рус халқи дунёнинг жасоратли ва заковатли, енгилмас халқларидан бири эканлигини таъкидлаб, урушда унинг кўп қаҳрамонликлар кўрсатганини қайта-қайта уқтиради:

Бу иш Русия зўридин эмасму,
Алар табъи гаюридин эмасму?

Бу сўзининг рамзини доно билур бас,
Нечук оташга тоқат айлагай хас?

Ҳақиқатан ҳам 1904—1905 йилларда Россия билан Япония ўртасида бўлган урушда рус қўшинининг енгилиши, В. И. Ленин кўрсатганидек, рус солдатларининг қўрқоқлигидан, сусткашлигидан эмас, балки чоризмнинг чириганлиги, чор ҳарбий қўмон-донлигининг лаёқатсизлиги натижаси эди.

Фурқат публицистиси ичидаги унинг чет элларда саёҳат қилган даврида ёзган мақолалари алоҳида аҳамиятга эга. «Туркистон вилоятининг газетаси» саҳифаларида босилган бу мақолаларида Фурқат мустамлакачилар зулми остида эзилган мазлум Шарқ халқларининг дўсти сифатида майдонга чиқди. Бу жиҳатдан Фурқатнинг 1897 йилда ёзган бир мақоласи характерлидир. Мақолада инглиз империалистларининг ўрнатган ваҳшиёна зуммiga қарши ёркесевар Афғон халқининг олиб борган озодлик кураши тўғрисида гапирилади. Маърифатпарвар ўзбек шоири Фурқатнинг рафбати ва муҳаббати ўз мустақиллиги учун курашувчи Афғон халқи томонида эди. Фурқат афғонлардаги ватанпарварликни, қаҳрамонликни таърифлаб қўйидагиларни ёзади: «...Билузиштон тарафларидан ҳам кўп одамлар ҳар куни келиб, савот халқига қўшилиб турадилар. Бу муҳориба қилган афғонларга тайин бўлган мувожир йўқдир. Ҳар ким ўз овқатини ўзи олиб келиб, муҳориба қиладилар...»

Фурқат баён этган бу сўзларда империалистик давлатларнинг Шарқ мамлакатларида олиб борган тажовузкорлик сиёсалари ва унга қарши Шарқ халқларининг фидокорона кураши яхши ифодаланган. Айни замонда бу сўзларда Шарқ халқларининг узоқ асрлар мобайнида олиб борган озодлик курашининг бир эпизоди ифодаланади. Ҳозир уйғонган ва ўз мустақиллиги учун курашаётган Осиё ва Африка халқларининг ота-боболари ҳам ўтмишда тажовузкор империалистларга қарши курашда беҳисоб қаҳрамонликлар кўрсатган эдиларки, унинг яққол намуналаридан бири Афғон халқининг Фурқат баён этган озодлик курашидир.

Фурқат замонасининг илғор тушунчали шахси сифатида дунё ҳодисаларини диққат билан кузатиб берган ва унга ўз муносабатини билдирган. Фурқат публицистикаси шоирнинг тажовузкор империалистлар душмани, ёркесевар Шарқ халқларининг чин дўсти эканлигини кўрсатиб туради.

Фурқатнинг илмий асарлари. Жўшқин лирик ва ажойиб маърифатпарвар шоир Фурқат ўз ҳаётида илмий иш билан ҳам шуғулланган. Фурқат таржимаи ҳолидан маълумки, у ўз ҳаётининг сўнгги йилларида Ёркентда табобат (медицина), ҳайъат (астрономия) илмлари билан қизғин машғул бўлган. Шоирнинг ижодий мероси ичидаги унинг мазкур

илмлардан чуқур хабардор бўлганини кўрсатувчи фактлар бор. Фурқатнинг этнография, тарих, шеърият соҳаларида ҳам асарлар ёзгани маълум,

Фурқат ўз «Саргузаштнома»сида 1875—1876 йилларда Қўқон хонлигидаги рўй берган воқеаларни ўз ичига олган тарихий асар ёзганлигини айтади. Афсуски, бу асар ҳозирча топилган эмас.

Фурқат ижодий меросида яна тўртта илмий асар учрайди. Уларнинг учтаси этнографик характерга эга бўлиб, улар «Тўй тавсифи», «Гап таърифида», «Аза тавсифи» деб аталади. Тўртничиси адабиётшунослик характерида бўлиб, «Илми ашъорнинг қоидай авзони» деб аталади. Бу асар адабиёт ҳаваскорлари учун қўлланма тарзида тузилган бўлиб, унда аруз вазнининг қонун-қоидалари баён этилади. Бу тўрт асар кичик ҳажмдаги рисолалар бўлиб, улар шоирнинг Тошкентда яшаган даврида майдонга келган. Фурқатнинг Тошкентда илмий ишлар билан шуғулланив, мазкур асарларни ёзишида, шубҳасиз, Тошкент маданий муҳитининг хусусан, илгор рус маданияти арбобларининг таъсири катта бўлди. Демак шоир Фурқат олим сифатида тарих, медицина, астрономия, шеърият, этнография илмлари билан шуғулланган ва бу соҳаларда ҳам асарлар ёзган.

Фурқатнинг бадиий таржималари. Фурқат бадиий таржима билан ҳам шуғулланган. У Шарқ адабиётининг машҳур намуналаридан бир нечтасини ўзбек тилига таржима қилган. Бироқ, бу таржималар ҳозиргача топилган эмас. Фурқат ўз «Саргузаштнома»сида қўйидаги китобларни ўзбек тилига таржима қилганинги айтади:

1. Ҳаммоми хаёл, шеърий таржима.
2. Чор дарвеш, форсчадан проза йўли билан ўзбекчага таржима.
3. Нуҳ манзар. Бу ҳақда Фурқат: «Нуҳ манзар ном бир китобни турки манзума айладим»,— деб ёзадики, бундан Фурқатнинг бу асарни эркин таржима қилгани маълум бўлади.

ФУРҚАТ ИЖОДИННИНГ БАДИИЙ ХУСУСИЯТЛАРИ

Фурқат чин маънодаги лирик шоирдир. У бой ва жозибадор Шарқ поэзиясининг сирларини мукаммал эгаллаган ва ўз ижодида унинг ажойиб намуналарини яратган улуг санъаткордир.

Фурқат ижодининг бадиий-эстетик принципларини реализм ташкил этади. Фурқат реализми учун ижобий идеални илгари суриш ва оптимизм характеридир. Фурқат ижодида танқидий характерга эга бўлган асарлардан кўра, ижобий тояни тасдиқловчи, куйловчи асарлар устундир. Шу жиҳатдан Фурқат бошқа демократ шоирлардан ажralиб туради. Муқимий, Завқий каби демократ шоирлар ижодида сатира элементи устун бўлиб, улар

реализми танқидий характерга эга бўлса, Фурқатда ижодий идеални куйлаш устундир. Фурқат ижодининг етакчи мотиви ҳисобланган маърифатпарварлик унинг ижодий қиёфасини ва реализмининг характерини белгилашда асосий омилдир.

Фурқат бадиий маҳорат чўққиларини эгаллашда Шарқ поэзиясининг бой хазинасидан, ўтмишининг улуғ санъаткорларидан баракали фойдаланди. Фурқатнинг улуғ Алишер Навоийга зўр муҳаббат ва ихлос билан қарагани ва унинг ижодий чашмасидан баҳраманд бўлгани маълум. Фурқат шеърлари ичida Навоий ғазалларига ёзилган мухаммаслар кўп бўлганидек, Алишер Навоий услуги ва манерасида ёзилган шеърлар — назиралар ҳам анча учрайди. Масалан, Фурқат Навоийнинг:

Қўнглим ўртансун агар ғайрига парво айласа
Ҳар кўнгул ҳам ким, сенинг ишқингни пайдо айласа —

байти билан бошланувчи машҳур ғазалининг вазни, қофияси, радифи ва бошқа бадиий хусусиятларини сақлаган ҳолда қуидаги назирани яратади:

Кўр бўлсин кўзларимким, ўзгага солсам назар,
Жонга ўт тушсун агар сендин бўлак ёр айласам.

Ҳам кўнгул юз пора бўлсин, майл қилса ўзгага.
Тил кесилсин ўзгага бир ҳарф гуфтор айласам.

Жондин айрилсун тану, ё бир йўли синсун аёф,
Ғайр кўйин бир қадам ҳар сори рафтор айласам.

Фурқатнинг даштида мен лабташна мундоғ оҳким,
Демадинг ҳаргиз ани шодоби дийдор айласам.

Фурқат улуғ озарбайжон шоири Фузулий ижодидан ҳам баҳраманд бўлди. Фурқат шеърларида Шарқ поэзиясининг улкан намояндаси Фузулий номи тез-тез тилга олинади ва унга назиралар ёзилади, мухаммаслар боғланади. Масалан:

Бу вилоятлар мақоми бошқадур, эмди қани —
Суҳбатингизда душанба гижжаку сеторлар.

Айлар эрди гоҳ Фарзинхон «Сувора» машқини,
Яхши савт ила Фузулийдин ўқиб ашъорлар.

Фурқатнинг бадиий маҳорати, ғоят зўр истеъоди шеърий шакллар ва бадиий тасвир воситалари масаласида ҳам яққол кўриниб туради. Фурқат лирикасида классик поэзиямизга хос бўлган ҳамма шеърий шаклларнинг намуналари — ғазаллар, мухаммаслар, мусаддаслар, таржиъбандлар, маснавийлар ва бошқалар учрайди. Фурқат мавжуд шеърий шакллардан фойдаланиш билан бирга, адабиётимизда янги шеърий шакллар яратиш-

га ҳам интилди. Бу жиҳатдан «Лўли ва эчки», «Муаззам Чинурус» тўртликлари характеридир.

Тўртликлар усулида ёзилган бу мустақил шеърлар ўз шакли мазмуни билан адабиётимизда янги ҳодиса бўлиб, рус адабиётидаги эпиграммаларни эслатади.

Фурқат лирикасида ажойиб ўхшатишлар, оригинал истиора, мажозлар ва ҳарактерли ташбиҳлар кўп учрайди. Фурқат поэзиясининг тили жонли ва жозибалидир. Масалан, «Кашмирда» сарлавҳали лирик шеъридан олинган қўйидаги байтларда шоир таҳсинга сазовор мажоз ва истиоралар яратади:

Айтдим: «Эй жон офати, зулфиннга бўлмишман асир!

Айтди: «Бу савдони қўй, умринг ўтар занжирда!»

«Нуқта лаб устида бежодур»,— дедим, айди кулиб:

«Саҳв қилмиш котиби қудрат, магар, таҳрирда».

Бу байтларнинг иккинчисида Фурқат зўр поэтик маҳорат кўрсатади. Шоир ёр лабида хол борлигини англатмоқчи бўлиб, уни нуқтага ўхшатади. Шунинг учун араб алифбесида «лаб» сўзининг ёзилишидан фойдаланиб сўз ўйини ясади. Шоир ёрга хитобан «лаб» сўзида нуқта (хол) пастда бўлғувчи эди, сенинг лабингда нуқтанинг лаб устида туриши бежодур, деб ҳазил қиласди. Ёри эса ўз жавобида ундан ҳам шўхроқ мазмунни ифода этади: таҳрир вақтида котиб хато қилиб, нуқтани (холни) пастга эмас (араб алифбесида «б» ҳарфидаги нуқта — пастга қўйилади), юқорига қўйиб юборган.

Фурқат классик поэзиямизда кенг тарқалган лутф усулидан ҳам усталик билан фойдаланган:

Қўзлари бир ғамза бирла ваҳши кўнглум қилса сайд,

Фурқатий, ёлғон эмас, гар чиндин оҳу келтурур.

Бу байтдаги «чин» сўзи икки маънода: рост ва Хитой маъноларида ишлатилган. Натижада байтдан икки хил мазмун англашилади: а) ёрим ўз кўзларини ғамза-карашма билан ўйнатса, гўё Чиндан (Хитойдан) гўзал кўзли оҳу келтиргандек бўлиб, менинг кўнглим унга мафтун бўлади; б) менинг ёрим ўз кўзларини ғамза-карашма билан ўйнатса, ёлғон эмас, чиндан ҳам унинг кўзлари оҳу кўзларидек гўзал бўлиб кетади.

Фурқат поэзиясида табиат лирикаси алоҳида ўрин тутади. Фурқат ҳассос шоир сифатида табиатни бевосита идрок этади, уни жонлантириб тасвирлайди. Фурқат поэзиясида ёъят жўшқинлик билан кўйланган табиат лирикаси учун «Фасли навбат ҳор ўлди» шеъри яхши мисол бўла олади.

Фурқат ўз ижодида классик поэзиямиздаги тайёр — традицион образларни ишлатиш билан чекланмади. У бадиий тасвир воситаларида янгилик яратишга — новаторликка интилди. Фур-

Қат поэзиясининг бадиий хусусиятлари учун характерли бўлган ҳолат лавҳа-манзара яратишdir. Масалан, «Кечалар» сарлавҳали шеърда ана шундай манзара зўр маҳорат билан чизилган.

Маҳашо, сенсиз менга маскан қоронғу кечалар,
Йиғларам андоқки, ашкимдин улус сув кечалар.

Дилбаро васлинг мұяссар бўлмаса йиглаб ёнай,
Тобакай ҳажрингда оғушимда зону кечалар.

Айларам то субҳ мен, йиғлаб, гирибонимни чок
Айлабон сен гайрни базмида кулгу кечалар.

Бу байтларда кечалари тонг отгунча ухламай, ёр йўлига кўз тикиб, ҳасрат ва алам ичида тиззаларини қутоқлаб ўтирган ошиқ образи чизилади. Бу — реал ва жуда жозибали манзара. Бу поэтик манзара санъат предмети сифатида рассом учун ҳам, ҳайкалтарош учун ҳам объект бўла олади.

Фурқат поэтик лавҳа-манзара яратиш билан чекланиб қолмай, бу манзарани ҳаракатлантиришга образларда динамика яратишга ҳам интилди. Шоирлар ижодий тажрибасида кам учрайдиган бу ҳолат Фурқатга ва бу даврда яшаб ижод этган демократ шоирларга хосдир. Демократик адабиётнинг шу жумладан, Фурқат ижодининг эстетик принциплари жиҳатидан фоят аҳамиятли бўлган бу масала Фурқатнинг «Булбулға хитоб», «Булбул» шеърларида ўз ифодасини топган.

Фурқат лирикасининг бадиий хусусиятларига хос бўлган бу реализм ва новаторлик унинг маърифатпарварлик руҳида ёзган асарларида яна ҳам аниқроқ кўзга ташланади. Фурқатнинг маърифатпарварлик руҳидаги асарлари ўзининг тематикаси, ҳаётӣ мазмуни ва бу мазмунни ифодалаш услуби жиҳатидан тамомила реалистик асарлар бўлиб, улар Фурқат ижодининг новаторлик принципларига асосланганандир.

Фурқат поэзиясининг юксак бадиий хусусиятларини таъминлашда ундаги вазн, қоғия ва радиф алоҳида роль ўйнайди. Бадиий шаклнинг бу элементлари асар фоявий ўйналиши билан бевосита боғлиқ бўлиб, унинг эмоционал кучини ошириш учун хизмат қиласиди.

Фурқат классик поэзиямизнинг асосий вазни ҳисобланган аруз системасини мукаммал билган шоирдир. Ҳатто, унинг адабиётчиларга қўлланима тариқасида аруз ҳақида илмий асарлар ёзгани ҳам маълум. Фурқат ўз лирикасида арузнинг бой имкониятларидан усталик билан фойдаланди. Шунинг учун ҳам унинг шеърлари енгил, ёқимли ва шўх вазнларда ёзилган. Фурқат поэзиясида аруз системасидаги ҳазаж, рамал, раЖаз, хафиб баҳрлари ва унинг тармоқларида ёзилган шеърлар кўп учрайди.

Фурқат қофия илмидан яхши хабардор бўлган ва ўз ижодий тажрибасида унинг қоидаларига тўлиқ риоя қилган шоирдир. Фурқат шеърлари ичida қўш қофияли шеърлар ҳам учрайди. Бундай қўш қофиялар шеърнинг мусиқийлигини кучайтиради. Мисол учун тавил баҳри тармоқларидан «Фоилун, мафоилун, фоилун, мафоилун» вазнида ёзилган «Фасли навбаҳор ўлди» шеъридан қўйидаги байтларни келтириш мумкин:

Субҳидам тушуб шабнам, бўлди сабзалар хуррам,
Гул уза томиб кам-кам, ёғди абри найсонлар.

Настаран ювиб юзни, ёсумон тузиб ўзни,
Наргиз очибон кўзни интизори ёронлар.

Бу шеърда «зимистонлар», «гулистонлар», «найсонлар», «ёронлар» сўзлари асосий қофиялар бўлиб, «шабнам», «хуррам», «кам-кам», «юзни», «ўзни», «кўзни» сўзлари қўшимча қофия ҳисобланади. Асосий қофиялар ташқи қофиялар, мисралар орасида келган қўшимча қофиялар эса «ички қофиялар» деб ҳам юритилиди. Ички қофиялар мисраларнинг маълум бир ўрнида, яъни «мафоилун» рукнининг охирида келиб, шеър вазнининг оҳангдор — мусиқий чиқишини таъминлайди.

Шеърнинг бадиий хусусиятларини оширувчи элементлардан яна бири радиф бўлиб, у мисраларнинг охирларида такрорланиб турувчи сўзлардир. Радифлар бир ёки бир неча сўзлардан иборат бўлиши мумкин. Фурқат ўз поэзиясида радифдан кенг фойдаланди. Унинг шеърларида радифнинг турли хилларини учратиш мумкин. Масалан, унинг «Айрилиб қолдим» сарлавҳали шеърида радифнинг яхши намунаси берилган:

Аламлик қумриман, бир гулбадандин айрилиб қолдим,
Назокатда қади сарви чамандин айрилиб қолдим.

Ғамида телбамен, онинг учун занжир бўйнимда.
Нигорим, Лайли атворимки, андин айрилиб қолдим.

Мисоли зар агар сарғорса руҳсорим ажаб қилманг —
Ки, ул дониш иёри сиймтандин айрилиб қолдим.

Менга юз қўйди эмди ҳасратида талхком ўлмоқ,
Ҳаловат сўзлари шаккаршикандин айрилиб қолдим.

Пару болим тўқилди, масканим охир қафас бўлди,
Муҳаббат ўйлида, Фурқат ватандин айрилиб қолдим.

Бу шеърда «бадандин», «чамандин», «андин», «сиймтандин», «шикандин», «ватандин» сўзлари қофия бўлиб, «айрилиб қолдим» сўзлари радифдир. Радиф ҳам қофия сингари, шеърнинг оҳангдорлигини, мусиқийлигини таъминлайди ва унинг ғоявий-эмоционал кучини оширишга хизмат қилади.

Хулоса.

Шоир Фурқат узоқ асрли адабиётимиз тарихида ўзига хос услуги билан алоҳида ўрин

тутади. Фурқатнинг фоят бой ва мазмундор ижодий фаолияти халқимиз тарихининг бурилиш нуқтаси ҳисобланган XIX асрнинг иккинчи ярми ва XX аср бошларида кечди. Фурқат ижодининг муҳим тарихий аҳамияти шундаки, у ўз даврининг прогрессив намояндаси сифатида маданий ва адабий ҳаётнинг биринчи сафида борди, ижтимоий ҳаётнинг асосий туб масалаларини илфор позициядан, халқ манфаатлари нуқтаси назаридан туриб ҳал қилди, куйлади. Фурқат ижодининг оригиналлиги ҳам унинг ўз даври адабий ҳаёти билан ҳамнафас бўлишигидадир. Фурқатнинг келгуси авлодлар учун азиз ва қадрдан бўлишининг сабаби ҳам шоир ижодининг юксак ғоявийлиги ва халқчиллигидадир.

Фурқатнинг ижодий ва ижтимоий фаолиятида маърифатпарварлик, рус маданиятини тарғиб этиш мотивлари муҳим ўрин эгаллайди. Аммо шуни унумаслик керакки, Фурқат дарҳол, ўз ўзидан бундай мавқега ўтиб кўя қолгани йўқ. XIX аср охири ва XX аср бошларидағи Ўрта Осиёдаги ижтимоий шаронит жуда мураккаб бўлган. Фурқатнинг илк қарашларида ана шу мураккабликнинг инъикоси кўринади. Унинг иккиланган, айрим воқеаларни тўғри тушуммаган пайтлари ҳам бўлган, лекин шоир фаолиятининг туб магзи, асосий принципи халқ учун хизмат қилишдан иборат эди; у халқнинг ҳаёти яхши, истиқболи порлоқ бўлишини истар эди. Жаҳолат, мустамлака қўллиги, клерикализм ва таассуб ҳукмрон бўлган бир шароитда Фурқатнинг оғирғовларни, маънавий қийинчиликларни енгиди, бирдан-бир тўғри ўйлни топа билишига ва унда событқадамлик билан олға бошиига унинг зўр идроки ва жасорати сабаб бўлди.

Фурқатнинг бой ва мазмундор ижодий фаолияти маданиятилиз ва адабиётимиз тарихи тараққиётида чуқур из қолдирди. Фурқат Шарқ поэзиясининг ажойиб намуналарини яратган лирик шоир, илм-маданиятни, тараққиётни тинмай тарғиб қилган маърифатпарвар арбоб, қимматли мемуар асарлар ёзиб қолдирган прозаик, олим, таржимон ва публицистдир.

Фурқат ўз халқининг содиқ фарзанди сифатида бутун куч ва қобилиягини, ижодий талантини халқ иши учун сарф этди, халқнинг озодлик йўлида олиб бораётган курашида ўз асарлари, ажойиб қўшиқлари ва аччик ҳажвлари — сатиравари билан иштирок этди. Фурқат ижоди ўша давр ҳаётини ўрганишда илмий-маърифат аҳамиятга эга бўлиши билан бирга, ҳозирги кунимиз учун муҳим тарбиявий, амалий аҳамиятга ҳам моликдир. Шунинг учун ҳам совет халқи Фурқат ижодий меросини коммунизм маданияти хазинасининг қимматбаҳо бойлиги сифатида сақлайди ва зўр муҳаббат билан ўқиб ўрганади.

Завқий

(1853—1921)

Завқий ўзбек демократик адабиётининг машҳур намоянда-
ларидан биридир. Завқий Муқимийнинг замондоши ва яқин мас-
лакдоши бўлиб, у билан бирга демократик адабиётни яратиши-
да, айниқса ундаги ҳажвиётни ривожлантиришда катта ҳисса
кўшди.

Завқий номи кенг халқ оммаси ўртасида ҳурмат билан тил-
га олинади. Завқий оддий халқ ичидан чиққан ва ўз ижодида
шу халқ орзу-истакларини, алам-ҳасратларини ҳамда курашла-
рини қуйлаган шоирдир. Халқимиз бу шоирни ҳаққоний сўзлари
учун, покиза ва самимий қалби учун севади ва унинг жўшқин,
юксак бадиий асарларидан завқ олади, уларни қайта-қайта се-
вив ўқииди.

ЗАВҚИЙНИНГ ҲАЁТИ ВА ФАОЛИЯТИ

Завқий ҳақидаги
библиографияга
доир.

Завқий ҳақидаги библиография у қадар
бой эмас. Ўлуғ Октябрь социалистик рево-
люциясидан кейингина унинг ҳаёти ва ижо-

ди ўрганила бошланди. Узоқ вақт давомида Завқий тўғрисида-
ди маълумот программа талаби доирасида бериладиган ўрта ва
олий мактаб дарслкларида чекланган билимдан нарига ўт-
мади. Революциядан илгари нашр қилинган баёзларда Завқий
асарларидан баъзи намуналар учраса ҳам, унинг ҳаёти ва фао-
лияти тўғрисидаги маълумотларнинг ёзма манбаларда мутлақо
бўлмаслиги Завқий ижодини ўрганиш ишини анча қийинлашти-
риб келди. Завқий ҳаёти ва ижодини текшириш соҳасидаги бў-
камчиликни оғзаки манбаларни ўрганиш орқалигина тўлдириш
мумкин эди. Бу вазифани адабиётшунос X. Рассоқов бажарди.

У Завқийнинг ҳаёти ва ижоди тўғрисида кандидатлик диссертацияси ёқлаб, 1955 йилда «Завқий» номли китобчасини нашр эттириди.

Завқий асарларини тўплаш ва нашр этиш соҳасида ҳам сўнгги йилларда жиддий ишлар қилинди. Унинг танланган асарларини ўз ичига олган шеърлар тўплами биринчи мартаба 1958 йилда ЎзССР Давлат Бадиий адабиёт нашриётида ўзбек ва рус тилларида нашр этилди. Тўпламга шоирнинг ҳажвий шеърларидан, ғазал ва мухаммасларидан 50 га яқин намуналар киритилган.

Завқий биографияси ҳақида фикр юритганда, ёзувчи Шариф Ризонинг «Ўч» номли воқеий ҳикоясини эслатиб ўтиш мақсадга мувофиқдир. Бу ҳикояда кексалар оғзидан тўпланган аниқ маълумотлар асосида шоир ҳаётининг сўнгги даври ёритилади. Ҳикоя 30- йилларнинг охирларида ёзилган бўлиб, ўша вақтда матбуотда эълон қилинган ва Завқий ҳаётини ўрганишда тарихий манба сифатида эътибор қозонган эди. Бу ҳикоя ҳозир ҳам ўз аҳамиятини йўқотгани йўқ.

**Завқийнинг
таржима ҳоли.** Завқий тахаллуси билан шуҳрат топган шоирнинг асли исми Убайдулла уста Солиҳ ўғли бўлиб у 1853 йилда Қўқонда Шайхон (ҳозирги Завқийобод) маҳалласида косиб-хунарманд оиласида туғилди. Завқийнинг отаси маҳсидўз бўлиб, оғир меҳнат остида камбағалчилик билан умр ўтказар эди.

Завқий болалик йилларини ўша замоннинг эски усулдаги мақтабларида ўтказиб, хат-саводини чиқазгандан сўнг тахминан, 1870—1871 йилларда илм ҳаваскори ва шоир бўлган тоғасининг ёрдамида мадрасага ўқишига кирди. Шундай қилиб, Завқий Қўқондаги «Мадрасаи олий» ва «Чалпак» мадрасаларида таълим ола бошлади. Лекин орадан кўп ўтмай, икки оёғи шол бўлиб, ўтириб қолган отасини боқиши, оиласи тебратиш зарурити туғилгани учун у 1874 йилда мадрасадаги ўқишини тўхташишга ва ота касби — маҳсидўзлик билан шуғулланишга мажбур бўлди.

Завқийнинг қачондан бошлаб шеър ёзишга киришганини кўрсатувчи аниқ ҳужжат йўқ. Шубҳасиз, у мадрасада ўқиб юрган кезларида унда шеъриятга ҳавас уйғонган бўлиши мумкин. Ундаги эстетик завқийнинг ривожланишида, албатта, мадраса программасига мувофиқ ўқиладиган Шарқ классикларининг машҳур асарлари билан танишуви маълум роль ўйнаган. Шунингдек, бу борада тоғаси Муҳаммад Сиддиқнинг ҳам (Завқий мадрасага кирган йили тоғаси унга Алишер Навоийнинг «Чор девон», «Хамса» асарларини тақдим қилган эди) таъсири бўлган, албатта.

Завқий косибчилик қилиб, тирикчилик ишлари билан банд бўлган вақтларида ҳам хусусий мутолаа қилишни тарқ этмади,

айниқса, адабиёт билан муттасил шуғулланиб, шеър ёзишни ҳам машҳ қилиб борди.

ХiX асрнинг иккинчи ярмида ҳам Қўқон Фарғона водийсида ги адабий марказ сифатида ўз анъаналарини давом эттириб келар эди. Бу даврда Фарғона водийсида Муқимий, Нусрат, Муҳайир, Нодим, Рожий, Тошхўжа Асирий каби шоирлар етишиб чиқа бошлаган ва адабий ҳаётда кекса авлод қўлидан эстафетани олиш учун зўр ижодий гайрат билан меҳнат қилаётган эди. Завқий бу ёш, лекин гайратли ва умидли шоирлар авлоди билан танишади, улар билан ҳамкорлик қила бошлайди. Завқий ўзидан катта ва шеъриятда тажрибали бўлган Муқимий билан дўстлашади, унинг бевосита раҳбарлигида ижодий ишини давом эттиради.

Муқимий атрофига уюшган шоирлар тез-тез адабий кечалар, мушоира кечалари ташкил этиб туардилар. Бундай адабий кечалар баъзан Завқийнинг «Мадрасаи олий» даги ярим харобага айланган ҳужрасидаги ишхонасида ўтказилар эди. Ҳазил-мутойибани севган серзавқ бу шоирлар Завқий ишхонасининг эшиги устига Муқимий қалами билан битилган қўйидаги мисраларни ёзиб қўйган эдилар:

Бу Убайдуллоҳнинг кошонаси,
Уста Солиҳ ўғли дўконхонаси

Эй биродари аҳли тамиз,
Эски маҳсую казуш тикамиз.

Завқий шу адабий тўда билан биргаликда ижодий камолотга эришади ва ҳалқ ўртасида шоир сифатида шуҳрат қозона бошлайди. Қўқон шаҳридаги пойабзал растасининг пудратчиси Мўминжонбой (Мўминшоҳ) ўз ишларида Завқийнинг обрўсидан фойдаланиш мақсадида уни ўзига иш юритувчи — миরза қилиб олади. Завқий бу вақтларда Мўминжоннинг савдо ишлари билан Туркестоннинг турли шаҳарларида — Хўжанд, Самарқанд, Бухоро, Марғилон, Андижон, Ўш, Тошкент каби шаҳарларда бўлади. Лекин шоир миразалик вазифасини узоқ давом эттирмай, тахминан, 1890 йилларда бу вазифани тарк этади ва ўзириклигига қайтади.

Завқийнинг маҳсидўзлик билан шуғулланиб, ижодий ишини давом эттирган йиллари шоир ижодидаги ғоят самарали йиллар бўлди. Завқий ўз ижодида Муқимиининг ҳажвчилик йўлини зўр муваффақият билан давом эттириб, демократик адабиётда сатира ва юмор жанрини янада ривожлантиришга катта ҳисса қўшди.

1898 йилда Завқийнинг оиласи ҳаётida бир қанча баҳтсизликлар рўй беради: узоқ вақт бетоб ётган отаси ва икки укаси вафот этди. Хотини Тожибибининг ҳам икки кўзи ожиз бўлиб, ўтириб қолди. Шунинг учун шоир бу баҳтсизликларни, бир оз

бўлса-да, унутиш ва ҳаво алмаштириш мақсадида Муқимий билан биргаликда Фарғона бўйлаб саёҳатга чиқади. Икки шоир Андижонга, ундан Ўшга ўтадилар. Улар Андижонда дўстлари шоир Қори Юсуф Мунтазир, Абдураззоқ Ҳомид Мирзабоши ўғли шоир Бимий билан учрашадилар, адабий сұхбатлар ўтказадилар. Ҳудди шу вақтда машҳур Дукчи эшон воқеаси бошланиб қолади. Улар Фарғона халқи ҳаётida катта ҳодиса ҳисобланган бу фитнанинг гувоҳи бўладилар. Муқимий ва Завқий фитна бошланган ерни — Дукчи эшон қароргоҳини ва бу воқеа билан боғлиқ бўлган бошқа ерларни бориб кўрадилар. Бу кузатишлардан олган таассуротлари натижасида Завқий ўзининг «Ҳажви Йикчи эшон», Муқимий эса «Ҳажви халифаи Мингтепа» ва «Қурбакалар» номли машҳур сатирик асарларини ёзадилар.

1900 йилда Завқий тоғаси Мұхаммад Сиддиқ билан биргаликда Арабистонга саёҳат қилди. Қавказ, Кичик Осиё, Миср, Арабистон ва бошқа мамлакатларда бўлди, кўп халқларни кўриб, уларнинг ҳаётлари билан танишди. Шубҳасиз, бу саёҳат шоир Завқийнинг фикрий ва ижодий такомилида катта из қолдириди. Завқий уч йил давом этган бу саёҳатдан 1903 йилнинг ёз ойларида ўз ватани Кўқонга қайтиб келганида қадрдан дўсти Муқимий вафот этган эди, Фурқат эса бу вақтларда чет мамлакатларда яшар эди. Завқий Арабистон саёҳатидан кейин умрининг охиригача Кўқонда яшаб, адабиётда Муқимий ва Фурқат бошлаб берган йўлнинг содиқ ва изчил давомчиси сифатида ижод қилди.

Завқий ўзига хос услубда сатирик асарлар ёзишини зўр маҳорат ва журъят билан давом эттириди. Бу жиҳатдан 1905—1906 йиллар атрофида ёзилган «Аҳли раста ҳажви» сатираси характерлидир. Сатиранинг сарлавҳасидан ҳам кўриниб турганидек, унда Кўқондаги раста аҳллари танқид қилинади. Растандаги бойлардан 46 таси тилга олинган ва аччиқ танқид қилинган бу сатиранинг текстини шоир катта қофозга кўчириб, уни Кўқондаги гавжум, сайилгоҳ ерлардан бири — Мўймаракдаги тेरакка осиб қўяди. Бир неча кун осиғлиқ турган ҳажвияни одамлар бемалол ўқиб, унда номлари зикр қилинган бойлар устидан мириқиб куладилар.

Ўзининг шу хилдаги кўп асарлари билан ҳоким гуруҳларнинг турли табақалари жиғига тегиб юрган Завқийнинг бу қилмиши раста савдогарларининг ғазабини алангалатиб юборади. Сатиранинг бундай таъсирини олдиндан билган шоир ўз асари ва унинг келтириб чиқазадиган оқибатлари, раста аҳлларининг ҳужумлари тўғрисида сўзлаб, бу асар ўзи учун тикилган дор бўлишини шундай таъкидлаган эди:

Кирқ олти кишини фасона қилдим,
Ким чиқса ўқийди Мўймаракка.

Табъингни аробасини тўхтат,
Шотисини боғла ғилдиракка.

Завқий осилурға ҳимматидин
Дор боғлади бир баланд теракка

Кўп марталаб шоир қалами зарбасига дучор бўлган раста боёнлари «Аҳли раста ҳажви» сатираси эълон қилингандан кейин бошқа аламзадалар билан биргалашиб, шоирни таъқиб этишга киришадилар, одам ёллаб, қўлга тушириб урдирмоқчи бўладилар. Лекин шоирнинг дўстлари — косиб-ҳунармандлар сергаклик билан уни ҳимоя қилиб юрадилар. Иш шаҳар маҳкамасигача бориб етади; шоир тергов қилиниб, айбланади ва шеър ёзиб, обрули кишиларни танқид қилгани учун унга юз сўм жарима солинади. Шоирнинг соғ-саломат қутулиб кетганидан хавотирда қолган раста боёнлари энди уезд ҳокимига арз қилиб чиқадилар. Уезд ҳокими шоирни терговга чақириб, қаттиқ огоҳлантиради, яна шундай воқеа содир бўлса Сибирга юборажагини айтиб, шаҳар боёнлари обрўсига раҳна соладиган ҳажвиялар ёзишни тақиқлайди. Лекин шоир бундай таъқиблар, бўҳтонлар ва дўқлардан қўрқмайди, аксинча, шоир кулгили ва жирканч воқеаларни қаламга олиб, ҳоким гуруҳларга хитобан «Таладинг баринг» номли сатирик шеърини ёзди. Автобиографик характерга эга бўлган кичик ҳажмли, лекин ўтқир мазмунли бу шеърда рўй берган воқеаларнинг деталлари ғоят яхши, жонли тасвирланганлиги учун уни тўлиқ келтириш мақсадга мувофиқдир:

Эшит арзи ҳолим, эй шанқилар,
Мени мунча яккаладинг баринг
Чопишиб келиб, қоқишиб тутиб,
Хийла қўрқитиб, таладинг баринг!

Менга бир бўқоқни хириллатиб,
Қопиб ол они деб ириллатиб,
Олақарғадек йифилиб, чўқиб,
Менга хўмрайиб қарадинг баринг.

Чит растасини ғовур қилиб,
Ит қувган соқовдек ҳовлиқиб,
Гаранишга¹ арз этиб охири,
На иш қилгали ярадинг баринг.

Бир эски тўнга бу хусуматинг,
Бижғиб ичингда неча иллатинг,
Ғўдайиб Сибир қиласиз дебон,
Бир авахтага солмадинг баринг.

Мени ўлдуурку кишидек бўлиб,
«Ана ўтди!» деб, «мана кетди!» деб.

¹ Гараниш — городничий — шаҳар ҳокими.

Тўпалаңг қилиб, кўча чангитиб,
Кўз олайтириб қарадинг баринг.

Ачиги суханим қилдими асар
Чопишиб ҳар қаёнга сарбасар,
Мисли бир пашша чаққан мода хар,
Кўча-кўйда шатталадинг баринг.

Ва на манда сўз, ва на санда тап,
Манам индамай, санам энди хап,
Шаҳри Фарғона ичра Завқийни,
Бу баҳонада синадинг баринг!

**Завқийнинг 1905
йилдан кейинги
ҳаёти ва ижоди.**

Завқийнинг 1905 йилдан Улуғ Октябрь социалистик революцияси гача бўлган даврдаги ижодий фаолияти шоирнинг демократик позицияда принципиал туриб, уни изчил давом эттириши билан характерланади. Бу даврда шоир ўз ижодини тинмай ривожлантириди ва жуда кўп сатирик шеърлар ёзди.

1905 йилдан кейинги давр ўзбек миллий буржуа ҳаракати — жадидизм ва бу ҳаракатнинг идеологик ифодаси бўлган жадид адабиёти туғилган ҳамда тез тарқалаётган бир давр эди. Завқий миллий буржуа адабиётига — жадид адабиётига қарши кескин кураш олиб борди, жадидларнинг намояндадарини фош этувчи шеърлар ёзди. Завқийнинг бу даврдаги тарихий хизмати шу бўлди, у бадиий ижодиётда демократик позицияда изчил турди ва илғор адабиёт принципларини реакционерлар, шу жумладан жадидлар ҳужумидан мустаҳкам туриб ҳимоя қилди. Бу жиҳатдан Завқийнинг «шўройи исломчилар» ношири афори бўлган «Ал-ислоҳ» журналида олиб борган адабий курашлари характерлидир.

«Ал-ислоҳ» журналининг 1916 йилги сонларида реакционер «шўройи исломчилар» адабиётнинг жамият ахлоқини тарбиялашдаги вазифаси масаласида мунозара бошлайдилар ва ишқий, танқидий темада шеърлар ёзувчи, демократ шоирларни, биринчи навбатда бу адабиётнинг пешволари ҳисобланган Муқимий ва Фурқатларни жамият ахлоқини бузишда айблаб, уларни турли ифлос сўзлар билан бадном қиласдилар. Бунга жавобан Завқий «Ал-ислоҳ»да ўз мақолалари билан чиқади ва адабиётдаги демократик йўлнинг асосларини ёқлаб, Муқимий ва Фурқатларни реакционерларнинг ноҳақ ҳужумларидан ҳимоя қиласди. Шундан сўнг реакция яна хуружга келиб, журнал саҳифаларини демократ шоирларга қарши қаратилган bemazza мақолалар билан тўлдириб юборади. Реакционерлар, айниқса, Завқийга қаттиқ ҳужум қилиб, уни «шуаройи сафехо» («жинни шоирлар») дан деб атайдилар. Матбуот саҳифасида ўз мақоласи билан чиқиш ҳуқуқидан маҳрум этилган шоир Завқий ре-

акционер туҳматчиларга жавобан «Афандилар» радифли шеър ёзади ва унда «шўройи исломчилар»ни, уларга ҳомийлик қилиб турган жадидларни фош этиб, илғор адабиёт принципларини ёқлайди, унинг Муқимий, Фурқат каби йирик вакиллари йўлинг давомчиси бўлганлиги билан фаҳрланади:

Айтсам сиза сўз ростидин,
Ҳам авж баланду пастидин,
Тушманг бирорлар қастидин,
Эй «порсо» сиз, афандилар.

Фарқ айламай яхши-ёмон,
Ким арла-буғдой, ким сомон,
Туҳмат ҳақоратлар ҳамон,
Не муддаосиз, афандилар.

Таън айлангиз бўлса ҳаёт,
Ўлганга сўз қотмоқ ўёт,
Йўқ маъносида қатъиёт,
Ким иштибоҳсиз, афандилар.

Доим Муқимий, Фурқатий,
Ёдимда меҳру шафқати,
«Ислоҳ»да бошлаб туҳмати,
Кўп норасосиз, афандилар.

Завқий 1914—1916 йиллардаги биринчи жаҳон уруши даврида, шунингдек, 1916 йилда кўтарилиган халқ қўзғолонлари вақтида бутун эътиборини халқ ҳаётини тасвирлашга қаратди. 1916 йилда Қўқондаги халқ қўзғолони эпизодларига бағишланган «Қаҳатчилик» номли поэмасини, «Замона», «Ажаб эрмас» каби машҳур лирик шеърларини ёзди. Бу достон ва лирик шеърлар чоризмнинг уруш сиёсатига чуқур нафрат, келгусидаги озод, фаровон халқ ҳаётига зўр ишонч руҳи билан сугорилгандир. Улар шоир ижодининг кўтариинки романтик руҳидан дарак беради.

Завқий 1917 йил февраль буржуа революциясининг моҳиятига дарҳол тушуниб етмади ва баъзи шоирлар сингари унга яхши умидлар боғлаб адашди. Завқий бу даврда «хўррият»ни табриклаб «Қўз очайлик» радифли мухаммасини, «Тўйлар муборак бўлсун» сарлавҳали ғазалини ёзган эди. Лекин бундай кайфият шоирда узоқ давом этмади.

Завқий Улуғ Октябрь социалистик революциясини зўр қувонч билан кутиб олди. У ҳам адабий ижоди, ҳам амалий фаолияти билан революция душманларига қарши кураш олиб борди, Туркистанда Совет ҳокимиятини мустаҳкамлаш учун актив иш олиб борди. Завқийнинг бу даврдаги фаолиятининг мазмунни ва моҳияти унинг 1917 йил охирларида майдонга келган миллий буржуа ҳукумати — «Қўқон мухторияти»га бўлган муносабатнада очиқ кўриниб туради. Маълумки, «Қўқон мухторияти»да Эр-

гаш қўрбоши муҳим ҳарбий лавозимни эгаллар эди. Унинг кирдикорларидан яхши хабардор бўлган шоир 1918 йил бошларида «Раҳзан Эргаш», («Йўл тўсар Эргаш») сарлавҳали сатирик шеърини ёзиб, Эргашнинг қароқчи эканлигини фош этади ва уни ҳукумат тепасига ўтказиб қўйган «мухториятчилар»ни танқид қиласди:

Мулла Эргаш деган первой рас,
Бўлди «мухторият»да мир алас.

Аҳли Ҳўқанд ҳама таажжубда
Сайлади ким они, ким этди ҳавас.

Мен ани раҳзан деб ўйлар эдим.
Бўлса қўрбоши ўзга йўқмиди кас.

«Шўройи исломчилар»га, «мухториятчилар»га ва босмачиларга қарши кураш Завқийнинг революция йилларидағи ижодий фаолиятининг асосий мазмунини ташкил этади. Бу асосий тоя унинг бошқа шеърларида ҳам акс этиб туради. Чунончи, Завқийнинг ўша даврларда ёзилган мухаммас шаклидаги «Фарғона» номли машҳур шеъридаги қўйидаги сатрлар характерлидир:

Узидур бир фалокатхона-ю номи эрур «шўро»!
Келиб бир неча бою (бачча)лар бўлди анга аъзо,
Яна «мухторият» деб фитна-шўришлар қилиб пайдо
Ажабким раҳзану каззоб қўрбоши эрур гўё,
Ани (нг) номини шархига қилурман ор, Фарғона.

Туркистонда Совет ҳокимиятининг дастлабки йилларида ёзилган (1918) бу шеърда шоир инқилоб душманларини лаънатлади, Совет ҳокимиятининг тимсоли сифатида большевикларни табриклайди.

Завқий ўз ижоди билангина Октябрь революциясининг ғалабаси учун курашиб қолмай, амалий фаолиятида ҳам советларни мустаҳкамлаш учун бутун куч-қувватини сарф этди. Завқий Қўқон советининг топшириғига мувофиқ, бир қанча вақт пойабзал растасининг оқсоқоли бўлиб ишлади. 1919—1920 йилларда очликка қарши кураш комиссиясининг ишларида фаол қатнашди. Эргаш қўрбошига қарши курашда маҳаллий ҳукуматга ёрдам берди. Эргаш қўрбоши билан музокаралар олиб борувчи ҳукумат комиссияси составида иштирок ҳам қиласди.

Душманлар Завқийнинг бу актив амалий фаолиятини тўхташиб мақсадида уни таъқиб этишга киришдилар. Шоирнинг ҳаёти хавф остида қолди. Шунинг натижасида Завқий Қўқондан чиқиб кетишга мажбур бўлиб, бир неча ойлар давомида Ҳўжанд (Ле-

¹ Реакцион «шўрои ислом» партияси кўзда тутилади.

нибод), Самарқанд, Бухоро томонларда юрди. Лекин ўз ватанидан кўнгил узолмаган шоир яна Қўқонга қайтиб келди ва ўз фаолиятини давом эттириди. Пайт пойлаб юрган босмачилар Завқийни Янги Кўрғон районидаги «Каримбобо» қишлоғида тогасидан қолган ерда дәҳқончилик ишлари билан шуғулланиб юрган пайтида қўлга тушириллар ва зинданга ташладилар. Босмачилар кекса шоирни ваҳшийларча қийнадилар. Завқийнинг босмачилар қўлига тушганини эшилган унинг яқин дўстлари Совет ҳукуматининг ёрдами билан уни қутқазиш ҳаракатига тушдилар ва, ниҳоят, жуда кўп пул сарфлаб, уни босмачилар қўлидан озод қилишга мусассар бўлдилар. Лекин босмачилар қўлида қаттиқ жабрланган шоирни Қўқонга, ўз ҳовлисига олиб келганларида, у ярим ўлиқ ҳолида бўлиб, қимирлашга мажоли қолмаган эди. Шоир бу ҳолда бир оз вақт ётгандан сўнг, 1921 йилнинг ёз ойларида вафот этди.

Совет ҳокимияти шоир Завқийнинг халқ ва ватан олдида қилган хизматларини яхши билар эди, шунинг учун уни ўша вақтдаёқ қадрлади. Қўқон шаҳар советининг 1922 йилда қабул қилган қарорига мувофиқ, Қўқондаги шоир туғилиб ўсган «Шайхон» маҳалласи «Завқий маҳалласи» деб, «Каримбобо» қишлоғи «Завқийбод» қишлоғи деб номланган эди. Шундан бери Завқий номи халқ ўртасида абадий сақланиб келмоқда.

**Завқийнинг
ижодий мероси.** Завқийнинг бизгача сақланиб қолган асарлари унчалик кўп бўлмаса ҳам, уларнинг мазмуни ичояида муҳим ва харакиерлидир.

Завқий ижодий меросини ўз ичига олган маҳсус тўплам ёки девон бизгача етиб келмаган. Унинг асарларини турли манбаларда учратиш мумкин. Шундай манбалардан асосийси революциядан илгари литография йўли билан нашр этилган баёзлардир. Муқимий ва Фурқат шеърларидан кўплаб намуналарни ўз ичига олган бу баёзларда Завқий шеърлари жуда оз учрайди. Революциядан илгари қўл ёзма шаклида тарқатилган баёзларда ҳам Завқий шеърлари кам кўрилади.

Завқий асарлари, асосан, оғзаки манбалар орқали, шоирнинг дўстлари, замондошлари қўлида сақланиб қолган тасодифий қозозлар орқали бизгача етиб келган. Адабиётшунослар бу асарларни кейинги вақтларда Фарғона областининг турли шаҳарларида яшовчи адабиёт ҳаваскорларидан тўпладилар. Натижада 1958 йилда Тошкентда Завқийнинг «Танланган асарлар»и ўзбек ва рус тилларида нашр этилди.

Тўпламдаги лирик ва сатирик шеърларнинг умумий ҳажми тахминан бир ярим минг мисра атрофидадир. Шубҳасиз, булар шоир ёзган шеърларнинг ҳаммаси эмас. Айниқса, Завқийнинг узоқ умр кўрганини, қарийб 50 йил давомида ижодий иш билан машғул бўлганини эътиборга олсак, бу зўр санъаткор ва забардаст шоирнинг 50 тагина шеър билан қаноатланиб қолмагани

янада равшанлашади. Завқий шеърларини ўз ичига олган катта тўплам ёки девон бўлганлиги тахмин қилинади. Бу тўпламни, шоир вафотидан сўнг унинг кейинги уйfur хотини Ҳожихон ўзи билан бирга Қашқарга олиб кетган, деган фикр бор.

Шундай қилиб, ҳозиргача шоир Завқийнинг ижодий меросининг бир қисмигина топилган. Лекин Завқий ижодий мероси бизгача тўлиқ етиб келмаган бўлса-да, унинг ҳозирги мавжуд намуналари шоир ижодий қиёфаси ва бадиий маҳорати ҳақида маълум хulosаларга келиш учун етарлидир.

Завқий ижодининг асосий тараққиёт босқичлари. Завқий ўзининг узоқ муддатли ижодий фаолияти даврида, ҳамма шоирлар каби маълум тараққиёт босқичини босиб ўтди.

Завқийнинг қачондан бошлаб ижод этишига киришганини кўрсатувчи аниқ маълумот бўлмаса ҳам унинг жуда эрта, мактаб ва мадрасаларда ўқиб юрган кезларида, яъни 60-йилларнинг охирлари ёки 70-йилларнинг бошларида шеърлар ёзишга киришганини тахмин қилиш мумкин. Демак, Завқий XIX асрнинг 70-йилларидан XX асрнинг 20-йилларига қадар қарийб ярим аср давомида ижод этган шоирдир. Бу муддат ичida шоир маълум ижодий эволюцияни бошидан кечирди. Завқий ижодий такомилини уч босқичга ажратиш мумкин:

1. Завқий ижодининг илк даври. Бу давр шоирнинг адабиёт оламига киргандан бошлаб, 80-йилларнинг бошларигача, яъни Қўқонда Муқимиy бошчилигидаги янги адабий ҳаракатга асос солингунча бўлган вақтни ўз ичига олади. Бу даврда ҳали Завқийнинг ўзига хос ижодий қиёфаси, пухта ишланган эстетик принциплари тўғрисида фикр юритиб бўлмайди. Чунки Завқий бу даврда ўз ижодий фаолиятининг ибтидоий босқичида туриб, ижодий изланиш даврини кечирали. Завқийнинг бу даврдаги ижодида бир-бирига қарама-қарши бўлган мотивлар, тенденциялар учрайди. Унинг бу даврдаги асаллари ичida «Айлаб келинг» радифли ишқий руҳдаги ғазал, «Радифи Завқий» сарлавҳали традицион усуулда ёзилган мувашшах ва шунга ўхшаш феодал-сарой адабиёти таъсиридан дарак берувчи шеърлар учраши билан бирга, классик поэзиямизнинг энг юксак намуналарига эргашишга, унинг энг яхши традицияларини эгаллашга интилиш майллари ҳам кўзга ташланади. Бундай майллар Завқий ижодида борган сари илдиз отиб, кучга кириб, унинг келгусидаги тараққиёт йўлини белгилаб беради. Унинг Алишер Навоий ғазалига назира тарзида ёзган «Келмаса келмасун, нетай?» радифли шеъри, XIX аср шоирлари ўртасида оммавий тус олган инсоний кечинмаларни улуғловчи муҳаббат темасидаги «Офарин» радифли шеъри шундай асаллар жумласидан бўлиб, булар Завқий поэзиясидаги илгор тенденциянинг илк намуналариdir.

2. Завқий — демократ шоир. Завқийнинг бу даврдаги фаолияти XIX асрнинг 80-йиллари ўрталаридан Февраль ва Октябрь

революцияларигача бўлгай вақтни ўз ичига олади. Шоир ижодий меросидаги асарларнинг кўп қисми шу даврда ёзилган, Завқийнинг лирик шоир сифатида ёзган қимматли ғазал ва мухаммаслари, сатирик шоир сифатида яратган бой ва фоят характерли ҳажвиялари шу давр маҳсули бўлиб, улар ўзбек демократик адабиёти хазинасига қўшилган муҳим ҳиссадир. Шоирнинг бу даврдаги ижоди бошдан-ёёқ демократизм, ватанпарварлик ва халқчиллик руҳи билан суғорилган бўлиб, у реализмга асослангандир. Ҳаётий ҳақиқатларни тасвирлаб, халқ манфаати учун кураш шоирнинг бу даврдаги асосий ижодий-эстетик идеалини ташкил қиласди. Завқий, айниқса, сатира-юмор соҳасида катта муваффақият қозонди. У демократ шоирлар ўртасида ўзининг кескин услубда ёзилган ёрқин сатирик шеърлари билан ажralиб туради. Агар Муқимий лирик ва сатирик шоир бўлса, Фурқат ижодида маърифатпарварлик билан лирика бир хил ўринда турса, Завқий ижодида сатира устун бўлиб, у асосан сатирик шоирдир.

3. Завқийнинг Февраль ва Октябрь революциялари давридағи ижоди. Бу давр 1916 йилдан шоир ҳаётининг охиригача (1921) бўлган вақтни ўз ичига олади. Завқийнинг бу даврдаги ижоди ўзининг янги мотивлари ва янги мазмуни билан юқоридаги икки босқичдан ажralиб туради. Бу даврда Завқий ижодида юқорида қайд қилинган демократизм, ватанпарварлик, халқчиллик ғояларининг янада чуқурлашиши, равshan ва кескин тус олиши билан бирга, романтизм руҳи билан суғорилган озодлик мотивлари пайдо бўлади («Ажаб эрмас», «Фаргона» мухаммаслари, «Қаҳатчилик» достони). Адабиётда озодлик, революцион мотивларининг кенг акс этиши 1905 йилдан кейинги адабиётимизга хос бир хусусият бўлиб, бу ҳодиса меҳнаткаш халқ оммаси ўртасида чуқур томир отган революцион ҳаракатнинг адабиётдаги инъикоси эди. Демократ шоир бу даврда ҳаёт ва адабиёт билан бирга одим ташлаб, ўз ижодий эстетик қарашларида яна бир поғона юқорига кўтарилди ва адабиётдаги революцион романтиказга жўр бўлиб, эркинлик ғояларини куйлашга киришди. Совет ҳокимиятининг дастлабки йилларида (1917—1920) эса шоир фақат ўз ижоди билан эмас, балки қизғин амалий фаолияти билан ҳам Туркистонда ёш совет республикасининг барқарор бўлиши ва мустаҳкамланиши учун курашди.

ЗАВҚИЙ — ЛИРИК ШОИР

Завқий ўз ижодини лирик шеърлар ёзиш билан бошлади ва умрининг охиригача бу турдаги асарлар ёзишни давом эттириди. Завқий лирик шеърлари тематик жиҳатдан анча бой бўлиб, унда тор, интим муҳаббат кечинмаларидан тортиб, турли темадаги гражданлик мотивларини ҳам учратиш мумкин.

Завқийнинг сатирик истеъоди унинг лирик ижодига ҳам ўз таъсирини кўрсатди. Шунинг учун унинг лирикасида реализм, ҳаётий масалаларга қизиқиши, ижтимоий ҳодисаларга ўз муносабатини билдириш каби тенденциялар анча устун туради. Завқий лирикасининг ана шу тематикаси ва умумий йўналишига қараб, уни икки группага: муҳаббат лирикаси ва сиёсий лирикага ажратиш мумкин.

**Завқий ижодида
муҳаббат лирикаси.** Муҳаббат ва унинг кечинмаларини куйлаш поэзиямизнинг қадимий темаларидан бири бўлиб, Завқий бу темани ичлашда ҳам оригиналликни сақлаган ҳолда жозибали ва унутилмас шеърлар яратди. Шубҳасиз, шоир муҳаббат лирикасида бундай маҳоратга бирдан эришмади. Унинг бу соҳада ёзган асарларининг дастлабки намуналарида тақлидчилик, юзакичилик, услубий шаблон йўқ эмас эди. Лекин оригинал бадиий талант эгаси бўлган Завқий бу камчиликлардан тезда қутулиб, ижодий юксакликларга интилди ва муҳаббат лирикасининг яхши, чиройли намуналарини яратди.

Завқий ижодидаги муҳаббат лирикасининг яхши намуналаридан бири унинг «Келмаса келмасун, нетай?» радифли газалидир. Бу фазал Алишер Навоийнинг:

Гар аламимға чора йўқ, бўлмаса бўлмасун, нетай?
Гар ғамима шўмора йўқ, бўлмаса бўлмасун, нетай?—

байти билан бошланадиган шўх ва жозибали ғазалига жавоб — ўхшатма қилиб ёзилган. Навоийнинг бу фазали поэзиямизда машҳур бўлиб, унга кўп шоирлар, шу жумладан Завқий ҳам жавоб — назира ёзган эди. Завқий ўз назирасида Навоий ғазалининг вазнини, мисра тузилишини ва бошқа формал-стилистик хусусиятларини сақлагани ҳолда уни мазмунан бойитди, ғоявий йўналишини чуқурлаштириди.

Ёр келур замона йўқ, келмаса-келмасун нетай?
Сарф этарга ҳазона йўқ, келмаса-келмасун нетай?

Маскани кўз ичи десам, мардум оролагон экан,
Таклиф этарга хона йўқ, келмаса-келмасун нетай?

Эски бузук ҳаробада чуғздек айладим ватан,
Бир тузук ошиёна йўқ, келмаса-келмасун нетай?

байтлари билан бошланган 20 мисрали бу фазал шоирнинг ўз камбағаллигидан зорланиб ёзган социал темадаги мисралар билан якунланади:

Қўз тикиб қудумиға, токай ўлурман интизор,
Илмаса кўзга кулбами, келмаса-келмасун нетай?

Ул кўзи ўаҳшимиз бу ён бўлмас ром не ажаб,
Завқийда дому дона йўқ, келмаса-келмасун нетай!

Завқийнинг диққатга сазовор лирик шеърларидан яна бири «Бодаи васлинг» газалидир. Мазмунан характерли бўлган бу газал ўзининг умумий руҳи ва услуги билан Фурқатнинг машҳур «Уч хароботий» мусаддас-таржиъбандини эслатади. Бу газалда ҳам «Уч хароботий» мусаддас-таржиъбанддаги каби самимий муҳаббатга эга бўлган, лекин ёрнинг бевафолигидан алам ва изтироб чеккан «уч ошиқ» ҳақида фикр юритилади. Бу газалда ҳам истиғно билан ўз ёридан кечиб, фалсафий мулоҳазалар оламига отилган «нозик табиатли» ошиқлар образи гавдаланиб туради. Газал ғоявий йўналиши жиҳатидан «Уч хароботий» мусаддасидаги мазмунни давом эттириши билан бирга, қоғия, вазн ва бадиий образлар системасида ҳам унга ўхшаб кетади. «Уч хароботий» мусаддаси ҳам, «Бодаи васлинг» газали ҳам аруздаги рамал баҳри тармоқларидан «фоилотун, фоилотун, фоилун» вазнида ёзилгандир:

Бодаи васлинг қачонким нўш этибон қонамиз,
Тонгфача ҳижронда бўлгайму бизи майхонамиз.

Отма кўнгул шишиасига санг, бежо тегмасун,
Таъбимиз озода, деб Фаргонада маҳтонамиз.

Рухни ғслиб айлагил, шоҳим маҳали кишту мот,
Ишқ базми ичра шатранж ўйнағон уч донамиз.

Қўнглимиз айлаб паришон, ҳар тарафга тарқатиб
Неча муддатдурки, ул новак мужгон шонамиз.

Анбарин зулғингни боғлаб жонларга таъвиз учун,
Ёдинг ила кечалар гоҳ чўчиб уйғонамиз.

Завқий ила Фурқатий кулбангга ёринг келмаса,
Айлаб истиғно бизам шундоқ ёрдин тонамиз.

Завқийнинг муҳаббат темасида ёзилган характерли лирик шеърларидан бири «Форат этдинг» газалидир. Бу лирик шеърда Завқийга хос шўх үслуб кўзга ташланади. Шоир ёр бевафолиги ҳақида сўзлар экан, баъзи шоирларда кўрингани сингари, аччиқ нола-фифон кўтартмайди. Унинг шеърларида алам-ҳасрат бор, лекин бу муҳаббат азобларини шоир жуда енгил ўтказади. Ҳатто унинг шикоятомуз мисраларида ажойиб юмор сезилиб туради. Натижада классик поэзиямиздаги лирик қаҳрамонга хос бўлган муҳаббат кечинмаларида трагизм Завқий шеърларида кўринмайди. Завқий лирикаси учун характерли бўлган бу хусусият унинг Ўзбекистон Фанлар академиясининг Шарқшунослик институти фондида (инв. 9971) сақланаётган «Мажмуаи ашъор» дан олинган «Форат этдинг» газалида равшан кўриниб туради.

Форат этдинг, эй пари, тан мулкини,
Кўрмадим оламда сандек тулкини.

Фориг эт бизни жафо зинданидан,
Сан эрурсан яхшиларни (нг) эркини.

Рўзи қисматда худо берган экан.
Бизга оҳу воҳу санга кулгуни.

Завқий бечора айтур доимо,
Эй худо, очгин дилимни (нг) қулфини.

Завқий лирикасида «Юзунгни кўрсатиб аввал» шеъри алоҳида ўрин тутади. Мухаммас шаклидаги бу шеър жўшқин лиризм ва чуқур самимият билан ёзилган бўлиб халқ ўртасида кенг тарқалган ва классик мақом куйларига солиниб айтилиб келмоқда. Саккиз банддан иборат бўлган бу шеър мазмуни, шакли ва услуби жиҳатидан тугалланган бўлиб, унда бир муҳаббат саргузашти тўлиқ, бекаму кўст ифода этилгандир. Шеърда висол умиди, вафодорлик ваъдаси, бегоналиқ ҳажри ва, ниҳоят севгининг алам ва изтироблари бирин-кетин акс эттирилиб, муҳаббат кечинмаларининг ранг-баранг руҳий ҳолатлари гавдалантирилади:

Юзунгни кўрсатиб аввал ўзингга бандалар қилдинг,
Яна кўнглум олиб юз ноз бирла хандалар қилдинг,
Жамолинг партавин солиб ажойиб жилвалар қилдинг,
Масиҳдек бир боқиша мурда жисмим зиндалар қилдинг,
«Санго ман то қиёмат ошно!»— дэб ваъдалар қилдинг...

Агар билсам эди бегона бўлмоқ ихтиёргани,
Бошимга солмас эрдим, беҳуда савдои корингни,
Хама айтур: «иначук қилдинг, ўшал мастона ёрингни?»
Кўнгулда гинаси бор, арз қил аҳволи зорингни,
Солиб бўйнимга ҳажринг занжирин бадкардалар қилдинг.

Юрагим рахна бўлди, бас қил истиғонни, жононим,
Фироқинг торта-торта ёшлигимда кетди дармоним,
Арозингни қўйиб, лутф айласанг ҳеч йўқдур армоним,
Кўзим нури, таниминг қувватисан, эй дијоромим,
На хуш бир неча кун Завқий қулингга шевалар қилдинг.

Завқий лирикаси ўз моҳияти билан оптимистик характердадир. Унинг лирикаси гўзаллик мадҳиясидан иборатdir. У кишиларни турмушдан, ҳаёт гўзалликларидан завқланишга чақиради, ҳаётни севишга ундейди. Бу жиҳатдан Завқий лирикаси таркидунёчилик фояларини тарғиб қилувчи феодал-клерикал адабиётдан принципиал фарқ қиласди. Завқий демократ шоир сифатида муҳаббат тематикаси орқали соғлом, олижаноб инсоний фазилатларни куйлаб, ўз даврининг илгор фоялари учун курашди, поэзияда ҳаётий проблемаларни акс эттириди. Завқий поэзияси ҳаётий, чуқур оптимистик поэзия бўлиши эътибори билан реалистик поэзияидир.

**Завқий ижодида
сиёсий лирика.**

Завқий лирикасининг реалистик кучи, айниқса, унинг сиёсий-гражданлик темаларда ёзган шеърларида яққол кўриниб

туради. Завқий поэзиясидаги сиёсий лириканинг намуналари сифатида «Демиш хон», «Ажаб эрмас» ва «Фаргона» шеърларини кўрсатиш мумкин.

Завқий ўз ижодининг илк даврларида ёқ муҳим тарихий ҳодисалар, ҳаётий проблемалар билан қизиқди ва улар ҳақида шеърлар ёзди. Ҳаётий масалаларни адабиётга олиб киришга интилиш ундаги реализмдан дарак берар эди. Завқий ижодига хос бўлган гражданлик тематикасининг илк намуналаридан бири «Демиш хон» шеъридир.

Мухаммас шаклида ёзилган 7 банд, 35 мисрали бу шеър Фарғона тарихида содир бўлган муҳим ҳодисага — 1875-1876 йилларда Худоёрхоннинг тахтдан қулаши ва Қўқон хонлигининг тугатилиши ҳодисасига бағищлангандир. Шоир бу сиёсий-тарихий воқеани бадиий ифодалашда ўзбек адабиёти тажрибасида кенг тарқалган бадиий приёмни — асар қаҳрамонини ўз тилидан сўзлатиш приёмини қўллади. Завқий бу шеърда Худоёрхонни ўз тилидан сўзлатиб, унинг бутун буду шудидан, ишонган ва ҳирс қўйган тахтидан ажралиб, ҳасрат ва надомат чекаётганини, пушаймон қилаётганини акс эттиради. Шоир ана шу усулда Худоёрхоннинг мағрур ва лақма образини яратишида зўр санъаткорлик ишлатиб, катта муваффақият қозонади. Чунончи, Худоёрхоннинг оҳ-воҳдан иборат «ҳасратномаси» қўйидаги банд билан бошланади:

Чекиб ҳасрат демиш хон, шаҳри Ҳўқандимдин айрилдим,
Иним Султон Муродбек эрди пайвандимдин айрилдим,
Ки Насрiddин деган шаҳзода дилбандимдин айрилдим,
Яна Үрмонбек отлиқ яхши фарзандимдин айрилдим.
Бошимда тож, белим узра камарбандимдин айрилдим.

Бундан кейинги бандларда Худоёрхон ўз «кирдикорлари» ни фош этади:

Кўриб давлат ғурурин юрту элдин бехабар бўлдим,
Заволини кўриб, дўстлар, хазондек ғам билан сўлдим,
Гуноҳсиз нечалар мўю соқолин тердириб юлдим,
Мукофотин кўриб, дўстлар, ажал келмай тирик ўлдим,
Қолиб бу ерда ғамлар бирла, хурсандимдин айрилдим.

Циқардим бидъат ишларни хазина тўлса шояд деб,
Ижора бирла так жойи олурдим тўлса шояд деб,
Хушомадгўйларим ўргатдилар хон кулса шояд деб
Факир бечораю бехонумонлар ўлса шояд деб,
Ёмонлар сўзи бирла яхшилик пандимдин айрилдим.

Ижтимоий-тарихий темада ёзилган бу шеърда Завқийнинг сиёсий қарашлари равшан акс этади. Шеърнинг умумий руҳи

ва мазмунидан, унда Худоёрхон образининг салбий-танқидий усулда чизилишидан кўриниб турибдики, шоир хонлар-беклар замонасига, феодал тузуми туғдирган қоида-тартибларга, адолатсизликларга ғазаб ва нафрат билан қараган. Худоёрхоннинг таҳтдан ағдарилишини табриклаб, янги замонлар бошланишидан, ҳалқ учун тузук тартиблар жорий қилинишидан умидвор бўлган. Демак, шеърда муҳим сиёсий масала — шоирнинг хонлар, беклар, феодаллар замонасига бўлган муносабати масаласи илгор позициялар нуқтаи назаридан ҳал қилинганд.

«Ажаб эрмас» мухаммаси Завқий сиёсий лирикасининг гўзал намуналаридан биридир. Бу шеър 1916 йилда ёзилган бўлиб, у 4 банд, 20 мисрадан иборатdir. «Ажаб эрмас» асари ўзининг тематикаси, мазмуни ва ғоявий йўналиши жиҳатидан Улуғ Октябрь революцияси арафаларидағи ўзбек адабиётининг энг яхши намуналаридан биридир. Унда шоирнинг юксак ва олиjanоб интилишлари акс этган. Бу интилишлар биринчи жаҳон уруши ва тобора юксалиб бораётган ҳалқ ҳаракатлари замонида туғилган озодлик ғоялариdir. Тарихий ҳодисаларнинг ички мазмунини, жамиятнинг илфор қисми кайфиятларини жуда тўғри пайқаб олган шоир ўз шеърида, «Муқаррардур замона инқилоб ўлса ажаб эрмас»,—деб, бошланиб келаётган революциядан башорат қиласди. Шоир ўз асарида замонада ўзгариш бўлиши билан бирга, бу «ўзгариш» оқибатида ҳалқ ҳаётида, мамлакат истиқболида рўй берадиган янгиликларни ҳам равшан акс эттиради. Завқий бу «инқилоб» оқибатида ҳалқнинг «золимлар зулмидан озод» бўлишини, эркин-кувноқ нафас оладиган замонларнинг етиб келишини зўр ишонч билан қўйидагича акс эттиради:

Ўтиб бир қарп ақроним жаҳон обод кўргайсиз,
Жаҳон аҳлини золим ҳаддидин озод кўргайсиз,
Гирифтори алам эрмас, ҳамани шод кўргайсиз,
Бурунги ўткану кетган кўнгулда ёд кўргайсиз,
Қариган чогда Завқий бир шабоб ўлса ажаб эрмас.

Шоирнинг яқин келажакдаги мамлакат тақдири, Ватан истиқболи ҳақидаги умидлари яна ҳам дикқатга сазовордир. Шоир ўз ватани Фарғонани гўзал, шифобахш ва яшнаган бир водий қиёфасида тасаввур қиласди, у ўзининг бу ниятлари яқин келажакдаги авлодлар — ижодкор совет кишилари қўлида ортифи билан амалга ошишини хаёлига келтира олдимикан:

Шиори шаръ бирлан зийнат афзо ўлса Фарғона,
Тонг эрмасдурки, шакри жаннат осо ўлса Фарғона,
Ҳавоси руҳпарвар ҳам дилоро ўлса Фарғона,
Жаҳон аҳлиға гўё дафъи савдо ўлса Фарғона,
Бўлиб туфроғи анбар, сув гулоб ўлса ажаб эрмас.

«Ажаб эрмас» мухаммаси демократ шоир Завқийнинг халқ-парварлик ва ватанпарварлик гоялари билан суғорилган зўр реалистик асаридир. Мухаммасничг яна бир муҳим хусусияти ундаги романтикадир. 1905 йилдан кейинги адабиётимизга хос бўлган эркпарварлик гоялари, истиқбол умидларини романтик кўтаринкилик билан кўйлаш бу мухаммасга ҳам хосдир. Бу жиҳатдан XIX асрнинг иккинчи ярмида демократ шоир сифатида шаклланган Завқийнинг 1905 йилдан кейин ҳам замона билан бирга қадам ташлаганини, адабий ҳаётнинг асосий масалаларида унга жўр бўлиб кўйлаганини алоҳида таъкидлаб ўтиш зарур.

«Фаргона» мухаммаси ҳам Завқий яратган сиёсий лирикага мансуб бўлган муҳим асарлардан биридир. 8 банддан иборат бўлган бу шеър 1918—1919 йиллар атрофида ёзилган. Совет жамиятининг дастлабки йилларида, халқимиз тарихининг хотинч ва оловли йилларида Фаргона водийсида кечирилётган ҳаёт ва олиб борилаётган кураш мухаммаснинг асосий темасидир. Демак, асар давр ҳаётининг энг жанговар, актуал масалаларига багишланган. Завқий сиёсий лирикасининг дастлабки намунаси «Демиш хон» асарининг 1875—1876 йиллар атрофида, «Ажаб эрмас» асарининг 1916 йилда ва, ниҳоят, «Фаргона» асарининг 1918—1919 йилларда ёзилганини эътиборга олсақ, унинг поэтик ижодида сиёсий мотивлар, гражданик тематикаси ҳамма вақт диққат марказида турганини, етакчи темалардан бўлганини эътироф этиш лозим бўлади. Бу ҳол Завқий поэзиясининг ҳаётий, реалистик поэзия эканлигини яна бир марта исботлайди.

«Фаргона» мухаммаси мазмунидан революциянинг биринчи йилларидаги кураш алангасининг ўтли нафаси сезилиб туради. Бу умумий вазият мухаммаснинг бошланғич бандида шундай ифодаланган:

Эшитинг қиссаи, мен айлайн изҳор, Фаргона,
Куйиб хокистар ўлди жумла бозор Фаргона,
Мисол оташ билан бўлди, кўринг, гулзор Фаргона,
Хуруши ўғрилардин тортадур озор Фаргона,
Халойиқлар кўзига бўлди эмди тор Фаргона.

Чиндан ҳам Фаргона водийси бу вақтларда қайта туғилиш даврини бошидан кечирмоқда эди. Бир томондан эски хон ва беклар замонини қайта тиклаш учун тиришаётган «шўройи исломчилар», «мухториятчилар», уларнинг ‘каллакесар шайкалари бўлган босмачилар, иккинчи ёқдан, узоқ давом этган уруш натижасида рўй берган вайронлик, очарчилик ва касаллик офати Фаргона халқини азоб-уқубат гирдобига соглан эди.

Турмуш ҳодисаларини зийрәклик билан кузатиб борган шоир халқ ва мамлакат бошига тушган кулфатлардан уни қут-

қарувчи кучни топади ва бутун ихлоси, муҳаббати билан уни улуғлайди. Бу халоскор куч большевиклар партияси ва Совет ҳокимияти эди:

Тирилтироқ бўлиб, аввал, кўмилган хону бекларни,
Улим ҷоҳига солди босмачилар бу тирикларни,
Хисобини билиб бўлмас, куйиб ўлган ўликларни,
Шукурким тангри етказди мададга большевикларни,
Илоҳо бахт-толеи бўлсун эмди ёр, Фаргона.

Шундай қилиб, Завқий сиёсий лирикасида гражданлик мотивларининг етакчи ўрин тутиши билан бирга, танқидий элемент ҳам бўртиб туради. Завқийнинг гражданлик мотивида ёзилган илк шеърлари («Демиш хон» ва бошқалар)даги бу хусусият борган сари кучаяди ва унинг ижодида маълум йўлни — ҳажвгўйлик йўлини ташкил этади. Демак, лирик шеърлар ёзиши билан ўз ижодини бошлаган Завқий сиёсий лирика орқали ҳажвгўйлик даражасига кўтарилади.

ЗАВҚИЙ ҲАЖВЛАРИ

Завқий асарларининг муҳим қисмини унинг ҳажвиёти ташкил этади. Бу ҳажвиёт ўзининг тематикасига, темани ишлашдаги манерасига, шунингдек, умумий услуби ва бадиий приёмларига қараб иккى группага — сатира ва юморларга бўлинади.

Сатирик шеърлар. Завқий демократик адабиётда Муқимий бошчилигидаги сатирик мактабнинг кўзга кўринган намояндаларидан биридир. Унинг сатираси ўзининг тематик доираси, ҳаётий ҳодисаларни баҳолаши ва гоявий-эстетик позицияси жиҳатидан демократик адабиётнинг умумий ижодий принципларидан фарқ қилмайди. Завқий сатиralарида ҳам ижтимоий ҳодисалар ҳалқ манфаати нуқтаи назаридан баҳолаб, турмуш иллатлари қаттиқ танқид қилинади, социал адолатсизлик шафқатсизлик билан фош этилиб, эксплуататор синфларга мансуб бўлган ҳамма ижтимоий табақаларнинг аянч образлари чизилади.

Завқий сатиralарининг маълум бир группаси шоир ҳаёт кечирган давр ва унинг кирдикорларига бағишлилангандир. Маълум циклни ташкил қиласидиган ва «социал сатира» деб аталиши мумкин бўлган бундай асарларда шоир замонанинг ноқобиллигидан, одамларнинг норасолигидан, тартибларнинг ноўринлигидан аччиқ шикоят қиласиди. Бу сатиralар шоирнинг турмуш, ижтимоий тузум ва ундаги қонун-қоидаларнинг моҳияти ҳақидағи сиёсий қарашларини, орзу-истакларини акс эттиради. «Замона кимники?», «Дар мазаммати замона», «Бўл», «Мунча кўп» шеърлари ана шундай сатиralар жумласидандир.

Мазкур сатиralарнинг ҳаммаси мазмуни ва умумий йўналиши жиҳатидан бир хил характерда бўлиб, уларда шоирнинг

ўз даврига, унда ўрнатилган ижтимоий тартибларга ва бу тартибларни амалга оширувчи ҳукмрон синфларга бўлган салбий муносабати акс этади. Шоирдаги бу умумий кайфият «Замона кимники?» шеърида яхши ифодаланган. Шоир ўз шеърида, замона кимники, деган саволга очиқ ва равшан жавоб бериб, замона «силиқ саллоники», «суврати зебоники», «ҳокиму мурzonики» эканлигини айтади:

Сендин, эй даврон, ичиб ғам заҳрини ғамнокман,
Ғунча янглиғ оташинликда гирибон чокман,
Демадим бир бор ичсан дафъина таръёк ман,
Халқ наздида ҳақири хок ё ҳошокман,
Давлату иззу шарафлар марди болунёники...

Мўътабар нодон элидин қочди донолар бари.
Гўшаға олди ўзин кўнгли мусаффолар бари,
Қолдилар роҳи равишдан дийда бинолар бари,
Эътибор ўлди жаҳонга сурат оролар бари,
Бу замона гарч кавуш кийган, силиқ саллоники.

Шоирнинг шикояти, «даврондан ғам заҳрини ичиб, ғамнок» бўлиши конкрет мазмунга эга. Классик адабиётимизда кенг тарқалган «ҳасрат ва шикоят мотивлари» ҳар қайси даврда, ҳар қайси шоир ижодида конкрет мазмунни ифода қилиб, конкрет мақсад учун йўналтирилгани каби, Завқий поэзиясидаги «ғамноклик»нинг ҳам конкрет сабабияти бор. Бу сабабиятни шоирнинг ўзи шу шеърида таъкидлаб кўрсатади. Демократ шоирни ўша даврондан «ғамнок» қилган ва «ғунча янглиғ гирибон, чок» қилган нарса халқнинг кулфатли ва машаққатли ҳаёти, «бағри қон бўлган дехқон билан косиб»нинг аянчли ахволи эди.

Шаҳру қишлоқ демангизким, фисқ ила тўлди жаҳон,
Аҳли дунё қошида ёлғончилардур нуқтадон,
Йўқ ривож касбу ҳунарға, соврилибдур хону мон,
Хоҳ косиб, хоҳ дехқон қайга борса бағри қон,
Холи ҳар ерда сухан шармандаю расвоники.

Ҳеч ким фақр аҳлиға жон бирла қилмайди савоб,
Ағниё аҳлиға анқо парча нон, бир томчи об,
Шу сабабдин бева-ю, бечоралар бағри кабоб,
Бекасу бечора сўзига киши бермас жавоб,
Манзилат ҳар ерга борсанг суврати зебоники.

Косиб ва дехқонларнинг бундай оғир аҳволда яшashi, касб эгаларининг қон ютиши ҳар кимдан ҳам шоир Завқийга аён ва ачинарли эди. Чунки Завқийнинг ўзи ҳам шу косиб-ҳунармандлар табақасидан бўлиб, қисмати жиҳатидан ҳам улардан фарқ қилмас эди. Шунинг учун шоир ўз шеърини қуйидаги байт билан тутатган эди:

Сўрсаларким, бу мухаммасни ким айди, деб агар,
Завқий деган бир ямоқчи, маҳсудўз устоники.

«Социал сатиралар» циклига кирадиган шеърлар ичидаги «Бўл» шеъри тоят характерлидир. Тўрт байтдан иборат бўлган ғазал шаклидаги бу шеърни ўткир танқидий мазмунни ва кичик шаклига қараб эпиграмма деса ҳам бўлади. Бу шеърда Завқий ҳар нарса бойлик билан ўлчанадиган жамиятнинг асосларини жуда усталлик билан очиб ташлайди. Гарчи шоир бу ерда «ҳажвдаги отилган ўқнинг нишонга тегмаслиги» ҳақида сўзласа ҳам, унинг замонага берган характеристикаси жуда тўғри ва ўринли отилган ўқ таассуротини түгдиради. Аҳамиятига кўра шеър текстини тўлиқ келтирамиз:

Аҳли дил бўлма, замоннинг бойи бўл, баззози бўл,
Ақчадин лангар чўп ушлаб растанинг дорбози бўл.

Шеър эшитмайди бирор, даврон қулоғи кар анга,
Бир ҳовуч олтин, кумушнинг хуш жаранг овози бўл.

Тегмагай ҳаргиз нишонга отган ўқ юз ҳажв ила,
Хоҳ замоннинг шоири бўл, хоҳи тирандози бўл.

Истамас бўлса замона Завқий ёзган шеърини,
Ким эшитсин арзи ҳол хоҳ рози, хоҳ норози бўл.

Шоирнинг оддий косиб-ҳунармандларга, меҳнаткаш халқа бўлган муносабати улуг инсонпарварлик туйгуларга асосланганadir. Чиндан ҳам, ҳақоратланган ва эзилган меҳнаткаш халқ тубанликда қаттиқ азоб чекар эдики, буни шоир Завқий жуда яхши ҳис этар ва улар ғамига дардкаш бўлар эди. Шунинг учун ҳам «Мунча кўп» сатирасининг баъзи бандлари халқ ҳаётини тасвиrlашдаги ҳаққонийлиги ва реалистик кучи билан Махмур ва Муқимиylарнинг «Ҳапалак қишлоғи» ҳақидаги асарларини эслатар эди:

Қишлоқ эли шафтоли қоқи, ион тополмагай,
Қийган либосини тортса (белини) ёполнмагай,
Үлди совуқда кўпи оч, ўтун ёқолмагай,
Қўрдики бу машаққати ҳаргиз йўқолмагай,
Қиши чилласида ёзга умидвор мунча кўп.

«Вексель» сатираси. Жамият ҳаётида борган сари кучайиб бораётган капиталистик муносабатларни ва уларнинг иллатларини танқид қилиш Завқий сатираларида муҳим ўринни эгаллайди. Бу жиҳатдан унинг «Вексель» шеъри характерлидир.

«Вексель» шеъри мухаммас шаклида ёзилган бўлиб, у Завқий билан Муқимиyнинг биргаликдаги ижодий маҳсулидир, тўғрироғи, Завқий ғазалига Муқимиy боялаган мухаммасдир. «Вексель» шеърининг қандай яратилишидан қатъи назар, ун-

даги мисралар ва бу мисраларда илгари сурилган ғоялар ҳар иккала шоирга ҳам баробар тааллуқлидир.

«Вексель» шеърида Фарғона водийсида эндиғина расм бўлаётган қарз бериб вексель олиш, шу йўл билан камбағал дехқон ва косиб-хунармандларни иқтисодий қуллик гирдобига тортиш усули ҳақида фикр юритилади. Сиртдан қараганда камбағалларга ёрдамдек кўринган, аслида эса эксплуатациянинг капитализм давридаги ниқобланган, нозик шакли бўлган бу вексель ҳалқ гарданидаги сиртмоқ эди. Вексель ва унинг оқибатларини турмушда яхши кузатиб бораётган демократ шоирлар бу ҳодисани ўз шеърларида ҳаққоний равишда тасвирлайдилар ва унинг косиб-хунарманд ҳалқа келтираётган кулфатларини бирма-бир кўрсатиб берадилар:

Мастур колмагайким, сўзниңг йўғони чиқди,
Олтиариглари ҳам векселни(нг) кони чиқди,
Зовутни биткаролмай эшонни (нп) жони чиқди,
Афус, эй ҳалойиқ, ишлар ёмони чиқди,
Охир замона маълум бўлди, нишони чиқди.

Вексель дастидан баъзан Ҳодижӯжа эшон каби кичик завод эгалари, яъни майда буржуазия вакиллари куйиб қолса ҳам (Муқимийнинг «Заводчи бой таърифида» шеърини эсланг), унинг энг оғир мусибатлари оддий ҳалқ устига тушар, косиб-хунармандларни қарздорлик балосига гирифтор этиб, хона-вайрон қиласар эди:

Диққат ҳама сотолмай, ё бир нима олурға,
Қассоб етти ўзни гўшт ўрнига тилурға,
Солган қулоқларини эл, гап недур билурға,
Бозор аҳли ҳайрон савдо-сотиқ қилурға
Сўйи самоға йиғлаб косиб фигони чиқди.

Ҳалқики камбағаллар гўёки галтак ўлди,
Ўлгани (нг) устига ҳам бир неча калтак ўлди,
Бу воқеа, Муқими, ҳар ерда дастак ўлди,
Пул-дабба, нарх-қиммат устига пўстак ўлди,
Пўстак (белига) боғлаб, Завқий, баёни чиқди.

«Вексель» шеъри капиталистик муносабатлар туғдирган иллатларни фош этувчи асар сифатида фақат Завқий ва Муқими ижодларидагина эмас, балки бутун демократик адабиётда катта аҳамиятга моликдир.

«Ҳажви йикчи эшон». Дин аҳлларини фош этиш ўзбек демократик адабиётиning марказий темаларидан бири бўлиб, бу темада Завқий ҳам яхши асарлар яратган. «Ҳажви йикчи эшон» сатираси Завқийнинг ана шундай асарларидан бўлиб, у ҳалқ ўртасида «Дукчи эшон» ёки «Йикчи эшон» номи билан шухрат топган Муҳаммад ҳалфага қарши қаратилгандир.

Тарихдан маълумки, Дукчи эшон бир тўда мутаассиб дин аҳларига бош бўлиб олиб, 1898 йилда Андижон яқинидаги Марҳамат қишлоғида «газовот» шиори билан, яъни кофирларни мамлакатдан ҳайдаб, шариатга асосланган мусулмон давлати тузиш шиори билан панисломизм байроғи достида фитна кўтариди. Кенг халқ оммасининг озодлик ҳаракатини ўз манфаатига бўйсундиришга интилган юқори табақаларнинг бу интилишлари муваффақиятсизликка учради ва жамиятнинг илгор қисмida газаб-нафрат ҳисларини уйғотди. Бу ярамас ҳодиса муносабати билан кўп шоирлар асар ёздилар, жумладан, Завқий ҳам ўзининг «Ҳажви йикчи эшон» шеърини яратди.

Ушбу газал 21 байтдан иборатdir. Асар Дукчи эшон воқеаси бўлиб ўтган йили—1898 йилда Андижонда ёзилган. Шеърнинг ёзилган йилини Завқийнинг ўзи ҳам асар охирида абжад ҳисоби билан кўрсатиб ўтади:

Ҳар киши бу шўриши Фарғонадин сўрса нишон,
Завқий айтур: «Жон» чиқиб, тарихидур «иғбо эшон».

Бу байтдан кўриниб турганидек, Завқий бу воқеани «Фарғонанинг шўриши», яъни баҳтсизлиги, зўр кулфати деб ҳисоблайди. Чиндан ҳам шеър бошдан-оёқ Дукчи эшонга лаънатлар ёғдирувчи мисралардан ташкил топади. Завқий Дукчи эшонни обод ерларни вайронага айлантирувчи «касофатлик вужуд» деб билади, уни халқ ўртасида «вабо пайдо қилувчи оғат» деб ҳисоблайди. Шунинг учун ҳам Завқий демократ шоирлар қатори, Дукчи эшон ҳақида сатирик асар ёзиб, халқнинг эшонга бўлган чуқур нафратини ифодалади.

Демак, юқорироқда кўриб ўтганимиздек, «Демиш хон» асарида Завқийнинг хон ва беклар замонасига бўлган муносабати ифодаланган бўлса, «Ҳажви йикчи эшон» сатирасида унинг пантуркизм ва панисломизга қарашлари акс эттирилган. Бинобарин, Завқий русларга муносабат, Ўтра Осиёнинг Россияга қўшиб олиниши масаласида бошқа демократ шоирлар сингари илгор позицияда турган. Шунинг учун у ўз халқини хонларнинг мамлакат ва халқни ҳалокат ёқасига элтиб қўйган битмас-туганмас ўзаро урушлари оғатларидан қутилиб, тинч турмуш кечириш имкониятига эга бўлганликлари билан табриклайди, турмушда рўй бераётган ўзгаришларни, улуғ рус маданиятининг ҳаётимизга кириб келаётган янгиликларини қучоқ очиб қарши олади, бу янгиликларни ўз асарларида тарғиб қилади. Завқийнинг улуғ рус маданиятига бўлган самимий муҳаббатини, рус халқига бўлган зўр ҳурматини кўрсатувчи кўп фактлардан бири сифатида «Қулоқ солинг, ёронлар» шеъридан бир парча келтириш кифоя:

Худоёр қочди-кетди, жулус ўрусга етди,
Ҳукмин равона этди то Шошу Андижонлар.

Ким ишда илму ҳикмат қўллаб очар тилсимот,
Ўтхона бирла бир ряд кетур бари вагонлар.

Пружиналик коляска жон роҳати олисга,
Зийнат телеграмдин топур янги замонлар.

Савдо қизиқ бозори, кўп ўлди харидори,
Тужжор элин гузори, тушди фаранг томонлар.

Илму ҳунар ривожи, бўлгай ақлни(нг) тожи,
Ҳам юрту эл хирожи, событ топур омонлар.

«Дар ҳажви Шоҳ Иноят Қўрбоши». Завқий сатирасининг тематикасида катта ўрин тутган масалалардан бири чор чиновниклари ва маҳаллий амалдорларни танқид қилишдир. Чунки ўлкада чор ҳукумати томонидан ўрнатилган ҳарбий усуладаги мустамлакачилик аппарати меҳнаткаш халқ оммаси устидан чексиз зулм ўtkазар эди. Чор ҳукумати кенг тармоқланган ҳарбий аппаратидан ташқари «халқ идора усули» деган усулини «кашф этиб», мамлакатни идора этишда маҳаллий амалдорлар (элликбоши, мингбоши, қўрбоши ва бошқалар)дан фойдаланиш системасини юзага келтириди. Шундай қилиб, халқ устидан икки ёқлама ҳукмронлиқ — истилочилар ва маҳаллий амалдорлар ҳукмронлиги ўрнатилди. Булар халқни талашда, унинг устидан хўжайнлик қилишда ўзаро иттифоқ туздилар.

Чор ҳукумати ҳукмронлиги даврида туғилган бу ҳолат кўп демократ шоирлар ижодида ўзининг сатирик-танқидий ифодасини топди. Бу мухим темани Завқий ҳам қаламга олиб, қатор сатирик асарлар («Дар ҳажви шоҳ Иноят Қўрбоши», «Золим пули», «Үй пули» ва бошқалар) яратди.

«Шоҳ Иноят Қўрбоши» сатирасида маҳаллий амалдор Шоҳ Иноят Қўрбоши шаҳар ҳокими колонизатор Мединский пинжига тиқилиб олгани ва унинг ҳимояси раҳбарлиги остида зулм тифини қайраб, ишга согани кўрсатилади:

.. Неча кун ўлди Мединскийга ёр,
Топди бориб тундаги йўлдошини.

Қолмади Хўқандда киши тотмаган,
Заққуми заҳр икиланин ошини.

Ул эди Фиръавн, бу Хомон анга,
Утди қилиб иккиси кенгашини.

Парчада тасвирланган ҳоким Мединский билан амалдор Шоҳ Иноят Қўрбошининг оғиз-бурун ўпишишлари жуда характерли ва типик ҳодисадир. Чунки тарихдан маълумки, колонизаторлар ўз ёвуз мақсадларини амалга оширишда ҳамма вақт, Муқимий «Танобчилар»ида тасвирланганидек, Ҳакимжон ва Султон Алихўжа сингари маҳаллий амалдорларга суюниб иш кўрганлар.

Чор чиновниклари ва маҳаллий амалдорларни фош этиш Завқийнинг бошқа сатираларида ҳам учрайди. Чунончи, «Уй пули», «Золим пули» шеърларида ҳоким ва приставлар зулми, халқ бошига солинган солиқлар, халқни инсофсизларча талаш тўғрисида фикр юритилади. Масалан:

Зулм қилиб ҳокими солди дўконларға пул,
Тушмуш алар бошига қаттиғ азоб уй пули.

«Лак пули» деб бир солур, «уй пули» деб бир солур,
Қилмаса деб қўрқаман хоки туроб уй пули...

Уй пулидан хат аро сўзлади бечора халқ,
Завқий Ҳўқандий деди унга жавоб «уй пули».

Завқий сатираларининг тематик доираси жуда кенгдир. Шоир ижодида «замона буқаламунлиги»ни фош этиш, текинхўр дин амалдорларини танқид остига олиш, чор чиновниклари ва маҳаллий амалдорларнинг карикатура характеристидаги образларини чизишдан ташқари, яна бир қатор темаларда ёзилган асарлар борки, уларда ҳам ўша давр ҳаётининг турли иллатлари очиб ташланади, социал адолатсизликка асосланган жамият тартиблари танқид этилади. «Абдураҳмон шайтон», «Рудаслик бой ҳақида ҳажв», «Воқеаи қози сайлов» каби шеърлар ҳам Завқий сатираларининг яхши намуналаридан бўлиб, уларда шоир яшаган давр ҳаётининг муҳим томонлари ўзининг сатирик ифодасини топган.

Юмористик шеърлар. Завқий ҳажвиялари ичida юмористик шеърлар ҳам бор. Улар кўп бўлмаса ҳам, темаси ва мазмуни жиҳатидан аҳамиятлидир. Завқий юмористик асарлар ёзишда ҳам Муқимий мактабининг издошларидандир. Завқийдан бизгача етиб келган еттита юморининг учтаси («Отим» «Фонус», «Пашшалар») Муқимий тематикасида, унга жавобан ёки у билан биргаликда, ижодий ҳамкорликда ёзилгандир. Юмористик шеърлар циклини яратишда ҳам Завқийнинг Муқимий тажрибасидан фойдалангани кўриниб туради. Чунончи, Завқий «Отим», «Отинг» сарлавҳалари остида иккита шеър ёзил, от циклини, шунингдек, пашшалар циклини яратган. Аҳамиятга кўра, Завқий юморларининг баъзилари билан танишиб чиқиш мақсадга мувофиқдир.

«Таърифи калиш» юмори 7 байтдан иборат бўлган ғазал шаклидаги кичик шеър бўлиб, Завқий унда ярим ҳазил аралаш калиш сифатларини баён этади ва унинг кавушдан афзал эканлигини таърифлайди:

Бутун оламда энг аъло калишдур,
Кияр одамға хўб зебо равишдур.

Енгилтак, иссигу кўп жонға ором,
Даво ҳар фасли лою дафъи қишидур.

Бу шеърнинг охирги мисралари характерлидир. Услуби ва мазмуни жиҳатидан юмористик шеърга яхши хотима ҳисобланган ва бу мисраларда Завқий калиш ҳақидаги юқорида айтганларини хulosалайди:

ўруска маҳтаса Завқий: хорошо,
Жувон, пир, марду зан моманди ишдур.

Умумий йўналиши «ва, аҳамияти жиҳатидан Завқийнинг «Таърифи калиш» юморини Муқимийнинг «Таърифи печь» асарига ўхшатса бўлади. Чунки Муқимий шеърида ҳам, Завқий шеърида ҳам шоирнинг турмушдаги янгиликларга бўлган муносабати акс этгандир.

От циклини ташкил этган икки щеърнинг бири «Отим» юмори бўлиб, у газал шаклидаги етти байтдан иборатdir. Бу шеър Муқимийнинг шу мавзудаги асарига жавобdir. Муқимий билан Завқий ўртасидаги ижодий ҳамкорлик бу шеърларда учрайдиган муштарак байтларда ҳам кўриниб туради.

От циклига мансуб бўлган иккинчи шеър «Оting» деб аталади ва «ўлсун отинг» радифи билан келади. Бу юмор ҳам газал шаклида ёзилган бўлиб, 9 байтдан ташкил топган. Шеърнинг темаси, умумий услуби, қофияси ва радифи унинг шоир Муқимийнинг «ўлсин бу от» радифли машҳур «От» мухаммасига ўхшатма тарзида ёзилганини кўрсатиб туради. Чунончи:

Корвон, қарғай, севингла мустадом ўлсун отинг,
Жиннилиқ бобида умри бардавом ўлсун отинг...

Рўбарў келганни тишлиайди кутурган ит каби,
Шатталар толу терак, хоҳ бўлса том, ўлсун отинг.

Берма ем, қантар қозуққа, боғла ушлаб думларин,
Тутма асло сув юзига ташнаком ўлсун отинг.

Завқийга ҳамроҳ Муқимий, Уш келиб Мирзо Умар,
Қори Акрамжонга танбехи мудом ўлсун отинг.

Бу сўнгги байтдаги сўзлар мазкур юморнинг Уш шаҳрида ёзилганидан дарак беради. Шоир биографиясидан маълумки, Завқий Муқимий билан биргаликда Ушга 1898 йилда сафар қилган эди.

Пашшалар циклида ҳам Завқий иккита шеър ёзган бўлиб, биринчи юморнинг матлаи ва мақтаи характерлидир.

Кечалар уйқу бузиб безор қилди пашшалар
Ниш уриб жарроҳдек, бемор қилди пашшалар...

Айлади Завқий рақам зарра магасдин шиквалар,
Гарчи меҳмон эрди, зулм изҳор қилди пашшалар.

«Қўймас пашшалар» шеъри эса 1898 йилда Андижон сафари даврида ёзилган бўлиб, Муқимийнинг «Қурбақалар» сати-

расига жавобдир. Бу юмор пашшадан шикоят қилувчи қўйидаги байтлар билан бошланади:

Кимга бориб арз этайким, дод, қўймас пашшалар,
Уткарур жабрини юз фарёд, қўймас пашшалар.

Кечаси оқи уурур ниш, кундузида қораси,
Хоҳ пешин, хоҳ номоз бомдод қўймас пашшалар.

Бу мисраларда фақат кулги эмас, балки моддий ҳаётнинг реал лавҳалари ҳам акс эттирилган.

«Сигирим» номли юмор ҳам ғазал шаклида ёзилган бўлиб, 8 байтдан ташкил топган. Бу юморда ҳам, от юморларида бўлгани каби, қари логар-қоқ, бедармон-ўласи сигирнинг кулгили кўринишини чизилади.

Умуман от, пашша ва сигир ҳақидаги бу юморларда гоят аянчли кўринишга, кишини бездирадиган қилиқ ва хусусиятларга эга бўлган жониворлар устидан беозор кулинса ҳам, аслида бу юморлар асосини ҳаётнинг маълум томонларини танқид қилиш, китобхонларда шу ҳодисаларга нисбатан нафрат уйғотиш ғояси ташкил этади. Чунончи, бедармон от, хира пашша, қари-қоқ сигир иқтисодий жиҳатдан техника томонидан қолоқ ва ибтидоий ҳаёт тимсоллариридир. Жамиятнинг иқтисодий жиҳатдан заиф бўлиши инсонлар ҳаётида акс этганидек, ҳайвонларга ҳам ўз салбий таъсирини ўтказмай қолмайди. Завқийнинг пашшалар тўғрисидаги шеъри эса ўша замондаги соғлиқни сақлаш масалалари ниҳоятда паст даражада эканлигидан дарак беради. Завқийнинг от, сигир ва пашша ҳақидаги бу юморларининг аҳамияти ҳам уларнинг колониал қуллик ҳукмронлик қилган ҳаётдаги иллатларини шу хилда акс эттиришидадир.

«Фонус» юморининг ўз тарихи бор. Бу тарих шундан иборатки, Муқимий Тошкентта қилган сафарларидан бирида Кўқонга қайтаётганида, ўша замоннинг муҳим янгиликларидан бири сифатида фонус олиб келади. Уни кўрган шоир Завқийнинг ҳаваси келиб, фонус тутишни орзу қиласи ва Муқимиийга мурожаат этиб, шу фонусини ҳадя қилишни сўрайди. Бу илтимос шеърий шаклда ифода этилиб, «Фонус» радибли шеър майдонга келади.

Завқий бу шеърида ўзига хос юмористик маҳсурат билан чиройли иборалар ишлатиб, фонус билан жонли нарсадек сўзлашиш усулини қўллайди:

Арзим сенга етишсун, эй катта, зўр фонус,
Кел мунда, эмди еткур кулбамга нур, фонус...

Бир умр ҳамки қиласанг ҳазратлариға хизмат,
Иқболу толеъинг кам, пешона, шўр, фонус.

Қўнгулда бўлса ногоҳ мен бирла ошиолиғ,
Борган замони дарров, чопқилла, юр, фонус.

Васфинг эшитганимда хушвақт бўлди кўнглум,
Кўз равшан ўлди сандин, дилга сурур, фонус...

Бир неча шам ёқсам ҳаргиз шамол қўймай,
Сенсиз камина Завқий кўп беҳузур, фонус.

Муқимий ҳам Завқий бошлаган услубни давом эттириб,
Фонусга қарата шеър ёзади:

Хотирда йўқ әдиким, кўздин Муқимий кетсанг,
Завқий сени тилабдур бермак зарур, фонус.

деб, фонусни ҳам, унинг тўғрисида ёзган шеърини ҳам дўсти-
та ҳадя қиласди. Демак, бу шеърлар, икки атоқли шоирнинг ҳаё-
тидан, дўстона муносабатларидан дарак беради.

ЗАВҚИЙ «САЁҲАТНОМА»ЛАРИ

Завқий ўз ижодий фаолиятида «Саёҳатнома»нинг бир неча
намуналарини яратиб, бу жанрнинг демократик адабиётда
шаклланишига маълум ҳисса қўшиди. Завқийдан бизгача учта
саёҳатнома: «Сув жанжали», «Обид мингбоши ҳақида ҳажв»
ва «Шоҳимардон хотираси» номли асарлари сақланиб қолган.
Баъзи маълумотларга қараганда, Завқий 1900-1903 йиллар ора-
сида Арабистонга қилган сафари вақтида ҳам саёҳатнома ёз-
ган, лекин бу саёҳатноманинг тақдири номаълум бўлиб, ундан
бизга фақат фрагментларгина сақланиб қолган:

Ёфаси, Қуддуси йўли,
Мавсуми бир баҳор экан,
Меваси пуртхахол ила,
Анжиру лимузор экан.

Ери мусаффо замин,
Барчаси бугдой экиб,
Тевани қўша қўшиб,
Ерларин ҳайдор экан.

Завқий худога шукр қил,
Ризкинг ўтиб фароғ ила,
Умрида қорни тўймаган,
Болалари бор экан.

Келтирилган бу парчаларда Арабистон иқлими ва табиа-
тига оид баъзи деталлардан ташқари, араб халқи ҳаёти ҳақи-
даги таассуротлар ҳам акс эттирилганки, бу ғоят муҳимдир.
Бу парчаларнинг охирги бандида Завқий «умрида қорни
тўймаган» болалар тўғрисида сўзлаб, улар аҳволига чин кўн-
тилдан ачинади. Чиндан ҳам, XX аср бошларида ҳам империа-
листик мамлакатлар яғмоси остида яшаган араб халқи оч-
яланғоч, гадойларча умр кечиришга мажбур эди.

«Сув жанжали» саёҳатномасининг ҳажми кичик бўлиб, 6 банд, 24 мисрадан иборатdir. «Обид мингбоши ҳақида ҳажв» шеъри 14 банд, 56 мисрани ўз ичига олади. «Шоҳимардан хотираси» эса 10 банд, 40 мисрадан иборатdir. Бу уч саёҳатнома услуби, бадиий шакли, вазни ва қофиялари жиҳатидан бир хил хусусиятларга эга бўлишидан ташқари, тематик жиҳатдан ҳам бир-бирларига боялиқdir. «Уларнинг иккитаси—«Сув жанжали», «Обид мингбоши ҳақида ҳажв» шеърлари Завқийнинг Каримбобо қишлоғидаги ҳаёти ва у ерда кечирган саргузаштлари заминида туғилган. Чунки 1905—1907 йиллар орасида шоирнинг тоғаси Мұхаммад Солиҳ вафот этгандан сўнг унинг меросхўрлари бўлмагани учун Қайнардаги—Каримбобо қишлоғида унга тегишли ерларнинг бир қисми Завқийга теккан эди. Бу ердан шоир қишлоқдаги дўстлари ёрдамида фойдаланиб юрар эди. Ҳатто, 1906 йилдан кейин шоир бир неча йиллар давомида Қайнарда турган ҳам эди. Шунинг учун ҳам Завқий қишлоқ ҳаётини яхши ўргангандеконлар турмушини ўз кўзи билан кўриб, унинг устидан ҳукмронлик қилаётган қишлоқ амалдорларини, бойларини яқиндан таниб олган эди. Бинобарин, Завқий ўз саёҳатномаларида турли ҳаётий воқеаларни тасвирлайди, ана шу қишлоқ амалдорлари — мингбошилар, бўлис бошлиқлари образини чизиб беради.

«Сув жанжали» саёҳатномасида қишлоқ ҳаёти учун мұхим бўлган бир масала — сув проблемаси тўғрисида фикр юритилади. Каримбобо қишлоғининг мироби пора берган, қўй сўйиб, тўн кийдириб, меҳмон қилган бойларга сув бериб, дехқонлар ерини сувсиз қолдириб қақшатгани жуда равшан тасвирланади:

Борганда пешвоз қўй сўйиб,
Хожи миробга тўн қўйиб,
Кунлар ўтар шу хил тўйиб,
Қўнгиллари хушхол экан.

Хоҳ рози, хоҳ бўлсанн хуноб,
Юрт-элга сув бермай мироб,
Хожи ерин қилмиш сероб,
Дехқон учун қаттол экан.

«Обид мингбоши ҳақида ҳажв» саёҳатномасида қишлоқдаги миробдан кўра каттароқ амалдор ҳақида, бўлис бошлиғи бўлиб турган мингбоши—Обид мингбошининг кирдикорлари ҳақида ҳикоя қилинади. Саёҳатнома шундай муқаддима билан бошланади:

Ҳайҳот, эшигсангиҳ улус,
Обид деган Қайнар бўлис,
Мансаб эсиз, ҳайфи жулус,
Бадлафзу, бадгуфттор экан.

Бу муқаддимадан кейинги бандларда баён қилинган воқеадан маълум бўлишича, Завқийнинг Каримбобо қишлоғидаги ерининг атрофи девор билан ўралмаган бўлиб, у ерга бойнинг чорваси тушиб ўтлар, экинларни пайҳон қилиб, дараҳтларни ғажир экан. Шунинг учун шоир бўлис бошлиғи Обид мингбоши олдига бориб, бу аҳволдан шикоят қиласди. Лекин илгарироқ бой томонидан оғзи мойланиб қўйилган мингбоши Завқий арзини эшитиш ўрнига уни ғазабланниб қарши олади ва маҳкамасидан ҳайдаб чиқазади. Бундай адолатсизликка дуч келган шоир мингбоши ҳақида ҳажв ёзиб, ўз ғазабини ифодалайди. Автобиографик маълумотларни ўз ичига олган саёҳатнома воқеаси шундай банд билан бошланади:

Дашт ерда мулким бор эди,
Атрофи белевор эди,
Бой чорваси ўтлар эди,
Қўй-эчкилар озор экан.

Саёҳатноманинг мингбоши образини чизишга бағишланган бандлари, айниқса, ёрқин чиққан:

Қайнар гапи Қайнар булоқ,
Хеч сўзга солмайди қулоқ,
Улсун емай эчки-улоқ,
Кўп порахўр мурдор экан.

Чақсам чиён деб мақтанур,
Мен кўп ёмон деб мақтанур,
Умрим пиён деб мақтанур,
Уз айбига иқкор экан.

Бор эшагини кет, деди,
Завқий уйингга ет, деди,
Мен бир қопонғич ит, деди,
Беномусу беор экан.

Бу сатрларда Обид мингбоши қишлоқнинг чекланмаган хуқуққа эга бўлган якка ҳукмдори сифатида гавдаланади. Завқий яратган Обид мингбоши образи Муқимий ва бошқа демократ шоирлар яратган маҳаллий амалдорлар образидан ҳеч фарқ қилмайди. Обид мингбоши ҳам колонизатор-чиновниклар паноҳида ишлаётган порахўр, бюрократ амалдорларнинг типик вакилидир.

В. И. Ленин Россияда чор ҳукумати томонидан ўрнатилган ва бошдан-оёқ зўравонлик, бюрократизм, порахўрлик асосига қурилган давлат аппаратига характеристика бериб, шундай деган эди:

«Россиянинг қолоқлигига ва унинг абсолютизмига яраша халқ чиновниклар олдида бутунлай ҳуқуқсизdir, имтиёзли бюрократия бутунлай озоддир... Рус халқининг жуда кўп ва

энг хилма-хил табақалари чексиз ҳуқуқларга эга бўлган масъулиятсиз, сотқин, ваҳший, жоҳил ва текинхўр рус чиновникларига қарши душман бўлиб қолган».¹

В. И. Лениннинг чор чиновниклари ҳақида айтган бу сўзлари тўлалигича собиқ Туркистондаги маҳаллий амалдорларга ҳам тааллуқлидир. Бу ҳақиқат кўп тарихий ва адабий фактлар орқали исбот қилинганидек, Завқий саёҳатномаси материалларидан ҳам кўриниб туради. Завқий маҳаллий амалдорларнинг ўтакетган бюрократ эканликларини чекланмаган ҳуқуқ билан меҳнаткаш халққа зўрлик кўрсатишларини алоҳида таъкидлайди:

Арз бирла кўп бечоралар,
Баври эзилган ёралар,
Бағри эзилган ёралар.
Раҳм айламак душвор экан.

«Сув жанжали» ва «Обид мингбоши ҳақида ҳажв» асарлари бадиий хусусиятлари — бандлар системаси, қофияси, радифи, вазни жиҳатидан демократик адабиётдаги саёҳатномаларга тамомила ўхшаса, ҳам, лекин бир масалада — асарнинг яратилиш тарихида бошқа саёҳатномалардан фарқ қиласди. Демократик адабиётдаги бошқа саёҳатномалар саёҳат хотираларини баён қилиш асосида юзага келган бўлса, Завқий асарлари бошқа сабаблар асосида майдонга келган. Лекин Завқий саёҳатномаларининг ўзига хос бу хусусиятидан қатъи назар, улар мазмуни, ғоявий йўналиши, бадиий-стилистик хусусиятлари жиҳатидан бошқа саёҳатномалардан фарқ қиласди. Завқийнинг «Сув жанжали», «Обид мингбоши ҳақида ҳажв» саёҳатномалари демократик адабиётдаги танқидий реализмнинг муҳим намуналаридандир.

«Шоҳимардон хотираси» саёҳатномаси 1898 йилда, Завқийнинг Фарғона водийсидаги гўзал манзил бўлган Шоҳимардонга қилган саёҳати даврида ёзилган. Саёҳатномада Завқий Шоҳимардон табиати, гўзал манзаралари ва бойликлари ҳақида фикр юритиб, бу ажойиб шифобаҳш ўлкадан олган таассуротларини завқ-шавқ билан тасвирлайди. Саёҳатнома ўзининг тематикаси, мазмуни ва умумий услуби билан тамомила Муқимий саёҳатномалари руҳида ёзилгандир. Чунончи:

Саҳни ажойиб хуш ҳаво,
Ҳам руҳпарвар, жонфизо,
Хушбўй кўринган ҳар гиёҳ,
Жамбил билан райҳон экан.

Кабклари бўйнин чўзиб,
Юз савт ила нағма тузиб,

¹ В. И. Ленин, Асарлар, 2- том, 366- бет.

Булбул наволар кўргузиб,
Тўтиси хуш илҳон экан.

Бўлса керак бул тоғлар,
Қам-кам чиройли боғлар,
Ҳеч кимса кўрмас доғлар,
Қўнгли аро қолгон экан.

Завқийнинг «Шоҳимардон хотираси» саёҳатномаси ўзининг маълум хусусиятлари билан ажралиб туради. Унда пейзаж тасвирига катта ўрин берилган бўлиб, асар табиат лирикасининг гўзал намунаси деб қаралиши ҳам мумкин.

ЗАВҚИЙ ДОСТОНЛАРИ

«Воқеаи қози сайлов». Бу достон Завқий асарлари орасида то-пилган икки достоннинг бири бўлиб, у 1909-1910 йиллар атрофида ёзилгандир. Достон 65 байт, 130 мисра шеърни ўз ичига олади. Достоннинг асосий мавзуи сўнгги асрлардаги адабиётимиз учун таниш бўлган сайлов масаласидир. Маълумки, бу тема адабиётимизда Завқийдан олдин ҳам (Муқимий), ундан кейин ҳам (Ҳамза) ишланган ва бу темада бир қанча бадиий асарлар яратилган.

Завқий ўз достонини қўйидаги мисралар билан бошлайди:

Сиз эшитсангиз, аҳли Фарфона
Айтайн бир ажойиб афсона.

Қиласман бир ҳикояи сайлов,
Бир киши қозию, чиқди бирор.

Бу муқаддимадан сўнг шоир воқеа баёнига ўтади. Ҳокимлар томонидан Қўқон шаҳрининг Хўжанд даҳаси қозилигига сайлов эълон қилингандан сўнг, қозилик мансабини талашиш ҳангомаси бошланиб кетади. Достонда тасвирланишича, рақобатда иштирок қилувчи кўп одамлар ичиди айниқса, икки даъвогар (қозилик мансабида ўша вақтда ишлаб турган мулла Қамол билан собиқ қози мулла Ҳакимжон) ажралиб туради. Мулла Қамол аслида шаҳрихонлик бўлиб, Қўқонда Шокирқора, Олимқовоқ ва Ҳасанжон аъламлар билан тил биринтириб олган ва истаганча номаъқулчиликлар қиласмида. Сайлов эълон қилингач, у ўн минг қарз қўтариб, хўп сарф қиласмида, катталарга по-ра бериб, сайловчиларнинг оғзини мойлашга ҳаракат қиласмида. Собиқ қози мулла Ҳакимжон ҳам қараб турмайди. Атрофига Солиҳез, Мўминшоҳ каби бойларни, Шоҳ Иноят қўрбоши каби амалдорларни тўплаб олиб, ишга киришади. Мулла Қамол билан Ҳакимжон қози ўртасидаги тортишув оқибати, тарафматараф бўлиб, муштлашишгача бориб етади. Лекин ишнинг тизгини шаҳар ҳокими Мединский қўлида эди:

Қим қози Камолга бориб бир-бир,
Сўзлаб дедилар: «Айлагил тадбири».

Бир-бирин уриб бошини ёрди,
Дод деб ул ҳоким олдига борди.

Ҳоким Мединский ўз приставлари ва бошқа амалдорлари билан кенгашиб, Ҳўжанд даҳаси қозилигига мулла Ҳакимжонни белгилади, чунки шоир Завқий таъбири билан айтганимизда, мулла Ҳакимжон илгарироқ ҳокимлар билан «ишни пишириб» қўйган эди:

Ҳоким Мединский, приставлар
Келди, жамоа ўлтурубдиirlар.

Тамоми можарони бир-бiri сўрди,
Бу хилда халқ иттифоқини кўрди.

Мақтадилар Ҳакимжонни ишириб,
Қўйиб эрдилар ишин пишириб.

Ҳакимжонга бўлиб ҳоким ройи.
Дедиким: «қозилик бунинг жойи».

Завқий достонни характерли сатрлар билан тугатади:

Бу воқеа, Завқий, эмас ёлгон,
Мулло Камол бўлур шоҳиду бурҳон.

Шу сатрлар асар учун ҳақиқатда бўлиб ўтган воқеалар асос қилиб олинганини таъкидлайдики, бу ҳол унинг реалистик кучини янада оширади, жанговарлик руҳини кўтаради. Ҳақиқатан ҳам, чоризм ўрнатган тартиблардан бири маҳаллий амалдорларни сайлаш усули эди, бу воқеа атрофида қанчадан-қанча комедиялар ўйналиб, қанчадан-қанча фожиалар рўй берар эди. Тарихимизнинг сўнгги босқичларидағи сайлов можароси натижасида юз берган комедияларнинг бири Завқийнинг ана шу «Воқеаи қози сайлов» достонида акс эттирилган.

«Қаҳатчилик». Муҳим социал ҳодисаларни акс эттиришга бағишиланган бу достон 1916 йилнинг баҳор ойларида ёзилган бўлиб, у 46 байт, 92 мисра шеърдан иборатdir. Достон арузининг ҳазаж баҳри тармоқларидағи «ҳазажи мусаддаси маҳзуф» (Мафоилўн, мафоилўн, фаулўн) вазнида ёзилган.

Достоннинг темаси Улуғ Октябрь социалистик революцияси арафасида халқ ҳаёти ва курашларидаир. Бу кенг кўламдаги муҳим тема достонда асосий марказий масала қилиб олинган. Достонда тасвир қилинган конкрет воқеа биринчи жаҳон уруши натижасида вабо ва очлик, қаҳатчилик азобига гирифтор бўлган Қўқон халқининг 1916 йилдаги норозилик ғалаёнидир.

Завқий достон воқеасини тасвирлашга киришишдан аввал муқаддима ясади. Экспозиция ролини ўйновчи бу муқаддимада шоир фожиавий тус олиб кетган ўша давр ҳаётига умумий характеристика беради ва унинг таъсири остида ўзида туғилган оғир руҳий ҳолатдан дарак беради:

Каҳатчилик бўлди бу Фарғонамизда,
Топилмас парча нон вайронамизда,

Паямбар бўлса нон, ош-авлиёдур,
Яна очлик давосиз бир балодур

Ўлим хавфи ўраб қишлоқларни,
Не кишлоқу жибол авлоқларни,

Қирилди қанча одамлар вабодин,
Нишона қолмади меҳру вафодин

Шишиб ўлганни кўммакка киши йўқ,
Ким ўлган бирла одамни(нг) иши йўқ.

Киши боқмас жигар, ҳамсоясиға,
Қочиб шафқатки Анқо соясиға.

Халқ ғалаёнини тасвирлаш достон марказини ташкил этади. Бу воқеаларда шоир кузатувчилик ролини ўйнайди. Қунлардан бирида Қўқоннинг янги шаҳрига чиққан шоир бош кўтарган халқ оломонининг устидан чиқиб қолиб, шу ерда бўлиб ўтган воқеаларнинг гувоҳига айланади:

Чиқиб эрдим бугун янги шаҳарга
Кўзим тушди бу янглиғ шўру шарға.

Яланга тўпланибди кўп халойик,
Сўз айтур ҳар бири ҳолиға лойиқ.

Бу ялангликка тўплангандан ва «ҳар бири ҳолиға лойиқ» гапи-раётган одамлар оч, яланғоч қолган халқ эди, улар ҳукумат маъмурларидан нон талаб қиласади:

Ҳамма шовқин солиб, ким юлди сочин,
Дедилар: «Барчамиз оч, қил иложин».

Бу янглиғ хор бўлғайму одамзод,
Агар қодир эсангким, айла имдод...

Фариб, бечоралар очу яланғоч,
Ғанийлар айтадур: «ёндошмагил, қоч!»

Достонда тасвирланаётган воқеа очлик ва унинг оқибатларига доир бўлиб, вабодан, очликдан қирилиб кетаётган халқ ғазаби ҳукумат маъмурларига қаратилган эди. Ҳар қандай халқ талаби чор маъмурлари томонидан ўқ ва олов билан қарши

олинганидек, бечора халқнинг бу ҳақли талаби ҳам ҳарбий куч таҳди迪 билан қарши олинади, ҳукумат маъмурлари томонидан мамойишчиларга тарқалиш тўғрисида бўйруқ берилади:

Килиб эрдики, ҳоким бир ишора,
Ийилди қанча миришаб бешумора...

«Кими ким кўнглида бўлса ёмонлик,
Қиулумиз ҳибс, кўрмас ул омонлик...

...Бориб уй-уйга айланглар дуони,
Худойим арасин оқ подшони».

Қўзголон кўтариб, намойиш қилиб кўчага чиққан халққа ҳукумат маъмурларининг қуролли кучни қарши қўйиши қандай натижаларга олиб келишини тасаввур қилиш қийин эмас. Лекин бундай фожиавий вазиятни шоир Завқий батафсил тасвирламайди, аксинча қўйидаги қисқа хулоса билан чекланиди:

Жавобига халойиқ қилди фаръёд,
Қишига бермади нафъ нола-ю дод.

Достон классик адабиётимизда кенг тарқалган, Завқий ижодида ҳам қайта-қайта учрайдиган «замонадан шикоят» мотиви билан тугайди. Тurmушдаги адолатсизликларга кўп дуч келган ва халқнинг фожиали оғир ҳаётини ўз кўзи билан кўриб турган шоир бу аҳволдан қутулиш йўлини конкрет ҳаётый муносабатлар ичидан тополмайди, уни бошқаларга кўрсатиб, улар дардига малҳам ҳам бўлолмайди. Шундай оғир ва бўғиқ шароитда изтироб ичидан қолган шоир романтик кайфиятга берилиб, «каждор замона»га, «золим фалак»ка хитобан айтган аччиқ-аччиқ сўзлари билан ўз алам-ҳасратларини тўкиб-социшдан бошқа иложи қолмайди:

Не бўлғай эрди каждор, эй замона,
Мурувват айласанг топиб баҳона.

Фарнбларни(нг) муродин ҳосил этсанг,
Фақат қут-лоямутга восил этсанг.

Баҳор борони ҳам бенам бўлурми?
Ҳисобсиз неъматнинг ё кам бўлурму!

Ва ё хор айламай мундоғ жаҳонни,
Қаро ер остиға жо қил бу жонни.

Кулоқлар ҳар тарафда кеча-кундуз,
Фалакда бор эмийш қуйруқли юлдуз.

Агар эҳсон дариг тутсанг башардин,
Фалак тоқинг ушалсин шўру-шардин.

«Қаҳатчилик» достони Завқий поэзиясининггина эмас, балки бутун демократик адабиётнинг энг яхши ва кучли на- муналаридан биридир. Достонда Улуғ Октябрь революцияси арафасидаги ҳалқ ҳаётининг асосий ва марказий масаласи—турмушда борган сари авж олиб бораётган социал адолатсизликка, зулмга қарши кураш масаласи акс эттирилган. Бу жи- ҳатдан достон ҳаётий ва чуқур реалистик характерга эгадир. Лекин бу кураш достонда бутун тўлалиги ва чуқурлиги билан ўз ифодасини топмаган. Октябрь революцияси арафасида бу курашнинг ташкилий тус олиб, қудратли кучга айлангани, бу ҳалқ ҳаракатига пролетариат синфининг бошлилк лашдан юқорига кўтарила олмади. Демак, «Қаҳатчилик» досто- воқеаларидан ўрин олмаган. Ҳолбуки, бу даврда бутун Рос- сияда, шу жумладан, собиқ Туркистонда ҳам пролетариат ўз партияси—большевиклар партияси раҳбарлиги остида охирги голибона ҳужумга тайёрланмоқда эди. «Қаҳатчилик» достонидаги бу камчилик шоирнинг тарихий истиқболни кўра билмаслиги ва уни ўз ижодида конкрет ҳаётий ҳодисалар орқали акс эттира олмаслиги билан, умуман, адабиётимизнинг тараққиёт даражаси, жумладан, шоир Завқий дунёқарашибидаги маълум чекланганлик билан изоҳланади. Бу даврда адабиётимиз, шу жумладан, унинг илғор намояндаси бўлган демократ шоир Зав- қий реализм методи билан қуролланган бўлса ҳам, социалистик реализм методини эгаллаш даражасига кўтарилгани йўқ эдики, бу ҳол уни тарихий истиқболни кўриш ва бу процессни адабиётда акс эттириш имконидан маҳрум этган эди. Шунинг учун ҳам «Қаҳатчилик» достонида турмушни революцион ку- рашлар билан ўзгартириб, уни қайтадан қуришга отланган иж- тимоий куч акс этмай қолган. Достон мавжуд адолатсизликка, зулмга қарши стихияли курашни, норозиликни, исённи тасвир- лашдан юқорига кўтарила олмади. Демак, «Қаҳатчилик» досто- нининг реализм асосида, ҳаётий ҳодисалар заминида ёзилган бўлиши Завқий поэзиясининг кучли томони бўлса, унинг со- циалистик реализм даражасига кўтарила олмагани, ҳаётий ҳодисаларни бутун чуқурлиги, тўлалиги билан, революцион та- раққиётда кўрсата олмагани эса шоир поэзиясининг кучсиз томонидир.

ЗАВҚИЙ ПОЭЗИЯСИННИГ ТИЛИ ВА УСЛУБИ

Демократизм ва ҳалқпарварлик ғоялари билан суғорилган Завқий поэзиясида шу янги ғояларга мос тушадиган адабий услугуб, бадиий приёмлар ҳам яратилди. Завқий услубининг энг муҳим белгиси унинг реалистик асосга эга бўлишидир. Бу реалистик йўналиш шоир ижодий лабораториясининг ҳамма процессларида ўз изини қолдирган, унга янги руҳ бағишлаган.

Завқий поэзиясидаги реализм түғрисида фикр юритганда шуни ҳам таъкидлаб ўтиш зарурки, бу реализмда романтика элементлари тез-тез учрағ туради. Реализмнинг романтика бўёқлари билан ўралган бўлиши умуман демократик адабиётга, жумладан, Завқий поэзиясига хосdir. Завқийнинг «Ажаб эрмас», «Фарғона» мухаммаслари ана шундай романтик кўтаринкилик билан ёзилган реалистик асарлардир.

Завқий услубининг умумдемократик шоирлар учун муштарак бўлган бу хусусиятдан ташқари фақат Завқийга хос бўлган белгилари ҳам бор. Завқий услубининг муҳим белгиларидан бири ўз замонасиning конкрет тарихий шахсларига — жонли кишиларига мурожаат қилиб, уларни ўз асарлари учун объект қилиб олиш усулидир. Бундай прототиплар асосида ижод этиш Завқий поэзиясининг турмушга яқинлигини кўрсатиши билан бирга, унинг амалий, ҳаётий лавҳалар яратувчи жанговар руҳидан ҳам дарак беради.

Завқий бир обьектга бир неча марта мурожаат қилиш, ҳар гал унинг янги-янги томонларини кўрсатиб, бадиий образни такомилластиришга эришиш усулини кўп ишлатади. Масалан, демократик адабиёт сатирасида катта ўрин тутган миллий буржува вакили Ҳодижӯжа эшон образи шоирнинг «Вексель», «Воқеаи қози сайлов» сатиralарида ишланади. Чор чиновникларининг йирик вакили бўлган Кўқон шаҳар ҳокими Мединский образини Муқимий бир неча асарларида қаламга олганидек, Завқий ҳам «Дар ҳажви Шоҳ Иноят Қўрбоши», «Воқеаи қози сайлов» асарларида сатирик қиёфасини чизиб, чор чиновникининг образини тўлиқ яратишга ҳаракат қиласди. Маълумки, машҳур реакционер Дукчи эшон образи демократ шоирларда жуда кенг ишланган. Бу ҳақда Завқий ҳам иккита сатирик асар («Ҳажви йикчи эшон», «Пашшалар») ёзган. Шунингдек, маҳаллий бойлардан Кўр Ашурбой ҳожи Шокирқора, Мўминшоҳ, шоҳ Олимлар ҳам шоирнинг «Аҳли раста», «Воқеаи қози сайлов», «Уй пули», «Золим пули», «Абдураҳмон шайтон» сатиralарида қайта-қайта қаламга олинган.

Завқий услубининг ҳарактерли белгиларидан яна бири асарни тамомлашдаги алоҳида усулидир. Завқий ўз асарларини, айниқса, сатиralарини ўпинча шу асарда ҳикоя қилинган воқеаларнинг тўғри эканлигини таъкидлаш ва ҳатто, унга гувоҳлар кўрсатиш билан тугатиб, асар воқеаси ва персонажларининг реал, ҳаётий эканлигига диққатни жалб этмоқчи бўлади. Шунингдек, Завқий баъзи асарларини шу асарнинг аҳамияти ва моҳиятини ҳис этишга, англашга ёрдам қиласидиган мисралар билан тугатади. «Аҳли раста ҳажви» сатирасида Завқий 46 савдогарни фош қиласар экан, бунинг оқибатида реакционерлар томонидан уюштириладиган ҳужумни ўзига қарши

«тикланган дор» билан тенглаштиради ва сатиранинг Қўқон боёнларига қиласидиган таъсирини кўрсатиб беради.

Завқий поэзиянинг кўп турларида ўз иқтидорини синааб кўрганидек, мухаммас шаклида ҳам яхши лирик шеърлар яратди. Завқий ижодида адабиётимиз тарихида учрайдиган мухаммасларнинг деярли ҳамма турларидан намуналар топиш мумкин. Тахмиснинг кам учрайдиган тури ўзи ғазалига ўзи мухаммас боғлаш усулидирки, ҳатто, шу усул ҳам Завқий ижодида қўлланган. Мисол учун шоирнинг «Мен кимга дей» мухаммасини келтириш мумкин. «Мен кимга дей» радифи билан ёзилган бу асаф аслида ғазал бўлиб, сўнгроқ шоирнинг ўзи унга тахмис қиласидаги мисралардан ташкил топган:

Дилдаги розимни, эй боди сабо, мен кимга дей,
Сен кўнгул сиррига маҳрам ошно, мен кимга дей,
Чекканими зулму бедоду жафо, мен кимга дей,
Ҳасратим кўп, бир парига мубтало, мен кимга дей,
Ишқида кўйган юрак бағрим адо мен кимга дей.

Мухаммас шундай банд билан тугалланган:

Соқиё, садқанг бўлай бир нўш тутгил Завқийға,
Йўқ ғалат дерман, шароби хуш тутғил Завқийға,
Риндлар ичра майи мадхуш тутгил Завқийға,
Гарчи икроҳи табиат гўш тутғил Завқийға,
Сенга демай арзи-ҳолим, дилрабо, мен кимга дей?

Завқий услугб равонлигини, мусиқавийлиги ва ёқимлилигини таъмин этиш учун шеър тузилиши элементларидан — вазн, қоғия ва радифлардан яхши фойдаланган. Шоирнинг юксак поэтик маҳоратидан далолат берувчи бундай гўзал намуналардан бири «Офарин» радифли ғазалидир. Ғазалнинг ширали тили, ажойиб тасвирий воситалари тўғрисида тўхталиб ўтирасдан, ундаги оҳанг ва қоғия тузилишига диққат қиласидир. Шеър ғоят ёқимли ва мусиқавий бўлиб, бунга сабаб усталик билан қўлланган ички қоғиялардир. Масалан:

...Қадди ниҳолингга қараб, арбу камалингга қараб,
Шоҳо, висолингга қараб, сultonлар айтур офарин.

Булбул санға нолон ўлиб, қумри ажаб ҳайрон ўлиб,
Тўти кўриб гирён ўлиб, хушхонлар айтур офарин...

Ишқингда кўп оворалар, борсун қаён бечоралар,
Хуснинг аро парвоналар, куйгандар айтур офарин...

Завқий қулингни додига, тун кечалар фарёдига,
Таҳсин этиб абётига жононлар айтур офарин.

Келтирилган бу тўрт байтнинг ҳаммасида ички қоғиялар тўлиқ (қоғиялар ажратиб кўрсатилган) бўлишидан ташқари,

бошланишидаги икки байтда радиф ҳам бор: биринчи байтдағи қараб иккинчи байтдаги ўлиб сўзлари радиф бўлиб келган.

Завқий услубининг соддалигини, равонлигини ва самимиятини таъмин этган хусусият, шубҳасиз, шоирнинг ҳалқ оғзаки ижодига яқин бўлиши ва ундан самарали фойдаланишидир. Завқий ҳалқ донишмандларининг ибратли сўзларини—ҳалқ мақолларини ижодий ўзлаштириб, уларни ўз шеърларида жуда кенг ва ўринли қўллайди. Масалан, Завқий миллий буржуазия вакилларини танқид қилишда ҳалқ мақолларидан шундай фойдаланади:

Фарқ айламай яхши-ёмон,
Ким арпа-буғдой, ким сомон,
Тухмат, ҳақоратлар ҳамон,
Не муддаосиз афандилар.

Яна бир ўринда шундай фактни кўриш мумкин:

Бу масал ким оталмаса сопқон,
Бошу (кети)га тегар отган он.

Бошқа бир ўринда шоир ҳалқ мақолларидан ижодий фойдаланиб, уни қўйидагича қайта ишлаб берган:

Карнай чолиб беморға
Завқий осилмас дорға,
Арзим шу дўсту ёрға;
Ким ҳўл балосиз, афандилар.

Ҳалқ оғзаки ижоди руҳи ва услубида ёзилган бундай мисралар, байтлар, ҳатто, бутун шеърлар Завқий ижодида жуда кўп топилади. Масалан: «Бир чўқиб икки қарайдурғон алоқарғо эшон» («Ҳажви йикчи эшон»), «Ит қувган соқовдек ҳовлиқиб», «Бир эски тўнга бу хусуматинг», «Тўпаланг қилиб, кўча чангитиби» («Таладинг баринг»), «Ялоғ ийӯқ суқмаган бош, эй саги бозор, кетсанг-чи», «Ипакдек гоҳ мулоим, келса истар шинваё ҳожи», («Абдураҳмон шайтон») ва ҳоказолар.

Завқий ўз шеърларини, умуман, ҳалқ оғзаки ижодининг умумий мазмунига мослаштиришга, ҳалқ қўшиқларига ўхшатишига тиришиб, баъзан катта муваффақият қозонди. Шунинг учун Завқий шеърлари ҳалқ қўшиқларидаги аниқлик ва самимийликни, тийран маъно ва жўшқин услубни эслатади. Мисол учун унинг «Қулоқ солинг, ёронлар» шеъридан қўйидаги парчаларни келтириш мумкин:

Йигиб ҳамшираларни,
Мўғлуқ бокираларни,
Шом этди тийраларни,
Соврулди хонумонлар.

Кулфат тушеб бошиға,
Оғу тушеб ошиға,
Келмай киши қошиға,
Акрону мәхрибонлар.

Йўқ истаса халойик,
Дардға табиби ҳозик,
Раҳбар бўлурга лойик,
Бошига соябонлар.

Бу парчадаги қисқа вазили сатрлар, тўртлик системаси, қоғияланиш усули, ниҳоят, шеърнинг умумий услуби ва руҳи халқ қўшиқларининг энг яхши намуналарини эслатади.

Завқий поэзиясининг тили ўзининг муҳим хусусиятлари билан бошқа шоирлар тилидан фарқ қиласди. Унинг энг характерли белгиси жонли халқ тилига яқинлигидир. Завқий тилининг луғат составида жонли халқ тили хазинасидан олинган сўзлар анча кўпdir. Унинг шеърларида араб ва форс тили элеменглари ҳам учрайди, албатта. Лекин улар жуда оздир. Завқий ўз асарлари тилининг халқчиллиги, жонли халқ тилига қаттиқ суюниши билан, ҳатто, яқин дўстлари бўлган Муқимий ва Фуркатлардан ҳам ажralиб туради.

Завқий поэзияси тилининг халқ тилига бунчалик яқин бўлиши бежиз эмас, албатта. Бунинг энг муҳим сабаби, шубҳасиз, Завқий поэзиясининг демократизм ва реализмга асосланган илгор ғоявий йўналишидир. Бундан ташқари, Завқий ижодининг тематикаси, айниқса, ундағи ҳажвгўйлик, конкрет шахслар, прототиплар асосида яратилган персонажлар, яъни Завқий асарларининг реал, ҳаётй мазмуни уларнинг тил хусусиятларини ҳам белгилаб берди, тилдаги демократизми таъмин этди.

Завқий поэзияси тилининг яна бир характерли белгиси шуки, унда мураккаб фикрларни ифодалашда халқ ишлатадиган бутун бир бирикма ва ифодалар ҳам қўлланилади. Масалан, «Фонус» шеърида фонусни ўзига ром қилиш мақсадида унга шундай мурожаат этилади:

Қўнгулда бўлса ногоҳ, мен бирла ошнолиғ,
Борган замони дарров чопқилла, юр, фонус.

Еки Муқимий билан қилган мушоирасида касал, ориқ, ҳароб от таърифида шундай дейилади:

Бу падар лаънат ҳаром ўлгур отим,
Ҳар қачонким, мен минар бўлсан касал.

Бу байтлардаги дарров чопқилла, падар лаънат, ҳаром ўлгур бирикмалари халқ тили бойлиги хазинасидан олинган бўлиб, улар Завқий томонидан ёдабий тилга киритилган стилистик бирикмалардир. Завқий поэзиясида бундай ифода ва бирикмалар кўпdir. Бу ўринда шуни ҳам қайд қилиб ўтиш

керакки, Завқий поэзиясида адабий тил нормасига сиғмайдиган қўпол, баъзан парнографик характердаги сўзлар ҳам учраб турадики, поэтик тилдаги бундай фактлар гарчи сийрак учраса ҳам, йўл қўйилиши мумкин бўлмаган камчиликдир.

Завқий тилининг кучли томонларидан яна бири унда рус-интернационал сўзларининг қўлланилишидир. Бутун демократик адабиётда бўлгани каби, Завқий ижодида ҳам бу масалада катта новаторлик кўзга ташланади. Ҳаётда туғилган янги ижтимоий ҳодисалар муносабати билан алоқа воситаси сифатида қўлланиб келаётган қатор рус-интернационал сўзларини Завқий ўз поэзиясида дадиллик билан қўллаб, уларни адабий тил бойлигига айлантирди. Чунончи, *вексель*, *банка* (банк), *пристав*, *бўлус* (волость), *большевик* ва бошқалар ўзбек адабий тилига демократ шоирлар ижодий тажрибаси орқали кириб келаётган янги сўзлар эди. Завқий шеърлари контекстидаги сўзлардан ташқари, айрим рус сўзлари, ибора ва биринмалари ҳам учрайди. Шоир ишлатган рус сўзлари, кўпинча, стилистик тақозоси билан поэтик приём тариқасида қўлланган бўлиб, шеър услугига алоҳида оҳанг бағишлаган. Масалан, раста амалдорларидан бирининг васфида Завқий шундай дейди:

Қўр бўлмаса пул оқиб келурму,
Бу бадшакл, слепоӣ дуракка.

Завқий яна бир ўринда калиш таърифида ўзбек тилидаги тавсифлар билан қаноатланмай, русча *хорошо* сўзини ҳам ишлатади ва бу билан шеърнинг юмористик услубини ҳам таъкидлагандек бўлади:

Ўруслча маҳтаса Завқий: *хорошо*,
Жувон, пир, марду зан монанди ишдур.

Завқий поэзияси тилидаги бу хусусиятлар — жонли халқ тилига яқинлашиш, рус-интернационал сўзларини журъат билан адабий тилга киритиш ўзбек адабий тилининг янги элементлар ҳисобига бойиб бораётганлигини англатар эди. Шунинг учун ҳам ўзбек адабий тили XIX асрнинг иккинчи ярмида демократ шоирлар, шу жумладан, Завқий ижоди туфайли ўзининг янги тараққиёт босқичига кўтарилиди.

Хулоса. Завқий уч революцияни: 1905—1907 йиллардаги биринчи рус революциясини, 1917 йил февраль буржуа революциясини ва, ниҳоят, Улуғ Октябр социалистик революциясини ўз ичига олган гоят мураккаб тарихий шароитда яшаб ижод этди. У ёрқин ижодий қиёфаси, оригинал услуби билан адабиётимиз тарихида алоҳида ўрин тутади ва бошқа шоирлардан ажralиб туради.

Завқий замон билан бирга яшади, тарихий давр билан бирга ривожланиб, ажойиб ижодий эволюцияни бошидан кечир-

ди. У ўз ижодий фаолиятини XIX асрнинг 60—70-йилларида феодал-сарой адабиёти ҳукмронлик қилиб турган шароитда кичик лирик шеърлар ёзиш билан бошлаб, тез суръатлар билан ижод чўққиларига интилди, гражданлик мотивларидаги сиёсий лирика орқали ҳажвгўйлик даражасига кўтарилди. Завқий ўз замондошлари Муқимий, Фурқат, Нисбат, Муҳаййир ва Фарғона водийсидаги бошқа прогрессив шоирлар билан ҳамкорликда ўзбек адабиётида демократик йўналишнинг шаклланиши учун курашди **ва зўр ижодий натижаларга эришди**.

Завқий оддий халқ ичидан чиққан ҳамда бутун куч ва истеъодини меҳнаткаш халқ манфаати учун сарф этган демократ шоирдир. Завқийнинг узоқ умрли ижодий фаолияти учун хос бўлган хусусият шуки, у Муқимий вафотидан, Фурқатнинг чет элларга қилган саёҳатидан сўнг ҳам адабиётда демократик позицияларни изчил давом эттириди, илгор ижодий принципларни реакционер руҳонийлар, мунофиқ миллий буржуазия мафкурачилари—жадидлар ҳужумидан мустаҳкам туриб ҳимоя қилди. Завқий умрининг охиригача ўз ҳаётий фаолиятида ҳам, ижодий фаолиятида ҳам эл-халқ билан бирга бўлди:

Дўзанда, косиблик ишим,
Эл бирладур ёзу-қишим.

Завқий ўз шеърларидан бирида таъкидлаганидек, бутун ижодий қобилиятини халқ учун сафарбар қилган эди. У зулм ваadolatcizlik ҳукмронлик қилган ўша замонларда «зимистон бўлган халқ кўнглини» поэзия кучи билан «баҳору ёз қилиш»ни, «эл кўнглини сарафroz қилиш»ни, яъни ўз поэтик истеъододи билан халқа хизмат этишни мақсад қилиб олган ва шу мақсадига умрининг охиригача содиқ қолган халқ шоири эди:

Завқий, ким аиди, мунча шикоятда дароз қил,
Сўзни мухтасар айлаб, иборатни оз қил,
Ким зимистон кўнгилларни баҳору ёз қил,
Қад рост туриб, сўз била элни сарафroz қил.
Айтмай дессанг, муносиби ашъор мунча кўп.

Завқийнинг Улуғ Октябрь социалистик революциясидан сўнг ёзган ижтимоий мавзулардаги шеърлари эса ўз ғоявий мазмуни билан ўзбек совет поэзиясининг илк намуналаридан, деб ҳисобланади. Шу жиҳатдан уни ўзбек поэзиясининг бошланиш давридаги ижодкорлардан бири ҳисобланса бўлади.

Комил Хоразмий

(1825—1899)

Комил Хоразмий кучли традицияга эга бўлган Хоразмдаги прогрессив адабий ҳаракатнинг Мунис Хоразмий, Огаҳий, Аваз Ўтар, Баёнй каби истеъоддли намояндадаридан биридир. Комил Хоразмий XIX асрнинг иккинчи ярмида, Хива хонлигининг Россияга вассал сифатида қўшилиши даврида яшади ва шу тарихий даврни ўз ижодида акс эттиради. Комил Хоразмий нинг шахсияти, дунёқарashi ва поэзияси шу янги тарихий давр заминида, бу давр ҳаётининг асосий белгиларидан бири бўлган рус маданияти таъсири остида шаклланди. Комил Хоразмий ижодий фаолиятининг асл моҳияти, тарихий аҳамияти ҳам унинг Хива хонлигига ҳукмронлик қилиб келаётган асрий қо-лоқликка, ўрта аср жаҳолатига ва хурофотига қарши олиб борган курашидадир.

ҲАЁТИ ВА ИЖОДИЙ ФАОЛИЯТИ

**Комил Хоразмий
ижодини ўрганиш
тариҳидан.**

Комил Хоразмийнинг ижоди ўзи тирик вақтидаёқ ўрганила бошланган эди. Комил Хоразмий ижодий қиёфаси замонасининг пешқадам кишилари эътиборини жуда эрта ўзига жалб этди. XIX асрнинг тилшунос олимларидан Шайх Сулаймон Бухорий ўзининг машҳур «Луғати чигатой» асарида чигатойча (қадимги ўзбекча) сўзларга изоҳ берганда, Лутфий, Навоий, Бобир ва бошқа улуғ сўз санъаткорлари қаторида Комил Хоразмийга ҳам мурожаат қиласиди ва қатор сўзлар маъносини унинг поэзиясидан олинган бадиий парчалар асосида аниқлаб чиқади.

Комил Хоразмий ижодини унинг ўз замондошлари юқори баҳолаганлар. Тарихчи олим ва шоир Огаҳий Комил Хораз-

мий ижодининг аҳамияти тўғрисида сўзлаб, уни «фазл ва ҳунар аҳли орасинда мумтоз» деб баҳолайди. Чунончи, Огаҳийнинг ЎзССР Фанлар академияси Шарқшунослик институтида (инв. № 79) сақланаётган «Гулшани давлат» китобида Комил Хоразмий ҳақида шундай дейилади: «Наврас фикр ва тоза табъ шуародин, фазл ва ҳунар аҳли орасинда мумтоз Паҳлавон Ниёзким фозиллар гуруҳи ичра тахаллуси Комилдир».

XIX аср охиirlари ва XX аср бошларида Хоразмда тузилган кўпгина баёзларда Комил Хоразмий асарларидан намуналар берилиши тасодифий эмас, албатта. Аҳмад Табибий ҳам 1908 йилда тартиб берган «Мажмуатуш-шуаро» асарида Комил Хоразмийга машҳур шoirлар қаторидан жой ажратган. Революциядан илгари Туркистанда чиқсан вақтли матбуот ҳам Комил Хоразмий ижодини ўрганиш ва оммалаштириш ишига бефарқ қарамаган, чунончи, унинг бир қанча шеърлари Тошкентда «Туркистан вилоятининг газети» саҳифаларида нашр этилган.

Комил Хоразмий ҳаёти ва фаолиятини атрофлича ўрганиш, поэтик ижодини илмий асосда баҳолаш ишлари айниқса Совет ҳокимиyati йилларида амалга оширилди. Бу катта кўламдаги маданий ва адабий меросга марксча-ленинча таълимот нуқтаи назаридан ёндашиб натижасида Комил Хоразмий ҳаёти ва ижодини тўғри ва атрофлича илмий тадқиқ қилишга муяссар бўлинди. Чунончи, Б. Раҳмонов ва М. Юсуф Девонзодаларнинг 1925 йилда Москвада нашр этилган «Хоразм мусиқий тарихчаси» китобида Комил Хоразмий музика маданиятимизнинг машҳур арబбларидан бири сифатида тилга олинади ва тавсифланади. В. Беляевнинг 1933 йилда Москвада босилган «Ўзбек музика асбоблари» («Музыкальные инструменты Узбекистана») номли асарида ҳам Комил Хоразмийнинг музика соҳасидаги хизматлари талқин этилади.

Адабий-тарихий асарларда Комил Хоразмий номи кўпдан бери тилга олиниб келинаётган бўлса ҳам, унинг адабий ижоди ҳақида қисқача маълумот берувчи асарлар қирқинчи йиллардагина пайдо бўлди. Бу жиҳатдан адабиётшунос Олим Шарафуддиновнинг 1945 йилда республика олий ўқув юртлари учун Тошкентда нашр этилган «Ўзбек адабиёти тарихи хрестоматияси»ни мисол қилиб кўрсатиш мумкин. Шундан сўнг Комил Хоразмий номи шоир ва маданият арбоби сифатида мактаб ва олий ўқув юртлари программа ҳамда дарслкларида, адабиёт анталогияларида, адабий-танқидий очеркларда тез-тез тилга олиниб, унинг ижоди тарғиб қилина бошланди. Ҳозир Комил Хоразмий ҳаёти ва фаолияти ҳақида маҳсус ёзилган ва нашр этилган қатор илмий мақола ва монографиялар бор. Чунончи, адабиётшунос М. Юсупов 1947 йилда Комил ижоди ҳақида кандидатлик диссертацияси ёқлаб, 1960 йилда шу диссертация асосида шоир яшаган даврни, унинг ҳаёти ва

ижодини акс эттирувчи «Комил Хоразмий» номли китобчасини нашр эттириди. Комил Хоразмийнинг «Танланган асарлар»и биринчи марта бошлари Тошкентда 1961 йилда нашр этилди. Кейинги йилларда Хоразм театри саҳнасида қўйилаётган Юнус Юсуповнинг «Тун ва ноҳун» драмаси Комил Хоразмийнинг ҳаёти ҳамда ижодига бағишиланган. Комил Хоразмий ижоди ҳақида ги илмий ишлар кўп бўлмаса ҳам, лекин шоир шахсини аниқлаш, унинг ижодий меросини баҳолаш иши амалга оширилган. Совет адабиётшунослиги олдидаги эндиги вазифа Комил Хоразмий ҳаёти ва ижодига оид бўлган масалаларни атрофлича ишлаб, чуқур илмий монографиялар яратишдан иборатdir.

**Шоир яшаган давр
ва адабий муҳит.**

XIX асрда Хива хонлиги чексиз зулм ва истибдодга асосланган Шарқ феодал давлатининг типик кўринишларидан бири сифатида яшаб келди. Бошқа Ўрта Осиё хонликларида бўлгани каби, Хива хонлигига ҳам теократик идора усули жорий этилган эди. Бу идора усулига кўра, дин сиёсий ҳокимият кучига эга бўлиб, дин аҳллари—шайхлар, қозилар, эшонлар мамлакатни идора қилиш ишига бевосита иштирок этар эдилар. Шарқ феодал идора усулиниң кўринишларидан бўлган бу идора усули ҳукмронлик қилган мамлакатда халқ феодаллар, мулкдорлар ва жоҳид мунофиқ дин аҳллари зулми остида аёвсиз эзилар эди. Бу дарда халқни талаш, тамагирлик, пораҳўрлик расмий давлат сиёсатига айланиб қолган эди. Хонлик идора усулида иштирок этувчи мансабдорларнинг кўпи маошибиз ишлагани учун уларнинг бутун оғирлиги халқ устига тушар эди. Беҳад кўп дин аҳллари эса бутунлай халқ ҳисобига яшар, халқ баданига зулукдек ёпишиб олиб, уни сўриб ётар эдилар.

Бу даврда феодал эксплуатацияси ҳаддан ошган эди. Манбаларнинг кўрсатишига қараганда, бу даврда Хива хонлиги маҳкамаси томонидан жорий қилинган расмий солиқларнинг тури йигирма бешга етган эди. Чунончи «бегор»—катта ариқ, анҳорларни тозалашда иштирок этиб, бажариладиган мажбурий хизмат, «солғут»—ер солиги, «чопар пули»—солиқларни йиғиши бошланиши ҳақида хабар қилувчига бериладиган пул, «милтиқ солиғи»—яроғ-аслоҳа олиш учун йиғиладиган солиқ, «качу»—дамбаларни ясаш ва тузатиш учун тўпланадиган пул, «отланув»—хон овга чиққанда ёки уруш очганда, унинг қўшинида иштирок этиш мажбурияти, «туман пули»—маҳаллий амалдорлар учун йиғиладиган солиқ, «мушрифона»—ерни ўлчайдиган ва ҳосилни аниқлайдиган амалдор учун йиғилган пул, «қорорувл ӯпули», «торози пули», «улоқ тутув» ва ҳоказолар. Шубҳасиз, бу солиқ ва мажбуриятлар халқнинг тинкасини қуришиб, уни ғоят қашшоқлантирап эди. Шунинг учун халқ ғазабланиб

хон ва амалдорларга, жоҳил руҳонийларга қарши бош кўтартган, ўз озодлиги, инсоний ҳуқуқлари учун тинмай курашиб келган. Хон зулмига қарши 1827—1828 ва 1855—1856 йилларда кўтарилигандан қорақалпоқлар қўзғолони, 1855 ва 1863 йиллардаги туркманлар қўзғолони халқ олиб борган озодлик курашларининг ёрқин саҳифаларини ташкил этади. Бу қўзғолонларда қорақалпоқ ва туркманлар билан бир қаторда ўзбек меҳнаткашлари ҳам иштирок этган.

XIX асрда Хива ҳонлиги ижтимоий ҳаётидаги муҳим хусусиятлардан бири феодалларнинг ўзаро уруши кун сайин қучайиб боришидир. Феодал тарқоқлиги айrim вилоятларнинг мустақил давлат бўлиб ажралиб олишга интилиши, майда феодал давлатларини тиклаш йўлидаги сепаратизм ҳаракати бу даврда фақат Хива ҳонлигидага эмас, балки Урта Осиёдаги бошқа ҳамма ҳонликларда ҳам яққол кўзга ташланиб туради. XVII асрда бошланиб, XVIII асрда ҳам давом этган бу сепаратизм ҳаракати XIX асрга келиб гоят кучайиб кетди. Хива ҳонлигидага давом этадиган бу умумий тартибсизликка уч ҳонлик—Бухоро, Хива ва Қўқон ҳонликлари ўртасида тез-тез чиқиб турадиган урушларни илова қилсан, бу ҳонлик сиёсий ҳаётида ўша даврда қандай анархия ҳукмронлик қилганини тасаввур этиш қийин эмас.

Чоризм билан Хива ҳонлиги ўртасида 1873 йилда рўй берган уруш натижасида Хива ҳонлигининг вассал сифатида Россия қарамоғига ўтиши ҳонлик тарихининг бурилиш нуқтаси бўлди. Россия ҳамма миллий ўлка халқлари ҳаётида бўлганидек Хоразм ҳалқи ҳаётида ҳам прогрессив роль ўйнади. Хоразм ҳалқи, чоризм интилишига зид равишда, Россиянинг илғор ижтимоий фикри, улуғ рус меҳнаткашларининг кўрсатган ёрдами ва ҳамкорлиги остида замонавий маданият томон йўл олди, умумдемократик, социалистик ғоялар учун кураш йўлига кирди.

1873 йил воқеаларидан сўнг ҳалокатли оқибатларга олиб борувчи ички урушларнинг барҳам топиши, ҳонликда давом этиб келаётган қул савдосининг тутатилиши, шубҳасиз, ижобий аҳамиятга эга эди. Бу ва шунга ўхшаш кўпигина ҳаётий ҳодисалар, тарихий шароит талаби натижасида, шунингдек, рус илғор фикри ва маданиятининг таъсири остида Хоразм ҳалқи ўртасида прогрессив характерга эга бўлган янги ижтимоий онг ривож топа бошлади. Бу ижтимоий оқимнинг диққат марказида даврнинг асосий ва энг муҳим ҳаётий масалалари, яъни турмуш қайси йўл билан тараққий этиши керак ва рус маданиятига қандай муносабатда бўлиш лозим, деган масалалар турар эди. Турли ижтимоий группалар бу асосий ҳаётий проблемани турлича ҳал қилдилар. Манбалардан маълум бўлишича бу даврда Хоразмда Саид Амирул Умар (ҳон-

нинг амакиси ва қайнатаси) ва Матниёз (шоир Комил Хоразмий) бошчилик қилаётган тараққийпарварлик ҳаракати давом этган. Бу ҳаракат тарафдорлари турмушда ўзгариш ясаш, янгиликка интилиш, шу жумладан, улуг қўшни мамлакат — Россия билан тинч-тотув яшаш ва илгор рус маданиятидан баҳраманд бўлиш гоясини илгари сурар эдилар. 1873 йил воқеаларига бағишланган расмий манбаларда бу тўғрида қўйидагилар ёзилган:

«Хива аҳолиси олти ойдан бери хон зиндонида ётган унинг ўртанча укаси Отажонни зиндондан озод қилиб, илгариги хоннинг амакиси ва қайнатаси Сайд Амирул Умар оталиғида уни хон қилиб тайинладилар. Сайд Амирул Умар ҳозир етмишдан ошган кекса бир чол бўлса ҳам әнча тетик ва донишманд одам эди. У кўпдан бери, ҳозирги хоннинг отаси Сайд Мұхаммад Раҳимхон замонасидан бери Хивадаги сулҳпарварлар партиясининг кўзга кўринган тарафдорларидан бири эди. Бу партия тарафдорлари ҳамма вақт хонни Россия билан аҳил яшашга ундан келганлар. Шунинг учун Сайд Амирул Умарга хоннинг маслаҳатчиси ва ҳамнишини девонбеги Матмурод душманлик назари билан қараб келган. Девонбеги ҳамма вақт, айниқса, кейинги вақтларда, хонни Россияга нисбатан душманлик йўлига бошлаб келган. Ана шундай муҳит таъсирида Сайд Амирул Умар узоқ вақт хоннинг қаттиқ ғазабига йўлиқиб келган»¹.

Шоир Комил Хоразмий ҳам шу сулҳпарварлар партиясининг тарафдори бўлганки, унинг фаолияти ҳақида манбаларда қўйидаги маълумотлар учрайди:

«Матниёз, Сайд Амирул Умар сингари, сулҳпарварлар партиясига мансуб кишидир. У паст бўйли, кўзлари катта, сийрак соқол, кўримсиз бир киши эди. У, афтидан, русларга жуда хайриҳоҳлик билан қарап эди... У қирқ беш ёшларда эди»².

«Кекса Сайд Амирул Умар, худди унинг яқин дўсти девонбеги Матниёз сингари, халқ муҳаббати ва ҳурматига сазовор эди. Уларнинг иккови ҳам Хивада сулҳпарварлар партиясининг тарафдорларидан эди. Улар ҳамма вақт Россия билан дўстона қўшничилик алоқаларини тиклаш ва уни давом эттириш зарурлигини ўқтириб келдилар. Лекин уларнинг бу ҳаракатлари натижасиз қолиб келди. Амирул Умар ҳамма вақт Матмуроднинг ашаддий душмани ҳисобланиб келган...»³.

¹ Хивинский поход 1873 году (по официальным источникам). СПБ. 1873, стр. 116.

² М а к-Г а х а н. Военные действия на Оксусе и падение Хивы (перевод с английского), М., 1875, стр. 213.

³ Л о б о с е в и ч Ф. И. Описание. Хивинского похода 1873 г. СПБ. 1898, стр. 224.

Хоразм жамиятининг илфор қисмида тугилган русларга мойиллик тенденцияси маданий ҳаётда маълум самаралар берди. Чунончи, Хивада рус-тузем мактаблари очилиб, рус тилини ўрганишга бўлган қизиқиш анча кучайди. Пешқадам шоирлардан Аҳмад Табибий, Баёний, Мирзо кабилар рус тили ва маданиятидан яхши хабардор бўлганлар. Маҳаллий халқнинг илфор вакиллари Россияга саёҳат қилиб, рус ҳаёти ва маданияти билан бевосита танишганлар. Оз бўлса-да, Россиядан мунтазам суратда олиниб турган газета ва журналлар воситасида Хоразмга аста-секин Россия пролетариатининг озодлик гоялари тарқала бошлади. XIX асрнинг 70-йилларида Хивада литография ташкил этилиши ўлкада маданият, маориф ишларининг куртак отишига йўл очди.

Ижтимоий ва маданий ҳаётдаги бу силжишлар адабий ҳаётга ҳам таъсир этмай қолмади. Бу даврдаги адабий ҳаёт Хива саройнда марказлашган эди. Хива саройи адабиёти моҳият эътибори билан феодал-клерикал характерга эга бўлиб, бу адабий ҳаракатга Хива хони Муҳаммад Раҳимхон II бошлиқ қиласи билан шеърлар ёзган бу хон раҳбарлигидаги адабиёт катта социал проблемалардан четда турган, тор сарой манфаатлари доирасида ўралашиб қолган формалистик адабиёт эди. Хива саройидаги адабиётда тақлидчиликнинг авж олиши, унинг расман «пайров адабиёти»га айланиши ҳам шу формализмнинг оқибатидир. Аҳмад Табибий томонидан тузилган ва тарихда «Мажмуат-уш-шуаройи Феруз шоҳий» деб аталувчи антология асосан шу «пайровчилик» асосида майдонга келган шеърларни ўз ичига олади.

Хива сарой адабиётининг формалистик характери уни тематик жиҳатдан ҳам чеклаб қўйди. Бу адабиётда ёлғиз бир тематика — ишқий-шаҳвоний тематика ҳукмронлик қилди. Унда инсоннинг пок ва гўзал туйғуларини, маънавий бойлигини гавдалантирувчи муҳаббат эмас, балки майший кайфиятлар, тор ишқий ҳис-туйғулар акс эттирилди. Шунинг учун сарой адабиёти ишқий адабиётдирки, унинг бу хусусияти уни парнография адабиётига айлантириб юборган.

Феодал аристократиясининг кайфиятини ўзида акс эттирувчи тор сарой доирасидаги бу адабий ҳаракатдан ташқари кенг халқ оммаси ҳаёти билан боғлиқ ва шу омманинг интилишларини ўзида акс эттирган демократик моҳиятга эга бўлган прогрессив характердаги адабиёт ҳам бор эди. В. И. Лениннинг антагонистик жамиятдаги икки хил миллий маданият ҳақидаги доно таълимотининг яққол исботларидан бири шу Хива хонлиги адабиётида учрайди. Хива хонлигидаги адабиёт, бу хонликдаги маданий ҳаёт сингари, бир-бирига зид позицияда турган икки хил адабий ҳаракатни: демократик-

прогрессив адабиётни ва феодал-клерикал адабиётни ўз ичида олади.

Демократик-прогрессив адабиёт ўша давр тарихий заминидан озиқланиб, бир томондан, ўзбек адабиётининг энг яхши традицияларига—Алишер Навоий, Мунис Хоразмий, Оғаҳий традицияларига суюнса, иккинчи томондан, илғор рус маданиятидан, улуғ рус реалистик адабиётидан илҳом олди. Демократик-прогрессив адабиёт ўша тарихий шароитда, XIX асрнинг иккинчи ярмида, феодал ҳонлик тузум замонасида ҳукмрон позицияни ишғол қўлмаган бўлса ҳам, адабий ҳаётда етакчилик ролини ўйнади. У зўр истиқболга эга бўлган муҳим ижтимоий идеалларни илғари сурувчи илғор адабиёт эди. Комил Хоразмий эса ана шу адабиётнинг илғор намояндаси бўлиб, Хоразмдаги мураккаб тарихий вазиятда, тенг бўлмаган адабий жараёнлар кураши муҳитида яшаб ижод этди.

Комил Хоразмийнинг таржима ҳоли. Комил Хоразмий 1825 йилда Хива шаҳрида зиёли оиласида дунёга келди. Унинг отаси Абдулла Охунд Хива мадрасаларида мударрислик қиласида оид адабиётларда у Паҳлавон Ниёз Муҳаммад деб юритилади. «Паҳлавон» сўзи унга ёшлиқ вақтида суюб берилган ном бўлиб, бу ном кейинчалик ҳам сақланиб қолган. Тарихий китобларда эса шоирнинг номи Матниёз шаклида учрайди. Комил ёки Комил Хоразмий шоирнинг адабий тахаллуси бўлиб, камолотга эришган киши маъносини англатади.

Комил Хоразмийнинг ёшлиқ чоғларига оид аниқ маълумотлар сақланиб қолмаган. Тахмин қилиш мумкинки, Комил Хоразмий болалик чоғида ўз замонасининг мактабларидан бирида ўқиган, уни битириб, Хивада мадрасага ўқишга ҳам кирган. Комил Хоразмийнинг ана шу мадрасада ўқиб юрган давридан бошлаб унинг аниқ тарихий фактларга асосланган таржима ҳоли бошланади.

Комил Хоразмий мадрасада ўқиб юрган кезларида отаси Абдулла Охунд вафот этди. Оилада иқтисодий аҳволнинг танглиги туфайли у ўқишини тўхтатишига ва тириклик ишлари билан шуғулланишига мажбур бўлди. У бир неча вақт савдогар бобоси Ҳўжаш Махрам хизматида бўлгандан сўнг, ўқишини давом эттириш имконияти туғилиб, яна мадрасага қайтди.

Комил Хоразмий мадрасадаги ўқишини муваффақият билан давом эттириб, уни битириди. У мадраса программасига мувоғиқ араб ва форс тиллари билан мукаммал танишди. Комил Хоразмийда санъат ва адабиётга бўлган ҳавас эрта уйғонган эди. Мадрасада ўқиб юрган чоғида Шарқ адабиёти классиклари билан танишуви унинг адабиёт ва санъатга бўлган ҳавасини

кучайтириб юборди. У ўз шахсий ташаббуси ва инилиши на-
тижасида ўзбек классик адабиёти билан чуқур танишиб чиқди,
айниқса улуф Алишер Навоий поэзиясини алоҳида ҳурмат ва
муҳаббат билан ўрганди. Комил Хоразмийнинг ўзи ҳам шу
вақтларда шеърлар ёзиши машқ қила бошлаган эди.

Комил Хоразмий мадрасада ўқиб юрган кезларида санъат-
нинг бошқа соҳаларида ҳам ўз қобилияти ва файратини кўрса-
та бошлади: у хаттотлик санъатида зўр маҳорат қозониб, шуҳ-
рат топди, музика масалалари билан ҳам жиддий шуғулланиб,
зўр муваффақиятлар қозона бошлади. Комил Хоразмийнинг
бундай қобилияти ва истеъодини кўрган сарой аҳлари ундаги
имкониятлардан ўз манфаатлари учун фойдаланишга ҳаракат
қилиб, уни саройга хизматга таклиф этдилар. Комил Хоразмий
дастлаб, 1856—1865 йилларда ҳукмронлик қилган Хива хони
Сайд Муҳаммадхон замонасида саройда оддий хаттот вазифа-
сида ишлади. Сўнгроқ, 1865 йилда таҳтга ўтирган Муҳаммад
Раҳимхон II замонасида эса миrzабошилик вазифасини бажа-
ришга киришди. 1873 йилда чоризмнинг Хива хонлигига қилган
ҳарбий юриши даврида ҳам Комил Хоразмий миrzабошилик
вазифасини бажарар эди.

Комил Хоразмийнинг давлат арбоби сифатида Хоразм та-
рихининг энг масъулиятли даври ҳисобланган 1873 йил воқеа-
лари даврида олиб борган фаолияти алоҳида диққатга сазовор-
дир. Тинчлик ва сулҳпарварлик ғоялари учун қурашувчи прог-
рессив партияга мансуб бўлган Комил Хоразмий рўй берәётган
ҳодисаларда актив иштирок этди, юз берәётган конфликтни
халқ ва мамлакат манфаатлари нуқтаи назаридан ҳал қилишга
интилди. Чунончи, хон ва унинг айёр, манфаатпаст масла-
ҳатчиси девонбеги Матмурод русларга қарши ашаддий душ-
манлик сиёсатини ўтказиб, хонликни ҳалокатли уруш ўйлига
бошлаб бораётган бир пайтда Комил Хоразмий сулҳпарварлик
партиясининг бошқа тарафдорлари билан биргаликда бу ни-
зони мумкин қадар тинчлик ўйли билан ҳал қилишга, бекор-
га қон тўкилишига ўйл қўймасликка ҳаракат қилди. Ўша та-
рихий вазиятда Комил Хоразмий ва унинг тарафдорлари олиб
бораётган сиёsat реакцион кучларнинг мутаассиблик ва калта-
бинлик билан илгари сураётган уруш сиёсатидан ўзининг
ҳушёр ва реалистик ўйл тутиши билан ажралиб турар эди. На-
тижада 1873 йилдан сўнг, яъни Хива хонлиги Россияга қўшиб
олиниб, хон вассал сифатида ўз таҳтида қолдирилгандан сўнг
пайдо бўлган вазият тақозоси билан Комил Хоразмий девон-
бегилик вазифасига тайинланади. Собиқ девонбеги Матмурод
реакцион элемент ва хонлик учун зарарли шахс сифатида қўлга
олиниб аввал Фазали (Казалинск)га, ундан Калуга (Калужс-
кая) губернясига сургун қилинади.

Комил Хоразмийнинг бу даврларда халқ ва мамлакат олдиғаги тарихий хизматлари манбаларда алоҳида таъкидланган. Чунончи:

«Девонбеги Матниёз (Комил Хоразмий—F. K.) хон маҳкамасидаги бошқа амалдорлардан ўзининг ақлу фаросати ва оғирлиги билан кескин фарқ қилиб турар эди. Хонни қўршаб олган амалдорлар ичидаги ягона доно ва ҳушёр одам Матниёз эди. У хонликнинг оғир, кулфатли пайтларида, Хива аҳолиси ҳаётмамот кунларини бошларидан кечираётган бир вақтда бутун күд-кувватини сарф этиб, бекорчи ғазаб ва жаҳолатни босишига, англашилмовчиликлар сабабини аниқлашга ва кўтарилган конфликтни яхши натижаларга олиб келишига ҳаракат қилди. Матниёзнинг бу вақтда ўз ватанига кўрсатган хизмати бекиёс катта бўлди. Хива воҳасидаги туркманлар ўртасида тинчлик ўрнатиш, уларда кўтарилган ғазаб ва жаҳолатни тинчлантириш соҳасида ҳам Матниёз кўп ишлар қилди»¹.

Бу даврда Комил Хоразмий рус шарқшуноси А. Н. Кун (1840—1888) билан ҳамкорлик қилиб, унинг Хоразм хонлигини ўрганиш соҳасидаги илмий ишларига яқиндан ёрдам бериб турган.

Умуман, Комил Хоразмий саройда хизмат қилиб турган вақтида хаттотлик санъати билан ҳам шуғулланган ва бу соҳада зўр шуҳрат қозонган. Комил Хоразмий ўша давр маданий ҳаётида китоб тузиш ва тарқатишда муҳим роль ўйнаган хаттотликлар кўп шогирдлар етиштирган устоз даражасига кўтарила олган эди. Комил Хоразмий тарбиясида шуҳрат топган Хоразм хаттотларидан, масалан, Устод Муҳаммад Паноҳ, Худойберган Муҳрикон девон, Муҳаммад Шариф Тарро девон, Матёқуб Ҳаррот девон, ва ниҳоят, шоирнинг ўз ўғли Муҳаммад Расулларни кўрсатиш мумкин.

XIX аср давомида Хоразмда музика маданиятимизнинг бойликларини сақлаб қолиши, уларни ёзиб олиш соҳасида қатор уринишлар бўлди, бу масалада Комил Хоразмий диққатга сазовор натижаларга эришди. Европа нота системаси билан таниш бўлган, Петербург ва Тошкентда рус музикасини кўп мартараб эшитган Комил Хоразмий ўзбек куйларини ёзиб олиш соҳасида янги система яратди. Бу система «танбур нотаси» деб аталади. Комил Хоразмий бу янги системада куйларни ёзиб олиш учун халқ ўртасида энг машҳур бўлган музика асбобларидан бири танбурдан фойдаланди. Комил Хоразмий бу нотада «Рост» мақомининг бош қисмини ёзиб улгурди. Шоирдан кейин унинг ўғли Муҳаммад Расул отаси бошлаган ишни давом эттириб, Хива «Шашмақом»ининг ҳаммасини шу нотада

¹ Лобосевич Ф. И. Описание Хивинского похода 1873 г. СПБ. 1898. стр. 225.

ёзib олган эди. Бу мақом ноталари икки катта китобдан иборат бўлиб, бизгача сақланиб қолган ва ҳозир қимматли музика мепроси сифатида мутахассислар томонидан фойдаланилмоқда.

Комил Хоразмий бастакор — композитор сифатида куйлар ҳам яратган. Унинг «Рост» мақомига боғлаб яратган куйларидан «Мураббай Комил» ва «Пешрави Феруз» куйларининг нотаси бизгача етиб келган.

Шундай қилиб, Комил Хоразмий шоир сифатида адабиётимиз тарихида ўзига муносиб ўрин эгаллаш билан бирга, хаттот, музикачи ва давлат арбоби сифатида ҳам ўтмиш маданияти-миз тараққиётида маълум хизматлари билан шуҳрат қозонди.

Комил Хоразмий бир неча йиллар давомида девонбекалик вазифасида туриб, мамлакатни идора этишда яқиндан иштирок этди. Комил девонбекалик вақтида прогрессив аҳамиятга молик бўлган тадбирларни амалга ошириди. Бу йиллар мобайнида Комил Хоразмийга феодал-сарой реакционерларининг ифво-фитналарига, турли-туман ҳужумларига бардош беришга ва ҳалқ, мамлакат манфаати йўлида тинмай ишлашга тўғри келди. Лекин Комил Хоразмийнинг давлат арбоби сифатида фаолияти узоқ давом этмади. Тахминан, 1879-1880 йилларда хон реакцион гуруҳларнинг актив ёрдами билан собиқ девонбеки Матмуродни Қалуга губернисидаги сургундан Хивага қайтаришга мусассар бўлди ва саройда ўз вазифасига тиклаб, унинг фаолияти учун кенг йўл очиб берди. Матмурод девонбеки қилиб ўтказилгандан кейин Комил Хоразмий расман мирзабошилик вазифасида қолган бўлса-да, ҳақиқатда қувғин остига олинган эди.

Демак, девонбеки Матмурод ҳукмронлиги даврида хонликдаги илфор фикрли кишиларнинг, шу жумладан, Комил Хоразмийнинг қандай оғир аҳволда эканлигини кўз олдимишга келтириш қийин эмас. Комил Хоразмийнинг асарлари ичida шоирнинг ўз аҳволининг оғирлигидан шикоят қилиб, хонга хитобан ёзилган бир шеър бор. Бу шеър Баёнийнинг «Тарихи шажараи Хоразм шоҳий» асарида келтирилган бўлиб, бу қўл ёзма ЎзССР Фанлар академиясининг Шарқшунослик институтида (инв. 9596) сақланмоқда. Автобиографик характердаги бу шеърда шоирнинг қўйидаги ҳолати акс этади:

Менга, эй шоҳим, кўп итоб айлама,
Рам ўтида бағрим кабоб айлама.

Зоринга бериб булбул ўрнида жой,
Хумо ҳамнишинин уқоб айлама.

Қилиб ёд шойиста хизматларим,
Ҳатто бирла саҳвим ҳисоб айлама.

Тузуб суҳбат аҳли жаҳолат била,
Камол аҳлидин ижтиоб айлама.

Кувиб мажлисингдин, мени ғайрни
Мақомимда ноиб маңоб айлама.

Бу воқеаларни ҳикоя қилувчи Хоразм тарихчиси ўз кигодида сарой шоири Йброҳим Султоннинг Матмурод топшириғи билан ёзган шеърини ҳам келтиради. Юқоридаги беш байтга жавобан ёзилган қўйидаги беш байт шеърда Комил Хоразмийни ҳақорат қилиш ва ундан ўч олиш максад қилиб қўйилган эди:

Аё, эй, адаб расмини билмаган,
Бу тур ила шаҳга хитоб айлама.

Бирор шод ўлиб топса ўз рутбатин,
Сен ўз жонингга кўп азоб айлама.

Берор хизматингдин зарап юртга,
Яна дема они ҳисоб айлама.

Чу жоҳил ўзингсан, дессанг яхшидур:
Ки жаҳл аҳлидин ижтиноб айлама.

Хасад ўтини тез этиб сийнада,
Ул ўт ичра бағринг кабоб айлама.

Келтирилган бу факт Матмуроднинг Комил Хоразмийга қарши уюштирган фитналаридан биридир, холос. Комил Хоразмий девонбеги отадиган ўқнинг доимий нишони бўлиб, Хива саройида яшашга ва мирзабошилик вазифасини бажаришга мажбур эди. Вазиятнинг шундай оғир ва омонсиз бўлишига қарамай, Комил Хоразмий реакцияга қарши курашни давом эттиради. Бу курашда унга унинг ўз ижоди ва сўз санъатининг қудрати мадад берор турди. Комил Хоразмий XIX асрнинг 80-йилларидан бошлаб умрининг охиригача қизғин ижодий иш билан шуғулланиб, жуда бой поэтик мерос қолдириди.

Комил Хоразмийнинг Хива саройида ўтказган ҳаётини яқ-қол тасаввур қилишга ёрдам берадиган яна бир факт шоир девонидаги «Ҳасби ҳол» сарлавҳали маснавийдир. Маснавийнинг сарлавҳасиданоқ кўриниб турганидек, у автобиографик характерда бўлиб, шоир ҳаётида рўй берган бир воқеа муносабати билан ёзилган. Бу воқеа Комил Хоразмий билан шоир Рожий муносабатини акс эттиради.

Комил Хоразмийнинг «Ҳасби ҳол» маснавийсига ёзган насторий муқаддимасидан маълум бўлишича, Муҳаммад Раҳимхон II форсча бир асарни «туркий қилиш»ни (ўзбекчага таржима қилишини) Комил Хоразмийга топширади. Нима сабаб биландир, Комил Хоразмий таржимани белгиланган муддатда тугата олмайди. Шунда хон китобнинг бир қисмини шоир Рожийга топшириб таржимага қарашиб юборишини таклиф қиласди. Охирида эса хон бутун таржимани Рожий номига ёздиради ва унга

инъом-эҳсонлар бериб, бир ҳужра тақдим қиласи. Комил Хоразмий «Ҳасби ҳол» муқаддимасида бу воқеаларни баён қилиб, ўз изоҳини қўйидаги сўзлар билан тугатади: «Шул китобни Рожий туркӣ этти, деб дахл этган вақтларида ушбу маснавий битилди».

49 байтдан иборат бўлган бу асарда Комил Хоразмий бутун воқеани батафсил баён этади: китобни таржима қилишида тортган мешақатларини, «кирпикни қалам», «кўзни довот» қилиб, кечалари ухламай меҳнат қилганини ёритади. Асарнинг тугалланиши характерлидир. Асар охирида Комил Хоразмий рўй берган ҳақсизликка норозилик билдириб, хонни адолатга, инсофга ва лутфу эҳсонга чақиради:

Ҳар неча аҳли фазл, донолар,
Илму фазл амрида тавсилолар;

Бордилар бу ҳароб оламдин,
Йўқ, ушбу саройи мотамдин.

Ҳар ким ўз жоҳин айлабон тавсиф
Айладилар китоблар тасниф.

Анга шоҳи атосидур боис,
Лутфи беинтиҳосидур боис.

Манга ҳам шоҳ лутфи ёр ўлса,
Боргоҳида манга бор ўлса.

Ойтғумдур неча навъи китоб,
Билингиз они ё улул албоб.

(«Девони Комил» дан.)

Бу фактлардан Комил Хоразмийнинг оғир ва кулфатли шахсий ҳаётигина эмас, балки у яшаган муҳитни, феодал-сарой муҳитидаги шоирлар аҳволини ҳам яқол англаш мумкин.

Комил Хоразмий бир неча бор Россияга—Москва ва Петербургга ҳам саёҳат қилган. У биринчи марта 1883 йилда Россияга борган эди. Бу саёҳат даврида Комил Хоразмий рус халқи ҳаёти ва маданияти билан яқиндан танишди. У, айниқса, рус музика маданиятига қизиқди, унинг бойликларини, янгиликларини қунт билан ўрганди. Комил Хоразмийнинг музикачи—бастакор сифатида олиб борган фаолиятида, шубҳасиз, илгор рус музика маданиятининг таъсири катта бўлди.

Комил Хоразмий 1891 йилда Тошкентга ҳам келган. Унинг Тошкентга қилган саёҳати давридаги фаолияти ҳақида турли манбаларда маълумотлар сақланиб қолган. Турли безаклар билан безатилиб, маҳсус босилган таклифномага қараганда, 1891 йил 11 сентябрь куни Комил Хоразмий Тошкентда Лахтин типолитографиясида бўлган, унинг ишлари билан яқиндан

танишган. Комил Хоразмий бу саёҳати вақтида рус маданияти-нинг бошқа томонларига ҳам қизиқиш билан қараган. У Тошкентда театр ва гимназияда ҳам бўлган. Бизгача Комил Хоразмийнинг рус музикасидан олган таассуротларини ифода қилувчи «Икки шўх» радифли лирик шеъри сақланиб қолган.

Комил Хоразмий 1896-1897 йилларда яна Тошкентга келган. Бу унинг охирги саёҳати бўлиб, у оғирлашиб бораётган аҳволини тузатиш-даволаниш учун келган эди. Комил Хоразмий бу сафари вақтида Тошкентга бағишилаб катта шеър ёзган. 50 байтдан иборат бўлган бу шеър «Дар баён таърифи ва тавсифи Тошканд» деб аталади. Бу машҳур шеър баъзи манбаларда «Қасидаи наврӯз» деб ҳам юритилади. «Қасидаи наврӯз»нинг кўп қўл ёзма нусхалари бўлганидек, унинг типографик нусхаси ҳам бизгача сақланиб қолган: у ўша вақтда «Туркистон вилояти газети»да босилган эди.

Комил Хоразмий ҳаётининг сўнгги йиллари оғир шароитда ўтди. Бир томондан, Хива саройидаги реакцион доираларининг фитна ва иғволари, иккинчи томондан, кун сайин ёмонлашиб бораётган соғлиғи унинг кайфиятига таъсир этмай қолмади. Шунинг натижасида Комил Хоразмий ҳаётининг сўнгги даври ижодида алам-ҳасрат мотивлари пайдо бўлди. Чунончи, у ўзининг «Йигларман» радифли шеърида дўстларидан ажralиб ёлғиз қолганидан, оғир касалликка мубтало бўлиб, дард-алам ҳасратида куйиб ётганидан нолийди:

Қолиб аҳбобдин танҳо зор ўлгонга йигларман,
Нашотим субҳи софи шоми тор ўлгонга йигларман.

Ҳамиша дўст беражму, фалак бемеҳр, дунпарвар,
Менга не ҳамдаму, не ғамгузор ўлгонга йигларман.

(«Девони Комил»дан.)

Унинг замондоши ва дўсти шоир Баёний Комил Хоразмий умрининг охирларида кўзи ожиз бўлиб, ўтириб қолганини маълум қиласди.

Комил Хоразмий узоқ вақт касал бўлиб ётди. Лекин у жисмоний камчиликка мубтало бўлиб, қаттиқ эзилган, реакционерлар фитнаси натижасида руҳан азоб чеккан бўлса ҳам, ижод этишдан тўхтамади, умидсизликка тушмади. Комил Хоразмий ҳаётининг сўнгги дамларигача санъат ва адабиёт билан машғул бўлди. Комил Хоразмий 1899 йилда 74 ёшида Хивада вафот этди.

Комил Хоразмийнинг^{*} ижодий мероси. Комил Хоразмийнинг ижодий фаолияти тури-тумандир. Комил Хоразмий шоир бўлиши билан бирга, санъатнинг хаттотлик ва музыка соҳаларида ҳам унумли иш олиб бордӣ. Шунингдек, Комил Хоразмий адабиётимиз тарихида таржимон сифатида ҳам танилди.

Комил Хоразмий, асосан, поэзия соҳасида ижод этди. У классик адабиётимиздаги традицияни давом эттириб, Шарқ поэзиясининг ғазал, мухаммас, мусаддас, маснавий, рубойй, қасида каби кенг тарқалган турларида асарлар ёзди. Комил Хоразмий асарлари орасида адабиётимизда кам учрайдиган мусабба, баҳри тавил каби шеърий шаклларнинг ҳам характерли намуналари учрайди.

Комил Хоразмий ўз асарларини тўплаб, девон тузган. Комил девони бизгача турли вариантларда, қўл ёзма ва тошбосма шаклларида етиб келган. Бундан ташқари, XIX асрнинг охири, XX аср бошларида Хоразмда тузилган қўл ёзма баёзларнинг деярли ҳаммасида Комил Хоразмий шеърларидан намуналар учрайди.

Комил Хоразмийнинг девони шоирнинг ҳаёт вақтида ёқ нашр этилган. Комил девонининг биринчи нашри ҳижрий 1298 йилда (мелодий 1880-1881 йилларда) Хива литографияси (тошбосмаси)да босилди. Бу девон 204 бетдан иборат бўлиб, 1773 байт шеърни ўз ичига олади. Комил Хоразмий девонининг иккинчи нашри ҳам шу Хива литографиясида ҳижрий 1313 йилда (мелодий 1895 йилда) босилган. Бу девон ҳам шоир ёзган ҳамма шеърларни ўз ичига олмаган бўлса ҳам, олдинги нашрга нисбатан анча тўлиқдир. Девоннинг иккинчи нашри 232 бетдан иборат бўлиб, 2850 байт шеърдан ташкил топган. Комил Хоразмий девонининг учинчи нашри эса Тошкентда, шоир вафотидан сўнг, 1909 йилда босилгандир. «Девони мавлоно Комил маатавориҳи шоҳони Хоразм» деб аталган бу китоб, айтидан, Комил Хоразмий асарларини тўлиқ тўплаш ва нашр этиш мақсадида тузилмаган бўлса керак. Бу девонга шоир асарларининг маълум қисмигина (2399 байт шеър) киритилган. Шундай қилиб, шоирнинг ҳаёт вақтида Хивада нашр қилинган икки девон ҳам, Тошкентда нашр қилинган учинчи девон ҳам Комил Хоразмий асарларининг тўлиқ тўплами эмас.

Комил Хоразмий асарларини ўз ичига тўла олган девонлар бизгача қўл ёзма ҳолида етиб келган. Улар ЎзССР Фанлар академияси Шарқшунослик институти фондида (инв. №1949 ва 1025) сақланётган девонлардир. Бу девонлардан бири (инв. №1949) ўзининг тўлалиги билан ажralиб туради. У девон 280 бетдан иборат бўлиб, 3680 байт шеърни ўз ичига олади; у ҳар жиҳатдан шоир асарлари тўпламининг асосли ва ишончли нусхасидир.

Комил Хоразмий ўз шеърларини икки тилда—ўзбек ва форс-тожик тилларида ёзган. Шубҳасиз, унинг адабий меросида ўзбек тилида ёзилган шеърлар кўпчиликни ташкил қиласиди.

Комил Хоразмий ижоди Совет ҳокимияти даврида кенг кўламда ўрганилди, асарлари қайта-қайта нашр этилиб, халқ ўртасида тарғиб қилинди.

Комил Хоразмийнинг хрестоматияларда, антологияларда ва бошқа тўпламларда нашр этилган асарларидан ташқари, 1961 йилда ЎзССР Давлат Бадиий адабиёт нашриётида унинг «Танланган асарлар»и ҳам нашр этилди. Тўпламда шoirнинг 36 шеъри берилган бўлиб, бу шеърлар орасида унинг ғазал, мухаммас, маснавий, рубоий ва фардларининг намуналари бор.

КОМИЛ ХОРАЗМИЙ ПОЭЗИЯСИ ВА УНИНГ БАДИИЙ ХУСУСИЯТЛАРИ

Комил Хоразмий шоир сифатида классик поэзиямизнинг энг яхши традицияларининг меросхўри ва ижодий давомчиси бўлди. У зўр истеъод билан классик поэзиямизнинг бой шеърий шаклларини, мураккаб вазн турларини, ранг-баранг услубини чуқур эгаллади ва катта маҳорат билан уларнинг гўзал намуналарини яратди. Комил Хоразмий классик адабиётимиздаги традицияларга мазмун жиҳатидан ҳам ижодий ёндашди. Комил Хоразмий поэзиясининг новаторлигини, оригиналлигини яққол кўрсатувчи энг мухим хусусият шуки, шоир адабиётга, санъатга, унинг жамиятда ўйнайдиган роли масаласига замонасининг энг прогрессив позицияси ишқтан назаридан ёндашиб, уни тўғри ҳал қилди.

Комил Хоразмий яшаб ижод этган даврда, XIX асрнинг иккинчи ярмида Хоразм хонлигида адабиётга турлича позициялардан ёндашувчи қарама-қарши оқимлар, йўналишлар мавжуд эди. Бу йўналишларнинг бири сарой доирасидаги йўналиш бўлиб, у феодал аристократиясининг манфаати учун хизмат қилишга интилди ва адабиётни жамиятнинг мухим социал масалаларидан четлатиб, формализм ботқоғига судради. Адабиётдаги иккинчи оқим прогрессив характерга эга бўлиб, у ижтимоий ҳаёт масалаларини, ҳалқ ҳаётининг асосий проблемаларини адабиётга олиб киришга тиришди ва адабий ижодиётда реализмга, ҳаётийликка интилди. Шунинг учун прогрессив адабиёт намояндалари ижодида, феодал-сарой адабиётида бўлгани каби, формализмни, санъатпарастликни, шаклнинг мазмундан устун қўйилишини эмас, аксинча мазмунга аҳамият берилишини, адабиёт моҳиятининг илфор ғоя ва ҳаётий мазмун билан белgilанишини ва шу йўл учун курашилаётганини кўрамиз.

Хива саройида Муҳаммад Раҳимхон II бошчилигидаги реакцион адабиёт ва унинг формалистик интилишлари авж олиб турган бир шароитда адабиётнинг олижаноб ижтимоий роли учун дадил курашганлардан бири Комил Хоразмий бўлди. Комил Хоразмийнинг тарихий хизмати ва Хоразм адабиётида тутган ўзига хос ўрни, даставвал, мана шу прогрессив ғоя учун олиб борган принципиал кураши билан белgilанади.

Комил Хоразмий ўзининг қатор асарларида адабиётга, сўз санъатига, унинг жамият ҳаётида ўйнайдиган ролига жуда юқори баҳо берди. У сўз ва унда ифода қилинадиган мазмунни «гавҳар» деб атади ва уни қадрлашга чақирди:

Сўзни гуҳар демишлар ўтконлар,
Фазл. дўконини юритгонлар.

«Сўзинг» радифли иккинчи шеърида сўз таърифида яна шундай байт учрайди:

Гарчи, сўздек гавҳари қимматбаҳо йўқ даҳр аро,
Бор аларнинг қошида ҳармуҳрадин арzon сўзинг.

Комил Хоразмийнинг сўз санъатига бундай юқори баҳо бериши ва санъатда мазмунни биринчи ўринга қўйиши Алишер Навоий, Жомий, Низомий каби улуғ Шарқ мутафаккирларининг адабиётда шакл ва мазмун ҳақидаги ажойиб илғор фикрларини эслатади.

Комил Хоразмийнинг санъат ва унинг моҳияти ҳақидаги бу прогрессив фикрлари реакцион адабиётчилар томонидан рад этилар, уларнинг ҳужумига, туҳмат ва ҳақоратларига сабаб бўлар эди. Комил Хоразмий адабиётни бойлик орттириш қуроли деб ҳисобловчи манфаатпараст, лаганбардор сарой шоирларига қарши талайгина шеърлар ёзди ва уларни фош этди. Чунончи, адабиётни пучак шулга сотувчи шоирлар ҳақида шундай дейилади:

Бу замонда гуҳар жўган бўлмиш,
Дурни сотмоқ жўганга фан бўлмиш.

Е жавоҳиршунос эмасму алар,
Танимаслар жўган билан гавҳар.

Комил Хоразмийнинг фикрича, санъат-адабиётнинг вазифаси «ҳақ сўз»ни айтишдир. У демократик адабиётнинг Муқими, Фурқат ва бошқа машҳур намояндлари сингари шоирларни «ҳақиқат куйчиси» бўлишга ҷақиради, ҳар қандай тўсқинликларга, ҳоким гуруҳларнинг ҳар қандай ғазаб ва жабрларига қарамай, «улус ғами»да жонбозлик қилиш зарурлигини уқтириди. Комил Хоразмий поэзиясининг бу етакчи тоғисини, асосий белгисини кўрсатиш жиҳатидан унинг «Шуаро» шеъри алоҳида аҳамиятга эгадир. Фазал шаклида ёзилган 12 байтли бу шеърнинг биринчи қисмida Комил Хоразмий «ҳақ сўз» сўзлашни ўзига шиор қилиб олган ҳақиқий шоирлар ҳақида сўзлайди:

Ҳар неча айлабон изҳор фасоҳат шуаро,
Сочар элга дури дарёи балофат шуаро.

Очибон лутфи малоҳат гулин ашъоридин,
Рангбўй чамани, фазлунат шуаро.

Қилсалар ҳар неча изҳори садоқат шабу рӯз,
Қўрар ўтрусида ҳар дамда сад офат шуаро.

Қилмас умид, қилур шукур, шарорат элиниңг,
Тилу илкидин агар қолса саломат шуаро.

Ҳақ сўзин шоҳу гадо қошида китмон этмас,
Бу жиҳатдан ҳадафи тири маломат шуаро.

Шеърнинг иккинчи қисмida улуғ мақсад ва вазифалардан юз ўғирган ва адабиётни ўз шахсий манфаатига хизмат қилидиришга интилган риёкор, сотқин шоирлар тўғрисида фикр юритилади:

Кечакундуз қиладурлар суфаҳоға хизмат,
Гарчи шонстай авранги садорат шуаро.

Бор алардин неча бекорлар иззатда зиёд,
Тилу илки била ҳам айласа хизмат шуаро.

«Шуаро» шеъри ўз темаси ва илгор ғояси билан Комил Хоразмий поэзиясининг энг гўзал намуналаридан бири ҳисобланади ва ундаги ҳаётийликни — реализмни кўрсатиб туради.

Комил Хоразмий поэзиясининг яна бир етакчи хусусияти ундаги халқчилликдир. Поэзиядаги реализм ҳаётийликни, ҳаётийлик эса халқчилликни туғдиради. Зотан, реализмнинг туб кўриниши, асл маъноси халқ ҳаёти тасвирида намоён бўлади.

Комил Хоразмий поэзиясининг энг муҳим ва гўзал намуналари халқчиллик руҳи билан сугорилгандир. У қандай темани ишламасин, қандай масаладан баҳс очмасин ҳамма вақт халқ, эл, улус манфаатини биринчи ўринга кўяди ва масалани шу нуқтаи назардан ҳал этади:

Жафо ўти билан кўп ўртама булбул пару болин,
Ки оҳи қилғуси барбод баргинг, эй гули хандон.

Ёки:

Гар олтун қаср эса жоҳинг, улус ҳолига раҳм этгил,
Сенингдек неча шаҳаншоҳни ўткарди бу айвон.

Бошқа ўринда ҳам «эл ғами» шоирнинг диққат марказида юрганини кўрамиз:

Бўлғил ҳамиша тахти адолат уза муқим,
Кавнайн аро агар тилассанг номдорлиғ.

Берма ҳукумат амрида ғайриға ихтиёр,
Танҳо ҳақ этди элга сени ихтиёрлиғ.

Комил Хоразмий поэзияси ўзининг тематикаси, етакчи мазмуни ва туб моҳияти билан демократик характердаги поэзия бўлиб, бу ҳол унда реализм ва халқчилликни таъмин этган.

**Комил Хоразмий
поэзиясида
маърифатпарварлик
мотивлари.**

Демократизм руҳи билан сугорилган Комил Хоразмий поэзиясида ўша тарихий шароитда ўрта аср қолоқлиги ва жаҳолати ҳукмронлик қилган Хива хонлиги даврида

маърифатпарварлик ғояларининг ривожи табиий эди. Чунки халқчиллик ғоялари, халқ тўғрисида қайгуриш, ўз-ўзидан уни маърифатга ташвиқ қилиш, жаҳолатдан, нодонликдан уни қутқариш учун кураш ғоясини келтириб чиқарар эди. Шундай қилиб, Комил Хоразмий поэзиясидаги демократизм, халқчиллик ғояларининг мантиқий давоми, қонуний ривожи сифатида унда маърифатпарварлик мотивлари майдонга келди.

Маърифатпарварлик мотивлари Комил Хоразмий поэзиясининг кўп намуналарида учрайди. Бу темада ёзилган маҳсус асар сифатида «Қамол» ва «Дар баён таърифи ва тавсифи Тошканд» сарлавҳали шеърларини кўрсатиш мумкин. Комил Хоразмий «Қамол» радифли шеърида инсон камолоти учун илм-хунар зарур эканлигини уқтиради. Унинг таъкидлашича, мол-мулк, давлат камолот белгиси эмас. Инсон учун зарур бўлган бу маънавий фазилатни ёлғиз илм-хунарни, замонавий билимларни ўрганиш натижасидагина эгаллаш мумкин:

Эмас кишига бу дунёда мулк-мол камол,
Хусули илм-хунар келди безавол камол.

Қамолсиз киши ҳар ердадур ҳижолатманд,
Етурмагай кишига ҳаргиз инфиол камол.

Қамол бергусидур сўзга шуҳрату, таъсир,
Бу қушға қилғали парвоз парру бол, камол.

«Дар баён таърифи ва тавсифи Тошканд» асари «Қамол» шеъридаги ғояни давом эттириб, янада конкретлаштиради. Агар «Қамол» шеърида Комил Хоразмийнинг жаҳолат ва нодонликка нафрати, илм ўрганишга, маданиятли бўлишга даъвати акс этган бўлса, Тошкент ҳақидаги асарида конкрет бир маданиятдан, илгор рус маданиятидан олган катта таъсири баён этилиб, уни эгаллашга чақирилади.

Комил Хоразмийнинг Тошкент ҳақидаги шеъри манбаларда «Қасидаи наврўз» деб ҳам юритилади. Тошкент ҳақида асар ёзиш адабиётимиз тарихида учраб турадиган ҳодисадир. Чунончи, Фурқат ҳам Тошкентда яшаган даврида (1889—1891) бу шаҳар ҳақида қатор шеърлар ёзган эди. Адабиётимиздаги бу ҳодиса Тошкентнинг Ўрта Осиёдаги маъмурий ва маданий марказ бўлишидан, илгор рус маданиятининг кўп томонларини ўз ҳаётида акс эттиришидан келиб чиққан эди.

Комил Хоразмий ҳам ўзининг «Қасидаи наврўз» асарида, бошқа шоирларимиз сингари, Тошкентнинг янги, замонавий маданиятини улуғлади. Тошкентнинг женг ва ёргуғ кўчалари, хиёбонлари, обод ва шинам боғлари, театрлари, мұхташам иморатлари шоир назарида мақтовга лойиқ янгиликлар эди:

Тубо осо бош чекиб, чархи муалло авжиға,
Арчая бед бирла шамшоду, чинори Тошканд.

Таъми лаззатла эрурлар бир-бирисидий алаз,
Фуртаҳолу олма, ноку обдори Тошканд.

Мисли олу, шофтолу ҳам ҳусайнин сояги
Пистау, бодому, анжиру, анори Тошканд...

Хуш ҳаволик мунча бўлса, анда айёми ҳазон,
Ёраб эркантур нечук фасли баҳори Тошканд.

Айниқса, Комил Хоразмий эътиборини Тошкентда яққол кўзга ташланиб турадиган рус ҳаётининг янгича тартиблари, Шарқ ҳалқлари ҳаётидан кескин фарқ қиласидиган хотин-қизлардаги нисбий эркинлик ўзига тортди:

Равшан этгандек спеҳр айвонини шамъи нужум,
Шабни рўз айлар чарогони фанори Тошканд...

Ена бир боғики, Масковда нечукким йўрма тош,
Үндади бир неча анда ҳукмдори Тошканд.

Сайр этарлар онда юз минг эркоку, қизу жувон,
Барчаси илму' хирадда номдори Тошканд...

Ҳар куни сайр айлар анда ҳуру ғулмон ўрнига,
Сарв қадду, гулжабину, гулузори Тошканд.

Демак, маърифатпарварлик ғояси Комил Хоразмий поэзиясининг етакчи мотивларидан бири бўлиб, унинг прогрессив шоир ва маданият арбоби эканлигини белгилашда муҳим роль ўйнайди.

Комил Хоразмий поэзиясида танқидий элементлар. Комил Хоразмий поэзиясида ижобий идеаллар қизғин тарғиб қилиниши билан бирга, турмушнинг ярамас, жирканч ҳодисаларига, жамиятнинг фойдасиз, текинхўр элементларига, зарарли ва бемаъни тартиб-қоидаларига бўлған муносабат ҳам ифодаләнади. Шоир поэзиясидаги танқидий элементлар ҳам худди шундан келиб чиқади. Бу жиҳатдан Комил Хоразмий поэзиясидаги сатиранинг муҳим намуналари бўлган «Тамаъ», «Фузало», «Жуҳало», «Рўза», «Мулла-имом» шеърлари фоят характерлидир.

Комил Хоразмий сатираси учун энг муҳим характерли хусусият шуки, у жамиятнинг ҳар қандай ҳодисаси тўғрисида

фикр юритганда, ўша ҳодисани жузъий бир масала деб олмайди, балки у ҳодисани «замон иллатлари», «даврон кирдикорлари» деб баҳолайди ва унинг туб моҳиятини очиб ташлайди. Шу жиҳатдан Комил Хоразмий сатидалари демократик адабиётдаги сатирадан принципиал фарқ қиласиди, чунки улар ҳам жамият асосларига қарши қаратилгандир.

Комил Хоразмийнинг ўз замонасининг ҳукмрон тушунчасига, феодал тартиб-қоидаларига ғоят салбий муносабатда бўлганини кўрсатиш жиҳатидан «Тамаъ» шеъри диққатга сазовордир. Бу шеърда шоир ўз замонасини «даҳри дун» (тескари дунё, ҳукмрон гурӯҳларни «ришват ва жаҳолат аҳли», улар ҳукмронлик қилган мамлакатни эса «офиият кунжиги бўлмаган вайрон» деб баҳолайди:

Эй кўнгил, зинҳор қилма аҳли даврондии тамаъ,
Бор эса бу хаста жисмингга агар жондин тамаъ.

Чунки йўқ эрмиш жаҳон аҳлида холис дўстлиғ,
Кимки ондин яхшироқ йўқ, айлама ондин тамаъ.

Даҳри дундин кўрмагунг жуз ҳасрати нокомлиғ,
Гавҳари мақсадни қилма бу уммондин тамаъ.

Солим ўлмоқнинг спекр осебидин имкони йўқ,
Қилма ҳаргиз оғият кунжин бу вайрондин тамаъ.

Оlam ичра гар бўлай десанг азизу аржуманд,
Айлама Комил каби жуз вилли субҳондин тамаъ.

Комил Хоразмийнинг «Фузало» шеъри ҳам ўз даври устидан чиқарилган зўр айбномага ўхшайди. 8 байтли бу кичкинагинағазал ўша давр ҳаётининг муҳим томонини ўзида акс эттирган бўлиб, мазмун жиҳатидан ниҳоятда бойдир. Шеърда Комил Хоразмий олимлар ва уларнинг жамиятдаги фожиали аҳволлари ҳақида фикр юритади. Мунис Хоразмийнинг «Шуаро» шеъри услубида ёзилган бу асар қўйидаги мисралар билан бошланади:

Ютубон бу замонда қон фўзало,
Кулфат ўқифадур нишон фузало.

Бундан кейин қисқа, лекин афористик тус олган мисраларда олим ва доно кишиларнинг жамиятда хор, бир парча нонга зорва нотавон эканликлари баён этилиб, уларнинг жоҳил, риёкор ва фирибгар кишилар олдида тиз чўкишга мажбур этилганликлари алам ва ҳасрат билан тасвиранлади:

Қалам ила китобдан ўзга,
Топмагай ёру ҳамзабон фузало.

Жуҳалоға қилиб мулоғимлиғ,
Топмадилар әмакка нон фузало.

Майи гулранг ўрнига тайёр,
Кўзлари согарида қон фузало.

Комил Хоразмийнинг «Жуҳало» шеъри «Фузало» шеърининг мантиқий давомидир. Чунки Комил Хоразмий «Фузало» шеърида асл одамлар тўғрисида, уларнинг жамиятда хор-зор эканликлари тўғрисида фикр юритган бўлса, «Жуҳало» шеърида шунга тамоман қарама-қарши манзарани чизади: разил, пасткаш одамларнинг жамиятда иззат ва роҳатда яшаётганларини, ҳукмфармо эканликларини акс эттиради:

Бўлибон жолиси авранги жаҳолат жуҳало,
Урдилар олам аро кўси ҳукумат жуҳало.

Нўш этиб ришва майин, етмай улус додига,
Билмадилар dame ойиниadolat жуҳало.

Комило, тутса не тонг вартай зиллатда мақом,
Топдилар маснади иззатда садорат жуҳало.

Комил Хоразмий поэзияси антиклерикал мотивларни талқин этиши жиҳатидан ҳам характерлидир. Классик поэзиямизда анча кенг ишланган бу мотивдаги асарларнинг баъзи чиройли на-муналари Комил Хоразмий поэзиясида ҳам учрайди. Чунончи, шоирнинг «Рўза», «Мулла-имом» сатирилари шулар жумласи-дандир.

Комил Хоразмий «Рўза» шеърида ўзбек прогрессив адабиётдаги традицияни давом эттиради. Адабиёт тарихи фактлариридан маълумки, Мунис Хоразмий ва Огаҳийлар рўза ҳақида сатирик характердаги асарлар ёзганлар. XIX асрнинг биринчи ярмида яшаб ижод этган Мунис Хоразмийнинг рўза ҳақидаги ғазали қўйидаги байт билан бошланади:

Рўза бисёр мани танг этмиш,
Баданим суст, аёғим ланг этмиш.

XIX асрнинг ўрталарида яшаб ижод этган Огаҳий эса рўза ҳақидаги шеърини шундай байт билан бошлайди:

Рўза айлаб мени басе дилтанг,
Бошим оғир, аёғим этти ланг.

Демак, Мунис Хоразмий билан Огаҳий шеърларида маълум даражада ўхшашлик, яқинлик сезилиб туради. XIX асрнинг иккинчи ярмида бу темани Комил Хоразмий давом эттиради. Комил Хоразмий бу темага мурожаат қилишда адабий традицияларга суюнган бўлса ҳам, лекин уни ишлашда тамомила мустақил ҳаракат қилди. Агар Мунис Хоразмий ва Огаҳий рўза тўғрисидаги шеърларида масаланинг физиологик томонига кўпроқ диққат қилиб, рўзанинг киши соғлиғига келтирадиган заарлари

ҳақида сўзлаган бўлсалар, Комил Хоразмий теманинг социал моҳиятини очишга ҳаракат қилди, рўзанинг диний бидъат сифатида жамиятда кимлар фойдасига хизмат қилишини таъкидлади. Комил Хоразмий мисраларидан мътлум бўлишича, рўза мулкдорлар, бойлар манфаати учун хизмат қилади ва кенг халқ оммасини алдаш учун дин аҳллари қўлида бир восита ҳисобланади:

Ўткарди рўза ебон аҳли фино шакар,
Бечоралар саҳарлигу ифторда бир кумоч.

Атфоли ағниё олиб ийдонага тилло,
Қашшоқлар боласи дираам топмай, олди кож.

Комил Хоразмийнинг сатирик шеърларидан яна бири «Мула-имом» асариdir. Фазал шаклида ёзилган кичик ҳажмли бу шеърда дин аҳлларидан мулла ва имомлар ҳақида фикр юритилиб, уларнинг жамият ҳисобига яшаётганликлари, текинхўрлик билан ҳаёт кечираётганликлари фош этилади:

Ийди қурбон, деманглар, югурад мулла-имом,
Ухламай тоинга етушди, онагар мулла-имом.

Қидириб эл ичиди, йўқдур уётини кўринг,
Халтаси орқасида, нонни йигар, мулла-имом.

Эл аро шунча йигиб нонни қаноат этмас,
Ильвириб гоҳи мозор узра турар мулла-имом.

Демак, Комил Хоразмийнинг бу ва шунга ўхшаш бошқа сатирик асарлари шоирнинг бутун жамият ҳодисаларини халқ манфаати нуқтаи назаридан баҳоловчи юқори ва янги гоявий позицияга кўтарилиган демократ шоир эканлигидан дарак беради.

Комил Хоразмий Муҳаббат тематикаси классик поэзия-поэзиясида мизда жуда кенг ишланган бўлиб, бу тема-муҳаббат тематикаси. да сон-саноқсиз асарлар ёзиландир. Демак, муҳаббат темасида шеър ёзишга бел боғлаган шоир олдидағи дастлабки жиддий хавф ўндан иборат бўладики, ёзилажак шеър шу вақтгача бу темада ёзилган шеърларга ўхшамаслиги, уларнинг оддий қайтариғи бўлиб қолмаслиги керак, акс ҳолда у китобхон эътиборидан четда қолиб, тезда унутилиб кетади. Лекин Комил Хоразмий лирик шоир сифатида бу синовдан муваффақият билан ўтди ва адабиётимиз тарихида изи ўчмайдиган бир қатор лирик шеърлар яратди. Комил Хоразмий поэзиясида оригинал мазмунга эга бўлган ва жонли ҳис-туйғуларни жозибадор услугуда ифода қилган бир қатор асарлар учрайди. Лекин шоирнинг муҳаббат темасида ёзган шеърларининг ҳаммаси ҳам бир хил қимматга эга эмас. Улар ичиди традицион услугуда жонсиз ва бўёқсиз тилда ёзилган ўртacha шеърлар ҳам бор. Бироқ жонли ва эҳтиросли кечинмалар-

ни маҳорат билан акс эттирувчи кучли шеърлар ҳам кўп. Комил Хоразмийнинг ана шундай оригинал асарларидан бири «қилмадинг» радифли ғазалидир.

Кулмадинг бир, то мани юз қатла гирён қилмадинг,
Тутмадинг бир жом, то кўнглум тўла қон қилмадинг.

Хотирим даврон ғамидин қилмадинг бир лаҳза жам,
То мани бир йилгача зору паришон қилмадинг.

Хаста кўнглум таҳ-батаҳ қон қилмағунча гунчадек,
Очилиб мажлисда рухсоринг гулафшон қилмадинг.

Дониш аҳлига қаю қилмишларинг дей, эй фалак,
Қай бирин ул зумранинг мағлуби нодон қилмадинг.

Сирри ишқинг, неча пинҳон туттим элдин, эй пари
Қўймадинг ·Комилни то расвойи даврон қилмадинг.

Кўрамизки, шеърда маъшуқа жафоси, ошиқ вафоси, давроннинг бевафолиги ва жабру ситамлари зўр шоирона маҳорат билан анча жонли, таъсири қилиб тасвирланган. Шеър услубининг равон бўлиши, қофия ва вазнининг кам-кўстсиз тузилиши асарнинг бадиий қимматини яна ҳам оширган ва уни қизиқиб ўқиладиган асарга айлантирган.

Муҳаббат темаси, ҳамма классик шоирларимизда бўлгани каби Комил Хоразмийда ҳам олижаноб инсоний фазилатларни куйлаш воситаси ҳисобланади. Мутаассиблик авж олган ўша тарихий шароитда реал, ҳаётӣ ва инсоний муҳаббатни куйлаш катта жасорат бўлиб, у диннинг тарқидунёчлик таълимоти томирларига болта урар эди. Комил Хоразмий муҳаббатни улуглаш билан чекланиб қолмади. У бу муҳаббат орқали инсонпарварлик ғояларини, дўстлик, вафодорлик, садоқат, самимият каби инсоний фазилатларни қизғин тарғиб қилди. Комил Хоразмий ўзининг шеърларидан бирида тақводор зоҳидга хитоб қилиб, менга «жаннат — фирмавс васфини қилма, мен ер гўзалининг дийдорига ошиқман» дейди ва муҳаббатда садоқатли бўлиш на-мунасини кўрсатади.

Айлама, Комил, менга фирмавсу ризвон васфини,
Васли ишратгоҳида дийдора ошиқ бўлмишам.

Комил Хоразмий поэзиясининг характерли белгиларидан бири унда фурбат мотивининг ўзига хос усулда ишланишидир. Маълумки, адабиётимизда фурбат мотиви кенг тарқалган мотивлардан биридир. Шоирларимиз ижодида унинг кўп намуналари учрайди. Фурбат мотивида Алишер Навоий, Заҳириддин Бобир, ниҳоят, Фурқат гўзал, жўшқин шеърлар яратган. Комил Хоразмий поэзиясида фурбат мотивининг ўзига хос хусусияти шундаки, шоир ўз ватанида туриб, ўзини фурбатда ҳис этади, бегона

сезади ва ғурбат темасида шеърлар ёзади. «Диёргинг ёр бўл-
маслиги» тўғрисидаги ҳис-кечинма Комил Хоразмийга хос бў-
либ, бу кечинма шоир билан уни ўраб олган ҳукмрон ижтимоий
муҳит ўртасидаги келишмовчиликни, қарама-қаршиликни кўрса-
тади, натижада шоир ўз ватанида ҳам ўзини ғурбатда ҳис
этади.

Не суд очилса гул, ўлса баҳор ғурбат аро,
Менгаки бўлмаса ёру диёр ғурбат аро.

Очилмади чаманистон ҳавосидин кўнглум,
Қўзимга гул эрур андоқки хор, ғурбат аро...

Иироқ тушкали аҳбоб сухбати майдин,
Нишот жомига бўлдим хумор ғурбат аро...

Чиқай ватан садафидин дема гуҳар янглиғ,
Агарчи бўлса сенга эътибор ғурбат аро.

Ватанда сокин ўлуб сайр эт олами боло,
Сафарни айламагил ихтиёр ғурбат аро.

Тоб эмди Хева қила Паҳлавонни Комил эсанг,
Дема — Бухорои шариfy Мазор ғурбат аро.

Комил Хоразмий
шеърларининг
шакли ва услуби.

Комил Хоразмий ўз ижодий фаолиятида
классик поэзиямизнинг фазал, мухаммас,
мусамман, маснавий каби машҳур шеърий
шакллари қаторида мусаббабъ (еттилик),

баҳри тавил каби кам ишлатиладиган шеърий шакллардан ҳам
муваффақият билан фойдаланган. Чунончи, СССР Фанлар Ака-
демияси Осиё ҳалқлари институтининг Ленинград бўлимида сақ-
ланётган «Девони Комил» (№ В—1890) дан олинган қўйидаги
шеър Комил Хоразмий мусаббаъларининг гўзал бир намунаси-
дир:

Эй кўрмогон ишқ достонин,
Сайр этмагон ҳусн гулистонин,
Мендин эшият ушбу сир баёнин,
Ҳар кеча фидоси қиласа жонин,
Бир лаҳзаи тарк этиб фифонин,
Булбул кўтарурда ошъёнин,
Гул дедики: «ҳас каму жаҳон пок»...

Бўл меҳру вафо йўлида собир,
Ҳар навъ жафо етушса шокир,
Ондин не сиғат шу ўлса содир,
Зинҳор маломат этма зоҳир,
Кўр булбул гул ишини охир,
Булбул кўтарурда ошъёнин,
Гул дедики: «ҳас каму жаҳон пок»...

Ҳар кимдаки бўлса сабри комил,
Доим бўлубон муроди ҳосил

Осон бўлур анго барча мушкул,
 Ҳар навъ жафо етушса эй дил,
 Рози бўлу мундин ўлма ғофил,
 Булбул кўтарурда ошъёни,
 Гул дедики: «хас каму жаҳон пок».

Комил Хоразмий поэзиясидаги шеърий шакллардан яна бири баҳри тавил (узун баҳр) бўлиб, у қофиylanган наср (сажъ) билан ёзилади. Масалан, қўйидаги парча Комил Хоразмийнинг баҳри тавил шаклидаги шеъридан намунаидир:

«Соқиё, тут манға бир жом, тўла бодаи гулфомки, айлаб они ошом, бўлуб масти мудом, айлайн аҳволими эъломки, ман ҳастай нокомга, бир сарв гуландом, икки нарғиси бодом ғами ишқи тушуб субҳ била шом, онинг васли хаёлида уруб гом, не мандин етуруб бир киши бир қатла паём, анга, не ондин манга пайғом, ўтуб ҳасрату алам била бир неча айём, баногоҳ ўйл узра ул қаби хиром, учраса кўргач они қолмай дилу жонимда, дами сабр ила ором, бера олмайин ул дамда салом, ўтуб моҳтамом кўзиғоратари ислом, неча ноз-карашма билан саллонаю, мастана хиром айлар эрди. Ман қолибон, фурқатидин жонима ўтлар солибон, ул борибон, ақл ила ҳушим олибонки, яна изига боқиб, лутф ила қошини қоқиб, шавқ-муҳаббат ўтига жисми назоримни ёқиб, ҳар сори кўз ёшими оқиб, ҳажрида тун-тун улоқиб, буткул ўлур эрдим анга водаю-шайдо».¹

Комил Хоразмий шеърларида қофия пухта ва моҳирона ишланган бўлиб, у мисраларга узвий равишда боғланиб кетган. Унинг шеърларида ортиқча сезиладиган радифларни мутлақо учратиб бўлмайди.

Комил Хоразмий шеър тузилишида муҳим роль ўйнайдиган ички қофия яратишда ҳам катта маҳорат қозонган. Унинг «гул» радифли шеърида ички қофия яхши ишланган бўлиб, шеърнинг бадиий хусусиятини, таъсир кучини оширган. Чунончи:

Қўрмамиш сандек жаҳонда ҳеч бир гулзор гул,
 Ким санга бордур бадан гул, жабҳа гул, руҳсор гул.

Гул узоринг нашъасидан очти гардун боғида,
 Фарқадон гул, каҳкашон гул, Сабъайи сайёр гул.

Базм аро гулбарги хандонингга қурбат топғали,
 Май гулу, мино гулу, ҳам согари саршор гул.

Бўлди булбулларға гулшан ичра ҳуснунг шавқидин,
 Нола гул, ағон гулу, алҳон гулу, минқор гул.

Гулшани базм ичра ҳар феъл ўлса гар сандин аён,
 Ноз гул, рафтор гул, гуфтор гул, атвор гул.

Сайри боғ айларда топтилар қудуминг файзидин,
 Сарв гул, шамшод гул, ашжор гул, ҳар хор гул...

¹ Ўзбек адабиёти тарихи хрестоматияси. XV—XIX асрлар. Тузувчи: Олим Шарафуддинов, Т., 1945, 416- бет.

Бўлди зоҳидларға ҳусни бемисолинг васфида
Зикр ила аврод гул, тасбиҳ гул, дастор гул.

Қўйдди Комил табъини шаҳ лутфи гулзор ўйлаким;
Маснавий гул, қитъа гул, абъёт гул, ашъор гул.

Комил Хоразмийнинг форс-тоҷик тилида ёзган шеърлари ичида ҳам ички қофиялаш (зулқофияттайин) санъатига мисол бўла оладиган чиройли шеърлар учрайди. Муҳаббат темасида ёзган шеърларидан бирида шоир ўз аҳволи баёнида маҳбубага хитобан шундай дейди:

Ох сарду, чехра-зарду, нола-дарду, жисм-гард
Ашк-хуну, қад-нигуну, қалб-сўзон, алғиёс

Ер-гофил, ҳажр-қотил, ҳол-мушкул, хаста-дил,
Марг-толиб, раңж-ғолиб, манҳаросон алғиёс.

Комил Хоразмий поэзиясида такрор усули ҳам ўринли қўлланган. Фикрни таъкидлаш, шу йўл билан шеърнинг таъсир кучини ошириш учун ишлатиладиган бу усул классик поэзиямизда «мукаррар»деб аталади ва XIX асрдаги адабиётимизда тез-тез учраб туради. Унинг намуналари Комил Хоразмий поэзиясида ҳам бор. Чунончи:

*Манга қилма, эй моҳи олижаноб,
Итобу, итобу, итобу, итоб.*

*Эрур ишқинг ўтиға кўнглум мудом,
Кабобу, кабобу, кабобу, кабоб.*

*Чу келдинг, кеторман, дебон қилма кўп,
Шитобу, шитобу, шитобу, шитоб...*

*Муғанин чолиб, айла кўнгулни шод,
Рубобу, рубобу, рубобу, рубоб.*

*Лабинг ҳажрида ىчмагай Комилинг,
Шаробу, шаробу, шаробу, шароб.*

(Девони Комилдан)

Ёки:

*Лоладек ишқингда кўнглум, эй нигор,
Догдору, додгору, додгор.*

*Тифи ҳажрингдин эруман борҳо,
Интизору, интизору, интизор.*

Комил Хоразмий ижодида ширу-шакар жанрида яратилган шеърлар ҳам бор. Классик поэзиямизда анча кенг тарқалган бу жанрнинг ҳусусияти шундаки, бу жанрда ижод қилинган шеър икки ёки ундан ортиқ тилда ёзилади. Кўпгина классикларимиз,

жумладан, Комил Хоразмий ижодида ҳам бу жанрнинг яхши намуналари учрайди. Мисол учун Комил Хоразмийнинг ўзбекча-тожикча ёзилган қўйидаги шеърини келтириш мумкин:

Жамолинг то спехри ҳуси уза чун меҳри аввар шуд,
Бўла олмай муқебил гулиҳон аз зарра камтар шуд...

Илоҳи, Комил ашъорин бикун мақбули султонаш,
Фалотун ҳикмати янглиғ, ки мақбули Скандар шуд.

Ширу-шакар жанри турли халқлар адабиётининг ўзаро алоқаси, ҳамкорлиги натижасида майдонга келади. Ўтмишдаги адабиётимизда кўпроқ ўзбекча-арабча, ўзбекча-форсча, ўзбекча-тожикча ширу-шакарлар учраса, кейинги даврларда (XIX—XX асрларда) ўзбекча-русча ширу-шакарлар ҳам учрай бошладики, бу ҳол ўзбек ва рус адабий алоқаларининг кучайганини кўрсатади.

Комил Хоразмий поэзиясида, кўп классик шоирлар ижодида бўлгани каби, мухаммас мухим ўрин тутади. Шоир мухаммаснинг тахмис (бошқа шоир ғазалига мухаммас боғлаш) шаклидан фойдаланиб, Алишер Навоий, Мунис Хоразмий, Огаҳий ва бошқа улуг санъаткорлар ғазалига муваффақиятли мухаммаслар боғлаган ва ўзининг бадиий маҳоратини намойиш этган. Чунончи, Алишер Навоийнинг:

Дўстлар, олам элиға ёру ҳамдам бўлмангиз,
Ер ила ҳамдам демайки, ошно ҳам бўлмангиз —

мисралари билан бошланадиган гўзал бир ғазалига Комил Хоразмий чиройли мухаммас боғлаган. Комил Хоразмийнинг шеъриятдаги маҳоратини кўрсатувчи мазкур мухаммасдан баъзи парчаларни келтирамиз:

Оlam аҳлидин вафо осорини қилманг гумон,
Накд умрим 'сарф этиб қилдим аларни имтиҳон,
Узлат истаб аҳли оламдин қочинг борича жон,
Ошиолиг айлабон, ўз жонингизга ҳар замон,
Боиси юз минг балоу, меҳнату фам бўлмангиз.

Гарчи Комил бўлди фурқатдин алил, эй аҳли васл,
Ҳажр ўтиға тушти андоқким Ҳалил, эй аҳли васл,
Лек топти ёр васлиға далил, эй аҳли васл,
Гар Навоий ҳажр аро бўлди залил, эй аҳли васл,
Эмди навбат сизгадур, мунча муazzзам бўлмангиз.

Комил Хоразмий поэзиясининг тили ҳам алоҳида хусусиятлари билан ажralиб тұради. Бу хусусиятни биринчи галда шоир поэзияси тилида шевачилик элементларининг ишлатилишида кўриш мумкин. Масалан, Хоразм шевасининг қоида-тартиб маъносида ойин, жўхори маъносидаги жуган, гуруч кепаги маъносидаги кўпак, қора нон маъносидаги қулож, шапалоқ маъносидаги

сидаги қож каби кўлгина элементлари Комил Хоразмий поэзиясида учраб туради. Шуни айтиш керакки, Хоразм шевасига эътибор билан қараш, унинг баъзи элементларини адабий тилга олиб киришга интилиш Мунис Хоразмий, Огаҳий ва бошқа прогрессив шоирлар фаолиятида ҳам сезилади. Адабий тилнинг ҳамма халқда ва ҳамма вақт халқ шеваларининг энг яхши элементлари ҳисобига бойиб, тараққий этиб боришини ҳисобга олсак, Комил Хоразмий поэзиясидаги бу тенденцияни ижобий ҳодиса деб баҳолаш керак бўлади.

Комил Хоразмий поэзияси тилига хос хусусиятлардан яна бири унда араб ва форс тили элементларининг кўплаб ишлатилишидир. Умуман, классик поэзиямизда араб ва форс тилининг маълум элементлари қадимдан бери ишлатилиб келади ва анча ўзлашиб кетгандир. Лекин Комил Хоразмий ўз ижодий тажрибасида баъзан мана шу ўзлашиб кетган сўзларни меъёридан ошириб юбориб, араб ва форс тили элементларини ўринсиз равишда ишлатади.

Комил Хоразмий поэзияси тилидаги бу камчиликдан қатъи назар, унинг услуби аниқ, равон, фикри равшан ва тушунарлидирки, бу хусусиятни, шубҳасиз, Комил Хоразмий поэзиясининг илфор гоявий йўналиши, унинг халқиллиги таъмин этган.

* * *

**Комил Хоразмий —
таржимон.**

Комил Хоразмий ўзбек адабиёти тарихида таржимон сифатида ҳам машҳур бўлиб, бу жиҳатдан ҳам у классик адабиётимизнинг энг яхши традицияларини давом эттирувчидир. Маълумки, XIX асрда Хоразмда таржима масаласига алоҳида эътибор берилди ва Шарқ адабиётининг энг машҳур, нодир намуналари ўзбек тилига таржима қилинди. Шундай нодир асарлар таржимасининг иккитаси — «Маҳбуб-ул-қулуб» ва «Латойиф-ат-тавойиф» асарлари Комил Хоразмий қаламига мансубdir. Шоир бу асарларни форсчадан ўзбек тилига таржима қилган.

«Маҳбуб-ул-қулуб» XVIII аср ёзувчиларидан Бархўрдор бин Маҳмуд туркман Фароқийнинг (адабий тахаллуси Мумтоз) асари бўлиб, у «Маҳфил оро» («Мажлисга зийнат берувчи сўзлар») деб ҳам юритилади. Асар насрый йўлда ёзилган бўлиб, кичик ҳикоя ва латифаларни ўз ичига олади. Китоб бир муқаддима, беш боб ва хотимадан иборат. Комил Хоразмий бу асари 1865 йилда таржима қилган.

«Латойиф-ат-тавойиф» («Турли тоифаларнинг латифалари») асари XVI асрда яшаб ижод этган ёзувчилардан Сафийнинг асаридир. Сафийнинг асл исми Фахриддин Али бўлиб, у машҳур адабиётчи, Навоийнинг замондоши Ҳусайн Воиз Кошифийнинг

ўғлидир. Сафий «Латойиф-ат-тавойиф» дан ташқари, «Рашаҳот» ҳамда «Маҳмуд ва Аёз» асарларини ҳам ёзган.

«Латойиф-ат-тавойиф» асари олимлар, шоирлар, шайхлар, дарвешлар ва бошқалар ҳаётидан олинган кичик ҳажмдаги ҳикоялар ва латифалар тўпламидир. Унда Абдураҳмон Жомий ва Алишер Навоий ҳақида, улар замонасида яшаган бошқа маданият арбоблари ҳақида кўпгина ҳикоялар учрайди. Китоб 14 бобдан иборат бўлиб, 452 ҳикояни ўз ичига олади. Китобнинг ҳар бобида маълум тоифа — ижтимоий гуруҳ ҳаётидан олинган ҳикоялар тўплланган.

Комил Хоразмий таржима вақтида китобга баъзи ўзгаришлар киритади. Асар тузилиши 14 боблигича қолдирилган бўлса ҳам, бу бобларга киритилган ҳикояларнинг баъзилари қайта ишланган; мазмунан тузатилган, китоб услугиби ўз замонасидаги китобхонлар савиясига ва завқига мувофиқлаштирилган. Айниқса, китобнинг пайғамбар ва авлиёларга бағишлиланган ҳикояларни ўз ичига олган I—II бобларига катта ўзгаришлар киритилган. Чунончи, Комил Хоразмий таржимасида китобдаги 452 ҳикоядан 345 таси қолдирилган. Китобнинг номи ҳам ўзгартирилган: у турли зариф-нозик латифалар маъносида «Латойиф аз заройиф» деб аталган.

«Латойиф аз заройиф» китобидаги ҳикоялар ҳақида маълум тасаввур ҳосил қилиш, шунингдек, Комил Хоразмий таржимаси нинг тили ва услугиби билан танишиш мақсадида ҳикоялардан баъзи намуналар келтириш мақсадга мувофиқдир:

«Бир куни Искандарга дедиларки:

— Мунча кўп мамлакатларни идора қилурсиз. Ҳануз қаноат қилмайдурсиз. Искандар:

— Қаноат қилиш — оз нарсага хурсанд бўлиш, бир нарсадан ором олиб роҳатланиш — тўрт оёқлик ҳайвонларнинг ишидур,— деди».

Ёки:

«Бир камбағал киши фақир бўлгани учун бир баҳил бойни (нг) эшигига бориб, мен, сиз садақа бермоқчисиз, деб эшитдим, мен ғоят даражада муҳтоҷ ва мустаҳқидурман, деди. Баҳил бой баҳоналар қилиб дедики:

— Мен садақамни кўрларга берурман деб аҳд қилган эдим, сан эсанг кўр эмассан.

Олим деди:

— Галат айтасан, ҳақиқий кўр мендурман. Чунки, маҳлуқотга ризқ берувчи зотдан юз ўгириб, сендеқ бир баҳилнинг эшигига келибман.

Бу сўзни айтаб, олим қайтиб кетди. Олимни(нг) сўзи баҳил хўжага ғоятда таъсир қилиб, изидан югорди. Олим қабул этмай кетди».

«Латойиф аз заройиф» асарининг IX боби шоирлар ҳаётига бағишлиланган бўлиб, унда Алишер Навоий ва бошқа шоирлар ҳақида кўп латифалар берилган.

Шундай қилиб, Комил Хоразмийнинг форс-тожик тилидан қилган таржималари ўзбек адабиётини янги асарлар билан бойитиб, ўзбек адабиётининг қўшни Шарқ ҳалқлари адабиёти билан алоқасини мустаҳкамлашда муҳим восита бўлди.

Хулюса. Комуил Хоразмий адабиётимиз ва маданиятимизнинг машҳур арбобларидан биридир.

Унинг энг муҳим тарихий хизмати шундаки, ў ўзбек классик адабиётининг илғор ва яхши традицияларининг меросхўри бўлиб майдонга чиқди ва уларни XIX асрнинг иккинчи ярмида Хоразмда давом эттириб, у ерда прогрессив адабиётнинг ривожлашишига катта ҳисса қўшиди.

Комуил Хоразмийнинг муҳим тарихий хизматларидан яна бири шуки, ўлка Россияга қўшилиб, ҳалқимиз ўз тарихий тараққиётининг бурилиш даврини бошидан кечраётган бир замонда у ҳам адабий ижодида, ҳам амалий фаолиятида замонавий маданият учун, илғор рус маданияти учун, ҳалқнинг юксалиши учун кураш олиб борди, реакционерларнинг ёвуз ниятларига зарба берди.

Комуил Хоразмийнинг ижодий мероси биз учун фақат тарихий-маърифий қийматга эга бўлиб қолмай, муҳим амалий-тарбиявий аҳамиятга ҳам моликдир. Унинг ҳалқ ва мамлакат манфаатлари йўлидаги олижаноб интилишлари ҳозирги авлодлар учун намуна бўлса, бу интилишлари йўлида ёзган бадиий асарлари, жўшқин лирик шеърлари уларга завқ ва илҳом бағишлайди.



Аваз Ўтар (1884—1919)

ҲАЁТИ ВА ИЖОДИЙ ФАОЛИЯТИ

Аваз Ўтар ҳақидаги
библиографияга
доир.

Аваз Ўтар ҳақидаги дастлабки маълумотлар революциядан илгариги манбаларда, шоир замондошлари асарларида учрайди.

Чунки Аваз Ўтар истеъододли шоир сифатида ўз замонасида кенг шуҳрат қозонган бўлиб, ўша давр илгор адабиётчилари диққатини ўзига жалб этган эди. XX аср бошлирида Хоразмда яшаб ижод этган шоир Аҳмад Табибий ўзининг «Мажмуат-уш-шуаро» асарида Аваз Ўтар ва унинг бадиий таланти ҳақида қўйидаги мисраларни ёзган эди:

Аваз бириким шоири тозадур,
Вале тозалиқ ичра овоздадур.

Қамолига гар етса бу фан аро,
Бўлур назм аро фозили бебаҳо.

Шунингдек, XX аср бошлирида ўтган шоир ва тарихчи Баёний ўзининг «Шажараи Хоразм шоҳий» асарида, хоразмлик тарихчи Жуманиёз Хевақий ўзининг «Тарихи гулшан» асарида Аваз Ўтарни бир неча марта тилга оладилар ва унинг шеърларидан намуналар келтирадилар.

Совет адабиётшунослигига Аваз Ўтар ижодини ўрганиш яқинда бошланган бўлишига қарамай, шоир ҳақида анчагина адабиёт майдонга келди.

Совет адабиётшунослигига Аваз Ўтар ҳақида ёзилган ilk асар 40- йилларга тўғри келади. Чунончи, «Гулистон» журналиниг 1940 йилги 10- сонида «Аваз Ўтар ўғли» сарлавҳали мақола босилди. 50- йилларда эса Аваз Ўтар ижоди билан қизиқиш

сезиларли даражада кучайди. Мактаб дарсликларида, олий ўкув юртларининг программа ва қўлланмаларида Аваз Ўтар ҳақида берилган маълумотлардан, вақтли матбуотда эълон қилинган бир қатор мақолалардан ташқари, бу даврда шоир ижоди намуналарини ўз ичига олган тўпламлар ҳам нашр этилди, шоир ҳаётини ва ижодига бағишиланган китобчалар нашр этилди. Аваз Ўтар ижодини ўрганиш ва оммалаштириш соҳасида шоирнинг туғилганига 70 йил тўлиши муносабати билан 1954 йилда республикамизда ўtkazilgan юбилей катта аҳамиятга эга бўлди. Бу юбилейга тайёргарлик ва уни ўtkaziш даврида совет адабиётшунослиги шоир Аваз Ўтар ҳаётини ва ижодини ўрганиш соҳасида янги-янги материалларни қўлга киритди ва улар билан кенг совет жамоатчилигини таништириди. Натижада, ҳозирги кунда Аваз Ўтарнинг ижодий мероси асосан тўпланиб, нашр этилди, шоир ижодини баҳолаш билан боғлиқ бўлган масалалар тугал ҳал қилинди. Чунончи, Аваз Ўтарнинг 1951 йилда Москвада бўлиб ўтган ўзбек санъати ва адабиёти декадаси муносабати билан нашр этилган «Танланган асарлар»и (ЎзССР ФА нашриёти, 64 бет) ва 1956 йилда нашр этилган анча мукаммал «Танланган асарлар»и (Ўздавнашр, 319 бет) шоир ижодий меросини ўз ичига деярли тўла олган тўпламлардир.

Аваз Ўтар ҳаётини ва ижоди ҳақидаги газета ва журнallарда босилган кўплаб мақолалардан ташқари, Юнус Юсуповнинг «Аваз» номли адабий-биографик очерки (1954) ва В. Мирзаевнинг «Аваз Ўтар ўғли — маърифатпарвар ва революцион-демократ куйчи» (1961) номли китobi ҳам босилган.

Демак, Аваз Ўтарнинг ҳаётини ўрганиш соҳасида анча жиддий ишлар қилинган бўлса-да, ҳали унинг ижодий фаллияти етарли даражада мукаммал ўрганилгани ўйқ. Шоир Аваз Ўтар ҳақида монографик характерда жиддий асар ёзиб, унинг адабиётимиз ва маданиятимизни ривожлантириш соҳасидаги хизматларини ҳар томонлама ёритиб бериш совет адабиётшунослиги олдida турган галдаги вазифалардандир.

**Аваз Ўтарнинг
таржими ҳоли.**

Аваз Ўтар ўғли 1884 йил 15 августда Хива шаҳрида ҳунарманд оиласида туғилди.

Авазнинг отаси Полвонниёз Ўтар Гадойни ёз ўғли бўлиб, у сартарошлик касби билан шуғулланар эди. Халқ ўртасида уста Ўтар номи билан шуҳрат қозонган бу киши санъат-адабиёт ҳаваскори бўлиб, замонасининг илфор, илм-маданиятли кишилари билан яқин алоқада бўлар эди. Унинг уйида, кўпинча, Огаҳий, Комил Хоразмий, Мутриб Xонахаробий, Баёний ва бошқа шоирлар иштирокида адабий мажлислар ўтказилар, қизғин ижодий сухбатлар уюширилар эди. Бу ўтиришларда, табиийки, ёш Аваз ҳам иштирок этган.

Уста Ўтарнинг фарзандлари кўп бўлиб, у болаларини илмли-маърифатли қилиш учун бутун куч ва ғайратини сарф этган.

Аваз саккиз ёшга киргач, уста Ўтар уни ўқишга берди. Зийрак Аваз муваффақият билан ўқиди. У ўн бир ёшида бошлангич мактабни битириб, Хива мадрасаларидан бирига ўқишга кирди.

Аваз Ўтарнинг мадрасадаги ўқиши ҳам муваффақиятли давом этди. Ўнинг санъат ва адабиётга бўлган қизиқиши айниқса зўр бўлиб, бу соҳаларни чуқур ўрганди. Аваз Ўтар Навоий, Бедил, Хўжа Ҳофиз каби Шарқ классиклари асарларини зўр ҳавас ва иштиёқ билан ўқиди. У форс-тоҷик адабиётининг намояндаларидан Фирдавсий, Абдураҳмон Жомий асарларини, айниқса, буюк мутафаккир Алишер Навоининг «Хамса», «Чордевон» асарларини диққат билан ўрганди.

Аваз Ўтарда санъат-адабиётга ҳавас жуда эрта уйғонган эди. Бунда санъат ва адабиёт муҳиби бўлган отаси уста Ўтарнинг, унинг уйидаги ўтказилиб турган ўтиришларнинг таъсири, шубҳасиз, катта бўлган. Маълумотларга қараганда, Аваз Ўтар 14 ёшлиарида ёк шеър ёзишга киришган, 18 ёшларида эса халқ ўртасида шоир сифатида танилиб қолган эди.

Аваз Ўтарнинг лирик шеърлари халқ ўртасида кенг тарқалди, қўшиқларга солиб куйланди. Янги ва ёш шоир ҳақидаги овозалар хон саройигача бориб етди. Бу даврда Хива саройида адабий ҳаракатни ташкил қилиш учун тиришган ва ўзи ҳам Феруз тахаллуси билан шеърлар ёзиб, сарой адабий ҳаётига бошлиқ қилаётган Муҳаммад Раҳимхон соний Аваз Ўтарни ҳам саройга тортиди. Шунинг учун ҳам Аваз Ўтар ижодининг илк давларидаги сарой адабиётининг таъсири кўриниб туради. У сарой шоирларига эргашиб, формалистик характердаги шеърлар яратди, мадҳиялар, қасидалар ёзди.

Аваз Ўтарнинг изланиш даври узоқ давом этмади, у аста-секин сарой маънавий ҳаётининг чиркин моҳиятини, сарой адабиётининг юқори аристократлар қўлида майшатпастлик, айшишрат қуроли эканлигини англай бошлади, унга нафрат билан қаради. Зийрак ва ҳушёр шоир турмушни чуқурроқ ва тўлиқроқ ўргангандаги сари, ундаги ҳақсизлик ва адолатсизликни аёнроқ кўрди, феодал зулмига асосланган тузум шароитида яшашга мажбур бўлган меҳнаткаш халқнинг оғир аҳволига ачиниш ва муҳаббат билан қаради. Натижада Аваз Ўтар «мадҳиябозлик» дан иборат сарой адабиётидан юз ўгира бошлади. Энди у ўз маънавий тараққиёти учун озиқ берувчи бошқа манбаларга мурожаат қила бошлади. Бу манба Мунис, Огаҳий, Комил Хоразмийлар яратган прогрессив адабиёт традициялари эди. Бундан ташқари, Шарқ классик адабиёти традициялари, халқ оғзаки ижодиёти ва, ниҳоят, жаҳон адабиёти ҳам шоирнинг ижодий юксалишида муҳим роль ўйнади. Ўрта Осиёнинг Россияга қўшиб олиниши натижасида бу даврда ўлка халқлари маънавий ҳаётида рўй берган буюк ўзгаришлар, янги прогрессив характердаги ижти-

моий онгнинг туғилиб, кенг тарқалиши янги тарихий, шароитдаги ижтимоий ҳаёт ҳам, Аваз Ўтар дунёқарашининг такомилида шубҳасиз, катта аҳамиятга эга бўлди. Ўрта Осиё халқларининг ҳаммасида бўлгани каби, ўзбек халқи маънавий тараққиётида ҳам бу даврда етишган Муқимий, Фурқат, Завқий каби прогрессив-демократ шоирлар қаторига Аваз Ўтар ҳам келиб қўшилди ва Комилдан кейин адабиётда илғор халқпарварлик гояларининг Хоразмдаги қизғин тарғиботчиси бўлиб етиша бошлади.

Аваз Ўтар ўзининг ажойиб шеърларида инсофисиз амалдорларни, мунофиқ руҳонийларни, очкўз мулкдорларни шафқатсиз ва муросасиз танқид қилиб, ўша замондаги адолатсизликни, по-рахӯрикни, оғир зулмни фош этиб ташлади. Натижада сарой доираларидаги реакцион гуруҳлар шоирга душманлик назари билан қараб уни таъқиб остига олдилар. Қора гуруҳлар халқпарвар шоирнинг дамини кесиш, йўлига раҳна солиш учун унга қарши тұхматлар тўқидилар, бўғтонлар уюштирилар. Шоир динсизликда, шаккокликда айбланди. Жосуслар унинг танқидий руҳда ёзган шеърларини хонга кўрсатиб, уни ёмонладилар. Мұхаммад Раҳимхон соний ясовулларига буйруқ бериб, шоирнинг қўлларига киshan солдириб, саройга, ўз хузурига олиб келтирди. Тошбўрон қилдиришни мўлжаллаган хон, халқ газабидан қўрқиб «200 дарра урилсин» деган буйруқ билан чекланишга мажбур бўлди. 200 дарра урилиб, ҳушидан кетиб қолган шоирни «жинни бўлди» деб эълон қилдилар ва уни Хива яқинидаги Оқмачит қишилогида, «Бобо эшон» гўристонида уя қурган шайхлар ихтиёрига «даволаш учун» юбордилар.

Аваз Ўтар ўз ҳаётида бир неча бор бундай тұхмат ва ҳақоратларга йўлиқиб, «хон дарраси» зарбида азоб чекишига мажбур бўлган эди. Шоир Аваз Ўтар сўнгти марта 1909 йилнинг ёз фаслида хоннинг шундай жазосига гирифтор бўлган эди. Аваз Ўтар «Бобо эшон» мозористонида шайхлар қўлида бир неча ой мутасил азаб чеккандан сўнг, 1909 йилининг охиirlарида банддан озод бўлади.

Лекин реакцион гуруҳларининг бундай ваҳшийликлари Аваз Ўтар иродасини бука олмади. Шоир ўз эътиқодида мустаҳкам туриб, янада изчиллик билан халқ душманларига, реакция, жаҳолат тарафдорларига қарши курашишни давом эттириди.

Аваз Ўтар «мозористон азобидан» қутулгандан сўнг ота касби сартарошлик билан шуғулланиб, умр кечирди ва ижодий ишини давом эттириди. Аваз Ўтар бу даврда Хоразмнинг илғор кишиларидан Матёқуб Отажонов, шоир Баёний, композитор ва шоир Чокар (Матюсуф Харратов) ва бошқалар билан яқин алоқа боғлаб ҳамкорлик қилди. Шоир, айниқса, илм-маданият янгиликлари билан қаттиқ қизиқди. Рус, озарбайжон, татар тилларида чиқадиган газеталарни ўқиб турди. Тошкентда чиқадиган газета ва журналлар билан бевосита алоқада бўлиб, ёзган шеър-

ларидан баъзиларини уларда нашр ҳам эттириди. Шундай қилиб, Аваз Ўтар демократ, маърифатпарвар шоир сифатида танила бошлади.

Аваз Ўтар «Мактаб», «Тил», «Топар экан қачон», «Фидойи халқим» каби маърифатпарварлик руҳидаги шеърлари билан бир қаторда, «Уламоларга», «Сипоҳийларга», «Шайх», «Пора истар» каби кескин танқидий-сатирик асарларини яратди. Бу асарлар халқ ўртасида кенг тарқалди ва реакционерларни шарманда қилишда халқ қўлида катта қурол бўлди.

Лекин шоир доим хон ва реакционерлар таъқиби остида юрди. Муҳаммад Раҳимхон соний ўрнига Хива тахтига ўтирган ашаддий мутаассиб ва қонхўр Асфандиёрхон ҳам унга ўз зулмини ўтказди. Масалан, бу хон соғлиғи ночор бўлган шоирни яна 150 дарра урдириб жазолатди. Бу воқеадан сўнг Аваз Ўтар сил касали билан оғриб, ётиб қолди. Аваз Ўтарнинг касали кундан-кунга оғирлашиб борди ва у 1919 йилда 35 ёшида ўзи куйлаган озодлик кунлари — Хоразм халқ революцияси (1920) яқинлашиб келаётган бир даврда бевақт вафот этди.

Аваз Ўтарнинг ижодий мероси. Аваз Ўтар XIX асрнинг охирларидан бошлаб ижод қила бошлади. Шоирнинг ижодий йўли узоқ давом этмаган бўлса ҳам, лекин маҳсулдор ва кенг мазмунли бўлди.

Аваз Ўтар, асосан, поэзия соҳасида ижод этди. У ўзбек класик поэзиясининг ғазал, муҳаммас, маснавий мустаҳзод, рубоий, фард каби машҳур шаклларида ажойиб асарлар яратди. Лекин шоирнинг ижодий мероси тўла аниқлангани йўқ. Унинг ўз шеърларини тўплаб, девон тузгани маълум. У девоннинг иккита қўл ёзма нусхаси ЎзССР Фанлар академияси Шарқшунослик институти фондида (инв. №№ 942, 3451) сақланмоқда. Бу девонга шоир «Саодат-ул-иқбол» («Бахтли иқбол») деб ном қўйган. Бундан ташқари, XIX асрнинг охирлари ва XX аср бошларида Хоразмда тузилган баёзларнинг ҳаммасида Аваз Ўтар шеърларидан намуналар учрайди.

Баъзи манбаларнинг кўрсатишига қараганда, Аваз Ўтардан қолган ижодий мероснинг умумий ҳажми 20 минг мисрадан ошиқроқдир. Табиийки, бу мероснинг кўпчилик қисми ғазал шаклида ёзилган лирик шеърлардан иборатdir. Аваз Ўтар ижодий меросида лириканинг кичик шакли бўлган қитъа, рубоий ва фардлар алоҳида ўрин тутади. Кейинги асрларда этишиб чиққан шоирларнинг ҳеч бири бу шеърий шаклларга Аваз Ўтарчалик кўп эътибор бермаган. Чунки Аваз Ўтар бу шеърий шаклларда кўп машқ қилиш билан чекланмасдан, уларга янги руҳ, янги мазмун ҳам бағишлади.

Аваз Ўтар ижодий меросига хос бўлган хусусиятлардан яна бири шуки, у поэзиямизда кам учрайдиган шеърий шакллардан бири соқийномаларга ҳам анча эътибор бериб, улардан кенг

фойдаланди. Чунончи, шоирнинг 1956 йилда нашр қилингган «Танланган асарлар»ида 328 мисра шеърни ўз ичига олган тўртта соқийнома бор.

Аваз Ўтар асарларининг асосий қисми бизгача қўл ёзма девонларда ва баёзларда етиб келган бўлса-да, унинг 1914 йилдан кейин ёзган асарларининг бир қисми ўша замондаги вақтли матбуот саҳифаларида ҳам босилган. Айниқса, Аваз Ўтар ижодининг энг мазмундор ва салмоқли қисми — унинг ижтимоий ва сиёсий темадаги лирикаси 1920 йил, Хоразм революциясидан кейин чиқа бошлаган «Инқилоб қуёши», «Хоразм хабарлари» газеталари саҳифаларида нашр этилган эди.

АВАЗ ЎТАР ИЖОДИННИГ ТАРАҚҚИЁТ БОСҚИЧЛАРИ

Ҳамма шоирларда бўлгани каби, Аваз Ўтар фаолиятида ҳам маълум юксалиш, эволюция кўзга ташланади. Аваз ўз ижодини кичик ҳажмдаги лирик шеърларни машқ қилишдан бошлади ва аста-секин маҳорат қозониб, поэтик жанрларнинг мураккаб турва шаклларига интилди. Аваз Ўтарнинг XIX асрнинг охирларидан 1919 йилгача, яъни қарийб 20 йилдан кўпроқ муддат давомида ижод қилган шеърий асарлари ўзининг мазмуни ва бадиий хусусиятлари жиҳатидан турли характерга эга бўлиб, ўзида шоирнинг ижодий такомилини акс эттиради.

Аваз Ўтар ижодий меросининг хронологияси тўлиқ аниқланган эмас. Айниқса, унинг девонидаги шеърларнинг қайси бири қаҷон ёзилгани ҳанузгача номаълум бўлиб келмоқда. Шунинг учун шоир ижодий эволюциясининг босқичларини аниқ белгилаш қийиндир, албатта. Шунга қарамай, баъзи маълумотларга суюнган ҳолда, айниқса 1914 йилдан кейин ўша давр вақтли матбуотида эълон қилинган асарларига суюниб, шоир босиб ўтган ижодий йўлни қўйидаги уч даврга ажратиш мумкин.

1. Аваз Ўтар ижодининг илк даври. Бу давр XIX асрнинг охирларидан 1905 йилгача бўлган вақтни ўз ичига олади. Бу вақтларда Аваз Ўтар ёш шоир сифатида изланиш, ўрганиш даврини бошидан кечирди ва маълум даражада сарой адабиёти таъсирида бўлди.

2. Аваз Ўтарнинг 1905 йилдан 1914 йилгача бўлган даврдаги ижоди. Бу даврда Аваз Ўтар классик адабиётнинг энг яхши традицияларини давом эттирувчи демократ шоир сифатида камол топа бошлайди.

3. Аваз Ўтарнинг 1914 йилдан умрининг охиригача бўлган даврдаги ижоди. Бу даврда Аваз Ўтар демократ шоир сифатида яна ҳам мустаҳкам ва изчил позицияда туриб, ўз ижодида маърифатпарварлик ва озодлик мотивларини илгари суради.

Аваз Ўтар ижодининг илк даври. Аваз Ўтар ўз ижодини мавжуд адабий муҳит таъсири остида бошлади. Чунки эндигина адабиёт оламига қадам қўйётган ёш шоир ўз даврининг машҳур ва обрўли ижодкорларига эргашиши табиий эди. Аваз Ўтар ўз ижодини бошлаган даврда Феруз бошлилик қилаётган сарой адабиётидаги адабий ҳаракатнинг таъсири кучли эди. Бу ҳаракат тарафдорлари истеъдодли шоир сифатида етишиб келаётган ёш Аваз Ўтарни ҳам ўз манфаатларига хизмат қилдириш маҳсадида уни хон саройига жалб этдилар.

Натижада Аваз Ўтар дастлабки вақтларда, сарой адабиёти руҳи ва тематикасида ишқий-эротик шеърлар ёзиш билан машғул бўлди. Аваз Ўтарнинг бу даврда яратган асарлари сарой адабиётига хос бўлган формализм, санъатпардозлик хусусиятлари билан характерланади. Уларда мазмунга эмас, сўз ўйинларига берилиш, формал приёмлар учун асар гоясини қурбон қилиш хусусиятлари устун туради. Бундай хусусиятларга эга бўлган шеърлар Аваз Ўтар девонларида, оз бўлса-да, учрайди. Чунончи, шоирнинг «Хабар» радифли шеъри шу хилдаги асарларнинг бир намунасидир:

Қосидо, бер ул суманбардин хабар,
Роҳати жон, шўх дилбардин хабар.

Кўзларимни ёритурга топмадим,
Орази хуршиди анвардин хабар.

Бенавоман қумридек эшитмайин,
Қадди шамшод ила ар-ардин хабар.

Не топа олдим жаҳон мулки аро,
Кокили мушк ила апбардин хабар.

Эйки гар билсанг қаерда эрканин,
Бер ҳамул шўхи ситамгардин хабар.

Топмадим ҳарчанд истиғфор этиб,
Ул паришон чашми кофардин хабар.

Эй Аваз, топғил демиши неча газал,
Шоири доно ҳунарвардин хабар.

Бу шеър Аваз Ўтарнинг дастлабки ижодий маҳсули бўлиб, у ўзининг гоявий-бадиий хусусиятлари билан сарой адабиёти намуналаридан фарқ қилмайди. Бу шеър тематик жиҳатдан ишқий-шаҳвоний характердадир. Образлар системаси жиҳатидан эса сарой шоирлари томонидан қайта-қайта ишлатилиб сийқалашган, таъсир кучини йўқотган иборалар, мажоз-истиоралардан

нарига ўтмайди («шамшод қад», «ар-ар қомат», «мушк анбар кокили», «паришон чашм» ва бошқалар). Чунки бу даврда ёш шоир Аваз Ўтар бадиий маҳоратда мустақилликка эриша олмайди ва сарой адабиётининг мавжуд приёмларидан фойдаланиш билан чекланади.

Қуйидаги «салламно» радифли шеър ҳам Аваз Ўтар ижодининг илк даврига мансуб бўлиб, гоявий ва бадиий хусусиятлари жиҳатидан «хабар» радифли шеърдан фарқ қилмайди:

Уликка жон берур жонбахш гуфтординга салламно,
Мамот айлар тирикни чашми хунхорингга салламно.

Жаҳон дилбарлари кўрса руҳсори жаҳонтобинг,
Бўлиб ҳайрон, дер эрди: бори дийдорингга салламно

Гул ўзни тарк қилғай ўёлгандин чаман ичра,
Деюб қаддингни кўргач сарв рафтординга салламно...

Лекин «табъи тез» шоир Авазнинг бир нуқтада қотиб қолиши мумкин эмас эди. Истеъдодли шоир турмушни зийраклик билан кузатиб бориши натижасида ижтимоий ҳаёт ҳодисаларининг моҳиятини чуқур ўрганиб, ўз мушоҳадаларини бойитиб борди. Шунинг учун унинг ижоди такомиллаша бориб, секинаста янги босқичга кўтарилди.

Аваз Ўтар ижодининг янги босқичга кўтарилиши. Аваз Ўтар ижодий фаолиятидаги иккинчи давр (1905—1914 йиллар) шоир ижодининг анча сермаҳсул давридир. Аваз Ўтар девонига кирган шеърларнинг кўпчилиги шу даврда яратилган.

Аваз Ўтар поэзияси мазмунан бой, шаклан ранг-барангdir. Аваз Ўтар поэзиясининг асосий темаси ишқий тематикадир. Бу тема орқали шоир чуқур инсоний ҳис-туйғуларни тараннум этди. Муҳаббат, садоқат, самимият, вафодорлик каби инсоний фазилатларни куйлаш Аваз Ўтар поэзиясининг етакчи гоявий асосини ташкил этади. Аваз Ўтар поэзиясидаги муҳаббат лирикасининг бу моҳияти, киши меҳру вафода, ишқда, садоқатда камолотгэ эришади, деган гояси қўйидаги ғазалда яхши ифода қилинган:

Вафоу меҳр эрур борҳо хисол манга,
Нетонгки етса агар ишқ аро камол манга.

Нечук мурод ила мақсад топай жаҳон ичра,
Ҳамиша толе эрур аро вубол манга.

Рақиб хайли эрурким ғаний бу оламда,
Аларнинг атласидин аҳсан эски шол манга,

Давомат ўлғусидур одатим вафо била меҳр,
Етушгуси бу жиҳатлар била завол манга.

Агарчи зйнати кўп жоми Жам не ҳожатдур,
Ки яхшидур топилса синуқ сафол манга.

Аваз нетонгки, ул ой қоматини ҳажрида,
Аламнинг остида қад бўлса бўй дол манга.

Аваз Ўтар поэзиясининг бадиий-стилистик хусусиятлари ҳам диққатга сазовордир. Шоир деярли классик поэзиямиздаги ҳамма шеърий шаклларда чиройли намуналар яратди. Унинг девонида жўшқин ҳиссиятли, тийран фикрли кўпгина ғазал, мураббаъ ва мухаммаслар учрайди. Поэзиямизда камроқ учрайдиган мустаҳзод, мусамман, таржиъбанд, қитъа, соқийнома намуналари ҳам унинг девонида бор.

Аваз Ўтар шеърлари вазни, қофияси, радифи жиҳатидан ҳам юксак маҳорат билан яратилган асарлар бўлиб, уларда аruz вазнининг турли-туман кўринишлари, янги-янги варианatlари учрайди; унинг шеърлари ўз мазмуни ва шақлига муносиб шўх ва енгил вазнда ёзилган.

Аваз Ўтар ижодининг янги босқичга кўтарилиши даврида яратилган асарларнинг характерли хусусиятларидан бири шуки, шоир классик адабиётимизнинг энг яхши традицияларини давом эттириб, чиройли ва мазмундор лирик асарлар ижод қилиди. Алишер Навоий, Лутфий, Фузулий каби шоирларнинг ғазалларига мухаммаслар боғлади. Аваз Ўтарнинг классик поэзия, биринчи навбатда, улуғ Алишер Навоий традицияларини муваффақият билан давом эттирганини кўрсатиш учун қўйидағи бир фактни келтириш кифоя.

Алишер Навоийнинг «Чор девон»ида:

Қўзинг не бало қаро бўлубдур,
Ким жонга қаро бало бўлубдур —

байти билан бошланадиган кичикроқ бир ғазал бор. Тазод усулида ёзилган бу ғазалнинг ўз тарихи бор. Алишер Навоийнинг «Мажолис-ун-нафоис»ида берган маълумотига кўра, бу байт аслида унинг самарқандлик дўсти Мирзо Алибек исмли истеъдодли бир шоирга мансуб бўлиб, Навоий у дўстининг ҳурмати ва хотираси учун бу байтни давом эттирган ва ғазал шаклида тутатиб, уни ўз «Чор девон»ига киритган. Икки машҳур талант маҳсулси сифатида майдонга келган мана шу ажойиб ғазалга Аваз Ўтар мухаммас боғлаган. Шеърнинг тарихий аҳамиятини назарда тутиб, шунингдек, Аваз Ўтарнинг бадиий маҳоратини намойиш қилиш мақсадида мухаммасни тўлиқ келтирамиз:

Дил ишқингга мубтало бўлубдур,
Ҳам расми вафо анго бўлубдур,
Ойини жафо санго бўлубдур,
Қўзинг не бало қаро бўлубдур,
Ким жонга қаро бало бўлубдур.

Кулба қилай ул санами лиқодин,
Кўнглип узиб аҳли бенаводин.
Ишқи аро зору мубталодин,
Бегона бўлубдур ошнодин,
Бегонага ошно бўлубдур.

Бўлса нетонг аҳли даҳр қурбон,
Ким лаб анга мисли фунча хандон,
Ораз догои ҳам чу моҳи тобон,
Ишқ ичра анинг фидоси ҳар жон,
Ҳар жонки санга фидо бўлубдур.

Хижрон аро чекса кўп жафони,
Демайки жафо, туман балони,
Фош айлабон ойини вафони,
Боқий толар улки бўлди фоний,
Рахравга фано бақо бўлубдур.

Дилдўз басе ривояти ишқ.
Жонсўз, Авази, ҳикояти ишқ.
Бу нав дурур ниҳояти ишқ,
То тузди Навонӣ ояти ишқ,
Ишқ аҳли анга паво бўлубдур.

Ишқ ҳақида айтилган беҳисоб «ривоятлар», тўқилган сонсаноқсиз «ҳикоятлар» ичида бу бадиий парчадек таъсиричан, дилни жалб этиб, жонни ўртовчи «жонсўз» ва «дилдўз» лавҳа камдан-кам учраса керак. Масаланинг диққатга сазовор томони шундаки, Аваз Ўтар икки улуғ санъаткор томонидан зўр маҳорат билан ёзилгаш газалга маҳорат ва санъат борасида ҳеч ҳам қолишмайдиган мисралар илова қилиб, ажойиб муҳаммас яратди.

Қитъа ва рубоийлар. Аваз Ўтар поэзиясида рубоий ва қитъалар алоҳида ўрин тутади. Қитъа ва рубоийларда ишқий, ахлоқий, фалсафий темалардан ташқари социал мотивлар — сатирик элеменtlар ҳам кўп учрайдики, бу мотивлар Аваз Ўтарнинг бу даврдаги поэзиясининг иккинчи характерли хусусиятидир.

Аваз Ўтарнинг фақат қитъа ва рубоийларидағина эмас, балки унинг лирик шеърларида — газалларида ҳам бундай сатирилар бор. Масалан, «Шайх», «Икки шайх» шеърлари дин аҳлларини фош қилишга қаратилган бўлиб, улар сатирик аҳамиятга моликдир. Лекин сатирик тематика, айниқса, унинг қитъа ва рубоийларида кенг ишланган.

Аваз Ўтар поэзиясида текинхўр, мунофиқ дин аҳлларини — зоҳид, тақводор эшон ва риёкор шайхларни танқид қилиш катта ўрин тутади. Аваз Ўтар кичик шеърий шаклда — қитъа ва рубоийларда бу темани зўр маҳорат билан ишлади ва адабиётимиздаги антиклерикал йўналишни янги, мазмунда ва жозибадор на муналар билан бойитди. Унинг баъзи рубоий ва қитъалари ўзи-

нинг юқори санъати, чуқур ва ўткир мазмуни билан Навоий ва Бобир рубоийларини эслатади. Масалан:

Масжидга кириб субҳу шом, эй зоҳид,
Хосил санга эрмас эрса ком, эй зоҳид.
Дайр ичра киргил ҳамиша ихлос ила,
Ринд аҳли била ичкали жом, эй зоҳид.

Бу рубоийда Аваз Ўтар мунофиқликни ўзига касб қилиб олган тақвадор зоҳид ва обидлар устидан кулади. Умуман, Аваз Ўтар адабиётда Навоий ва Бобир йўлини муваффақият билан давом эттирувчи рубоий устаси ҳисобланади. Қуйидаги рубоий ҳам ҳеч эсдан чиқмайдиган жозибадор адабий лавҳалардан бирдир:

Ёраб, мани ишқ бандидин айла халос,
Ҳам ёр сочин камандидин айла халос,
Зоҳид манг бағусидур озор басе,
Бул лаҳзада онинг пандидин айла халос.

Аваз Ўтар ўз рубоий ва қитъаларида фақат дин аҳллари устидан кулиб қолмай, балки жамият илләтларини ҳам изчиллик билан фош этади, ҳалқ манфаати учун зарарли бўлган ҳодисаларни тақиқ қиласди, меҳнаткашлар устидан зулм ўtkазаётган эксплуататор синф вакилларига лаънатлар ўқииди. Аваз Ўтар демократ шоир сифатида порахўрлик ва зулм асосига қурилган чирик феодал тузумини, сарой аристократиясини, амалдорларни қоралайди:

Ёмонларнинг ёмони андоқ одамдур жаҳон ичра,
Йироқ ўлгуси то ўлгунча инсоғу диёнатдин.
Олиб мазлумлар молини юз минг зулму кин бирла,
Қилур бехонумон хавф этмайин явми қиёматдин.

Аваз Ўтар қитъалари ичida «Фалони» сўзи
«Фалони» цикли. Билан бошланадиган сатирик цикл учрайди. Кўпинча, тўрт ва олти мисрадан иборат бўлган бу шеърий парчаларни шоир дин аҳлларига, бойларга, амалдорларга ва бадфеъл одамларга бағишлади. Масалан, бу циклга кирган қитъаларнинг бирида Аваз Ўтар зоҳидларни шундай фош этади:

Фалони зоҳиди худбинки, худбинлик қилур зоҳир,
Узини аҳли тақво пешвосидин ҳисоб айлаб.
Қилур ваъзи-насиҳат кундуз ўлса аҳли оламға,
Саҳарлар тоати ҳақ ўрниға нўши шароб айлаб.

Бошқа бир қитъада эса бойлар ва уларнинг феъл-автори ҳажв остига олинади:

Фалон бозилға бўлсун борча дашном узра дашном
Ки фақр аҳлига жавр айлаб, ғанийларға қилур инъон.

Танаъум аҳлиға неъмат қўюб, оч аҳлиға бермас.
Хуш эрди топса андоқ элни умри муддати иттом.

«Фалони» циклига кирган шеърларда демократ шоир жамиятнинг турли социал табақаларини, ҳатто, тахт эгаси бўлган хонни ҳам танқид қиласди. Бу циклдаги шеърларда танқид объектининг номи тилга олинмаса ҳам, уларнинг маълум қисмида бутун жинояткорларнинг бош ҳомийси — хон тўгрисида фикр юритилади:

Фалони гарчи кўп олий насабдур,
Вале нодону жоҳил, беадабдур,
Адабдур издиёди баҳту иззат,
Анга бу важҳдин маҳфи лақабдур.

Маълумки, Мұхаммад Раҳимхон соний вафотидан сўнг 1910 йилда Хоразм тахтига ўтирган Исфандиёрхон ўзининг ашаддий реакцион, фанатик сиёсати билан, ўтакетган беадаблиги, фаҳшамашатпастлиги билан тариҳда машҳурдир. Унинг ҳукмронлиги даври Хоразм меҳнаткашларининг энг фожиали тақдирини ташкил қиласди. Исфандиёрхон ўз ҳукмронлиги даврида ҳаётдаги ҳар қандай жонли интилишни бўғди, туғилиши мумкин бўлган ҳар қандай ёруғликни нодонлик, зулмат пардаси билан тўсади. Шунинг учун шоир Аваз Ўтарнинг хонга бўлган ғазаб ва нафрати гоят чексиз бўлиб, у «Фалони» циклидаги шеърларида ҳам, бошқа асарларида ҳам хонни қайта-қайта фош этди. Шоир ўзининг шеърларидан бирида хонга бўлган муросасиз душманлигини қуийдагича кескин тусда ифодалаган эди:

Билинг ушбу замон ғамнокидурман,
Куюб ўртанимиш элнинг хокидурман.
Авазким, назм элин чолокидурман
Бошин олмоққа хоннинг покидурман.

Бу мисраларда «Куюб ўртаниган эл» тилидан хитоб қилаётган шоирнинг исёнкорона руҳи, алам-ҳасратлари яққол ифодаланган.

Демократ шоир учун хон ҳам, унинг атрофини ўраб олган катта-кичик амалдорлар ҳам, хонақоҳда алдаш тузофини қурган шайх ҳам, бадфеъл мулкдорлар ҳам энг қабиҳ ва элга заарали кишилар эди. Шунинг учун Аваз Ўтар уларнинг ҳаммасига қарши кескин ҳажвиялар ёзиб, халқ манфаати учун бутун куч-ғайратини аямай, изчил кураш олиб борди.

Аваз Ўтар поэзиясининг бу демократик, халқпарварлик мөҳиятини кўрсатишда, шоир дунёқарашининг юқори савиясини исбот қилишда қуийдаги машҳур қитъа жуда характерлидир. Бу қитъада шоир жамиятнинг манфаатлари бир-бирига зид бўлган икки ижтимоий лагерга ажralиб қолганини содда, лекин аниқ ва жуда яққол ифодалаган:

Сипоҳи пора истар,
Мулла ижора истар,
Бечора чора истар,
Бир чора замон борму?!

Кўрамизки, Аваз Ўтар мавжуд ижтимоий тузумда яшаб, унинг мараз ва иллатларидан нафратланибина қолмасдан, ҳалқ учун нажот излайди, «бечораларга чора» ахтаради ва «бир чора замон» бормикан деб, келажакка умид ва ишонч билан қарайди.

Аваз Ўтар ижодининг сўнгги йиллари.

1914 йилдан кейин рўй берган муҳим сиёсий ва тарихий ҳодисалар таъсири остида

Аваз Ўтар ўз ижодий такомилининг янги босқичига кўтарилиди. Бу даврда Аваз Ўтар ижодида ҳалқпарварлик гояларини куйлаш изчил тус олиши билан бирга, унда янги мотивлар ҳам пайдо бўлди. Аваз Ўтарнинг бу даврдаги ижоди учун энг характерли хусусият унда маърифатпарварлик ва озодлик мотивларининг устун бўлишидир. Бу жиҳатдан Аваз Ўтарнинг ўша давр вақтли матбуотида эълон қилинган ва ҳалқ ўртасида кенг шуҳрат қозонган «Халқ», «Уламоларга хитоб», «Сипоҳийларга», «Тил», «Мактаб», «Фидойи ҳалқим», «Харб ваҳшийларига», «Топар экан қачон» каби асарлари фоят муҳимдир.

Аваз Ўтар ўз ижодининг учинчи даврида ҳам ишқий темадаги лирик шеърлар ёзишни давом эттириш билан бирга, ижтимоий ҳаёт масалалари билан қизиқиб, сиёсий лириканинг ажойиб ва кучли намуналарини яратди. Чунончи, шоир юқорида номлари кўрсатилган асарларида ўз даврининг энг илгор гояларини илгари суради. Бу асарлар ўз гоявий-бадиий хусусиятлари жиҳатидан ўзбек адабиётида 1905 йилдан кейин туғилган янги типдаги поэзиянинг кучли ва яхши намуналаридир. Бу янги типдаги поэзияда кўрингани каби, Аваз Ўтар шеърларида ҳам революцион пафос сезилиб туради. Бу революцион пафос, даставвал, қулликка нафрат билдиришда, озод ва қувноқ ҳаётни улуфлашда, истиқболни, порлоқ келажакни куйлашда намоён бўлади.

Шоир поэзиясида маърифатпарварлик мотивлари. Аваз Ўтар поэзиясида маърифатпарварлик гояларининг туғилиши тарихий ва мантиқий жиҳатдан маълум асосга эгадир. Хива ҳонлигига кўп асрлардан бери жаҳолат ҳукмронлик қилиб кеслар эди. Шариат нормалари, диний таълимот ақидалари ижтимоий ҳаётнинг ҳамма томонларини занжирбанд қилиб олган бўлиб, замонавий илм-маданият, тараққиёт йўлларини беомон бўғиб турар эди. Иккинчи томондан эса Хива ҳонлигининг қўшниси бўлган Россияда, унинг мустамлакаси бўлган собиқ Туркистонда илгор рус маданиятининг таъсири секин-аста кўзга ташланга бормоқда эди. Мана шундай тарихий шароитда феодал ва руҳонийлар реакциясига зарба бериш, иж-

тимоий ҳаётда янгиликка, прогрессга йўл очиб бериш учун курашиш тарихий давр илгари сурган асосий масалалардан бири эди. Табиийки, бу масалани фақат жамиятнинг илфор қисми, халқ манфаатлари позициясида турган прогрессив тушунчали кишиларгина ҳал қилишга интилиши мумкин эди. Демократ шоир Аваз Ўтар ана шундай кишиларнинг бири бўлиб чиқди. Шоир ижодидаги маърифатпарварлик мотивларининг түғилиши ҳам шу тарихий зарурият билан белгиланади.

Аваз Ўтар маърифатпарварлик руҳидаги бир қатор асарлар ёзди. Улар ичида «Тил», «Мактаб», «Фидойи халқим», «Топар экан қачон» сарлавҳали шеърлар машҳурдир. Шунингдек, шоир ўзининг кўпгина газалларида, қитъа ва рубоийларида ҳам бу темани ишлаб, илм-маданият, тараққиёт ғояларини илгари сурди.

Аваз Ўтарнинг маърифатпарварлик руҳидаги шеърлари ичida «Тил» шеъри алоҳида хусусиятлари билан ажralиб туради. Бу шеърда Аваз Ўтар маданият ва тараққиётнинг қизғин тарғиботчиси, ўрта аср қолоқлигининг муросасиз ва жасур душмани сифатида майдонга чиқади.

Аваз Ўтар «Тил» шеърида чет тилларни ўрганиш кераклиги тўғрисида гапирганда, замонавий маданий тилларни, биринчи навбатда улуг рус тилини кўзда тутади. У бой рус тилини ўрганиш замонавий маданиятни эгаллаш учун бирдан-бир восита деб ҳисоблайди. Шунинг учун у ёшларга хитоб қилиб, тил ўрганинг, «тил фойдали кондир», у орқали илм хазинасига эга бўласиз, дейди.

Файри тилини саъй қилинг билгали ёшлар,
Лозим сиза ҳар тилни билув она тилидек.

Аваз Ўтар ёшларга қилган бу хитобида тил ўрганиш фақат илм-маданиятли бўлиш учунгина эмас, балки уйғониш, ўз ҳуқуқини таниш, турмушни ўзгариш, хўрлиқдан, зулм-ҳақоратдан қутулиш учун ҳам зарурдир, деган фикрни илгари суради. Маданий халқлар тилини ўрганиш фикрий уйғонишнинг муҳим воситаларидан биридир:

Хор бўлмасин онлар доғи тил билмай Аваздек,
Тил билмаганидан они бағри тўла қондир.

Аваз Ўтарнинг маърифатпарварлик ғоясини тарғиб қилувчи шеърларидан яна бири «Мактаб» шеъридир. Газал шаклидаги етти байти бу шеърда мактабни илм-маданият манбаси сифатида улуғлайди:

Дилу жон бирла эл мактаб очарга ижтиҳод этсин,
Нединким бизни ғам қайдидин озод этгуси мактаб.

Аваз, ҳимматни қил олий очарға эмди мактаб ким,
Балои жаҳлу нодонликни барбод этгуси мактаб.

Аваз Ўтарнинг бу шеърида ифода этилган мактаб ҳақидаги баъзи фикрларида мавхумлик, қуруқ шиорбозлик сезилиб турса-да, ундаги мактаб-маориф тушунчаларини жадидлар «маорифчилиги» билан тенглаштириш мумкин эмас. Аваз Ўтар ижодидаги маърифатпарварлик мотивларининг майдонга келишини шоир фаолияти ва дунёқарашининг умумий йўналишига қараб баҳолаш керак. Ана ўшанда Аваз Ўтар демократ шоир сифатида, ўз ижодининг асосий гоявий мотивлари жиҳатидан, умуман, жадидлардан, шу жумладан, «ёш хиваликлар» тўдасидан принципиал фарқ қилгани яққол кўринади. Буни шоирнинг сиёсий лирикасида ҳам равшанроқ кўриш мумкин.

**Шоир поэзиясида
сиёсий лирика.** Аваз Ўтар 1914 йилдан кейин сиёсий темада ажойиб шеърлар ёзди. Бу шеърлар ижтимоий ҳаётнинг тури соҳаларига тааллуқли бўлиб, уларнинг деярли ҳаммасининг ҳам гоявий йўналиши ўтиридир. Чунки уларда сиёсий ҳаётни бошқариш, мамлакатни идора этиш масалалари тўғрисида фикр юритилади. Дин аҳллари ҳукмронлик қилган мамлакатда эса ҳамма вақт нодонлик, жаҳолат авж олган, ҳалқ оммаси диний сафсалалар билан заҳарланган бўлади. Дин ҳамма вақт реакцияни кучайтириб, кучли эксплуатация қуороли сифатида мулкдорларга хизмат қилади. Шунинг учун ҳам Аваз Ўтар «Уламоларга хитоб» шеърида дин аҳлларининг маҳа шу қабиҳ қилмишларини жуда яққол очиб ташлайди ва уларни нодонлик, қолоқлик, жабр-зулм айборлари, деб ҳисоблайди:

Бирингиз қози, бирингиз аъламу, муфти бўлиб,
Бу не ойин эрдиким, сизлар намоён этдингиз.

Бизни айлаб хору зору нотавон этмоқ учун,
Бермайин осори ҳурлик, банди зиндон этдингиз.

Аваз Ўтар уламоларга хитобан, «бу ифлос қилмишларингиз учун масъулсизлар» деганда жуда ҳақли эди. Чунки улар мамлакат истиқболи, хароб ва қашшоқ бўлган ҳалқ ҳаёти учун жавобгар эдилар:

Бу фалокатлар учун масъул бўлурсиз оқибат,
Зулму истибодд ила миллатни вайрон этдингиз.

Аваз Ўтар ҳалқ тақдирни билан боғлиқ бўлган масалаларни кескин ҳал қилиши, танқидий фикрларини қатъий айтиши ва, ниҳоят, услубининг чўрткесарлиги билан ажralиб туради. У реалист шоир сифатида мавжуд воқеликни рад этиб, ижтимоий тузум иллатларидан нафратланиш ва уларни зўр шижоат билан

танқид қилиш билангина чекланмади. Аваз Ўтар мавжуд тартибларни ўзгартиш мумкинлигини пайқади, порлоқ келажакка умид боғлади ва унга интилди. Шоир ижодидаги бу олижаноб интилиш унинг «Ўламоларга хитоб», «Хадқ», «Сипоҳийларга», «Йўқ бўлинг», «Харб ваҳшийларига», «Замон» каби шеърларида яна ҳам яққол акс этган.

«**Ўламоларга хитоб**» фазали олти байтдан иборат бўлиб, у 1917 йилда ёзилган. Айтиш мумкинки, шеър дин аҳлларига — уламоларга ҳалқ номидан чиқарилган айномадир. Маълумки, ўзбек хонликларида, шу жумладан, Хива хонлигига, ислом руҳонийлари жуда катта ҳуқуққа эга бўлганлар, ҳоким гурухлардан бири ҳисобланганлар. У даврларда мамлакат дин-шариат номидан идора қилинган. Шунинг учун ўзбек хонликларидаги, шу жумладан, Хива хонлигидаги идора усули диний-феодал идора усули (теократик идора усули) деб аталади. Шоир бундай идора усулида ҳукмрон мавқеда бўлган дин аҳлларини фош этади ва «бир куни аҳли замон» уйғониб сизлардан жавоб талаб қиласди, дейди:

Бир куни сўргай Аваздек, уйғониб аҳли замон,
«Не учун миллатни сиз ер бирла яксон этдингиз».

Бу мисралар Аваз Ўтарнинг келгусига ниҳоятда зўр умид билан қараганини кўрсатади. Ҳақиқатан ҳам Аваз Ўтар турмушнинг доим асоратда, қулликда қолиб кетмаслигини, бир куни ҳалқ уйғониб ўз ҳуқуқини қўлига олажагини равшан англаган ва бунга чуқур ишонган эди. Келажакка, истиқболга бўлган аниқ умид ва ишонч Аваз Ўтарнинг бу даврдаги шеърлари учун ҳарактерлидир.

«**Сипоҳийларга**» номли шеърида ҳам чуқур оптимистик роя равшан ифодаланган. Аваз Ўтар тўрт байтдан иборат бўлган кичкина, лекин зўр маъноли бу шеърида чекланмаган истибодд асосига қурилган Хива хонлигидаги жабр-зулмга қарши исён кўтаради. Бюрократизм, порахўрлик авж олган хонлик идора усули ҳалқни безор қилган, жонидан тўйдирган эди. Шунинг учун шоир зулмнинг таянчи бўлган сипоҳийларга ҳам ҳалқ лаънатини билдиради ва тарих ҳукмини чиқазади:

Дам-бадам бедоду жабру зўрликлар айлабон,
Солма мазлум аҳлининг кўнглига мундоқ изтироб.

Мунчаким зулм айлагунг, бордир мукофоти замон,
Оқибат бир кун анга масъул бўлиб бергунг жавоб.

Аваз Ўтар золимларга нафрат билдириш ва ҳалқда уларга қарши ғазаб уйғотиш билан чекланиб қолмайди. У конкрет тарихий вазиятдаги ҳодисаларни диққат билан ўрганиб, улардан тўғри хulosалар чиқаришга ва меҳнаткаш ҳалқ оммасида рево-

люцион руҳни кўтаришга интилади. Улуғ Октябрь революцияси арафаларида ёзилган бу шеърда Аваз Ўтар «хуррият» бўлишини халқ учун озодлик қўёши чиқишини ифодалайди. Бу турмушдаги реал ҳақиқат эди. Аваз Ўтар бу ҳаёт ҳақиқатини шеърий тил билан ифода қилиб, меҳнаткаш халқни курашга илҳомлантириди.

1905 йилдан кейин кучайган миллий озодлик ҳаракати ва революцион кўтарилиш Аваз Ўтар каби илгор шоирлар ижодига таъсир қилиб, уларнинг асарлари орқали халқ ичига борган сари кенг, чуқур тарқалиб борди. «Хуррият»га бўлган ишонч меҳнаткашларнинг курашга, ғалабага бўлган интилишини мустаҳкамлар эди. Шоир Аваз Ўтар:

Бор умидим тездан бўлғуси ҳуррият куни,
Эй Аваз, қолмас булут остида доим офтоб —

деб, яқин келгусида бўлажак тарихий ўзгаришлардан дарак берди ва бу улуғ ғояни халқ ўртасида тарқатишга интилди.

«Халқ» ғазали 1917 йилда ёзилган етти байтли шеър бўлиб, у Аваз Ўтар сиёсий лирикасида алоҳида ўрин тутади. Айтиш мумкинки, бу шеър ўзининг гоявий моҳияти жиҳатидан Аваз Ўтар сиёсий лирикасининг якунидир. «Халқ» шеърида шоир озод, қувноқ, фаровон ҳаётни кўйлаши билан бирга, тўғридан-тўғри халққа мурожаат қиласи ва уни золимлар зулмига барҳам бериш учун ўйғонишга, курашга чақиради.

«Халқ» шеъри демократ шоир Аваз Ўтар поэзиясидаги халқ-парварлик гояларини намойиш қилувчи энг кучли шеърлардан биридир. Шеърда халқ ҳолига ачиниш, золимларга чексиз нафрат билдириш жуда бой лирик туйғулар билан ифода этилган. Шеър халқнинг «зулм тифи билан бағри пора-пора» бўлганлиги тўғрисидаги мисралар билан бошланади:

Иўқ жаҳон мулкида биздек оқизу бечора халқ,
Зулм тифи бирла бўлғон бағри юз минг пора халқ.

Шеър халқни ўйғонишга чақириш билан тугайди. Аваз Ўтар агар замон кўзини очиб ўйғонса, халқ зулмдан, хўрлиқдан қутулади, деган хулоса чиқаради:

Кўзларин оҳиста-оҳиста агар очса замон.
Эй Аваз, бўлмас шунингдек борҳо овора халқ.

«Иўқ бўлинг» шеъри Аваз Ўтарнинг миллий буржуазия вакиллари — жадидларга, Хоразм шароитида эса ёш хиваликларга бўлган муносабатини кўрсатиш жиҳатидан мухимдир. Шеър 1917 йил февраль революциясидан сўнг ёзилган. Беш байтдан иборат бўлган ғазал шаклидаги бу шеърни Аваз Ўтар «эрк», «хуррият» деб шовқин кўтариувчи, лекин ўzlари «савдо-сотиқ бозорида

жавлон» урувчи миллий буржуазия намояндаларини фош этишга багишлайди:

Иўқ бўлинг тездан кўзимдин халқаро шармандалар,
Халқ ғамидан ўзин нарроқ тутгучи бегоналар.

«Ҳуррияту эрк» дебонки, ёлғон алфозлар била,
Оқибат мазлумлара ютдиридингиз хунобалар.

Қайсингизни кўрди эл капча билан ёп қозғонин,
Борингиз савдо-сотиқ бозорида жавлоналар.

Аваз Ўтар маълум вақт жадидларнинг, ёш хиваликларнинг «ҳуррият», «адолат» ҳақидаги сўзларига қулоқ солган ва ишонган бўлиши мумкин. «Ҳуррият» шеъри, эҳтимол, шу давр кайфиятининг маҳсули сифатида майдонга келгандир. Лекин бу кайфият узоқ давом этмади. Аваз Ўтар миллий буржуазия шиорларининг асл моҳиятини тезда фаҳмлади. Шундан кейин халқ манфаатидан узоқ бўлган у шоирлардан воз кечибгини қолмай, унга қарши кураш ҳам олиб борди. Унинг «Иўқ бўлинг» шеъри худди шу процесснинг натижаси сифатида майдонга келди. Шундай қилиб, Аваз Ўтарнинг жадидларга — ёш хиваликларга муносабати масаласи қисқа муддатли, ўткинчи англашилмовчилик тарзида қаралиши керак.

Аваз Ўтарнинг ўз ижодининг илк давридаги ўқиши, ўрганиш ва изланини вақтларини ҳисобга олмагандан, у бутун фаолияти давомида демократ шоир сифатида ижод қилди. 1905 йилда ёзилиб, ўша вақтда Самарқанд матбуотида эълон қилинган «Ҳарб ваҳшийларига» сарлавҳали шеъри ҳам буни яққол кўрсатиб туради. Бу шеърини Аваз Ўтар жаҳон уруши оловини ёқувчи империалистларга қарши қаратади. Унда шоир урушни халқлар бошидаги кулфат сифатида қоралайди, унинг халқа ва мамлакатга келтираётган даҳшатларини, ваҳшатларини тасвиirlайди:

Эй олами анжум аро ором суранлар,
Сизларда дахи бормудур аҳком суранлар.

Миллионлара бир кимсами қилғучи ҳукумат,
Кибр ила ғуруру, ҳасаду, кину, хусумат.

Зулм ила ситам қилғучи бир-бирига бисёр,
Мұхтож Аваздек тамом ҳом суранлар.

Аваз Ўтар бу шеърида уруш ва унинг даҳшатли оқибатларига қарши чиқиб, кенг халқ оммасининг фикрини, психологиясини ифодалади. Бу даврда В. И. Ленин бошлигидаги Қоммунистик партия ҳам урушга қарши қизғин ташвиқот олиб борар, чоризм мағлубияти учун, империалистик урушни гражданлар урушига айлантириш учун изчил кураш олиб борар эдики, бу ҳам кенг

халқ оммасининг манфаатини ҳимоя қилишдан бошқа нарса эмас эди. Аваз Ўтарнинг бу масалада тутган позицияси ҳам унинг охирйгача халқ ишига содиқ қолган демократ шоир эканини кўрсатди.

Хулоса. Аваз Ўтарнинг ўзбек адабиёти тарихидаги хизмати каттадир. У ўзбек демократик адабиётининг туғилиши ва тараққий этишида ўз ижодий фаолияти билан улкан ҳисса қўшган истеъдодли шоирдир. Шунинг учун демократ шоирлар тўғрисида гап борганда, Муқимий, Фурқат ва бошқалар қаторида Аваз Ўтар ҳам қонуний равишда тилга олинади.

Аваз Ўтарнинг Хоразмда ўзбек адабиётини ривожлантиришдаги роли айниқса диққатга сазовордир. Аваз Ўтар Хоразмдаги прогрессив адабий оқимнинг меросхўри ва давом эттирувчисидир. XIX асрда Хоразмдаги адабий ҳаракатда Мунис Хоразмий, Огаҳий, Комил Хоразмийлар бошлаган прогрессив йўлни XX аср бошларида, янги тарихий шароитда Аваз Ўтар давом эттирди ва уни юқори тараққиёт босқичига — демократик адабиёт босқичига кўтариб, ўзбек адабиёти тараққиётида шарафли ўринни ишғол қилди.

УЧ РЕВОЛЮЦИЯ ДАВРИДА ЎЗБЕК АДАБИЁТИ

(1905—1917 йиллар.)

1905—1917 йиллар орасидаги давр жуда бой ва муҳим ижтимоий ҳодисаларни ўз ичига олган даврдир. Бу қисқа, лекин шиддатли йилларда уч революция — 1905—1907 йиллардаги биринчи рус революцияси, 1917 йил февраль буржуа революцияси ва, ниҳоят, Улуғ Октябрь социалистик революцияси бўлиб ўтди. Бу давр ўзининг асосий мазмуни ва характеристикидан пролетар революциялари даврдидир.

1905 йил ва ундан кейин ижтимоий ҳаётда рўй берган муҳим тарихий ҳодисалар, пролетар синфи раҳбарлиги остида олиб борилган озодлик кураши ва революцион ҳаракатлар адабий ҳаётда ҳам акс этмай қолиши мумкин эмас эди. Бундан ташқари, чоризм атрофига уюшган ва революцияга қарши кураш олиб бораётган эксплуататорларнинг ашаддий реакцион гуруҳлари бор эдикӣ, улар манфаатини ҳимоя қилувчи реакцион адабиёт ҳам мавжуд эди. Шундай қилиб, ҳамма даврларда бўлгани каби, бу даврдаги адабий ҳаёт ҳам жамиятдаги бир-бирига қарама-қарши бўлган социал кучлар курашини акс эттирувчи икки лагерга — революцион адабиёт ва реакцион адабиёт лагерига ажralган эди.

ТАРИХИЙ ДАВР ХАРАКТЕРИСТИКАСИ

Урта Осиёning Россияга қўшиб олиниши ўлқа халқлари ҳаётининг ҳамма соҳаларида катта ўзгаришлар ясаганидек, социал табақаланишда ҳам сезиларли силжишлар вужудга келтирди. Саноатнинг аста-секин ривожлана бориши натижасида маҳаллий халқдан ишчилар синфи юзага кела бошлади. Улар турли сано-

ат тармоқлари, айниқса, темир йўл корхоналарида бўлган рус ишчилари билан ёнма-ён туриб ишладилар.

Ўрта Осиёда ишчилар ҳаракатининг бошланиши XIX асрнинг 90-йилларига тўғри келади. 1898 йил ферваль ойида Кўқонда, июнь ойида Самарқандда бўлиб ўтган воқеалар ишчилар ҳаракатининг стихияли ҳаракатдаги дастлабки қўринишларидан эди.

XX аср бошларида Ўрта Осиёning турли жойларида, айниқса, саноат корхоналари бўлган районларда дастлабки марксистик тўгаракларнинг тузилиши, социал-демократик ташкилотларнинг пайдо бўлиши ишчиларнинг онгли ва ташкилий ҳаракат қилишига замин ҳозирлади. Бу процесс ўз навбатида маҳаллий халқ ўртасидан чиққан ишчиларни ҳам революцион ҳаракатга тортди, маҳаллий ишчилар, меҳнаткашлар рус пролетариати бошчилик қилаётган умумrossия социалистик ва революцион ҳаракатига бевосита иштирок эта бошладилар. Ўрта Осиёда революцион ҳаракатнинг кучайишида чор самодержавиеси томонидан ўлкага сургун қилинган рус профессионал революционерлари катта роль ўйнадилар. Чунончи, сиёсий масалада айбланиб, Қозон шаҳридан сургун қилинган В. Д. Корнюшин, Феофанов, Филиппович ва А. Р. Бахиревлар Тошкентда яшаб, революцион фаялиятларини давом эттирганлар.

Самарқандда эса сиёсий муҳожирлар орасида социал-демократ М. В. Морозов, Г. И. Шавдия, Е. Д. Кукулевлар иш олиб борганлар. Бундан ташқари, анчагина рус социал-демократлари Ўрта Осиёда революцион ҳаракатни кучайтириш мақсадида ихтиёрий равишда бу ерларга келганлар. 1903 йилда Чита шаҳридан Тошкентга келган социал-демократ Р. С. Барапов, 1904 йилнинг охириларида РСДРПнинг II съездиде Батуми комитетидан делегат сифатида иштирок этган революционер А. Г. Зубаров, 1905 йилнинг бошларида Томск шаҳридан келган М. М. Бузанский ва бошқалар шулар жумласидандир.

Ўрта Осиёning Тошкент, Ашхабод, Самарқанд, Красноводск, Кўқон ва бошқа йирик шаҳарларида социал-демократик ташкилотлар ташкил этилди. Бу ташкилотлар Марказий Россия ва Закавказье коммунистлари билан мустаҳкам алоқа боғлаб, марксизм-ленинизмнинг революцион таълимотини маҳаллий халқ ўртасида кенг тарқатишга киришди. Бу даврда Марказий Россиядан «Искра», «Вперёд», «Пролетарий», «Борьба» газеталари ҳам «Заря» журнали олиниб турилди. Марксизм-ленинизм классикларининг асосий, энг муҳим асарлари ҳам меҳнаткаш халқ ўртасида маълум бўлган ва катта қизиқиши билан ўқилган. Булардан ташқари, маҳаллий социал-демократик ташкилотлар ҳам кун сайин кучайиб, турли варақалар, прокламациялар чиқазиб турган. XX аср бошларида чиқиб турган «Русский Туркестан», «Самарқанд», «Рабочий» номли газеталар Туркистон со-

циал-демократларининг органи бўлиб, халқ ўртасида системали революцион ташвиқот олиб борган эди.

Шундай қилиб, социал-демократик ташкилотларнинг олиб борган ташкилий ишлари натижасида меҳнаткаш халқ ўртасида марксча-ленинча революцион таълимот борган сари чуқур томир отди. Қенг меҳнаткаш халқ оммаси пролетар синфи атрофига мустаҳкам уюшди, чоризмга қарши курашда чиниқди, 1905—1907 йил революцияси даврида ўзбек меҳнаткашлари ҳам ижтимоий ҳаракатларда қатнашдилар ва рус революционерлари билан бир сафда бориб, «Йўқолсин самодержавие», «Йўқолсин капитализм» шиорларини баланд кўтардилар, ўзларининг сиёсий ҳуқуқлари учун курашдилар.

Бу даврда революцион ҳаракат фақат саноат корхоналаридаги ишчилар синфини ғалаёнга солиб қўймай, қишлоқ меҳнаткашларини, камбағал деҳқонларни ва солдатларни ҳам ўзининг қудратли ҳаракати қучогига олган.

Ўзбек меҳнаткашларининг озодлик йўлида олиб борган курашларида 1916 йил воқеалари алоҳида аҳамиятга эгадир. 1916 йилги халқ қўзғолонининг бошланишига чор ҳукуматининг шу йил 25 майда маҳаллий халқдан фронт орқасидаги ишларга одам олиш тўғрисида чиқарган фармони сабаб бўлди. Подшоҳ фармонининг ҳамма офириклари меҳнаткаш халқ устига тушгани учун бусиз ҳам жабр-зулмдан эзилиб, жонидан тўйган халқ чексиз адолатсизлика қарши бош кўтарди. Ахир 1914 йилда бошланган биринчи жаҳон уруши даврида халқ бениҳоя таланиб, оғир ҳаёт кечиришга мажбур бўлди. Бу даврда турли туман солиқлар, янги-янги тўловлар, «Фронтга ёрдам» ниқоби остида халқни талашлар авж олди. Масалан, Туркистон аҳолисидан уруш фойдаси учун уч миллион пуд чигит мойи, 200 минг пуд совун, икки миллион 400 минг сўм пул, 70 минг от йиғиб олиниди. 1915 йилнинг январь ойида эса маҳаллий аҳолининг ҳарбий хизматдан озод қилинганилиги бадалига яна янги солиқ солинди. Бу солиқ шу қадар катта эдики, у ўрта ҳисобда ҳар бир хўжалик даромадининг 21 процентини ташкил этар эди.

Ана шундай оғир шароитда яшаган халқ ғалаёнга келмай иложи йўқ эди. Ижтимоий ҳаётда чуқур томир отган зулм, социал адолатсизлик, давлат аппаратларидағи бюрократизм 1916 йилги халқ қўзғолонининг ижтимоий илдизлари эди. Халқ ўртасида «Мардикор воқеаси» деб юритиладиган бу қудратли озодлик ҳаракати чоризм тахтини ларзага келтирди.

Бу даврдаги маҳаллий халқда бўлган революцион руҳ, уларнинг озодлик ҳаракатига рус революционерларининг бошчилик қилиши, 1916 йилги Тошкент қўзғолони буюк ёзувчимиз Ойбекнинг «Қутлуғ қон» романida foят зўр маҳорат билан бадиий ифодаланган. Бу роман революция арафаларида маҳаллий меҳ-

наткашларнинг озодлик йўлида олиб борган курашларининг ҳаққоний тасвиридир.

Ўзбекистондаги 1916 йил қўзғолони кенг халқ оммасининг чор ҳарбий феодал империясига ва унинг шериклари бўлган маҳаллий эксплуататорларга қарши қаратилган миллый озодлик ҳаракати эди. Чор самодержавиесини йўқотиш, эксплуататорларнинг жабру зулмини тугатиши бу қўзғолоннинг асосий шиори эди. Шунинг учун 1916 йилги қўзғолоннинг ҳаммияти каттадир. У чор самодержавиесига қатиқ зарба бўлди ва меҳнаткаш халқ оммасининг ўз куч-қудратига бўлган ишончини мустаҳкамлади.

МАДАНИЙ ВА АДАБИЙ ҲАЁТ. РЕВОЛЮЦИОН АДАБИЁТНИНГ ТУФИЛИШИ

1905 йилдан кейин кучайиб бораётган революцион ҳаракатларнинг бевосита таъсири остида маданий ва адабий ҳаётда ҳам кескин ўзгаришлар рўй берди. Ижтимоий ҳаёт ҳодисалари заминида идеологик устқурманинг, шу жумладан, маданий ва адабий ҳаётнинг аста-секин ўзгариши тўғрисидаги марксизм-ленинизм таълимоти бу давр мисолида ҳам аён қўриниб туради. В. И. Ленин 1905 йилги биринчи рус революциясининг ҳаммияти тўғрисида сўзлаб: «Жаҳон капитализми ва 1905 йилги рус ҳаракати Осиёни тамоман уйғотди. Ўрта аср турғунлиги остида эзилиб ёввойилашган юзларча миллион аҳоли янги турмушга ва одамнинг элементар ҳуқуқлари учун, демократия учун курашга уйғонди»¹, — деган эди.

Ҳақиқатан ҳам, ўша давр ва тарихий шароит кун тартибида инсоннинг элементар ҳуқуқлари учун, демократия учун кураш масаласи кўндаланг бўлиб турар эди. Осиёнинг кўҳна маданиятли халқлари уйғонди. Ўзбек халқи ҳам, Россиянинг бошқа халқлари қаторида, янги замонининг янги талаблари асосида озодлик учун курашга отланган, умумдемократия ва социалистик ҳаракатга қўшилган эди.

Умумий сиёсий ҳаётдаги ўзгариш маданий ҳаётнинг ҳамма тармоқларига ўз таъсирини кўрсатди. Матбаачилик, нашриёт ишларининг жонланиб, кўплаб газета ва журналларнинг нашр этила бошлиши, маориф ва мактаб ишларига бўлган эътиборничг сезиларли даражада ортиши, санъатнинг айрим тармоқларининг, айниқса, театр соҳасининг ривожланиши ана шу умумий маданий кўтарилишнинг аён белгилари эди. Бу даврда Кўқонда Ҳамза Ҳакимзода Ниёзий, Самарқандда Абдуқодир Шакурий, Сайидаҳмад Сиддиқий, Тошкентда Сайдрасул Азизов каби машҳур маърифатпарвар педагоглар иш олиб борганлар. Шунингдек, анчагина нашриётчи ва журналистлар, театр ва

¹ В. И. Ленин, Асарлар, 19- том, 71- бет.

илм-маданият арбоблари ўз фаолиятини давом эттирган. Бу даврда адабиёт ижтимоий ҳаётнинг марказида туриб, энг жонли ва ҳаётий масалаларни ўзида акс эттириб турган жанговар соҳа бўйлиб қолди. Завқий, Аваз Утар, Ҳамза Ҳакимзода, Садриддин Айний, Мирмуҳсин Шермуҳаммедов, Абдулла Авлоний, Баёний ва бошқа жуда кўп шоирлар бу даврда мавжуд бўлган адабий йўналишларнинг фаол иштирокчилари эдилар.

Ўзбекистон шароитида 1905 йилдан кейинги маданий ҳаётнинг энг характерли ва асосий нуқтаси шундаки, бу даврда марксизм-ленинизм таълимоти халқ ўртасида кенг тарқалиб, чуқур томир ота бошлаган эди. Коммунистик партиямиз томонидан илгари сурилаётган ва пролетар синфи бошчилигига ўтказилаётган революцион назария шу давр маданий ҳаётнинг асосий мөҳиятини, бош тараққиёт йўлини ташкил этади. Маданий ҳаёт ҳодисаларини, шу жумладан, адабий ҳаёт ҳодисаларини баҳолашда мана шу хусусиятни, тараққиётнинг ана шу бош йўлини асос қилиб олиш зарур.

Бу давр ижтимоий ва маданий ҳаётидаги социал кучлар ўртасида рўй берабётган синфий курашнинг мураккаблиги мактабмаориф масалаларида ҳам равшан акс этади. Маълумки, турли воситаларни ишга солиб маърифатга ташвиқ қилиш, эски мактаблардаги схоластикани, ўрта аср тарбия методларини танқид қилиш XIX асрнинг иккинчи ярмида яшаб ижод этган Муқимий, Комил Хоразмий, Фурқат каби атоқли шоирлар ижодида етакчи мотив эди. Бу демократ шоирларнинг бошлаб берган йўлни XX аср бошларида прогрессив-маърифатпарвар педагоглар — тошкентлик Сайдрасул Сайдазизов, наманганлик Исҳоқхон Жўнайдуллаев — Ибрат, самарқандлик Абдуқодир Шакурий ва бошқалар давом эттирилар ва «усули савтия» ёки «усули жадид» деб аталган янги усулдаги мактабларни ташкил этиб, кенг халқ оммаси ўртасида илм-маданият тарқатиш учун қизғини кураш олиб бордилар. Бу маърифатпарвар педагоглар XIX асрнинг иккинчи ярмида тугилган маърифатчилик ҳаракатининг меросхўрлари бўлиб, ўз даврларининг илфор, пешқадам кишилари эдилар. Мактаб-маориф соҳасидаги бу ҳаракат билан жадидларнинг «усули жадид» мактабларини бир-бирига аралаштириш ярамайди. Маърифатпарвар педагоглар илгари сурган мақсад-ғоялар ижтимоий онг тараққиёти тарихида XX аср бошларида прогрессив ҳодиса бўлса, жадидларнинг маорифчилик ғоялари миллий буржуазия мақсадларига бўйсундирилган ҳаракат эди. «Янги усулда мактаб ташкил қилиш иши жадидлар келиб чиқишидан кўп йил аввал бошланган бўлиб, у зўр прогрессив ҳаракат эди, унга дастлаб илфор муаллимлар — маърифатчилар асос солган эдилар»¹.

¹ И. Мўминов. Ўзбекистон ижтимоий-фалсафий тафаккури тарихидан, ЎзССР ФА нашриёти. Т., 1960, 99-бет.

Тарихда ижтимоий ҳодисалар соғ ҳолида учрамаганидек, бу давр адабиёти ҳам бир-биридан фарқ қилувчи бир неча ҳодисаларни ўз ичига олади ва мураккаб адабий процесс сифатида давом этади. Бу давр адабий ҳаётida кўзга ташланиб турган муҳим элементлардан бири, асосан, Завқий, Аваз Ўтарлар ижодида давом этиб келаётган демократик гоялардир. Бу давр адабиётида Фурқат ижодида куйланган маърифатпарварлик мотивлари ҳам бор эди. Бу мотив, айниқса, маърифатпарвар педагоглар ижодида яққол намоён бўлади, улар томонидан изчил давом эттирилади. Лекин маърифатпарварлик мотивлари бу давр адабиётининг етакчи белгиси ҳисобланмайди, бош тараққиёт йўлини белгилаб бермайди. Бу мотивлар ўтмишдаги адабиётдан ўтган прогрессив мерос сифатида яшайди, адабиётнинг янги авлоди томонидан ижодий равишда ўзлаштирилиб, давом эттирилади ва юқори поғонага кўтарилади. Бу давр адабиёти учун характерли ва муҳим бўлган асосий мотив кенг меҳнаткаш халқ оммаси диққатини борган сари ўзига кўпроқ жалб этиб бораётган революцион интилиш ва кайфиятларини ифода қилувчи революцион адабиёт бўлиб, у эндигина туғилиб келаётган эди. 1905 йилдан кейинги адабий ҳаётда революцион гояларнинг туғилиши ва тараққий этишида В. И. Лениннинг «Партия ташкилоти ва партия адабиёти» мақоласи муҳим аҳамиятга эга бўлди. Бу мақола революцион пролетариатнинг санъат-адабиёт соҳасидаги платформасини тугал ва чуқур баён этар эди. В. И. Ленин адабиёт ва санъатнинг пролетар синфининг революцион курашларидаги ўрни ва аҳамиятига юқори баҳо бериб, «Адабиёт иши умумпролетар ишининг бир қисми бўлиши керак»,— деб таъкидлади. В. И. Ленин адабиётнинг конкрет тарихий даврдаги вазифасини белгилаб, адабиёт халқчил ва партиявий бўлиши, коммунистик партия программасини амалга ошириш учун, революция иши учун хизмат қилиши лозим, деб уқтириди.

1905 йилдан кейинги давр адабиётида А. М. Горький ижоди ҳал қилувчи роль ўйнади. Бу буюк ёзувчи ўз ижодий кучи ва истеъдодини революцияга бағишилади, меҳнаткаш халқнинг озодлиги учун курашди. А. М. Горький ўша даврда адабий ҳаракатнинг марказий фигураси эди. Унинг атрофига Вересаев, Брюсов, Серафимович, Демьян Бедний каби пролетар ёзувчи ва шоирлари уюшиб, янги адабиёт яратиш учун қизғин ижодий меҳнат қилдилар. А. М. Горький 1906 йилда «Она» романини ёзиш билан социалистик реализм адабиётига асос солди. В. И. Ленин «Она» романига жуда юксак баҳо бериб, уни пролетар иши учун фойдали асар эканини таъкидлади: «Жуда вақтида ёзилган китоб,— деган эди. В. И. Ленин,— чунки кўп ишчилар революцион ҳаракатга онгизсиз равища, стихияли равища қатнашардилар, мана энди улар «Она»ни ўқиб ўзлари учун катта манфаат олажаклар».

Коммунистик партияning оқилона ва қаҳрамонона йўлбошчилиги остида олиб борилган революцион курашларнинг бевосита натижаси сифатида буюк рус революцион адабиёти туғилди. Рус революцион адабиёти мамлакатимиз халқлари революцион онгининг ўсишига ва бу халқларда революцион ҳаракатни акс эттирувчи адабий асарларнинг вужудга келишига самарали таъсири кўрсатди.

Ижтимоий ҳаёт заминида ва рус революцион адабиётининг бевосита таъсири остида 1905 йилдан кейин ўзбек адабиётида ҳам революцион гоялар туғила бошлиди, ўзбек революцион адабиётининг дастлабки намуналари майдонга келди. Революцион адабиётнинг ўзбек адабиёти тарихидаги аҳамияти шундаки, ўзбек адабиёти тарихида узоқ асрлардан бери ҳал бўлмай келган озодлик, эркин ҳаёт проблемаси революцион адабиётнинг туғилиши билан ҳал қилинди.

Революцион адабиётининг 1905 йилгача бўлган ўзбек адабиётининг ҳамма тараққиёт босқичларидан фарқи шуки, бу адабиёт ижобий идеални куйлаш, тараннум этиши билан чекланиб қолмади, балки шу ижобий идеални амалга ошириш учун актив кураш олиб борувчи, ҳаётни қайтадан қуриш учун интилувчи қаҳрамонни — ижобий қаҳрамонни ҳам яратди.

Ўзбек адабиётида революцион гояларнинг туғилишини кўрсатиши жиҳатидан революциядан илгариги халқ оғзаки ижодиётининг энг яхши намуналари, шунингдек атоқли шоир ва ёзувчиларимиздан Ҳамза Ҳакимзода Ниёзий ва С. Айнийлар ижоди дикқатга сазовордир.

Ҳамма даврнинг энг илгор адабиёти ҳисобланган оғзаки халқ ижодида революцион гоялар 1905 йил революцияси арафаларидан туғилди. Бу жиҳатдан фольклордаги «Номоз ўғри» темаси характеристеридир.

1905 йил революцияси даврида деҳқонлар норозилигининг ифодаси сифатида Самарқанд атрофларида кўтарилиган Номоз ҳаракати машҳурдир. Номоз раҳбарлиги остида кўтарилиган бўхалқ ҳаракати эксплуататор синфлар зулмига қарши кўтарилиган халқнинг стихияли норозилигини ифода этар ҳди. Бу ҳодиса ўша давр адабиётида, хусусан, фольклорида зўр муҳаббат билан куйланди. Бахшиларнинг қўшиқларида Номоз золимларидан ўч олувчи қаҳрамон сифатида таърифланган. Халқ шоирларидан Нурман Абдувой ўғли бу воқеага бағишлаб «Номоз» достонини яратган ва Номознинг қаҳрамонликларини халқ ўргасида куйлаб, халқни озодлик курашига илҳомлантирган. Манбаларда кўрсатилишича, Нурман Абдувой ўғли бу достони учун Катта-қўрғон ҳокими томонидан қўлга олиниб, уч ярим йил қамоққа ҳукм қилинган.

Нурман шоир ўз достонида халқ қаҳрамони Номоз ва унинг тарафдорлари томонидан олиб борилган шиддатли курашлар

чор ҳукуматини ҳам, Бухоро амирини ҳам жиддий ташвишга со-
либ қўйганини ҳаққоний куйлади:

Бедав миниб сағрисини силатти,
Амир, подшони таҳт устида йиглатти,
Ҳеч кўрмадим Номоздай азamatти.

Неча йиллар давомида халқ ўчини олиб, душманларни қақ-
шатиб юрган Номоз қаҳрамонликларини Нурман шоир достон-
чилик традициясига хос услугуб билан шундай тасвирлайди:

Оти Номозбекдир, ўзи шер эди,
Саллотларга оч бўридай дориди,
Ун тўрт бўлис ушлаёлмай ҳориди
Остига мингани учар қуш эди,
Номоздай қарчигай бордир жаҳонда.
Сайр этди мана бу икки даштини,
Шул бузгандир Моховхона¹ рашини
Қамоқдан озод қиб олтмиш кишини
Рустам қиломайди, қилган ишини,
Номоздайин полвон бордир жаҳонда².

Бу даврдаги халқ оғзаки адабиётида, шу жумладан, халқ қўшиқларида мавжуд тузумни лаънатлаш мотивлари, ҳоким, бек ва амалдорларнинг кирдикорларини фош этиш тенденцияси кенг акс эттирилади. Чунончи, меҳнаткаш халқ оммасининг кай-
фияти, психологияси, стихияли интилиши ва курашлари қўшиқ-
ларда шундай куйланади:

Хону бекни ер ютсин,
Ернинг қаърига кетсин.
Қозиларнинг қорнига
Қора қозиқ қоқилсин.

Қўйидаги қўшиқда ҳам мавжуд ижтимоий тузумни рад этиш, унинг ҳукмрон намояндаларини лаънатлаш мотиви равшан ифода этилган:

Оқар сувинг сув эмас, лой балчиғи,
Куриб кетсин бу хонларнинг аччиғи.
Золимларни ўлди деб келса хабар,
Йўлда қолар юрагимнинг санчиғи.

Кўкгина капитар боради жойига,
Ким қулоқ солгай бироннинг зорига.
Дод, деб борсанг қозининг олдига,
Осиласан подшонинг дорига.

1905 йил атрофларида меҳнаткаш халқ оммасида кучайган ре-
волюцион руҳ адабиётда борган сари кенгроқ акс эта бошлади.

¹ Самарқанд турмаси.

² Ўзбек фольклори. Хрестоматия. Тузувчи Ходи Зариф. Тошкент, 1939, 288-бет.

Биринчи жаҳон уруши даврида ва 1916 йиллар атрофида золимларни танқид қилувчи асарлар қаторида, подшо ҳукуматини афдаришга чақиравчи революцион қўшиқлар ва шеърлар яратилди. Бу дастлабки революцион асарларда чор мустамлакачилари ҳамда уларнинг малайлари бўлган маҳаллий эксплуататорлар ғазаб ва нафрат билан тилга олинади. 1916 йил воқеалари муносабати билан яратилган «Николай қон жаллоб», «Минг лаънат», «Золим» каби халқ қўшиқлари, шоир Пўлканнинг «Мардикор» сарлавҳали қўшиғи, Фозил шоирнинг «Жиззах қўзғолони» дostonи, «Чигиртка», «Қаҳатчилик» сарлавҳали термалари ва бошқалар революцион кайфиятни ифода қилувчи фольклор намуналаридир. Қуйидаги қўшиқларда давр ва халқнинг революцион руҳи, мавжуд тузумдан норозилик кайфияти, бу тузумни афдариб, адолатли ва озод ҳаёт қуриш учун курашга чақириш мотивлари яққол ифодаланган:

Ошқовоқни қайнатиб,
Еғини олган хўжайин.
Мехнаткашни ишлатиб,
Жонини олган хўжайин.

Бахмал пўстин оғир деб,
Отга соглан Сайд Аҳмад.
«Йигитларни биз берамиз», деб,
Хатта соглан Сайд Аҳмад.
*

Поездингни жилдирган,
Утхонаси билан дўнгалаги,
Двинскага кетиши
Мард йигитнинг бир бўлаги.

Двинскага кетмас эди
Мард йигитнинг бир бўлаги
Двинскага кетказган
Николай золим замбараги.

Двинскага йўл бўлсин,
Тахти тожи кул бўлсин
Йигитларни қийнаган
Николайнинг йўқ бўлсин.

1916 йил атрофларида яратилган халқ қўшиқларининг асосий мақсадини «Николай золим» ҳукуматини йўқ қилиш ғояси ташкил этади. Масалан, мардикорга борган ўзбек ишчиси тилидан айтилган қўшиқнинг қуидаги парчасида бу ғоя равшан таъкидланган:

Корда қарағай кесганман.
Ҳеч бир ҳақимдан кеймайман.
Бизни ишлатган Николайни
Тахтдан ағдармай қўймайман.

Халқ оғзаки ижодида куйланган бу асосий революцион гоянинг ёзма адабиётда ҳам акс этиши табиий эди, албатта. Маълумки, XX аср бошларида Завқий, Аваз Үтар каби демократ шоирлар ижодида озодлик мотивлари катта ўрин тутган эди. Булар ижодида куйланган келгуси озод ҳаёт романтикаси 1905 йилдан кейин ижод эта бошлаган Ҳамза, Айний каби шоир ва ёзувчилар томонидан давом эттирилди. Улар демократ шоирлардаги истиқбол қайғусини, келгуси озод ҳаёт тўғрисидаги қўшиқларни даврнинг илғор гоялари билан бойитиб революцион адабиёт даражасига кўтарилилар. Агар ўзбек адабиёти XIX асрнинг иккинчи ярми ва XX аср бошларида демократ адабиёт даражасига кўтарилилган бўлса, XX аср бошларида у марксизм-ленинизм гояларидан илҳомланиб, пролетар синфининг озодлик йўлидаги курашларидан озиқланиб, революцион адабиёт даражасига кўтарилилди ва ўзининг, кичик бўлса-да, дастлабки намуналарини яратди. Бу жиҳатдан ўзбек совет адабиётининг асосчиси шоир ва драматург Ҳамза Ҳакимзода ҳамда тоҷик совет адабиётининг асосчиси С. Айний бошчилигига ижодий фаолиятда бўлган Сўфизода, Мирмуҳсин Шермуҳамедов (Фикрий), Абдулла Авлоний, Дилшод, Анбар отин, Мутриб Хонахаробий, Чоқарнинг Октябрь революциясидан илгариги ижодлари характерлидир.

Сўфизода — Муҳаммадшариф Сўфизода (таяхаллуси — Ваҳший) 1869 йил 29 январда Чустда (Фарғона водийси) камбагал ҳунарманд оиласида дунёга келди. Сўфизода бошланғич маълумотини ўз юрти Чустда олгандан сўнг, ўсмирлик, йигитлик чоғларини Фарғона водийсининг турли шаҳарларида (Андижон, Қўйон, Наманган ва бошқа ерларда) ўтказади. Сўфизода ёшликтан адабий-ижодий ишлар билан қизиқди ва замонасанининг Муқимий, Фурқат, Завқий каби илғор шоирлари билан танишиди, ҳамкорлик қилди.

Сўфизода жасур табиатли, тўғри сўзли, тиниб-тинчимас, файратли одам эди. Сўфизоданинг илк ижодий фаолияти даврига мансуб шеърларининг биридан олинган қўйидаги байт:

Буни масжид деюрлар, на само аҳлига манзилдор,
Боринг, эй сўфилар, эшак каби саҳрора ҳангранглар¹.

Шоирнинг кескин услубидан, ижодининг таңқидий йўналишидан дарак бериб туради. Шоир билан расмий доиралар ўртасида шу ва шунга ўхшаш сабаблар заминида туғилган келишмовчиликлар асосида Сўфизода она юртини ташлаб чиқишига ва ўз умрани узоқ муддат чет ўлкаларда ўтказишига мажбур бўлади. Сўфизода Ўрта Осиёнинг турли вилоят ва шаҳарларида (Қорақалпогистон, Туркманистон, Хоразм) бўлишдан ташқари, чет мам-

¹ Сўфизода, Тароналар. F. Фулом номидаги бадний адабиёт нашриёти. Т., 1968.

лакатларда, Яқин ва Ўрта Шарқ мамлакатларида — Афғонистон, Туркия, Ҳиндистон, Арабистон ўлкаларига ҳам саёҳат қилган, турли ишлар билан машғул бўлиб анча вақтлар у ерларда яшаган Сўфизода Қавказнинг Тифлис ҳамда Боку шаҳарларида бўлиб, озарбайжон, татар матбуоти билан танишади, ўша даврнинг Жалил Мұхаммад Қулизода, Собир Тоҳирзода, Мұхаммад Ҳодий, Абдулла Тўқай каби илгор маданият арбобларининг ижодини ўрганади. Қозон, Оренбург, Боқчасаройда, шунингдек, Тифлис ва Бокуда чиқадиган прогрессив руҳдаги газета ва журнallарни мунтазам ўқиб боради. 14 йил (1899 йилдан 1913 йилгача) давом этган бу саёҳатдан сўнг Сўфизода 1913 йилда Чустга қайтади ва бу ерда янги усуздаги мактаб очиб, маориф ишлари билан шугулланади. Лекин бу ғал ҳам ҳақиқатгўй шоир Сўфизода Чустда узоқ яшай олмайди. 1915 йилда шоир яна чет элларга саёҳат қиласди. Афғонистонда шоир ўтина териб, ҳаммомда гўлоҳлик қилиб юрганида «Сироул ахбори афғония» газетасида унинг маърифатпарварлик руҳидаги шеърлари босилади. Газетадан бу шеърларни ўқиган Ҳабибуллахон шоирни чақириб олиб, маориф ишларига қўяди. Кейинроқ шаҳзода Омонуллохон уни маориф министрлигига ишга олади. 1918 йилда тараққийпарвар афғон амири Омонуллохон шоирни ҳукумат делегациясига таржимон қилиб юборади. Сўфизода афғон делегацияси составида расмий вазифа билан Совет Иттифоқига келади. У қулай фурсатдан фойдаланиб, Афғонистон ҳукуматининг розилиги билан унга юклатилган расмий вазифадан истеъро беради ва бир умрга жонажон халқи билан биргаликда яшаш ва ишлаш учун ўз Ватанида қолади.

Сўфизода шундан сўнг қизгин ижодий ишга берилиб, Туркистонда ёш Советлар давлатини мустаҳкамлаш ва ривожлантириш йўлида ҳормай-толмай кураш олиб боради. Шоир Сўфизоданинг халқ ва Ватан олдидаги хизматларини тақдирлаб, Ўзбекистон шўролар ҳукумати 1926 йилда унга «Ўзбекистон халқ шоири» деган фахрий унвон беради.

Сўфизода 1937 йилда 68 ёшида вафот этди.

Сўфизода ижодий мероси лирик ва сатирик шеърларни ўз ичига олади. Унинг катта эпик жанрда ижод этиб, «Байрам нашидалари» (1934) номли лирик достон ёзгани ва бир қатор драматик лавҳалар яратгани ҳам маълум.

Сўфизода ижоди 1905 йилдан қейинги адабиётимизга мансуб бўлиб, у ўзининг изчил демократик йўналиши, ўткир сатирик услуби, революцион руҳи билан характерлидир. Шоир ижодининг бу йўналиши, яъни унинг изчил демократик принципларга таянганилиги унинг ўзи томонидан ҳам таъкидлаб кўрсатилган.

Қалам бирлан курашдим, сўзни ёздим кўпни нафъига,
Сиёҳим, сурмаи дилсув анга нури басардандир.

Қўлингдан келса ётган камбағални тур, деб уйғотгин,
Қараб кўр, шоҳу, баргу мева асли бир самардандир.

«Камбағални тур, деб уйғотиш», уни озодлик учун курашга даъват этиш шу давр адабиётининг, шу жумладан, Сўфизода поэзиясининг революцион мазмунини ташкил қиласди.

Озодлик романтикасини куйлаш, кўтаринки революцион кайфият, меҳнаткаш халқни курашга даъват этиш Сўфизода шеърларида тез-тез учраб турадиган мотивлардандир.

Оч кўзингни, камбағал, гафлатни бошингдан ошир!
Бермагил фурсатни илгингдан, ҳарифингни шошир!

Ҳар киши ўз бошини ўз бармоғи бирла қашир,
Ички дардингни агар ёт бўлса ёрингдан яшир,

Дўстим, алданмағил, бегонадан бўлмас даданг,
Тол ёғочидан бўларум луқидонингга маданг.

Сўфизода Улуг Октябрь революциясидан сўнг совет тематикасида ажойиб шеърлар ёзди. У Абдулла Қодирий, Садриддин Айний, Ҳамза бошлилик қилаётган янги адабиётни яратишида унинг пойдеворига дастлабки ғиштни қўйганлардан бири ҳисобланади. Янги замонин қувонч билан қарши олиш, унинг ҳаётда яратиётган янгиликларни табриклаш, бу янги ҳаётга тўсқинлик қилаётган иллатларни аёвсиз фош этиш Сўфизоданинг совет даври ижодий фаолияти учун характерлидир. Шоир ўзбек совет вақтли матбуотининг актив ва жанговар курашчиси сифатида унда мунтазам иштирок этиб келди.

Баланд эт ҳимматингни, мард бўл мардона меҳнаткаш,
Ҳақиқий большевиклар фирқасини ортидан эргаш,

Вафо, андешали, озода маслаклар билан бирлаш,
Мунофиқ, муттаҳам шаллақиларнинг чораси ҳайдаш,

Қесиб ташлаш керак яносур бўлган сакта аъзони,
Асосаш бўлса шабқўр тентиратгай йўлда аъмони.

Сўфизода классик поэзиямизнинг энг яхши традициялари руҳида камол топиб, 1905 йилдан кейинги революцион давр билан бирга қадам ташлаган ўз замонасининг пешқадам шоирларидандир.

Абдулла Авлоний. Авлоний 1878 йилда Тошкентда камбағал хунарманд (тўқувчи) оиласида туғилди. Абдулла, аввал, мактабда, сўнг мадрасада таълим олди. 1900 йилда Авлонийнинг отаси вафот этгандан сўнг, унинг ҳаёт йўлида катта ўзгариш рўй берди. У мутолаани, ўқиши, ёзиши қўйиб, оддий меҳнат билан шуғулланишга мажбур бўлди, сувоқчилик, бинокорлик касбларини эгаллаб, тирикчилик ўтказди.

1905 йилда рус революцияси ва унинг таъсирида содир бўлган воқеалар Абдулла Авлоний қарашларига, шунингдек, иш фаолиятига катта таъсир кўрсатди. Адабий-ижодий иш билан кўпдан бери ҳаваскор сифатида шуғулланиб келаётган Абдулла Авлоний ижоди ижтимоий мазмун билан бойиди, унда жиддий ҳаётий тематика майдонга келди. Абдулла Авлоний аввал Тошкентда чиқадиган газеталарда ўз шеърлари билан қатнашиб турди, кейинроқ, 1907 йилда ўзи «Шуҳрат» номи билан газета нашр этишга киришди. Лекин газета узоқ давом этмай (10 марта чиққач) чор маъмурларининг таъқибига учради ва тез орада бутунлай ман этилди. Шундан бошлаб Абдулла Авлонийнинг тараққийпарвар маданият арбоби суфатидаги актив фаолияти бошланди: У «Жамияти хайрия»лар очди, театр труппаларида ишлади, газеталарга («Садои Туркистон», «Турон») редакторлик қилди. Абдулла Авлоний фаолияти жадидлар ва уламо жамияти — «Шўрои ислом» чилар қаршилигига бир неча бор дуч келган бўлса-да, улар зарбасига бардош бериб, революцияга қадар давом этиб келди, Совет ҳокимияти даврида эса барқ уриб яшнади.

Абдулла Авлоний 1918 йилда большевиклар партияси сафиға кирди. Шундан кейин унинг ижтимоий фаолияти бошланди. 1919 йилда у қўшни дўст мамлакат Афғонистонда дипломатик вазифаларда ишлади. Ватанига қайтгач, журналистлик фаолиятини давом эттириб, «Иштирокиён», «Қизил байроқ» газеталарида редактор бўлиб ишлади. 1924—1929 йилларда Абдулла Авлоний В. И. Ленини номидаги Тошкент ҳарбий мактабида ўқитувчилик қилди. Айни замонда адабий-ижодий ишларини ҳам давом эттириди.

Абдулла Авлоний 1934 йилда вафот этди.

Абдулла Авлоний ижоди кўп қирралидир. Ундан қолган ижодий мерос адабий-бадиий, педагогик ва илмий-тарихий руҳдадир. Авлонийнинг эълон қилинган муҳим асарлари:

1. Адабиёт ёхуд миллий шеърлар. I—II—III—IV жузълар. 1912—1916 йиллар орасида Тошкентда литография йўли билан нашр этилди. Кичик ҳажмдаги лирик шеърларни ўз ичига олади.

2. Биринчи муаллим. Алифбе китоби. 1915 йилда босилди.

3. Иккинчи муаллим. Уқув китоби. 1917 йилда босилди.

4. Туркий гулистон ёхуд ахлоқ. 1917 йилда босилди.

Абдулла Авлоний асосан шоирdir. Унинг ижодий меросида тўрт китобдан иборат бўлган «Адабиёт ёхуд миллий шеърлар» асари асосий ўринни ишғол қиласди. Шоир «Ҳижрон» тахаллусини қўллаган. Авлоний поэзиясида 1905 йилдан кейинги адабиётимизга хос бўлган ижтимоий мазмун ва оппозицион-революцион кайфият акс этган. Тўғри, унинг поэзиясида ўша давр реакцион адабиётига, айниқса, буржуа жадид адабиётига ман-

суб бўлган мотивлар учрайди, лекин бу мотивлар ўткинчи, вақтингачалик ҳодиса эди. Абдулла Авлоний қарашлари ва интилишларида демократизм, халқпарварлик йўналиши етакчи ўринни ишғол қиласди. Ижтимоий тузумдан қаноатланмаслик, ҳукмрон тартибларни танқид қилиш, социал адолатсизликларни лаънатлаш Абдулла Авлонийнинг революциядан илгариги шеърияти учун характерлидир. Унинг поэзиясида истиқбол ҳақидаги ўйларни ардоқлаш, романтика кўриниб туради:

Ҳар фамнинг поёни бордур, ҳар аламнинг охири,
Ҳар зимистоннинг баҳори, ҳар ҳазоннинг охири,
Йиқилоб бўлмак табиий ҳар замоннинг охири,
Шодлиқға дўйнаюрми ҳар фигоннинг охири.

Абдулла Авлоний поэзиясида яратилган лирик қаҳрамон ўзи-нинг жанговарлик, ҳужумкорлик руҳи билан, озодлик учун курашдаги актив ҳарақатлари билан ўзбек революцион адабиётини тўлдиради, унинг янги-янги қирраларини очиб беради. Авлоний революцион адабиётга мансуб бўлган бошқа ўзбек шоирлари сингари ишчиларга хитобан шеърлар ёзади ва халқ озодлиги, эркинлиги учун курашга чақиради.

Ётма, ишчи, ухлама,
Бойларга қул бўлурсан.
Кўзларинг, оч, мудрама
Хўрликдан қутулурсан.
Ўйон ишчи, илгари бос, илгари,
Бор эди бир замонлар,
Тор эди сенга жаҳон,
Чекиб оҳу фигонлар,
Рангларинг эди сомон,
Ўйон ишчи, илгари бос, илгари.

Бу келтирилган мисралар ўзининг бадиий-образли қурилиши, вазни, қофия тузилиши, услуби билан янги пайдо бўлаётган ўзбек революцион поэзиясининг типик намунаси бўлиб, ритм-оҳанғ-хусусиятлари билан Ҳамза ва Айний революцион қўшиқларини эсга туширади.

Мирмуҳсин—Фикрий. Мирмуҳсин Шермуҳамедов 1895 йилда Тошкентда камбағал ҳунарманд (маҳсидўз) оиласида туғилди. Мирмуҳсиннинг 1886 йилда туғилган акаси Мирмулла Шермуҳамедов ўз замонасининг илгор фикрли, ўқимишли кишиси бўлиб, санъат-адабиётга ҳаваскор одам эди. Мирмуҳсин ана шундай муҳитда тарбияланиб, улгайди ва прогрессив тушунчали шоир, жасур журналист бўлиб етишди.

Мирмуҳсин «Фикрий», «Муҳсиний», «Муҳсин» тахаллуслари билан шеърлар ёзди. Унинг илк шеърлари Тошкентда чиқадиган «Туркистон вилоятининг газети» саҳифаларида 1912 йилдан бошлаб нашр этилди. Сўнгроқ Мирмуҳсин — Фикрий Оренбург-

да чиқадиган тараққийпарвар йўналишдаги «Шўро», Самарқандда чиқадиган «Ойна» журналларида, Тошкентда чиқадиган «Турон», «Садои Туркистон» ва бошқа газеталарда актив иштирок этди. Мирмуҳсиннинг фикрий такомилида, ижодий камол топишида ички Россияяда, Уфа шаҳридаги «Олия» мадрасасида ўқиши (1916—17 йиллар) муҳим роль ўйнади. «Олия» мадрасасининг Россияядаги катта ижтимоий ҳаракатга яқин жойда бўлиши, бу ҳаракат акс садоларининг бу ерга тезроқ ва аниқроқ етиб келишидан ташқари, бу ўқув юртида татар прогрессив зиёлларидан машҳур ёзувчи Олимжон Иброҳимов, Фотиҳ Сайфи, Мажид Faфурний ва бошқалар дарс ўқир эдилар ва янги илғор ғояларнинг талабалари ўртасида чуқур томир отиши учун кенг йўл очиб берар эдилар.

Мирмуҳсин Шермуҳамедов тўғри сўз, жасур ва кучли, иродали журналист эди. У реакциянинг ҳар қандай кўринишларига чуқур нафрат билан қарап ва халқ манфаатини, тараққиёт ва янгиликини қаттиқ туриб, ҳимоя қиласр эди. Мирмуҳсин характеридаги бу қатъият ва жанговарлик унинг шеърларида, публицистик мақолаларида аёп кўриниб туради. Бу жиҳатдан Абдулла Авлоний муҳаррирлиги остида Тошкентда чиқаётган «Турон» газетасида босилган (1917 йил, 2-сон) «Тарихий икки воқеа» номли мақоласи диққатга сазовор. Мақолада Мирмуҳсин «Қози калон, қушбеги, офтобчаси» ва бошқа юрт-эл баданига зулукдек ёпишиб олган текинхўрларни «зараарли микруплар» деб атаган ва Бухоро амирлиги, Хива хонлигидаги халқнинг аянч аҳволини зўр ачиниш билан тасвири қилиб берган эди. Бу мақола реакционерларнинг ҳамма гуруҳ ва тоифаларини даҳшатга солди. Улар «шаккоқ ва даҳрий» Мирмуҳсинни ўлим жазосига ҳукм қилиб, тошбўрон қилишга фатво бердилар. Мирмуҳсин Шермуҳамедов Тошкентдаги прогрессив кучлар ёрдамида қочиб қутулди ва яна Уфадаги «Олия» мадрасасида паноҳ топди.

Мирмуҳсин Октябрь социалистик революциясини Уфада қулоқ очиб қарши олди ва бутун шоирлик талантини, журналистлик қобилиятини революция ишига бағишилади.

Ёш Советлар давлатига қарши уюштирилган ҳарбий ҳужумлар оқибатида бошланиб кетган граждайлар уруши даврида Мирмуҳсин ихтиёрий равишда Совет қуролли кучлари қаторидан жой олиб, Ватан душманларига қарши курашга отланди. Мирмуҳсин 1918 йилда Шарқий фронтнинг 5-армияси сафида жангчи-журналист сифатида узоқ давом этган фронтдаги жанговар ҳаётини бошлиди. У 1919 йил бошларида «Ишчилар дунёси» газетасига муҳаррирлик қилди. 1919 йилнинг апрель ойидан бошлаб Шарқий фронт газетаси «Қизил юлдуз» редакциясида адабий ходим бўлиб ишлади.

Мирмуҳсин Шермуҳамедов коммунист-большевиклар партиясиша шу фронтда 1919 йил 24 марта қабул қилинган эди.

1920 йил бошларида Оренбург пробкаси тугатилиб, Совет Туркистонига йўл очилгач, Мирмуҳсин Ашхобод фронтига келиб, ўз фаолиятини давом эттирди, сўнгроқ Туркистон фронти ихтиёрига ўтиб, Туркистон ўлка комитети нашри бўлган «Иштирокион» газетасида (1920 йил 1 февраль) мұҳаррирлик вазифасини бажаришга кириши. Шундай қилиб, Мирмуҳсин умрининг охиригача партия матбуотининг жанговар ўринларида ишлаб келди.

Мирмуҳсин Шермуҳамедов 1929 йил 4 августда тасодифий воқеа натижасида фожиона ҳалок бўлди.

Мирмуҳсин Шермуҳамедовдан қолган ижодий мерос ҳали тўпланмаган ва нашр этилмаган. Бу мероснинг асосий қисмини поэтик асарлар ташкил қиласиди. Мирмуҳсин меросида публицистик мақолалар ҳам салмоқли ўринни ишғол қиласиди. Унинг роман ёзгани ҳам маълум. «Бефарзанд Очилдибой» деб номланган бу романнинг бир қисми «Туркистон вилоятининг газети» саҳифаларида (1914 йил, сентябрь, октябрь сонларида) эълон қилинган.

Мирмуҳсин ўзининг илк шеърларидан тортиб, публицистик мақолалари, бадиий прозаик асарларигача ҳамма ерда янги, баҳтли, озод ҳаёт учун курашувчи изчил революционер сифатида гавдаланиб туради. Унинг шеър ва мақолаларида мактаб-маориф масалалари, замонавий маданиятни, хусусан, улуғ рус маданиятини, бунинг учун эса рус тилини ўрганиш зарурлиги тоғаси қайта-қайта таъкидланади. Революциядан кейин маданий инқилоб йиллари Шермуҳамедов бу темада ёзган мақолаларидан бирида маданий маориф жабҳасида социализм тоғасининг соғлиги, мактаблардаги коммунистик тарбия соҳасида партия йўлини оғишмай ўтказиш учун кураш вазифалари тўғрисида сўзлаб қўйидаги сатрларни ёзган эди.

«Бизда чин социалист ўқитувчilar бўлмовиндан фойдаланиб кўп мактабларга иттиҳод туркчилар, панисломистлар, турончилар, ватанчилар, миллатчилар, динчилар — ҳаммаси кириб ўтиридилар. Натижада кўп ўқувчилар огуланди, мияси чириди, социализмдан заррача маълумот ололмади» («Иштирокион» газетаси, 1920 йил, 5 май).

Мирмуҳсиннинг Туркистон халқлари ўртасида революцион тоғяларни тарғиб қилишда қилган хизматлари, жонбозликлари, революция солдати сифатида олиб борган принципиал курашлари унинг ўлими муносабати билан Ўзбекистон Коммунистик (большевиклар) партияси Марказий Комитети билдирган таъзиясида алоҳида таъкидлаб ўтилади.

«Ўзбекистон Коммунист (большевиклар) фирмаси Марказий Кўмитаси Ўзбекистоннинг энг эски, чинакам инқилобчиси, Туркистон уруши жабҳасининг биринчи ўзбек қизил солдати, большевиклар матбуотининг биринчи интернационалист ўзбек мұҳар-

рири Мирмуҳсин Шермуҳамедовнинг вақтсиз ва фожиалик тасодиф орқасида кураш майдонини қолдириб кетишига ўзининг қаттиқ таъзиясини баён қиласи ва бутун инқилобий содиқ ва фидоий кучларни Комфирқа байроғи тагига тўпланиб, яна ҳам шиддатлироқ курашга ва у ишлаган ишни охирига етказишига даъват этади.

Ўзбекистон Марказкўми».

(«Қизил Ўзбекистон», 1929 йил, 9 август, 184-сон).

Мирмуҳсин Шермуҳамедов — Фикрий ўз поэтик ижоди ва публицистик фаолияти билан 1905 йилдан кейинги ижтимоий-маданий юксалишимизда катта роль ўйнади ва ўзбек революцион адабиётнинг туғилишига муносиб ҳисса қўшди.

Мутриб Xонахаробий. Муҳаммад Ҳасан Мутриб 1870 йилда Хивада туғилди. Унинг отаси Ҳожи Табиб асли келиб чиқиши Хоразм қулларидан бўлиб (у даврларда Хоразмда расмий қул савдоси борлиги эсга олинсин) шахсий қобилияти ва истеъоди орқасида табобат (медицина) соҳасида катта маълумот қозонди ва Ҳожи Табиб номи билан шуҳрат топди.

Муҳаммад Ҳасан шу оиласа тарбияланиб, улғайди, мактаб, мадрасаларда ўқиди. У адабиётдан ташқари музикага ҳам қизиқди, жиддий шугулланиб, бу соҳада катта муваффақиятлар қозонди. Уз фаолиятининг шу томонига аҳамият бериб, шоирлик тахаллусига ҳам «созанд» маъносинда «Мутриб» сўзини танлади. «Хонахаробий» сўзи эса тахаллусега кейин илова қилинган сўз бўлиб, у шоирнинг ижтимоий аҳволидан, хароба ўйларда, камбағал, қашшоқ ҳаёт кечирганидан дарак беради.

Мутрибнинг шеърий истеъодидан ва музика соҳасидаги билимидан хабар топган Хива хони Муҳаммад Раҳимхон соний (Феруз) уни саройга тортган бўлса-да, бундан ҳеч натижа чиқмади: шоир хонгари таҳома бўйинсунмаганидек, хон ҳам шоир шеърларида куйланган мотивни ҳазм қила билмади.

Мутриб Хонахаробий Аваз Ўтар, Баёний, Чокар каби илгор шоирлар плеядаси ижодий фаолиятида актив иштирок этиб кўп лирик ва сатирик шеърлар ёзди. Мутриб яратган шеърлар девон ҳолида тўплланган. Унинг қўл ёзма нусхалари Ўзбекистон ССР Фанлар Академияси Шарқшунослик институтининг қўл ёзмалар фондида сақланади (инв. № 903-V, 906-VII).

Мутриб Хонахаробий ижоди учун хонлик тузумига нафрат билан қураш, феодал зулмини қоралаш, меҳнаткаш халқа ҳурмат ва муҳаббат билдириш, унинг баҳти ва ёруғ истиқболи учун кураш мотивлари хосдир. Ҳалқпарварлик, маърифатпарварлик ғоялари билан сугорилган мазмундор асарлар, исёнкорлик руҳида ёзилган танқидий шеърлар Мутриб поэзиясида кўплаб учрайди.

Кўрунг золимлар этди юртни форат,
Олиб юртдин хирож, этди иморат.

Солиб ҳар ерда юз айвону кайвон:
Кўрунг бўлгусидир охирда вайрон.

Дамодам ўртатиб бечораларни,
Солиб меҳнатга бағри пораларни.

Мутриб Хоразм инқилобини қучоқ очиб қарши олди ва унинг биринчи кунларидан бошлаб ўз куч-қобилиятини унга бағишилади. Мутриб 1921 йилдан чиқа бошлаган «Хоразм хабарлари» газетасида адабий ходим бўлиб ўз фаолиятини бошлади. Кейинроқ «Инқилоб қуёши» газетасига ўтди. Бу газета саҳифаларида, шунингдек, «Юурмия» адабий тўпламида Мутрибнинг кўп революцион шеърлари, янги озод даврни улуғловчи асарлари босилди.

Хонлар замонида азоб-уқубатлар ичида яшаб, инқилоб туфайли ҳалқ билан бирга озод бўлган ва бу тарихий воқеани қувонч билан куйлашга киришган шоир узоқ яшай олмади, у 1925 йилда 55 ёшида Хивада вафот этди.

Чокар. Мұҳаммад Юсуф Мұҳаммад Ёқуб ўғли Чокар (хизматкор маъносида) 1881 йилда Хивага яқин Шомохулум қишлоғида ҳунарманд оиласида дунёга келди. Чокар яшаган, ўқиган, тарбияланган мұхит илғор тенденцияга эга бўлган санъат-адабиёт аҳлларидан ташкил топган эди. Зотан Чокарнинг отаси ҳунарманд бўлса-да, санъат-адабиёт билан қизиқар ва ўз маҳорати билан Хоразмда донг қозонган музикачилардан бири эди.

Чокар бошланғич маълумотни олиб, мадрасага ўқишга киргандан сўнг яна ҳам яхши, илғор адабий мұхитга тушди. У Аваз Ўтар, Ходим, Амин ва бошқа шоирлар билан дўстлашди, ижодий ҳамкорлик қилиб, улар таъсирида камол топди. Чокар адабий-ижодий иш қаторида отаси таъсирида музика билан ҳам шуғулланди ва бу соҳада катта натижаларга эришди.

Чокарнинг Хоразм революциясигача бўлган ижоди ўша давр адабиётининг илғор тенденциялари руҳида шаклланди. Классик адабиётнинг энг яхши традициялари, турмуш иллатларини танқид қилувчи сатирик йўналиш Чокар поэзиясининг етакчи мотивини ташкил қилади.

Чокар классик поэзиямиздаги антиклерикал йўлни давом эттириб, зоҳидлар, шайхларга, риёкор дин аҳлларига қарши ўт-кир, мазмундор сатрлар ёзди:

Зоҳидки, ўзи либоси малла,
Уғриға шеригу, гаря далла.

Кайд эткали барча олам аҳлин,
Макри тузоқин қуарар чу жалла.

Жоним совумаски они қилсан
Чопиб қилич ила икки палла.

«Шайх» радифли шеър эса Алишер Навоийга назира тарзида ёзилган бўлиб, катта ижтимоий қийматга эгадир:

Насихат менга берма, эй лода шайх,
Қилиб беҳуда сўзлар омода шайх.

Риё бирла озтурғали халқни,
Ёзарсен сув устига сажжода шайх.

Чокар адабиётнинг жамиятдаги роли, бурчи каби масалаларни тушуниш ва ҳал қилишда Аваз Ўтар билан ҳаммаслак ва ҳамкор эди. Чокар Аваз Ўтар изидан бориб, мавжуд тартибларга қарши бош кўтарди ва исёнкорлик руҳида асарлар ёзди. Чокардан келтирилган қўйидаги ҳукмрон гуруҳларга хитобан айтилган мисралар Аваз Ўтардаги романтикани эслатади:

Эйки, сизлар қылдингизлар мулку миллатни хароб,
Айлади бечоралар бағрини ситам ўти кабоб.

Чора бечора тилюса, пора сипоҳи тилар,
Мулла бир ёндин ижорасин сўраб бергай азоб.

Чокар мактаб-маориф соҳасида ҳам жонбозлик кўрсатди. У Хоразм революциясининг биринчи кунларидан бошлаб маданий-оқартув жабҳасида ишлади: маориф назоратида масъул секретарлик, мактаб ва техникумларда музикадан ўқитувчилик қилди, театрда ишлади. Чокар музика соҳасидаги фаолиятини Сармарқандда музика илмий-текшириш институтида ҳам давом эттириди. Бу ерда ўзбек композиторларидан Мутал Бурхонов, Мухтор Ашрафий, Толибжон Содиқов ва бошқалар Чокардан таълим олдилар.

Чокар 1940 йилдан кейин Тошкентда Навоий номли театрга ишга ўтиб, умрининг охиригача шу ерда ижодий меҳнат қилди. Чокар 1952 йилда Тошкент шаҳрида вафот этди.

Чокарнинг адабиёт-санъат соҳасидаги самарали хизматларини тақдирлаб, Ўзбекистон ССР Олий Совети Президиуми унга «Ўзбекистонда хизмат кўрсатган санъат арбоби» деган юксак унвон берди.

БУРЖУА ЖАДИД АДАБИЁТИ ВА УНИНГ РЕАКЦИОН МОҲИЯТИ

Жадид адабиёти ўзбек миллий буржуазиясининг идеологик жарчиси сифатида майдонга келди ва бутунисича миллий буржуазиянинг хусусиятларини ўзида акс эттириди. Ўзбек миллий буржуазиясининг моҳияти ва хусусиятлари эса у туғилган тарихий давр мазмuni ва характеристи билан белгиланар эди.

Ўзбек миллий буржуазияси 1905 йилдан кейинги тарихий шароитда, пролетар синфининг революцион ҳаракатлари қудратли тус олган бир даврда тарих саҳнасига чиқди. Ўзбек миллий буржуазияси тарих саҳнасига чиққан давр В. И. Ленин таърифлаганидек, пролетар революциялари даври эди. Бу даврдаги асосий жанговар масала пролетар синфи бошчилигига ижтимоий ҳаётда тубдан революция ясаш, эксплуатациянинг ҳар қандай кўринишларига бир йўла барҳам бериб, бутун меҳнаткаш халқларни умрбод озодликка олиб чиқиши масаласи эди. Жамиятдаги синфларнинг, ижтимоий табақаларнинг социал қиёфаси даврининг мана шу асосий масаласига бўлган муносабатлари билан белгиланар эди.

Ўзбек миллий буржуазияси пролетар революциялари даврида тарих саҳнасига чиққани учун ўз синфий табиати билан реакцион моҳиятга эга эди. Шунинг учун у революцияга қарши борди, ишчилар синфи бошчилигидаги озодлик ҳаракатининг душмани сифатида иш кўрди, чоризм билан, метрополия буржуазияси билан апоқ-чапоқ бўлиб, ўзининг синфий манфаатларини ҳимоя қилишга тиришди.

Ўзбекистон коммунистик партияси тарихи очерклари китобида миллий буржуазиянинг реакцион моҳияти ҳақида қўйидаги ларни ўқиймиз:

«Унинг (миллий буржуазиянинг) асосий қисми жадидлар сиймосида (Маҳмуд Беҳбудий, Мунаввар қори) чор самодержавиеси билан иттилоқ тузишга умид боғлади ва ҳар қандай революцион ҳаракатга тамоман қарши чиқди. Жадидлар буржуалибераль партияси кадетлар тарафдори бўлиб уларнинг конституцияси подшоҳ монархияси ҳақидаги программасини ёқлар эдилар¹.

Лекин шуни ҳам айтиб ўтиш лозимки, ҳамма халқларда ҳам миллий буржуазия ҳамма вақт реакцион моҳиятга эга бўлавермаган. Марксизм классикларининг капитализм феодализмга нисбатан жамият тараққиётининг юқори босқичи эканлиги, шу маънода буржуазиянинг жамиятда маълум прогрессив роли борлиги тўғрисидаги таълимоти маълумдир. Лекин империализм ва пролетар революциялари даврида майдонга келган Ўрта Осиёдаги миллий буржуазия эса тарихда реакцион роль ўйнаб келди. Бу буржуазия, ишчилар синфининг озодлик учун, социалистик революция учун олиб бораётган курашига қарши чиқди ва шу мақсадда чоризм билан мустаҳкам иттилоқ тузди. Чоризм эса социалистик революцияга қарши рус буржуазияси, миллий буржуазия ва феодал гуруҳларнинг бирлашган кучларини уюштиргди.

¹ Очерки истории коммунистической партии Узбекистана. Изд-во, «Ўзбекистон», Ташкент, 1974. стр. 26.

В. И. Ленин пролетар революциялари давридаги миллий буржуазиянинг бундай хусусиятини ҳамма вақт назарда тутиб туриш ва уни доим фош этиб бориш кераклиги тўғрисида сўзлаб, шундай деган эди: «Шунинг учун социал-демократия бутун кучини сарф қилиб, барча миллат пролетариатини ва меҳнаткаш синфларини, «ватан» ҳақида ширин ва қизғин гаплар гапириб пролетариатни бўлиб юборишга ва унинг эътиборини бошқа миллат буржуазияси ҳамда чор монархияси билан ҳам иқтисодий, ҳам сиёсий иттифоқ тузадиган буржуазиянинг қилмишларидан четга ҷалғитишга ҳаракат қилувчи «ўз» буржуазиясининг миллатчилик шиорларига учиб тўғридан-тўғри алданишдан огоҳлантириш лозим»¹.

Ўзбек миллий буржуазияси чор самодержавиеси билан биргалашиб, унинг паноҳига суқулиб олиб, меҳнаткаш ҳалқнинг ишчилар синфи бошчилигидаги қудратли озодлик ҳаракатини бўғишига ҳаракат қилди. 1905 йилдан кейин революцион ҳаракат зўрайган сари миллий буржуазиянинг реакцион мөҳияти равшанроқ тус ола бошлади ва очиқдан-очиқ контреволюцион позицияга ўтиб кетди.

Миллий буржуазия вакиллари бўлган жадидларнинг контреволюцион қиёфаси ижтимоӣ-сиёсий ҳаётнинг энг муҳим давларида яққол кўзга ташланиб туради. Чунончи, жадидларнинг контреволюцион қиёфаси биринчи жаҳон уруши йилларида урушини ёқлашиб ҳалқни чоризмга итоат қилингشا даъват этишида, 1916 йил қўзголонлари даврида ҳалқни чор ҳукумати бўйруқларини сўзсиз бажаришга чақиришида, ҳалқ озодлик ҳаракатини бўғишига, бостиришга уринишида, февраль революцияси вақтида муваққат ҳукумат пинжига кириб олиб социалистик революцияга қарши тиш-тироғи билан курашишида равшан намоён бўлди. Масалан, 1916 йил 25 июлда подшо ҳукуматининг мардикор олиши ҳақидаги фармони ҳалқ оммаси томонидан нафрат ва газаб билан кутиб олинган бир пайтда жадидлар ҳалқни «подшога садоқат билан хизмат қилиш»га чақиридилар. Шу йилнинг 18 сентябринда Тошкентда мардикорликка олинган ҳалқни фронт орқасига ишга жўнатиш муносабати билан уюштирилган маросим бу жиҳатдан жуда характерлидир. Бу маросимга жадидлар подшо суратини кўтариб келиб, унга фронтда зафар тилаб, дую осаломлар йўлладилар. Ўлар Тошкент вокзалида ўтказилган митингда узундан-узоқ шеърлар ўқиб, ҳалқ бошига мусабатлар келтирган бу кунни «Улуф тарихий кун» деб эълон қилдилар.

Жадидларнинг тарихда ўйнаган бундай реакцион роли улуг совет ёзувчиси Ойбекнинг «Қутлуғ қон» романидаги Абдушукур образида ҳам ўзининг ёрқин ва ҳаққоний ифодасини топган.

¹ В. И. Ленин, Асарлар, 19- том, 247- бет.

«Туркистоннинг ҳамма областларида, Бухоро ва Хивада миллий буржуазиянинг, уламоларнинг, пантуркистларнинг революцияга қарши курашда бирлашган ягона фронтлари майдонга келди. Лекин маҳаллий аксилиниқилобнинг хуружга келган ҳаракатлари рус пролетариати билан борган сари мустаҳкам иттифоқ тузиб олган меҳнаткаш ҳалқ оммасининг құдратлы революцион — озодлик курашлари қаршиисида ҳолдан тойди, пучга чиқди»¹. Жадидлар ватан хоинлари эди. Улар империалистик давлатлар ҳимоясига суюниб, хонлар — феодаллар ҳокимиятини тиклаш учун, Ўрта Осиёни Россиядан ажратиб олиш учун, ўзбек меҳнаткашларини унинг дўсти ва озодлик йўлидаги курашида ҳамкори бўлган рус пролетариатидан жудо қилиш учун тиришидилар. Шунинг учун улар пантуркизм, панисломизм каби ашаддий реакцион назариядан ўзларининг идеологик қуроллари сифатида фойдаландилар. Жадидлар бу назарияга суюниб, гоҳ «турк давлати», гоҳ «ислом давлати» тузмоқчи бўлдилар. Жадидларнинг бу хаёллари эса XX аср бошларида, империализм ҳукмроилиги шароитида Ўрта Осиёни йиртқич империалистик давлатлар мустамлакасига айлантиришдан бошқа нарса эмас эди.

Октябрь революциясидан кейин жадидлар очиқдан-очиқ контреволюция лагерига ўтиб кетдилар. Англия, Америка ва Туркиядан ёрдам олиб босмачилик ҳаракатини уюштиридилар, қўлларига қурол олиб, ёш советлар республикасига қарши курашидилар. Тарихдан маълумки, партиямиз раҳбарлиги остида, улуғ рус ишчилар синфининг ёрдами орқасида ўзбек меҳнаткашлари ҳам, бошқа қардош ҳалқлар билан биргаликда, бир умрга зулм-адолатсизликдан қутулиб, эксплуататорларнинг ҳар қандай хуружларини тор-мор келтирдилар.

Жадид адабиётининг мазмуни ва моҳияти ўзбек миллий буржуазиясининг тарихда ўйнаган ана шундай реакцион роли билан белгиланади. Жадид адабиётининг реакцион ва контреволюцион моҳияти унинг алоҳида намояндлари фаолиятида кўринганидек, алоҳида намуналаридан ҳам очиқ-ойдин намоён бўлади. Жадид адабиётининг кўзга кўринган намояндларидан Маҳмуд хўжа Беҳбудий, Ҳожи Муин ва башқаларни кўрсатиш мумкин.

Жадидлар ўзбек миллий буржуазиясининг идеологиясини ҳалқ ўртасида кенг тарғиб қилиш мақсадида газета ва журналлар чиқаришга киришидилар. Натижада 1905 йилдан кейин бир неча газета ва журналлар майдонга келдики, уларнинг муҳимлари қўйидагилардир:

«Хуршид»— ҳафтада бир марта чиқадиган сиёсий ва адабий газета бўлиб, унинг муҳаррири Туркистон жадидларининг машҳур намояндларидан

¹ Очерки истории коммунистической партии Узбекистана изд-во, «Ўзбекистан», Ташкент, 1974, стр. 45.

Мунаввар қори Абдурашидхонов эди. Газетанинг актив иштирокчиларидан бири Худоёрхоннинг ўғли Фансуруллобек эди, 1906 йилда газетанинг бир неча сони чиққиб, сўнг дом-дараксиз бўлиб кетди.

«Тижжор» газета Тошкентнинг машҳур боёнларидан Сайдкарим Саидзимбой бошчилигига 1907 йилда чиқарила бошлади. Ҳаммаси бўлиб газетанинг 36⁶ сони босилди.

«Осиё» газети 1908 йилда майдонга келиб, 5 сони чиқиши билан тўхтаб қолди.

«Садои Туркистон» газети 1914 йилда Тошкентда чиқазилган бўлиб, унинг муҳаррири Убайдуллаҳўжа Асадуллаҳўжаев эди. Мунаввар қори, Тўлаган Ҳўжамёров Тавалло ва бошқалар газетанинг актив иштирокчилари бўлган. Ҳаммаси бўлиб газетанинг 66 сони чиқкан.

«Садои Фарғона» газети 1914 йилнинг 3 апрелидан бошлаб ноябрь ойигача чиқкан.

«Ойина»— 1913 йил августдан бошлаб Самарқандда чиқа бошлаган журнал бўлиб, унинг муҳаррири Туркистон жадидларининг машҳур намояндадиран Маҳмудхўжа Беҳбудий эди. Журнал уч йил давомида, яъни 1915 йил июнь ойигача чиқиб турган.

«Ал-ислоҳ» журнали 1915 йилда Тошкентда чиқа бошлаган. Унинг муҳаррири машҳур жадидлардан Абдураҳмон Сайёҳ бўлган.

Бу газета ва журнallар миллий буржуазиянинг халқ манфаатларига зид бўлган пантуркизм, панисломизм ғояларини тарғиб қилгани учун кенг халқ оммаси томонидан яхши қарши олинмади. Шунинг учун уларнинг умри қисқа бўлиб, чиқишидан кўп ўтмай, тезда тўхтаб қолаверди.

Жадид адабиётининг кўпчилик намояндалари кичик ҳажмдаги шеърлар ёзиши билан машғул бўлдилар. Жадид адабиётида бадиий проза ўйӯқ, замонавий мазмундаги роман ва повестлар учрамайди. Драматургия соҳасида жадидларининг баъзилари, чунончи, Беҳбудий, Ҳожи Мунн дастлабки тажриба тариқасида асарлар ёзган бўлсалар ҳам, улар ўзбек адабиёти тарихи тараққиётida жиддий роль ўйнай олмади.

Жадид адабиёти мазмуни ва ғоявий ўйналиши жиҳатидан, юқорида кўрсатилганидек, миллий буржуазия идеологиясини тарғиб қилади. Унинг бу тематик ва ғоявий ўйналиши, синфий чекланганилиги ундаги бадиий хусусиятларни белгилаб беради. Жадид адабиётининг турмушни кенг кўламда, реалистик лавҳаларда акс эттириши мумкин эмас эди. Чунки унинг реакцион идеологияси, синфий манфаати ва, ниҳоят, пантуркизм, панисломизм каби реакцион ғояларни тарғиб қилиши реализмни инкор этар эди.

Жадид адабиётида кенг тарқалган жанр поэзия эди. Жадид адабиётчиларининг деярли ҳаммаси шеърлар ёздилар. Жадид адабиётидаги поэзия мазмун жиҳатидан бир хиллиги, қашшоқлиги билан, бадиий жиҳатдан бўшлиги, юзакилиги билан ажрабиб туради. Жадид поэзияси «ватан», «миллат» номидан ваъзхонлик қилувчи ташвиқий адабиётdir.

Жадид шоирларидан бири Тавалло тахаллуси билан ижод этган Ҳўжамёр ўғли Мулла Тўлагандир. Тавалло, асосан, шеър-

лар ёзган. У ўз шеърларини «Равнақул ислом» («Ислом равнақи») номи билан тўплаган. Бу тўплам 1917 йилда Тошкентда ли-тография йўли билан нашр этилган. Тўпламга кирган шеърларнинг ғоявий-эстетик хусусиятларини унинг панисломизм характеридаги номи («Ислом равнақи») нинг ўзиёқ белгилаб беради. Шундай қилиб, Таваллонинг революциядан илгариги ижоди мазмун, ғоявий йўналиш ва эстетик принциплари жиҳатидан жадид адабиётига мансубдир.

Жадид адабиётида маърифат масаласида ҳам кўп жар солинган бўлса-да, бирор янгилик яратилгани йўқ. Жадид адабиёти бу масалада ҳам нотўғри, халқ манфаатига зид позицияда турди.

Ўрта Осиё халқлари, шу жумладан, ўзбек халқи жадидлар тарих майдонига чиқмасдан анча илгари, XIX асрнинг иккинчи ярмидаёқ маданий уйғониш даврига қадам қўйган эдилар. Халқ ҳаётида бу муҳим даврнинг бошланишида Ўрта Осиёнинг Россияяга қўшиб олиниши, илғор рус маданиятининг кенг халқ оммаси ўртасида аста-секиён ёйила бошлиши муҳим роль ўйнаган эди. Аҳмад Дониш, Фурқат, Комил Хоразмий, Аваз Ўтар ва бошқалар бу маданий уйғонишнинг вакиллари сифатида кенг халқ оммаси ўртасида илм-маданияти тарғиб этдилар, қолоқлик, нодонликни қоралаб, халқни юксалишга, прогрессга бошладилар.

Жадид адабиётида тарғиб қилинган маърифат ўзбек халқи учун босиб ўтилган босқич бўлишидан ташқари, ўзининг тор мазмуни, буржуазия манфаатларига мослиги билан ҳам унга ёт эди. Жадидлар кўзда тутган маърифат саводли, ҳисоб-китобдан хабардор бўлган савдогарлар, амалдорлар тайёрлашин мақсад қилиб қўяр эди холос. Мана шундай мазмун ва характеристидаги маърифат мотиви жадид поэзиясида қайта-қайта ишланди, сонсаноқсиз шеърлар ёзилди. Лекин ҳамма гап шундаки, Фурқат, Аҳмад Дониш, Комил Хоразмий каби прогрессив шоирларда маърифат — халқни уйғонишга, тараққиётга даъват қилган бўлса, жадидларда бу мотив саводли савдогарлар тайёрлаш мақсадига бўйсундирилди. Афсуски, бу мотив узоқ вақтлар давомида жадидларнинг ижобий томони ва жадид адабиётининг фазилати сифатида талқин этиб келинди.

Жадид адабиёти драма жанрида ҳам айрим тажрибалар ўтказди. Жадид ёзувчиларидан биринчи марта драма ёзган киши Маҳмудхўжа Беҳбудий бўлди. Беҳбудийнинг «Падаркуш» («Ота ўлдирувчи») номли драмаси уч пардали, тўрт кўринишили фожиа бўлиб, 1911 йилда ёзилгандир.

Мазмунни, характеристери ва мотиви жиҳатидан жадид драмаларининг типик намунаси бўлган «Падаркуш» фожиасининг қисқача мазмуни қўйидагичадир:

Тошмурод илм қадрига етмайди, бой отасининг: «Менинг давримда ўйнаб қол»,— деган сўзига асосан ялло қилиб, умрини айш-ишрат билан ўтказа бошлияди. Натижада отасининг берадиган пуллари унинг фоҳишахоналардаги маштатига ичкилигига етмай қолади. У безори ўртоқлари билан биргалашиб, отасининг пули турадиган сандиқни ўғирламоқчи бўлади. Кечаси Тангрикул исмли безори дўсти билан отасининг уйига бостириб кириб, сандиқни олиб қочмоқчи бўлганида отаси уйгониб, дод-фарёд кўтаради. Шу вақт Тошмурод Тангрикул билан биргалиқда отасини ўлдириб, пулни олиб қочади.

Тошмуроднинг қовоқхонада Тангрикул билан бирга айш-ишрат қилиб ўтирганида полиция томонидан қўлга олиниши билан асар воқеаси тугайди.

Асар мазмунидан кўринниб турибдики, унинг асосини жадид адабиётига хос бўлган маърифат мотиви ташкил этади. Автор: «ўқимаган одам безорилик йўлига кириб, хор бўлади»,— демоқчи бўлади. Жадид адабиётидаги «бойлик орттириш учун илм ўрган» деган бу тезис турли варианtlарда, турли усувлар билан кенг ташвиқ қилинди, жумладан, қатор драмалар ҳам ёзилди.

Беҳбудийнинг «Падаркуш» драмасига тақлидан ёзилган драмалардан Ҳожи Муиннинг «Мазлума хотин», «Жувонбозлик қурбони», «Кўкнори», Абдулла Бадрийнинг — «Жувонмарг», «Бойвачча», «Аҳмоқ», Нусратулла Қудратулланинг «Тўй» асарларини ва бошқа драмаларини кўрсатиш мумкин. Инсценировка тарзида ёзилган кичик сюжетли ва бир хил пландаги бу драмаларда бир гоя — «ўқимасдан туриб бой бўлиш мумкин эмас» деган гоя илгари сурнади.

Жадид адабиётига мансуб бўлган драмаларининг япа бир характеристи намунаси Ҳожи Муиннинг «Мазлума хотин» драмасидир. Драма 1915 йилда ёзилиб, 1916 йилда литография йўли билан нашр этилган.

«Мазлума хотин» драмасининг қисқача мазмуни қўйидагичадир:

Эски тушунчали баёнлардан бири Узокбой хотини Тансиқой устига хотин олмоқчи бўлади. Жадид муаллимни панд-насиҷатлар қилиб, бойни бу ўйлдан қайтармоқчи бўлади, аммо мутаассиб руҳоний ва домлалар унга ўз мақсадиди амалга оширишида ёрдам қиласидилар, шариатномидан йўл-йўриқ топиб берадилар. Натижада бой Суярой исмли ёш қизни хотинликка олади. Энди Тансиқой ҳам Суяройнинг, ҳам бойининг сиқувида эзилади, хўрланади. Охири Тансиқой сил касалига гирифтор бўлиб, бевақт вафот этади.

Демак, «Мазлума хотин» драмаси ўзбек хотин-қизларининг жамиятдаги ҳуқуқсиз ҳаётларини тасвир этишга бағишланган. Лекин ҳамма гап шундаки, бу тема драмада ниҳоятда юзаки очиб берилган. Драмада натурализм устун бўлиб, реал ҳаёт ҳақиқатлари кўрсатилмайди. Шу маънода хотин-қизларининг жамиятдаги ҳуқуқсиз ҳаётларига қарши исён ҳам, кураш ҳам йўқ. Бу ҳуқуқсизликка қарши чиқмоқчи бўлган муаллим жадидлар психологиясини ўзида акс эттириб, пассив ҳаракат қиласиди, бой-

га панд-насиҳат қилишдан нарига ўтмайди. «Мазлума хотин» — Тансиқой эса ўз ҳуқуқсизлиги ва ҳақоратланишига қарши нафрат ҳам билдирмайди, исён ҳам кўтартмайди, аксинча, пассив кузатувчи бўлиб тураверади.

Революциядан илгариғи ҳаётимизнинг муҳим ва марказий проблемаларидан бири — жамиятда хотин-қизлар мавқеи масаласи жадид ёзувчиси Ҳожи Муин томонидан ана шундай чала ва юзаки ҳал қилинади. Ҳожи Муиннинг «Мазлума хотин» драмаси ўзининг мазмуни ва гоявий йўналиши билан жадидларнинг ижтимоий ҳодисалар тўғрисидаги «енгили реформалар концепсияси»ни акс эттиради.

Жадид драмаларининг мазмун жиҳатидан саёз, бадиий жиҳатдан фоят бўш эканлигини кўрсатиш учун уларни Ҳамза Ҳакимзода Ниёзий ёзган драмаларга қиёс қилиш кифоя. Чунончи, Ҳамза Ҳакимзоданинг, тахминан, шу даврларда ёзган «Захарли ҳаёт» фожиаси ўзицинг гоявий-бадиий хусусиятлари, ҳаёт проблемаларини ҳал қилишдаги тийранлиги билан жадид драмаларидан тенглаштириб бўлмайдиган даражада юкори туради. «Захарли ҳаёт» драмасида социал тузум асосларига қарши кескин норозилик билдирилади, унинг қонун-қоидаларига қарши исён кўтарилади. Бу ҳол драманинг бош қаҳрамонларидан Марямхоннинг заҳар ичib ўлишида, Маҳмудхоннинг ўзини-ўзи ўлдиришида равshan кўринади. Авторнинг эстетик идеалига кўра, ўша давр ҳукмронлари ўрнатган тартиблар ёш прогрессив авлод учун «захарли ҳаёт» бўлиб, улар ҳаётини заҳарлар ва бевақт қурбон қиласлар эди.

Демак, жадид адабиёти ҳаёт ҳақиқатларини кўрсатни учун ожизлик қиласди. У турмушга буржуазия — жадидлар кўзни билан қарайди ва ҳаёт оқими сатҳидаги майд-чўйда воқеаларни олиб, уларни юзаки тасвирлайди. Ҳаёт ҳодисаларининг чуқур мазмунини оча олмайди, жамият ҳодисаларининг моҳиятини кўра олмайди. Миллий буржуазиянинг синфи манфаатлари адабиётнинг ижодий йўлини бўғади, методини чеклаб қўяди. Натижада жадид адабиёти ҳалқ ҳаётидан узоқ бўлиб, реалистик адабиёт даражасига кўтарила олмаган, ҳаёт икир-чикирлари орасида ўрлашиб қолган натуралистик адабиёт бўлиб қолади.

* * *

Шундай қилиб, 1905—1917 йиллардаги адабий ҳаётни кўздан кечирганда, реакцион адабий лагерь билан прогрессив адабий лагерь ўртасидаги кураш масаласига алоҳида эътибор қилиш зарур. Ҳамма даврда бўлгани каби, бу даврда ҳам ижтимоий ҳаётдаги синфи курашнинг акс садоси адабиётда намоён бўлди.

Бу даврдаги прогрессив характердаги адабиётнинг асосий хусусиятлари тўғрисида фикр юритганда, биринчи навбатда, бу

адабиётда тор ишқий темага берилишдан қочиш ва ижтимоий аҳамиятга эга бўлган темаларни кучайтиришга интилиш майлла-ри устун бўлганини кўрсатиб ўтиш лозим. Масалан, шоир Абдулла Авлоний диний-мистикани тарғиб қилган Юсуф Саръёмий-нинг «Фалат» радифли шеърига жавобан ёзган шеърида Саръё-мийга шундай эътиroz билдиради:

Илм лофин урдинг эл қошида манманлик қилиб,
Қўлда тасбех магизисиз, бош узра дасторинг ғалат.¹

Бошқа бир ўринда ҳам Абдулла Авлоний «шайх, сўфилар» сафсалалари тўғрисида фикр юритиб, улар кўрсатган йўл бош-дан-оёқ «алдамчилик»дан иборат эканлигини таъкидлайди:

Шайх, сўфилар санга дунё нажас деб кўрсатур,
Мақсадидур алдамоқ сан тарки дунёни унут.²

Адабий фронтдаги синфий кураш эпизодларидан яна бири демократ шоир Завқийнинг 1915 йилда «Ал-ислоҳ» журнали са-ҳифаларида олиб борган курашидирки, бу ҳақда ўз ўрнида ба-тафсил фикр юритилган эди.

Адабий фронтдаги кураш тўғрисида гап борганда, Ҳамза Ҳакимзода Ниёзий фаолияти билан боғлиқ бўлган бошқа бир эпи-зодни ҳам эслаб ўтиш фойдалидир. Маълумки, Ҳамза ўз ижодий фаолиятида демократ-маърифатпарвар ва революцион шоир сифатида илгор позицияда турди ва халқ манфаатини ҳимоя қилди. Ҳамза ижодидаги бу ижодий-эстетик принциплар реак-цион лагерни, шу жумладан, жадид шоирларни ғазаблантиради. 1914 йил атрофларида Ҳамза «Садои Туркистон» ва «Садон Фар-ғона» газеталарида ўзининг социал мазмундаги шеърлари, сати-рик асарлари билан актив иштирок этиб юрган вақтларида жа-дидлар демократ шоирларга, биринчи навбатда, Ҳамзага «урф-одатдан, ҳажвдан гапирманглар» деб хитоб қиласидилар ва кели-шувчиликка, муросасозликка чақирадилар. Ҳамза Ҳакимзода жадидларнинг бу ҳаракатига жавобан «Гапур» сарлавҳали шеър ёзади ва «Ҳар икки Садоя» хитобан, «Гапурманглар» шеърига жавобан,— деган изоҳни ёзиб, шеърнинг мунозараий характерини таъкидлаб ўтади.

Ҳамзанинг «Гапур» шеъри ижодий программа характеристидаги шеърлардан бўлиб, шоирнинг эстетик принципларидан дарак беради. Бу шеърда Ҳамза илгари сурган ижодий эстетик прин-циплар демократ шоирлар ижодий йўлининг давоми бўлиб, реа-листик принципларга асосланади.

¹ Абдулла Авлоний, «Фалат» шеъри. «Садои Туркистон», 1915, 54-сон.

² Абдулла Авлоний, «Унут» шеъри. Ӯша газета, 1914, 17-сон.

Ҳамза Ҳакимзоданинг 1917 йилда ўзи ташкил қиласан «Кенгац», «Хуррият» журналларида олиб борган курашлари ҳамдиқатга сазовордир. Маълумки, бу даврда вақтли буржуа ҳукуматининг маъмурлари, шунингдек, жадид адабиётчилари Ҳамзага қаттиқ ҳужум уюштирганлари учун у ўз мақолаларидан бирида, «тилимни сўзловдан, қаламимни ёзуудан тўхтатдилар...», деб зорланишга мажбур бўлган эди.

Адабий фронтдаги курашни кўрсатадиган бундай фактларни кўплаб келтириш мумкин. Умуман, 1905 йилдан кейинги мураккаб тарихий вазиятда адабий лагерлар ўртасида кескин ажralиш юз берив, қизғин кураш давом этди.

Эндигина туғилган, лекин истиқболи порлоқ бўлган революцион адабиёт мана шундай реакцион ва контрреволюцион жадид адабиётига қарши курашда чиниқди, ўси. Революцион адабиёт меҳнаткаш омманинг миллӣй ва колониал зулмга, эксплуататорлар ўрнатган адолатсиз тузумга қарши олиб борган озодлик ҳаракатининг юксалишига ёрдам берди, халқ оммасининг қуороли сифатида халқ манфаати учун хизмат қиласди. Революцион адабиёт ўзбек классик адабиётининг қонуний меросхўри бўлиб, ўзининг энг яхши традициялари билан ўзбек совет адабиётини бойитди.

ҲАМЗА ҲАКИМЗОДА НИЁЗИЙНИНГ РЕВОЛЮЦИЯДАН ИЛГАРИГИ ИЖОДИ

Ҳамза Ҳакимзода Ниёзий ўз ижодий фаолиятини 1905 йил арафаларида бошлади. Ҳамза Ҳакимзода Улуғ Октябрь социалистик революциясига қадар анчагина асарлар яратиб, маълум ижодий эволюцияни бошидан кечирди. Унинг революциядан илгари ёзган асарлари сон жиҳатидан ҳам, сифат жиҳатидан ҳам диққатга сазовор асарлардир.

Ҳамза Ҳакимзода адабиёт оламига кирган вақтдаги тарихий давр ўзининг воқеаларга бойлиги, адабий платформалар ўртасидаги ажralишнинг кескинлиги билан характерланади. Бу даврда, бир томондан, демократик адабиёт изчил позицияда туриб, халқ манфаатлари учун олиб борилаётган курашни давом эттироқда эди, иккинчи томондан, ҳоким синфнинг ҳоким идеологиясини ташувчи диний-мистик ва реакцион жадид адабиёти мавжуд эди. Ана шундай мураккаб шароитда яшаган Ҳамза Ҳакимзода бошданоқ прогрессив адабий платформада туриб, халқ иши учун кураш олиб борди.

Ҳамза Ҳакимзода ўз ижодини кичик ҳажм-«Девони Ниҳоний», даги лирик шеърлар ёзиш билан бошлади.

У ўз ижодининг илк даврида Ниҳоний таҳаллуси билан шеърлар ёзди. Кейинроқ бу шеърларни «Девони Ниҳоний» номи билан тўплади. «Девони Ниҳоний» шоирнинг

1905—1914 йиллар орасида ёзган лирик, сатирик ва юмористик шеърларини ўз ичига олади. Девонда 197 шеър бор. Бу шеърлар классик поэзиямизнинг турли шаклларида ёзилган бўлиб, улар ичидаги 168 фазал, 1 маснавий, 17 мухаммас, 5 мусаддас, 3 мураббаъ бор. Девондаги шеърларнинг 185 таси ўзбек тилида 10 таси форс-тожик тилида, 2 таси ширу-шакар усулида аралаш тилда, русча-ўзбекча ёзилгандир.

«Девони Ниҳоний» тўпламидаги шеърларни ёзишда шоир шаклан классик поэзиямиз изидан бориши билан бирга, мазмун, ғоявий йўналиш ва тематика жиҳатидан ҳам классик поэзиямиз традициясига эргашган. Улар, асосан, ишқий шеърлардир. Лекин Ҳамза Ҳакимзоданинг шу даврдаги шеърларида ёки социал тематика кўрина бошлайди. У ўз поэзиясининг тематик доирасини кенгайтиришга интилиб, ҳаётий проблемалар ҳақида ажойиб мазмундор, реалистик шеърлар ёзади. Ҳамзанинг бу даврдаги лирик шеърларидан намуна сифатида унинг «Рамазон» шеъридан парча келтириш мумкин:

Оҳ қилдинг эй жаҳолат, илмисини оқибат,
Парча нонга бошини ҳам, номуси барбодтур.

Бу куни барча ясангай турфа алвоnlар кийиб,
Осмон, гўё, оёқ остида барафтоддур.

Камбагаллар титрашиб юргай ялангоч изғишиб,
Оҳ, бу фақирлик асорат онлара саліёддир.

Дил шикаста, бағри хуп, кўзида ёши шашқатор,
Отасиз, баҳтсиз етимлар ҳолига фарёддур...

Үйлама ўлгунча ҳар ким бу разолатда кетар,
Шоҳлар бир кун гадо, бир кун гадо шаҳзоддур.

Бир етимга тева бўлмоқ шоҳи Аҳмадга надир,
Бир етим дилшоддир, даргоҳи акбар шоддур.

Ҳақ қули бўлсанг ҳақиқат риштасин тутгил мудом,
Зоҳиру ботин ҳақиқат наҳридни ободдур.

Эй Ниҳон бўйла, мусулмонлиқ ила шармандасан,
Зоҳиринг тақлид-уммат, ботининг ифсаддур.

Классик поэзиямизда диний ақиданинг энг заарарли қоидаларидан бири бўлган рамазон тўғрисида анчагина шеърлар бор. Чунончи, Муқимий, Мунис Хоразмий, Огаҳий, Комил Хоразмий рамазон тўғрисида бир қанча шеърлар ўзининг ғоявий-бадиий хусусиятлари билан адабиётимизда шу вақтгача рўза тўғрисида ёзилган шеърлардан фарқ қиласди. Аввало, бу фарқ шундаки, бу шеърда социал йўналиш бўртиб туради, рамазондан ўз манфаатлари йўлида фойдаланувчи «зоҳидлар, мусулмонлар»ни

танқид қилиш, «парча нонга зор етимлар»га ачиниш кўзга равшан ташланади. Иккинчидан, шеърнинг «Шоҳлар бир кун гадо, бир кун гадо шаҳзоддур» мисраси унга алоҳида мазмун ва руҳ баҳш этган. Бу мисрада ёш шоир Ҳамза ҳаётда ўзгариш бўлишини, социал адолатсизликка барҳам берилишини орзу қиласди. «Рамазон» шеъри Ҳамзанинг илк шеърларида ёки чуқур социал мотивлар илгари сурилганидан далолат беради.

«Девони Ниҳоний» тўпламида юмористик шеърлар ҳам учрайди. Ҳамза Ҳакимзода бу жанрда ҳам классик поэзиямиз, айниқса, Муқимий даври адабий традицияларини давом эттириб, кишини жалб этувчи юмористик шеърлар яратди («Ҳажв дар ҳаққи машина», «Ҳажви пашша», «Ҳажв дар ҳаққи як жувон» ва бошқалар). Шоирнинг юморларидан намуна тариқасида «Ҳажви пашша» шеъридан бир парча келтирамиз:

Тошканд аро кўп эркан исказ топор пашша,
Ҳар ҳовлида ададсиз милён ҳазор пашша.

Аср ўлмайин чиқарлар найзаларини тезлаб,
Ёпун аскаридек рад-рад қатор пашша.

Чаққанда тоқат этмай, қочсанг туриб жойнингдан
Тонг отқуча кетингдан қувлаб чиқор пашша.

Шомдан қулоқ тагида то субҳи базм аллаб,
Танбур чалур, нагора, қўшнай, дугтор пашша...

Қолмай баданда зарра қондан нишона ҳаргиз,
Машинасини тиркаб қўймай сўрор пашша.

Ўз аҳлидин суд ўлмай, қонига қорни тўймай,
Вокзал, чиқиб, мусофири, пойлаб ётор пашша,

Демаски, «бу мусофири, йўқдир баданда қони»,
Қопча Ниҳоний бўлсанг, исказ топор пашша.

Ҳамза Ҳакимзода шеърлари ичida мактаб-маорифни таъриф этувчи, илм-маданиятни тарғиб қилувчи асарлар кўп учрайди. Чунки шоир Муқимий, Фурқат, Комил Хоразмий каби маърифатпарварлар йўлини давом эттирувчи қизгин тарғиботчи сифатида ижод этади. Унинг маърифатпарварлик руҳидаги шеърларидан намуна сифатида «Китоб» шеърини келтириш мумкин:

Ҳар муроднинг бошидур, ҳар муддаонинг гавҳари,
Ҳар маразларнинг шифоси, яъни Луқмонидир китоб.

Қўзни нури, дил ҳузури, дилларнинг дармонидир.
Ҳар қоронғу дилга гўё, моҳи тобондир китоб.

Ҳар балодин асрағувчи, энг муҳим қиммат яроf,
Тири ваҳшат, ханжари зиллатга қалқондир китоб.

Шеърнинг бадий хусусиятларидан кўриниб турганидек, у Ҳамза ижодининг илк намуналаридан биридир. Демак, Ҳамза

ўз ижодининг бошланишидаёқ маърифатпарварлик ғоялари билан фоят қизиққан ва бу темада шеърлар ёзган.

«Девони Ниҳоний» тўпламидағи шеърларнинг ҳаммаси аруз вазнида ёзилган. Шоир қофия, радиф, бадиий тасвир воситалари ва образлар борасида ҳам классик адабиётимизга эргашади. Шундай қилиб, «Девони Ниҳоний»даги асарлардан маълум бўлишича, Ҳамза Ҳакимзода ўз ижодининг илк даврларидаёқ ўзбек классик адабиётининг энг яхши традицияларини давом эттирувчи демократ-маърифатпарвар шоир сифатида майдонга чиққандир.

Ҳамзанинг ўқиши китоблари. Ҳамза Ҳакимзоданинг таржимаи ҳолидан маълум бўлишича, шоир икки йил давом этган чет эллардаги саёҳатидан қайтгандан сўнг (1914), адабий-ижодий ишини давом эттириш билан бирга, педагогик иш билан ҳам машгул бўлган. У Қўқонда «Дорилятим» («Етим болалар мактаби») номи билан мактаб очиб, унда ўзи ўқитувчилик қилган, мактаб учун зарур бўлган қўлланмаларни ҳам ўзи тузган. Шундай қилиб, Ҳамзанинг «Енгил адабиёт», «Қироат китоби», «Ўқиши китоби» номлари остида педагогик характердаги учта китоби майдонга келган.

«Енгил адабиёт» китоби биринчи синф болалари учун қўлланма бўлиб, у 1914 йилда шеърий йўлда ёзилгандир. Китобнинг бош қисмида илм ўрганишнинг аҳамияти ҳақида қисқача муқаддима ясалгацдан кейин ахлоқий характердаги ҳикоялар берилади.

«Ўқиши китоби» асари ҳам 1914 йилда шеърий йўлда ёзилган бўлиб, ахлоқий темадаги ҳикояларни ўз ичига олади. Тўпламда олтида ҳикоя берилган. Бу ҳикоялар манбалардан, кўпроқ Шарқ адабиётидан, рус классик адабиётидан олинган бўлиб, Ҳамза уларни ижодий қайта ишлаб, шеърий шаклга солган. Чуюнчи, «Хиёнатдан хижолат» сарлавҳали биринчи ҳикоя Л. Н. Толстойдан, «Тошбақа билан Чаён ҳикояси» номли учинчи ҳикоя эса Гулханийнинг «Зарбулмасал» асаридан олинган.

«Қироат китоби» эса иккинчи синфлар учун қўлланма бўлиб, у 1915 йилда прозаик усулда ёзилган. Бу китобда берилган ҳикояларнинг ҳаммаси ахлоқий-дидактик характердаги асарлардир. Китоб тўққиз бобдан иборат бўлиб, уларда турли ахлоқий масалалар: адаб, жаҳл, кибр, илм ва бошқа шу каби масалалар тўғрисида фикр юритилади. Автор баён қилинган ҳар бир фикрнинг исботи учун биттадан ҳикоя келтиради.

Ҳамзанинг шеърий тўпламлари. Ҳамза Ҳакимзода 1915—1917 йиллар орасида ўзининг машҳур шеърий тўпламларини яратди. Бу тўпламлар умумий бир ном билан — «Миллий ашуалалар учун миллий шеърлар» номи билан юритилиб, ўз вақтида Қўқонда литография йўли билан босилгандир. Бу серияга кирувчи китобларнинг ҳар бири яна ало-

ҳида ном билан аталади: «Оқ гул», «Қизил гул», «Яшил гул», «Сариқ гул», «Пушти гул», «Сафсар гул».

Ҳамзанинг миллий куйларга миллий шеърлар ёзиши тасодифий ҳодиса эмас эди. Ҳамза халқ оғзаки ижодига, шу жумладан халқ қўшиқларига жуда қизиққан ва ўз ижодида унинг бойлигидан кўп фойдаланган. Ҳамзанинг миллий куйларга ёзилган ашулаларининг майдонга келиши ҳам унинг халқ ижодига бўлган ана шундай муносабати натижасидир. Шоир ўз шеърларининг омма ўртасида кенг тарқалишини ва уларга яқин бўлишини назарда тутиб, халқ куйларидан бир восита сифатида фойдаланади.

«Оқ гул» 1916 йилда Кўқонда нашр этилди. Унда тўрт шеър берилган бўлиб, уларда шоир халқни уйғонишга, тараққиётга, илм ўрганишга чақиради.

«Қизил гул» 1916 йилда Кўқонда нашр этилди. Ўн икки бетдан иборат бўлган бу тўпламда лирик характердаги шеърлардан ташқари, дин аҳлларига қарши қаратилган бир сатирик шеър ҳам бор. Бу шеър:

Этагидан ушламам, хайр қил, деб мушламам,
Ночор олам хушламам, назр бергач ўзлари —

мисралари билан бошланадиган «Эшон поччам» сарлавҳали машҳур сатирадир.

«Яшил гул» 1916 йилда Кўқонда нашр этилди. Тўпламдаги шеърларнинг кўпчилиги маърифатпарварлик руҳида ёзилган. Олия Бону исмли татар қизига ёзилган мактуб шаклидаги шеър ҳам шу тўпламда берилган. Булардан ташқари бир сатирик шеър ҳам бор.

«Сариқ гул» 1916 йилда Кўқонда нашр этилди. Тўплам 12 бетдан иборат бўлиб, унда тўрт шеър берилган. Ҳамзанинг:

Эшонларнинг ҳолидан,
Сўз очма аҳволидан,
Ҳамон тамаъ ишлари,
Халойиқнинг молидан —

мисралари билан бошланадиган «Эшонлар» сарлавҳали машҳур сатираси биринчи марта шу тўпламда босилган эди.

«Пушти гул» 1916 йилда Кўқонда нашр этилди. Тўпламда бешта шеър бор. Шеърлар асосан маърифатпарварлик руҳидаги лирик асарлар бўлиб, улардан бири сатирик характердадир.

«Сафсар гул» 1917 йилда Кўқонда нашр этилган. Бу китоб «Ёдгори ҳуррият ёки ватан ишчилари» номи билан ҳам аталади. Тўплам ўн икки бетдан иборат бўлиб, унда тўртта шеър берилган. Китоб номида таъкидланганидек, тўплам умуман «Ватан ишчилари» га, яъни 1916 йилги мардикор воқеаисига бағишлиланган. Тўпламдаги шеърларнинг ҳаммасида ҳам узоқ элларда,

Фронт орқасида оғир меҳнат остида эзилатётган ўзбек йигитлари — мардикорларининг кулфатли ҳаёти, уларнинг ичкى кечинмалари, ҳис-туйғулари зўр бадиий маҳорат билан куйланади. Ҳамза Ҳакимзода поэзиясида мардикор тематикасининг ишланиши буржуа-жадид шоирларининг бўлган муносабатларидан принципиал фарқ қиласиди. Агар жадидлар мардикорларга хитоб қилиб, уларни подшога садоқат билан хизмат қилишга чақирган бўлсалар, Ҳамза жафокаш мардикорларга зўр ачиниш билан қарайди, уларнинг ғам-ғуссаларига шерик бўлади. Ҳамза Ҳакимзода социал лирикасининг энг кучли на-муналаридан бўлган машҳур «Софиниб», «Салом айтинг» шеърлари биринчи марта ана шу тўпламда эълон қилинган эди.

Ҳамза ижодида 1914 йилдан кейин, яъни унинг чет элларга қилган саёҳатидан қайтиб келганидан сўнг, қисман жадид адабиётининг таъсири кўринади. Лекин бу таъсир қисқа муддатли ва ўткинчи эди. Айниқса, 1916 йил воқеаларидан сўнг, жадидларнинг узил-кесил чоризм малайига айланиб, уларнинг асл қиёфалари яққол маълум бўлгандан сўнг Ҳамза улар билан бутунлай алоқасини узди, ҳатто уларга қарши кураш бошлади. Ҳамза ижодидаги бундай бурилиш жуда кўп фактлар ва адабий ҳужжатлар билан исбот қилинади.

Ҳамзанинг прозаик ва драматик асарлари. Ҳамза Ҳакимзода революциядан илгари поэзия соҳасида ижод этиш билан чеклашиб қолмай, проза ва драматургия соҳасида ҳам ўз истеъоддини намойини қилди.

Ҳамзанинг революциядан илгари ёзган прозаик асарлари ичида «Янги саодат ёхуд миллний роман» номли асари алоҳида ўрин тутади. Роман 1915 йилда Тошкентда литография йўли билан нашр этилди. Романда қиморбозлик оқибатида хароб бўлган ва оиласи бузилган Абдуқаҳдор саргузаштлари ҳикоя қилинади. Роман Абдуқаҳдорнинг қайтадан одам қаторига қўшилиб, саодатга эришиши ва оиласига қайтишини тасвирлаш билан тугайди. Романда тасвирланишича, Абдуқаҳдор ўз ўғли Алижоннинг ўқиб илмли бўлиб этишиши натижасидагина бошига тушган кулфатлардан қутулиб, саодатга эришади. Романда: ўқисанг, илмли бўлсанг, хор бўлмайсан, деган гоя илгари сурилади.

Ҳамза революциядан илгари бир неча драматик асарлар ҳам ёзган. Булар ичида «Заҳарли ҳаёт» пьесаси алоҳида диққатга сазовордир. «Заҳарли ҳаёт ёхуд ишқ қурбонлари» тўрт пардали фожия бўлиб, у 1916 йилда Тошкентда нашр этилди. Фожианинг асосий ғоявий мазмуни адолатсиз тартиблар ўрнатилган тузумда виждонли ва онгли, ўз қадр-қиёматини билган кишилар учун ҳаёт оғу-заҳардан иборат эканини кўрсатишdir. Фожианинг ғоявий мазмуни икки онгли ва номусли ёш қалбнинг бир-бирига бўлган муносабатида, улар билан ҳукмрон муҳит

ўртасидаги қарама-қаршиликда, бу конфликтнинг фожиали ра-вишда ҳал бўлишида кўрсатилади. Асарнинг бош қаҳрамонла-ридан бири мутаассиб бой Мирза Ҳамдамнинг ўғли Маҳмудхон, иккинчиси камбағал, оддий косибнинг номусли ва иффатли қизи Марямхондир. Маҳмудхон Марямхонни севади, лекин мута-ассиб бой бундай самимий ва эркин муносабатларга қарши чи-қади. Бунинг устига Марямхонн тўрт хотин устига қари эшонга хотинликка бермоқчи бўладилар. Бундай адолатсиз-ликларга, зўрлик ва ҳақоратларга чидай олмаган Марямхон заҳар ичиб ўлади. Маҳмудхон ҳам ўзини ўзи ўлдиради.

«Заҳарли ҳаёт» фожиаси ўзининг гоявий ва бадиий хусуси-ятлари билан фақат Ҳамза Ҳакимзода ижодидагина эмас, бал-ки ўзбек драматургияси тараққиётида ҳам катта аҳамиятга моликдир. «Заҳарли ҳаёт» ўзбек драматургиясининг жиддий тўнгич асари бўлиш билан бирга, Ҳамза ижодий такомилидан ҳам дарак беради. Бу фожиада драматургиямиз тарихида биринчи марта оддий меҳнаткаш ҳалқ вакиллари асосий қаҳ-рамон сифатида иштирок этади. Ҳамза бу асарида ҳалқпар-варлик, маърифатпарварлик гояларини илгари суреб, драма-тургияни демократлаштиради.

Ҳамза Ҳакимзода революциядан илгари журналист сифати-да ҳам иш олиб борди. У Кўқонда 1917 йилда нашр этилган «Кенгаш» номли журналда муҳаррирлик қилди. Бу журнал чор маъмурияти томонидан ёнилгандан сўнг, у бир неча вақт «Хур-рият» журналида ҳам (бу журнал 1917 йилнинг ўрталарида бо-силиб турган) мұҳаррир бўлиб ишлади.

**Ҳамзанинг
сиёсий лирикаси.** Ҳамзанинг революциядан илгариги ижодий мероси ичida унинг 1916-1917 йилларда яратилган сиёсий лирикаси алоҳида аҳами-ятга моликдир. Бу сиёсий лириканинг машҳур шамуналари си-фатида унинг «Софини», «Салом айтинг», «Шундоқ қолурму», «Хой ишчилар» шеърларини кўрсатиш мумкин.

Демократ ва маърифатпарвар шоир Ҳамза Ҳакимзоданинг дунёкараши 1916 йил воқеалари таъсири остида яна ўзгарди. Энди у ўз асарларида меҳнаткаш ҳалқ оммасида кучайиб бора-ётган революцион кайфиятни куйлашга киришди. Ҳамзанинг ре-волюцион адабиётнинг энг яхши намуналаридан ҳисобланган юқоридаги шеърларни яратишда рус революцион адабиётининг таъсири катта бўлди. Шоир ўзининг «Софини», «Салом айтинг» каби шеърларида 1916 йилги ҳалқ озодлик ҳаракатларини қув-ватлади ва ҳалқ манфаатини ҳимоя қилди. Ҳамза мардкор-ликка олинган бир ўзбек йигитининг тилидан айтилган қуидаги мисраларда бутун меҳнаткаш ҳалқнинг золимларга қарши нафрат ва ғазабини умумлаштирган эди:

Қаттиқ тегма менга мунча юзбошим,
Оқизма кўп ғамим узра кўз ёшим,

Юрак бағрим ўзи ҳадсиз эзилган,
Юрту ватан, элларимни соғиниб.

Ҳамза Ҳакимзода поэзиясидаги революцион кайфият, айниқса, унинг 1917 йил февраль революциясидан кейин ёзган шеърларида равшан кўринади. Бу жиҳатдан «Шундоқ қолурму» шеъри жуда муҳимдир. Шуни таъкидлаб ўтиш зарурки, Ҳамза дастлаб февраль революциясининг асл моҳиятини тушуниб етмади, уни «Ҳуррият» деб севинч билан қарши олди. Лекин орадан кўп вақт ўтмай, февраль революциясининг контрреволюцион моҳиятини, буржуазиянинг — жадидларнинг хоинлигини англади ва бутун кучи билан уларга қарши кураш бошлади, юз берган ахволнинг шундай қолмаслигига чуқур ишонч билдириб, хоинларни фош этди:

Шундоқ қолурму, қолурму
Ҳамон ваҳшатда қолурму?
Нафс, шаҳват қурбонлари,
Сизга ишониб бўлурму?
Туркистоннинг истиқболи,
Сиз хоинларга қолурму?

Шоир ватан хоинларига нафрат билдириш билан чекланиб қолмади, ҳалқни — ишчилар ва эзилган меҳнаткашларни курашга, жангларда озодликни қўлга киритишга чақирди. Чунопчи, шоир 1917 йил февраль революциясидан кейин ёзган «Ҳой ишчилар» шеърида шундай жанговар мисралар яратди:

Ҳой ишчилар,
Эзилган меҳнатчилар,
Битсин золим бойлар!
Эркингни қўлдан берма,
Яша, хизматчила!

Қуроллан меҳнатчилар,
Бўлсин дунё сенинг!
Бас энди қуллик кўриб,
Асрлар келганинг!

Ҳамза Ҳакимзода революциядан илгариги даврда яратган поэзияси билан, айниқса, сиёсий лирикаси билан ўзбек шеъриятида ғоят зўр ўзгариш ясади. Ҳамза Ҳакимзода революцион ғоялар билан суғорилган шеърларини ижод қиласар экан, шу жанговар мазмунни ифода қила оладиган янги адабий услуб, янги шеърий шакл ҳам яратди. У поэзияга бармоқ вазнини олиб кириб, уни ҳар жиҳатдан мустаҳкамлади. У шеърий шакллар масаласида ҳам янгилик яратди. Ҳамза ғазал, мухаммас ва бошқаларни янги шакллар билан, ҳалқ қўшиқларига хос бўлган шеърий шакллар билан бойитди.

Ҳамза Ҳакимзода услугуб, бадий тил масалаларида ҳам новатор шоирdir. Унинг поэтик лексикаси халқ жонли тили, рус тили элементлари ҳисобига бойиди.

Ҳамза Ҳакимзоданинг ҳам мазмун, ҳам бадий шакл жиҳатидан янги типдаги шеърни яратиши унинг ўзбек шеърияти тараққиёти йўлидаги тарихий хизмати эди. Ҳамза ўзбек революцион адабиётининг туғилишида ўз ҳиссасини қўшган чинакам новатор шоирdir.

САДРИДДИН АЙНИЙНИНГ РЕВОЛЮЦИЯДАН ИЛГАРИГИ ИЖОДИ

Тожик совет адабиётининг асосчиси, ўзбек совет адабиётининг машҳур намояндаларидан бири, улуф сўз устаси Садриддин Айний 1878 йилда Бухоро область Фиждувон районига қарашли Соктаре қишлоғида дехқон оиласида туғилди. Айний бошланғич маълумотни Фиждувон мактабларининг бирида олгандан сўнг Бухорога келиб, «Мир Араб» мадрасасида ўқиди.

С. Айнийнинг отаси ўз замонасининг ўқимишли ва илфор фикрли кишиси бўлган. У киши санъат ва адабиётга қизиқсан. Бу ҳол эса Айнийда жуда эрта бадий завқ уйготишга таъсир кўрсатган, албатта. Айний ўз таржимаи ҳолида болалик чоғларини эслаб: «Шеърларни севар эдим,— деб ёзади,— уларнинг мазмунига яхши тушунмасам ҳам, оҳангни мени завқлантирар эди. Баъзи шеърларни ёдлашга тиришар эдим. Саъдий, Ҳофиз, Бедил, Сойиб, Навоий ва Фузулий каби шоирларни «вали», уларнинг шеър яратишларини эса бир мўъжиза деб ҳисоблар эдим».

С. Айний 1905 йилдан бошлаб ижод қила бошлади. 1935 йилда унинг ижодий фаолиятига 30 йил тўлиши муносабати билан юбилей ўтказилган эди.

Айний дастлабки вақтларда кичик ҳажмдаги лирик шеърлар ёзди. Унинг ўқитувчилик қилгани ва мактаб учун қўлланмалар тузгани ҳам маълум. Тожик тилида ёзилган «Алифбо китоби», «Ўқиши китоби» 1905 йилдан кейин очилган янги усулдаги мактаблар учун С. Айний томонидан тузилган қўлланмалардир.

С. Айнийнинг адабий-ижодий ва илмий фаолияти ниҳоятда оғир шароитларда ўтган. Мутаассиб диний идеологиянинг макони, феодал деспотизмининг мужассам тимсоли ҳисобланган Бухоро хонлиги зулми таъқиби остида ижод этиш, маданият, тараққиёт ва адолат учун курашиб ниҳоятда қийин эди. Чиндан ҳам, Айнийнинг революциядан илгариги фаолияти кулфатлар, фожиалар, руҳий ва жисмоний азоблар билан тўла. 1918 йилда ёзувчининг кичик укаси Сирожиддин Бухоро амири томонидан фожиали равишда ўлдирилди, кейинроқ (1922) катта акаси ўз қишлоғи Соктареда босмачилар томонидан ўлдирил-

ди, мол-мулки таланиб, уй-жойи вайрон қилинди. Айнийнинг ўзи эса 1917 йилда Бухоро амирининг жосуслари томонидан қўлга олиниб, зиндонга («обхона» га) қамалди. Бухоро амири Айнийни 75 дарра уриб жазолашга ҳукм қилди. Жуда оғир ярадор бўлган С. Айнийни рус солдатлари амир зиндонидан озод қилдилар ва Самарқандга келтириб даволадилар.

С. Айнийнинг 1915—1916 йилларда Қизил Тепадаги пахта тозалаш заводида ишчи бўлиб ишлаши унинг дунёқарашининг шаклланишида катта аҳамиятга эга бўлди. Бу даврда ёзувчи тожик ва ўзбек ишчилари ҳёти билан яқиндан танишиш билан бирга, кун сайин чуқур томир отаётган революцион идеология билан ҳам танишди. Бундан ташқари, С. Айний ижодининг тақомиллашувида, унда революцион фояларнинг туғилишида рус революцион адабиёти ҳам самарали таъсир кўрсатди.

1905 йилдан кейинги ўзбек адабиётида, шу жумладан, С. Айний ижодида революцион фояларнинг туғилишида пролетариат тимни «Интернационал» ва «Марсельеза»ларнинг аҳамияти каттадир.

1905—1907 йил революцияси даврида Туркистондаги социал демократик ташкилотлар томонидан «Марсельеза» тексти билан революцион варақалар чиқазилган ва аҳоли ўртасида кенг тарқатилган эди. Бу варақалардаги «Марсельеза» XVIII асрдаги улуф француз революцияси даврида яратилган «Марсельеза» бўлмай, «Рабочая Марсельеза» деб аталган рус революцион қўшиги эди. Бу қўшиқ «Марсельеза» куйида ижро қилинап эди. Бу революцион қўшиқнинг халқ кайфиятига бўлган кучли таъсирини, унинг ўз даврида машҳур бўлганини ва кенг тарғиб қилинганини шундан ҳам билиш мумкини, театrlарда томониша вақтида, парда ораларидаги танаффус вақтида халқ артистлардан «Марсельеза» марши ижро этишни талаб қиласар эди.

1905 йил апрель ойида Черняев станциясидаги ишчиларнинг иш ташлаши муносабати билан Тошкент РСДРП группаси «Ўрта Осиё темир ўйлиниң барча ишчиларига» сарлавҳали прокламация чиқариб, бутун темир ўйл ишчиларини самодержавие га қарши кескин курашга чақирди. Бу прокламация пролетар гимни Интернационалнинг қўйидаги мисралари билан тугар эди:

Никто не даст нам избавлењья,
Ни бог, ни царь и не герой.
Добѣмся мы освобождењья,
Своєю собственной рукой.

(Озодликни ҳеч ким бермайди бизга,
На тангри, на шоҳ ҳам на баходир.
Чуққи хуррияти курашларда биз —
Ўз қўлимиз билан топишга қодир.)

Рус революцион адабиётининг жанговар намуналари бўлган бу асаллар ўзбек адабиёти тараққиётига бевосита таъсир кўр-

сатди ва сезиларли из қолдирди. Бу жиҳатдан С. Айний ижоди жуда характеридир.

С. Айний Бухорода халқ Шўролар жумҳурияти тузилганга қадар меҳнаткаш халқ оммасининг амирлик истибоди давридаги озодликка бўлган интилиши ва курашларини ифода этиб, қатор революцион қўшиқлар, маршлар ёзди. Ўзбек ва тожик тилларида ёзилган бу асарлар «Инқилоб учқунлари» ва «Ахкари инқилоб» номи билан икки китобга тўпланди ва сўнгроқ, 1923 йилда Бухорода нашр этилди.

Тўпламлар ҳажми у қадар катта эмас. Масалан, «Инқилоб учқунлари» тўпламида йигирмага яқин шеър бор. Бу шеърлар 1917—1920 йиллар орасида, яъни Бухоро халқ революциясидан илгари ёзилган.

Тўпламга кирган шеърларнинг гоявий йўналишини, умуман, С. Айний ижодининг бу даврдаги бадиий-эстетик платформасини аниқлашда тўпламда берилган қўйидаги икки мисрали эпиграф жуда муҳимдир:

Халқ уйин бедод ила куйдурсанг, эй бедодгар,
Куйдирар қасрингни охир «Инқилоб учқунлари».

Бу эпиграф тўпламга тасодифан қўйилган эмас. Тўплам бошдан-оёқ революцион руҳ билан сугорилган бўлиб, унда амирлик ҳокимиятини ағдариш, озодликка чиқиши фоялари илгари сурилади.

Тўпламга кирган шеърларнинг бири «Ҳуррият марши» бўлиб, у «Марсельеза»га ўхшатма тарзида, ундан илҳомланиб ёзилгандир. Шеърнинг бу хусусиятини авторнинг ўзи ҳам таъкидлаб ўтади: унга қавс ичида «Марсельеза» деган иккинчи ном ҳам қўяди. «Ҳуррият марши» темаси жиҳатидан ҳам, бадиий хусусияти жиҳатидан ҳам рус революцион қўшиғи «Марсельеза»ни эслатади:

Илгари, илгари, эй йўлдошлар,
Адолат, мусоват йўлиға,
Бирлашинг, ишлашинг, эй қўлдошлар
Колмангиз золимлар қўлиға.

Рус революцион адабиётидан бевосита ўрганиш, унга эргашиб тўпламдаги бошқа шеърларда ҳам, чунончи, «Байнамилал марши» ёки «Интернационал» шеърида ҳам равшан кўриниб туради. С. Айний ўз шеърини, худди революцион гимн-дагидек, ишчилар синфиға хитоб билан бошлайди:

Уйгон, дунё ишчиси, турғил,
Яқинлашди ойдин кунлар.
Ёруғ дунёга чиқ, гайрат қил,
Кўп кўрдинг қоронғу тунлар.

Дунёни буз, янгидан тузат,
Керак эмас эски душё,
Золимлар дунёсини титрат,
Мазлумлар кўрсенилар сафо.

С. Айнийнинг эстетик идеали бу бандларда жуда аниқ баён қилинган. У ишчилар синфининг революцион кучларига беҳад ишонади, унга мурожаат қилиб, чириган эски амирлик дунёсини парчалаб ташлашга чақиради. Бу революцион чақириқлардан сўнг гимн мисраларидан олинган қўйидаги «нақорат» келади.

Сўнгги уруш бўлур бу,
Қонли уруш бўлур бу,
Байналмилал юриш бу,
Қаттиқ юриш бўлур бу.

Бу келтирилган икки шеър С. Айнийнинг революциядан илгариги ижодий қиёфасини белгилаш учун кифоя қилса-да, унинг тожик тилида ёзилган шеъридан бир парча келтирамиз. Бу шеър 1918 йилда шоирнинг ўкаси Сирожиддининг амир томонидан ваҳшиёна ўлдирилиши муносабати билан марсия тарзида ёзилган эди:

Хоҳам он хонаи бедоду ситам вайрон бод,
Хоҳам он маҳкаман жавр мазористон бод.

Хоҳам он таҳтоти, шуд боиси бадбахти мо,
Реза-реза шуда бо хоки сиёҳ яксон бод...

Хоҳам он муфтию, он қозио, он шоҳу вазир
Сарнагун гашта ба хуни худашон галтон бод.

(Мазмуни: Зулм ва ситам уйи вайрон бўлишини, зулм маҳкамаси мазористонга айланишини, бахтсизлигимиизга сабаб бўлган бу таҳтнинг парча-парча бўлиб, қора тупроққа қўмилишини, муфти, қози ва вазирларнинг ўз қонига беланиб, ер билан яксон бўлишини истар эдим.)

С. Айнийнинг «Инқилоб учқунлари» тўпламига кирган шеърларининг яна бир характерли ҳусусияти шуки, уларда мактаб, илм-маданият тарғиб қилинади. Революцион шоир бу шеърларидан маърифатчи сифатида ҳам майдонга чиқади. Бундай шеърларидан намуна сифатида «Мактаб марши», «Биринчи май марши» каби шеърларини кўрсатиш мумкин.

С. Айнийдаги чуқур ватанпарварлик түйғуси «Фурбат ёдгори ёки ватан ёди» шеърида яхши ифодаланган. Фазал шаклидаги олти байтлик бу мазмундор лирик шеър қўйидаги мисралар билан бошланади:

Эй ватан, бошимга мушкул тушди ҳижронинг сенинг,
Бенаво бошим ўлади кош қурбонинг сенинг.

С. Айний ўзининг «Кун чиқарлиларга хитоб» сарлавҳали шеърини «Шарқ ва ғарб ишчиларининг иттифоқи шарафига» бағишлийди. Бу шеърда революцион шоирдаги интернационализм руҳи яхши ифода этилган.

Шундай қилиб, С. Айний Бухоро революциясига қадар амир зулми ҳукмронлик қилиб турган оғир бир тарихий шароитда яшаб ижод этди ва революцион адабиётнинг кичик, лекин порлоқ намуналарини яратди. Айнийнинг революциядан илгариги ижодий фаолиятининг асосий моҳияти ва аҳамияти ҳам шундадир. Лекин Айнийнинг революциядан илгариги ижодини бир тарафлама баҳолаш тўғри бўлмайди. Унда камчиликлар, ёт адабиётнинг таъсири ҳам бўлган. Масалан, Айнийнинг ўзи ҳам таржимаи ҳолида революциядан илгариги даврдаги ижодига жадид адабиётининг қисман таъсири бўлганлиги тўғрисида сўзлайди. Лекин бу таъсир қисқа муддатли ва ўткинчи эди. Улуғ Октябрь революциясидан сўнг буюк сўз санъаткори сифатида юқори ижодий такомил босқичига кўтарилиб, катта полотнолар яратган реалист ёзувчи ўзининг бош ва етакчи ижодий йўлинни оғишмай давом эттириди ва совет адабиётининг фахри бўлган улкан санъаткорлар қаторидан жой олди.

Анбар отин

Номи адабиётимизга кейинги вақтларда, 60-йилларнинг бошлирида маълум бўла бошлаган талантли шоираларимиздан бири Анбар отиндир. Анбар отин демократик адабиётнинг ёш авлодига мансуб шоирадир. У ўз ижодий фаолиятида Муқимий бошчилик қилган демократик йўлни ҳароратли ва саботли давом эттириди. Анбар отин 1905 йилдан кейинги янги тарихий шароитда адабиётимизни юқори тараққиёт босқичига кўтаришда ўзининг ажойиб, ноёб асарлари билан актив иштирок этган ўзбек революцион адабиётининг кўзга кўринган намояндадаридан биридир.

Анбар отиннинг таржимаи ҳоли. Анбар отин 1870 йилда Қўқонда камбағал ҳунарманд (косиб) оиласида дунёга келди. Анбарнинг отаси Фармонқул асли марғилонлик бўлиб, шоира Увайсийнинг набирасидир. Шоиранинг онаси Ашурбиби қўқонлик Абдулғани исмли косибининг қизи бўлган.

Фармонқул, тахминан, 1865-66 йилларда тириклик тақозоси билан Марғилондан Қўқонга келиб қолган шу ерда уй-жой қилиб, турғун бўлиб қолган. Анбар отин ўзининг шеърий таржимаи ҳолида ижтимоий аҳволи, ота-оналарининг касби кори тўғрисида қуйидагиларни ёзади:

Отам — Фармонқулийи Марғилоний,
Онам — Ашурбибийи Қўқоний.
Алар белбоқчи-бўзчи эрди касби,
Ҳамиша маккайдин эрди нони,
Ким «бўзчи ёлчимас белбоққа» доим,
Яна жуфт бўлмас эрди бир чопони.

Анбар отин оиласида бош фарзанд эди. У улғайиб мактаб ёшига етгач, қизлар мактабига қатнади. Унинг маънавий ҳаётida

муҳим из қолдирган бу мактабда ўз замонасининг пешқадам аёлларидан бири бўлган шоира Дилшод отин ўқитувчилик қиласар эди. Дилшод отин ўз қўлида тарбия кўраётган қизларга меҳрибон ва ғамхўр бўлиб, хусусан Анбар отинга алоҳида муҳаббат қўйган эди. Дилшод отин ўзининг «Тарихи муҳожирон» («Муҳожирлар тарихи») номли асарида ўз мактаби, унда ўқиётган қизлар, Баҳри отин, Тўти қиз каби шоира бўлиб етишаётган талантлар тўғрисида сўзлар экан, Анбар отин номини алоҳида диққат ва эътибор билан тилга олади ва унинг порлоқ истиқболидан шундай дарак беради:

«Анбар отин буғдой ранг, сунбул соч, оҳу кўз, ой юзли, ахлоқи хамида ва одоби писандида соҳибидур. Бу саккиз яшар қизча ёшлигига қарамай ҳазрати Навоий назмиётларини ўрганишга беҳад қизиқади. Бу ожиза саккиздан ўн тўрт ёшгача адаб таълимига машғул бўлди. Умидим борки, бу қизча катта шоира бўлғуси»¹.

Ҳақиқат ҳол Дилшод отин умид қилганидек бўлиб чиқди: Анбар отин ёш вақтидаёқ талантли шоира бўлиб етишди. Анбар отин талантининг ўзига хос хусусияти шунда эдикӣ, у чуқур мазмундор, ҳалқичил лирик шеърлар билан бирга ўткир сатирик асарлар ҳам ёзар эди.

Маълумотларга қараганда Анбар отин ўратепалик Зоҳидхўжа исмли кишига турмушга чиққан. Зоҳидхўжа ўз замонасининг Наирий, Рожий, Мирза Ҳўқандий каби шоирлари билан дўстона алоқада бўлган, Муқимий, Фурқат, Завқийларни ҳам таниган, уларга ихлосманд бўлган, замонасининг илфор тушунчали кишиларидан биридир. Анбар отин оиласи ҳаётида тўрт фарзанд кўрган:

Мани фарзаидларим тўрт бўлдиню бас,
Мўминхўжам эди андак ёмони.

Бибихон — роҳати жоним, анисим,
Фариблиқ, дардманлик дармони...

Ётиб қолдим, мураббим бўлди шу қиз,
Анинг бирла топиб жоним омони,

Усмонхўжа — ҳалиму қобилимдур,
Ўқитди устод Хайруллохони.

Мани дардимга қўшди минг аламлар,
Вафот эткан қизим ул Оминахони.

Бу мисралардан кўриниб турадики, Анбар отиннинг икки ўғли, икки қизи бўлган, қизларидан бири Оминахон шоира ҳаёт

¹ Дилшоди Барно ва мероси адабий. Нашриёти «Ирфон» Душанбе, 1970. (45- саҳифа.)

вақтидаёқ вафот этган. Бу мисралардан яна ишча нарса ҳам маълум бўладики, шоира қаидайдир «гариблик, дардманлик» патижасида «ётиб қолган» ва унинг бу мусибатли кунларида дардига меҳрибон қизи — Бибихон яраган, «жонига роҳат» бахши этиб, дардига ором берган. Шоиранинг бу ўринда, шунингдек, бошқа шеърларида ҳам тез-тез тилга олинадиган бу оғир мусибатга боис бўлган дард нимадан иборат эди?

Тўғри сўз, жасур табиат ҳажвгўй шоира асарларининг ўткир тифига дуч келган унинг душманлари кўп эди. Шоиранинг пайига тушган, қулай фурсатни пойлаб юрган унинг ғанимлари бир ўтиришда атайлаб жанжал чиқариб, тўполон кўтарадилар, шу тала-тўпда шоирага ҳужум бошлиб, уни баланд зинадан итариб юборадилар. Бехосдан ийқилган шоиранинг оёғи шикастланади ва ётиб қолади. Олдин арзимас бўлиб кўринган кичик дард кейинроқ улғайиб кетади, шоиранинг икки оёғини бутунлай ишдан чиқазади. Шундай қилиб, бутунлай шол бўлиб қолган шоира умрбод ҳаракатдан маҳрум бўлиб, қолган ҳаётини «дардманлик» ёстиғига бош қўйиб ўtkазишга мажбур бўлади.

Узоқ давом этган (бу воқеа эҳтимол XX асрнинг бошларида рўй бергандир) ва фожиона тус олиб кетган бу «дардманлик» даврида шоирани рус врачлари боқсанлар. Врачлар муолижаси Анбар отин дардига, шифо бўлиб, уни ўрнидан турғазиб юбора олмаган бўлса-да, лекин улар шоирага беҳад қимматли маънавий озуқа бергандар, руҳан тетик, бардам яшашига дармон бўлиб тургандар. Қўқонда яшаб, маҳаллий халқ ўртасида илфор, революцион гояларни тарқатишида катта ишлар қилаётган бу рус зиёлилари номини Анбар отин бир неча шеърларида, шунингдек, ўзининг фалсафий рисоласи «Фалсафаи сиёҳон» асарида зўр ҳурмат ва муҳаббат билан тилга олади.

Анбар отин умриининг сўнгги дақиқаларигача ёзишдан қолмади. Тўшакка михланган шоира учун ижод этиши ҳаётий зарурият бўлиб қолган эди. У фақат шеър ёзиш имкониятигагина эга бўлиб, бутун ўй-туйғуларини, кечинималарини баён қилиб шеър тўқишида, олижаноб ўмидларини, яхши ниятларини авлодларга қолдиришдан тасалли олар эди.

Анбар отиннинг неча ёшда, қачон вафот этгани ҳақида маълумот йўқ. Унинг «Фалсафаи сиёҳон» асари 1910 йилда ёзилган. Бошқа шеърларида ифода қилган мазмунга қараганда, у биринчи жаҳон уруши даврида («Эмди бу Гермон кўтарди янги жаигани дунёда») ҳаёт эди, ижод этарди. Лекин бу зийрак ва ўта замонавий шоира асарларида «хуррият», «революция» бўлганилиги тўғрисида гап учрамайдики, бундан шоиранинг 1917 йил воқеаларигача этиб келмаган, орзиқиб кутган озодлик кунларини кўрмаган, деган хуносага келиш мумкин.

Анбар отиннинг ижодий мероси. Анбар отин ижодий мероси тўлиқ тўплланган эмас. Ундан кичик ҳажмдаги лирик шеърларни ўз ичига олган девон ёки мажмуа етиб келган. Мажмууда 90 га яқин лирик шеърлар бор. Бундан ташқари, 1966 йилда ўратепалик шеърият муҳлисиFaфур Ҳасанов ёрдамида Ленинободдан шоиранинг яна бир кичик шеърий тўплами топилди. Бу тўпламга шоиранинг тўрт, олти, баъзан саккиз мисрадан ташкил топган қитъалари киритилган. Уларни шоира «якка байтлар» деб атайди ва тўпламда араб алифбеси тартибида жойлаширади. Анбар отин ижодий меросида «Фалсафаи сиёҳон» («Қоралар фалсафаси») рисоласи алоҳида ўрин ишғол қиласи. 1910 йилда ёзилган бу рисола фалсафий трактат бўлиб, унда шоира дунёқарашининг кўп томонлари акс этади. Шоира ўзининг жамият тузуми ҳақидаги ижтимоий, сиёсий қарашларини, ҳаёт ва истиқбол ҳақидаги орзу-умидларини, романтик интилишларини, шунингдек адабиётнинг жамиятдаги бурчи, адабий ҳаётдаги курашлар ҳақидаги эстетик қарашларини фавқулодда чуқур ва аниқ формада ўз рисоласида ифода қилиб беради.

Анбар отиннинг ҳажм жиҳатида кичик, лекин мазмун жиҳатидан бой ва муҳим ижодий мероси 60-йиллардан бошлаб оммалашди. Унинг асарлари биринчи марта «Шеърлар» номи билан (3 — 63-бетлар) 1963 йилда Узбекистон ССР Давлат бадиий адабиёт нашриётида чоп этилди. Шоиранинг иккинчи тўлдирилган асарлари тўплами 1970 йилда «Шеърлар, рисола» номи билан (3 — 108-бетлар) яна шу нашриётда босмадан чиқди. Бу ҳар икки тўпламни филология фанлари кандидати Фотима Хусаинова нашрга тайёрлаган.

Анбар отин ижоди ҳақида адабиётшунос олимлардан профессор Лазиз Қаюмов, Фотима Хусаинова, Туроб Акбархўжаев ўртоқлар бир неча мақолалар, брошура эълон қилдилар. (Ф. Хусаинова — Демократ шоира Анбар отин. Тошкент, 1964, 3—33- бетлар.)

Шубҳасиз, эълон қилинган материаллар Анбар отин ижодий меросининг ҳаммаси эмас. У ҳали янги-янги материаллар билан бойиши, тўлиб бориши турган гап. Шоира меросини тўплаш, ижодини ўрганиш борасида адабиётшунослигимиз олдида ҳали катта вазифалар турибди.

Анбар отин ижодий фаолиятининг қачондан бошланганини ҳужжатлар асосида тайинлаш имкониятига эга эмасмиз. Унинг шеърларига, ўтмиш шоирларида бўлгани каби, тарих қўйилмаган. Шунга қарамай, шеърларнинг мазмуни ва умумий руҳига қараб, яна баъзм қўшимча материалларни ҳисобга олиб, шоира ўз ижодий такомилида икки босқични ўтган, деган хulosага келиш мумкин: шоиранинг демократ ва маърифатпарвар сифатида ижод этган даври ва унинг ижодида революцион мотивларнинг пайдо бўлиши даври.

Анбар отин демократ ва маърифатпарвар шоира.

Анбар отин ўз ижодининг ғоявий-эстетик асослари, бадиий принциплари билан, умумий руҳи ва интилишлари билан биринчи қадамидан бошлабоқ, бутунисича, демократик адабиётга мансуб шоира сифатида ижод этишга киришди. Натижада XIX аср охирлари, XX аср бошлари даври адабиётиниг энг илғор тенденциялари шоира ижодида ўз ифодасини топди.. Чунончи, адабиётнинг воқеликка эстетик муносабати ва ижтимоий функцияси, халқ ҳаёти ва унинг адабиётда акс этиши масаласи, хотин-қизларнинг жамиятдаги аҳволи ва тақдирни, жамият ижтимоий тузумидаги адолатсизликлар, ярамас қонун-қоидалар, ниҳоят, халқлар дўстлиги, биринчи навбатда рус-ӯзбек халқлари ўртасидаги дўстлик ва ҳамкорлик масаласи ва шунинг сингари давр ижтимоий ҳаёти кун тартибида турган асосий масалаларни Анбар отин ажойиб изчиллик ва донолик билан ҳал қилди, шу мавзуларда чуқур мазмундор асарлар яратиб қолдирди.

Анбар отин ижодидаги илғор тенденцияларни кўрсатиш жиҳатидан шоиранинг ўтмиш адабий меросга муносабати масаласи жуда характерлидир. Анбар отин ўтмиш маданиятининг улуғ арбобларидан ўрганишини, таълим олишини ўзининг биринчи бурчи деб билади:

Агар устоди адабни изласанг, Анбар отин,
Сан Навоий таълимни доим мутолаа қил!

• деб хитоб қиласи ишонра ўз-ӯзига. Бу масалада Анбар отин жуда изчил ва аниқ позицияга эга. У ўтмишнинг яхши адабий традицияларини қабул қилишга чақириш билан бирга, унда зарарли тенденциялар, қолоқ элементлар бор эканини ҳам эсдан чиқармайди ва ундай тенденциялардан воз кечиш зарурлигини таъкидлайди, ҳаттоқи, уларни қаттиқ танқид қилиш даражасига-ча кўтарилади. Шоира ўтмишдаги шундай зарарли тенденция сифатида диний таълимотларни ташвиқ қилувчи адабиётни кўрсатади. Турли диний тариқатларни, шу жумладан, нақшбандийлик ва яссавийлик сулукларни тарғиб қилувчи диний адабиётга диққатни жалб қилиб, уларнинг зарарли оқибатлари ҳақида қўйидагиларни ёзади:

«Ваҳоланки, бу замона ҳукмронларига фақат дин аҳли ҳомий эмас, балки боз мосувоий нақшбандий ва Яссавий силсила-ларини шайх ва сўфийлари ҳам луқма солуб, халқ бошиға оғирроқ зулм солишфа фатво берсалар, боз бечора халқни золим зулмиға рози бўлиб тоқат қилмоққа, фақат оллоҳ демоқға насиҳат қилурлар, чунончи, яссавийлар айтур:

Золим агар зулм айласа оллоҳ дегил,
Бош ёргунча калтакласа воллоҳ дегил..

Бу нақшбандийлар боз бошқа лафз бирла зулмға тоқат қилмоқни тарғиб қилурлар. Чунончи:

Майли душман оғу солса ошинингға,
Дод этибон тошлар отма бошинингға»¹.

Бу сўзлардан кўриниб турибдики, Анбар отин диний адабиётнинг ижтимоий функциясини яхши тушунган ва унинг реакцион моҳиятини очиқ-ойдин кўрсатиб берган.

Утмиш адабий ҳаётни баҳолашда бундай юқори принципиал тушунчага эга бўлган шоира ўз даври адабий ҳаётини ҳам шу принцип асосида баҳолайди ва уларга ўз муносабатини белгилайди. Анбар отин даврида ҳам халқа ғамхўр шоирлар бўлгани каби ўз ижоди билан ҳоким синфларга хизмат қилаётган, халқдан узоқ шоирлар ҳам бор эканини таъкидлаб кўрсатади. Хазиний, Мұхътийдек реакцион шоирларни у ўз асарларида танқид қилиб, уларга шоирлик номи хайф деб ҳисоблайди:

Эй Қамий, шоирлик узра мунча қилманг лоф-қоф,
Мұхътийдек мунча узоққа бордингиз то кўхи Қоф.

Ул Хазиний пайрави бўлмоқ ила топмас назар,
Шоир ўлмоқдин умиди бўлса, қилмас ҳеч лоф.

Үмуман, Анбар отин поэзиясида шеър моҳияти, шоирлик бурчи, адабиётнинг ижтимоий функцияси каби масалалар катта ўринни ишғол қиласди ва кенг ёритилади. Бу масалаларни ҳал қилишда ва алоҳида ёзувчилар фаолиятини баҳолашда Анбар-отин учун асосий мезон ҳаёт ҳақиқати ва халқ манфаати ҳисобланади. Анбар отин эстетиканинг бу марказий масаласида принципиал позицияда туради, халқ манфаатидан, ҳаёт ҳақиқатидан узоқ бўлган адабиётни қоралайди, шонрин танқид остига олади. Анбар отин ўзининг «Фалсафаи сиёҳон» асарида бу масалага маҳсус тўхтаб шоир ким ва қандай бўлиши керак, деган саволни қўяди ва ўз асарларида ҳаёт ҳақиқатларини куйлаган кишигина шоир деган шарафли номга сазовор бўлади, дейди:

«Маҳфий эмаски, ҳар шоирда ўткир ботиндаги, яъни ҳаёт ичидаги сирларни кўрадиган кўз бўлур. Ўшал ўткир кўз билан бошқалар кўрмаган сирларни мушоҳида қилуб, адаб ҳаририга буркаб, арзи маънисини нафис иборалар илан тараннум этар»².

Ҳаёт ичидаги сирларни «кўриш ва уларни ўз асарларида акс эттиришга интилиш» кераклиги тўғрисидаги бу тезис Анбар отиннинг жуда кўп шеърларида такрорланиб, ривожлантири-

¹ А н б а р о т и н , Шеърлар, рисола. Тошкент, 1970, 105- бет.

² Уша китоб, 97- бет.

лади, яна ҳам аниқроқ формаларда ифода этилиб, халққа хизмат қилиш керак деган мазмунни касб этади. Шундай қилиб, шоира ижодида халқчиллик фоялари шаклланади:

Одамда бўлса гар яхши тилақ,
Халқ учун тебратгуси доим билак.

Анбар отин бошқа ўринда ўз ижоди, бутунисича, «Эл ғами» учун йўналтирилганини айтади:

Эл ғамидин ўзгароқ ўлмас бу хат,
Шунча қилсан бир йўли бўлмас ғалат.

Йўлларимда жару кўх, қиру қиёт,
Шул сабаб юрганда қилгум эҳтиёт.

Яна бошқа ўринда:

Менга халқ рўзгори бўлди устоз,
На сифат китоби, на таку тоз.

Яна бир мисол:

Кимсаки халқ ғамидин ғами бўлурса, анго сан,
Ёндошиб, ҳар ишида ул ила мутонба қил.

Анбар отиннинг адабиёт, шеър ва шоирлик бурчи, унда халқ манфаати учун курашини кераклиги ҳақидаги қарашлари Муқимиға багишлаб ёзган шеърида мантиқий хуносаланади ва шонранинг охиригача халқчил бўлган интилишларини, изчил демократик позициясини яққол намоёси қиласди:

Эй Муқими, эрлар ичра кўйлангиз сиз ҳар мудом,
Негаки, мандек аёлларга эрур кўйлаш ҳаром.

Бебизоатлик агар эл ичра бўлса айбингиз,
Бўйла қонун кашф этканлардан олинг сиз интиқом.

Сиз каби ростгўйлар ҳоло ҳушомадга ғализ,
Вақти келгай сўзларингиз топқуси олий мақом¹.

Мол-мулксизлик («бебизоатлик») айб деб ҳисобланган порасо, номувофиқ жамиятда қадр-қиймат топмаган халқпарвар шоирга ҳақиқий баҳосини берадиган, унга «олий мақом»лик багишлайдиган адолатли ва ҳур-озод замонлар келажагини шоира Анбар отин чуқур ишонч ва қаноат билан айтади.

Анбар отин ижодидаги халқпарварлик, демократизм ўз-ўзидан унинг поэзиясида танқидий йўналишни туғдирди. Халққа меҳр-муҳаббат қўйган, унинг оғир ҳолига ачиниш билан қараган шоира жамиятдаги бутун ҳодисаларни халқ манфаати

¹ Уша китоб, 36- бет.

нуқтани назаридан баҳолади, халқ ҳаёти учун заарарли бўлган ҳамма ҳодисаларни рад этди, танқид остига олди. Мулкдорлик асосига қурилган жамиятда эса бутун тартиб, ҳамма қонун-қоидалар халқ манфаатига зид эди. Анбар отин поэзиясининг танқидий йўналишига ҳаёт мўл-кўл материал берар эди.

Анбар отин «Ўт тушсин» радифли шеърида ўша адолатсиз тузум, уни барпо этган ҳукмрон гуруҳлар тўғрисида сўзлайди. Ҳамма яхшиликни, эзгуликни рад этиб, ҳамма қабоҳат ва разилликни авж олдираётган «ҳаромхўрларга ўт тушсин!» деб хитоб қиласди:

Худонинг неъматини бўлиб олғонларга ўт тушсин,
Шариат ҳукмини йўлдин чиқарғонларга ўт тушсин.

«Аёллар сочи узун, ақли қисқадур» деғонларга,
Товуқча ақли йўқ, ахлатни титконларга ўт тушсин.

Тариқча илми йўқ «қози калонман,муфтиман» дейдур,
Абу Сино, Улуғбекдин кўз юмғонларга ўт тушсин.

«Хотинлар мол қатори сотилур» деб муштипарларни,
Зулайҳо, Лайли, Ширинни тан олмоғонларга ўт тушсин.

Бўйи хуш Анбар кабилар ҳайф ҳаромхўрлар учун,
Судхўру, фоҳишабоз, сўзи ёлғонларга ўт тушсин.

Анбар отиннинг бу шеъри ўзининг ғоявий пафоси, умумий руҳи билан Садриддин Айнийнинг форс-тоҷик тилида ёзилган «Хоҳам» радифли революцион шеърини эсга туширади. Садриддин Айний ҳам ўша шеърида Бухоро амирлиги ўрнатган зулм тўғрисида сўзлаб, худди Анбар отин сингари, ҳаммасини баравар — «қозиси ҳам, муфтиси ҳам, шоҳи, вазири ҳам баравар ер билан яксон бўлсан!» деб хитоб қиласган эди. Бу икки талантли шоир шеърларида ифода этилган исёни ва революцион қайфиятни ўша давр ижтимоий ҳаёти ва бу ҳаёт заминида аданбётда туғила бошлаган янги мотивлар яратар эди.

Анбар отин поэзиясидаги танқиднинг ўткир найзаси ўша давр ҳукмрон синфларига қаратилганини, шунинг учун улар зўр бериб унинг ижодига раЖна солишга тириштаётганликларини, турли найранглар билан қўрқитаётганларини шоиранинг ўзи ҳам билади ва бу нуқтани ўз асарларида таъкидлаб ҳам ўтади:

Қўрқутма, эй шайх, мазлумларни дўзах ўтидин,
Манго аёндур иблис макони, макруҳи зоҳид.

Назм айламакни гуноҳ дейсиз Анбарға доим,
Нечунки назмим тифи кесодур фириби зоҳид.

Чиндан ҳам шоира «назмининг тифи» ўзининг бутун кучи ва құдрати билан ҳаётдаги ҳар қандай адолатсизлик, фирибгарликни аёвсиз кесиб ташлашга йўналтирилган эди.

**Анбар отин
поэзиясида романтика.**

Мавжуд тартибларни, адолатсиз тузумни рад этиб, унинг иллатларини кескин танқид қилиб келган шоира яхши замонлар орзу-сида ўз нигоҳини келгусига тикди, ундан нажот ахтарди. Шундай қилиб, Анбар отин поэзиясида истиқбол куйлари — романтика туғилди. У ўз поэтик дунёсини яратди. Бу дунё шоира кўз ўнгида ёрқин бўёқларда жилваланиди, мафтун этувчи манзараларда намоён бўлади:

Бир замонки ўйлағайман, ҳеч замонга ўхшамас,
Бу жаҳон бурчиди тўртдин бир томонга ўхшамас.

Дашту саҳро бош-оёқ бўлғай тамоми бўстон,
Бу замоннинг бўстони, бўстонга ўхшамас¹.

Халқпарвар шопра, айни замонда, ватанпарвэр ҳам эди. У ўз ватани ҳақида юксак, иорлоқ орзу-умидлар билан яшайди. Ватан истиқболи ҳақидаги унинг яратган сатрлари адабиётимиздаги ватанпарварлик руҳида ёзилган энг жўшқин асарларни эслатади:

Кел, очил, суйған диёrim, гулларингни яшнатиб,
Сайрасун булбул bogингда, дилларингни яшнатиб,

Яйлову қирлардаги сунбулларингни яшнатиб.
Анбарим хиди ҳама жамбилларингни яшнатиб,
Халқи оламга ҳаётнинг сиррини рўшод қил².

Ватан ҳақида, унинг истиқболи ҳақида демократ шоир Завқий яратган шеърлар («Ажаб эрмас», «Фарғона» мухаммаслари) билан Анбар отин асарлари кўп жиҳатдан ҳамоҳанг бўлиб, бир турли романтик туйғуни ифода қиласидилар:

Эй гўзал Фарғона, ўзингни кел энди шод қил,
Ҳар газалини бошида, сан, ўз отингни ёд қил,
Қайди бандни пора айлаб, ўзлугинг озод қил,
Қайгулик кунларни куйдур, барчасин барбод қил,
Эмди Туркистанда ҳақгўйлик ила фарёд қил³.

Анбар отин поэзияси учун фавқулодда характерли хусусият унда чуқур оптимизмнинг ҳукмронлик қилишидир. Унинг романтизми оптимистик, революцион руҳ билан сугорилган романтизмдир. Анбар отин ўзининг поэтик дунёсида яратилган келгусидаги озод ва баҳтиёр ҳаётнинг рўёбга чиқишига, яқин келгусида амалга ошишига чуқур ишонади. Унинг таъкидлаб кўрсатишича, баҳтиёр замонлар, тун кетидан тонг отиши каби табиий ва қонуний равишда келади. Бинобарин; Анбар отин романтизми ҳар

¹ Ўша китоб, 43-бет.

² Анбар отин, Шеърлар, рисола, 65-бет.

³ Ўша китоб, 64-бет.

қандай утопиялардан холи бўлиб, чуқур реалистик мазмунга эгадир:

Шом орти, кеча орти, саҳар орти сабо,
Тонг отса чаман ғунчалари зинда бўлур.

Зулмат охири нобуд ўлур кишваримизда,
Зулм дуди ҳам Анбар учун банда бўлур¹.

Мустаҳзод формасида ёзилган қўйидаги шеърда ҳам шоиранинг шу оптимиستик руҳи, романтик туйғулари ифода этилган.

На хушбахтликки, фарзанди Фарғона бўлибман,
озода таним бор.
Ҳар кўчада бир шоирга ҳамхона бўлибман,
хуҷон ватаним бор.
Ҳеч бок эмас, ман бир неча маҳу сол бурун,
келдим бу жаҳонга,
Охир очилиб гулшандай бўлодур бу боғим —
гулгун чаманим бор².

Анбар отин поэзияси учун характерли бўлган яна бир хусусият демократ шоирлар ижодида баъзан учрайдиган ҳасрат, нолиш, шикоят мотивларининг унда мутлақо бўлмаслигидир. Маълумки, Муқимий поэзиясида, шунингдек, бошқа демократ шоирлар ижодида «баҳт — баҳтсизлик», «толеъ ёр эмаслиги» ҳақидаги мотивларга дуч келамиз. Анбар отин поэзияси бундай мотивлардан тамоман холи. У ҳаётдан, унинг истиқболидан, «қиши кетиб, навбаҳор» келишидан, муқаррар равишида ёришиб келаётган тонг шабадасидан мамнун, ўзининг шу тақдири билан баҳтиёр:

Эй замон, мен санга боқмай, аслида сан манг бақ,
Қиши кетар, ёзни боши у навбаҳор сан манг бақ.
Ман санга муштоқдурман ёри жонимдек кўриб,
Инғломогингни қўйиб, васлингни кутган тонгга бақ.

Бу ва шунга ўхшаш мисраларда шоиранинг замонага, ҳаётга янгича муносабати сезилиб туради. Шоира ҳаётни, унда рўй беряётган янгиликларни, босиб келётган ёруғ истиқболни қулоқ очиб қарши олади, унга жонидан азиз ёрдек қарайди, муштоқлик билан уни кутади. Анбар отин поэзиясида кўзга ташланадиган ҳаётга муносабат масаласидаги шу янгича эстетик принципи-

¹ Уша китоб, 106-бет.

² Уша китоб, 68-бет.

дан унинг поэзиясида тараннум этилган лирик қаҳрамоннинг янги хусусиятлари майдонга келади. Анбар отин лирик қаҳрамони истиқбол ҳақида энг яхши умидларга эга бўлган ва бутун борлиғи билан шу ёруғ истиқболга интилган романтик қаҳрамондир.

Рисолаи «Фалсафай сиёҳон» ҳақида. Номидан кўриниб турганидек, рисола (асар автограф—қўл ёзмада, 43-бет) фалсафий руҳга эга. Унинг «Қоралар фалсафаси» дейилишига сабаб, зулм ва зулмат дунёсида яшаган ва бу дунё жабру ситамлари остида эзилиб умр кечирган халқ фалсафаси бўлгани учун, мажозий маънода, уни шоира «Қоралар фалсафаси» деб атаган.

«Қоралар фалсафаси» рисоласида шоира дунёқарашининг муҳим томонлари акс этади. Сиёсий-ижтимоий ва фалсафий масалаларидан тортиб, адабий-ижодий масалалар устида баҳс очилади ва бу тўғридаги шоира қарашлари, чуқур ва оригинал мулоҳазалари баён қилинади. Рисола мазмуни билан жиддий танишиб чиқиш шуни кўрсатадики, унинг автори, ҳеч шубҳасиз, қудратли табиий талантга эга бўлган зўр мутафаккир бўлган. Шуниси диққатга сазоворки, катта таҳсил кўрмаган, лекин ўз табиий истеъоди билан мураккаб тарихий даврдаги ҳаётий ҳодисаларни жуда тўғри ва чуқур тушунган бу мутафаккир энг илгор позицияларда туради, даврнинг муҳим ва мураккаб проблемаларини илгор ижтимоий фикр нуқтаи назаридан туриб ҳал қилиб беради. Анбар отиннинг «Қоралар фалсафаси» асари фақат адабиёт тарихи жиҳатидангина эмас, балки ижтимоий фикр, санъат-эстетик тафаккур тараққиёти тарихи нуқтаи назаридан ҳам фавқулодда муҳим аҳамиятли асардир.

«Қоралар фалсафаси» рисоласи кичик муқаддима ва тўрт фаслдан ташкил топади.

Биринчи фасл қаро нарсалар — қаро баҳт, қаро ният, қаро тусли халқлар таъриф-тавсифига бағишлиланади. Шоира тушунчасида, бу «каждрафтор фалак» («тескари айланувчи фалак») замонани, бутун дунёни, унданда ҳамма нарсаларни зулмат чодирига буркаб олгандир. Қоронгилик босган бу борлиқда қаро баҳт, қаро ният ва қаро фикр жавлон уради. Қаро тунда қаро баҳт ҳукмронлик қилгани шуки, меҳнаткаш халқ зулмга ва жабру жафога маҳкумдирлар. Шоира қаро танликлар ҳақида тўхтаб, ирқий тушунчаларни рад этади. Қаро танли бўлиш қаро баҳт нишонаси эмас, одамлар баданларининг тусидан қатъи назар инсоний ҳуқуқларда тенгдирлар, деб тасдиқлади автор.

Иккинчи фаслда — оналар, оналик шарифи ҳақида сўз боради. Қаро фарқ (фарқ — оналар бошидаги соchlарни иккига ажратиб турадиган чизиқ йўли маъносида ишлатилган) эгаси бўлмиш бу зот табаррук ва мўътабардир. «Афлотун ва Арас-

туни, Абу Али ибн Сино ва Улугбекни, Жомийни, Саъдийни, Навоийни, Фирдавсийни, Бедил ва Ҳайёмни, Нодира ва Увайсийни... «ёруғ дунёга келтирган ва тарбиялаб улғайтирган шу жафокаш ва меҳрибон инсондир. Шундай улуғ зот қаро зулмат ҳўқмронлик қилган шу замонда шараф-эътибор топмаган, ҳор. Уларга бўлган эътибор «чумолига бўлган эътибордин ҳам камроқдир».

Учинчи фаслда баҳти қаролик нима, деган масала баён қилинади. Ҳақиқий баҳти қаролар шундай кишиларки, улар бойлик орттириш учун минг турли ҳийла-найранг ишлатадилар, қабиҳ ўйларга кирадилар, меҳнат аҳли ҳисобига яшаб, улар лаънатига учраб умр ўтказадилар. Бундай ҳақиқий баҳти қаролар шоирлар ичида ҳам бор. Дин номидан «нахжат» қилувчи шоирлар, лаганбардорлик билан ҳокимларга хизмат қилувчи адабиёт баҳти қаро адабиётдир. Бу фаслда шоира илгари сурган яна бир муҳим фикр шуки, инсонларга баҳти қаролар зулми остида ётиш керак эмас, улар учун «нахжот йўлини» ахтариш лозимдир. Нажот йўлини эса тадбиркор руслар билан алоқада бўлиш, улар билан ҳамкорлик қилиш орқали қўлга киритиш мумкин. Шоира масаланинг бу нуқтасига алоҳида эътибор бериб, ўз фикрини қўйидагича таъкидлаб уқтиради: «... ичкари рус музофотларида улуг раҳнамолар махфий ҳаракат қилуб, ҳалойиққа нажот йўлларини фаҳмлатмоққа қодир эканлар... мазкур руслар илан мустаҳкам алоқа қилмоқ лозим бўлур». Қўриниб турибдики, шоира бу ерда «нахжот йўлини» («озодлик йўлини») топиш учун Россияда революцион ҳаракатга бошчилик қилаётган «улуг раҳнамолар» билан бирлашишига, улар билан алоқа боғлаб, биргаликда ҳаракат қилишга чақиради.

Тўртинчи фаслда қаро зулматни парчалаш кераклиги тўғрисидаги революцион ғояни илгари суради. Бу тўртинчи фасл рисолада баён қилинган бутун фикрларнинг мантиқий хуносаси бўлиб, ҳаётни қоплаб олган қаро зулмат тўғрисидаги мuloҳазалар, уни парчалаб ташлаш зарурлиги ҳақидаги революцион чақириқлар билан якунланади. Бу ерда алоҳида дикқатга сазовор нуқта шундаки, шоира зулматни парчалаш учун кескин кураш олиб бормоқ («золимларга қарши мубориза қилмоқ») кепрак дейди. Бу билан шоира Анбар отин 1905 йилдан кейинги даврнинг энг илғор ижтимоий идеаллари даражасига кўтарилиган ва онгли равишда мустаҳкам революцион позицияда турган шоира сифатида гавдаланиб туради.

«Қоралар фалсафаси» рисоласи шоира Анбар отиннинг ижодида алоҳида ўрин ишғол қилиб, унинг ижтимоий-сиёсий, адабий-танқидий ва эстетик қарашларини ўзида ёрқин ифода қилган фалсафий трактатдир.

* * *

Анбар отин уч революция даври адабиётимиз учун фавқуллодда характерли фигура. У демократ-маърифатпарвар шоира сифатида ўз ижодини бошлади ва 1905 йилдан кейинги даврда адабиётимиз билан бирга одим ташлаб, янги ижодий чўққиларни эгаллади ва революцион поэзиямизнинг талантли намояндаларидан бири бўлиб етишди. Анбар отиннинг бундай катта ижодий ютуқларни қўлга киритишининг боиси шунда эдикӣ, шоира адабиётда изчил халқчилликка риоя қилди, энг илғор ижодий-эстетик позицияларда турди. Анбар отин ўзининг бу илғор ғоявий-ижодий позицияси билан фахрланди ва уни ўз ижодида онгли равишда ўтказишга интилди. Анбар отин ўз шеърлар тўпламига ёзган кичиккина «Дебоча»сида энг аҳамиятли масала сифатида шу нуқтага китобхонлар диққатини жалб қиласиди ва халқчиллик руҳи билан сугорилган эстетик қарашларини яна бир бор таъкидлаб ўтади:

«Замонани (иг) норасолиги ва халқ қўргон зулми тааддиларни ўз кўзи илан кўриб, мушоҳида этиб эл ва юрт ҳолига йиғлафон ва қуввати етганича нафис тил ила муножот қилғон камина... Анбарой бинти Фармонқул Марғилонийдурман».

* * *

Китобда берилган маълумотларга, баён қилинган фикрларга хulosса ясад шуни айтиш керакки, XIX асрнинг II ярми ва XX аср бошлари адабиёти ўзбек адабиёти тарихининг алоҳида аҳамиятга ва қийматга эга бўлган тараққиёт босқичидир. Қисқа вақтни ўз ичига олган бу босқичда адабиётимиз жиддий ўзгаришларни бошидан кечириб, адабий жараёнда катта янгиликларни яратди. Адабиётимиз бу даврда халқ манфаатлари позициясида изчил турган демократик адабиёт сифатида шаклланиши ва ўзининг Муқимий, Фурқат, Завқий, Комил Хоразмий, Аваз Ўтар каби улкан намояндаларини етиштириб чиқариши баробарида яна юқори тараққиёт босқичига кўтарилиди, озодлик мотивларини баралла куйлаб, революцион адабиёт сифатида майдонга чиқа бошлади. Бу давр адабий жараёнда бундай катта ўзгаришларнинг туғилиши адабиётимизнинг демократик ижодий принциплардан революцион позицияларгача кўтарилиши, шубҳасиз, тарихий давр мазмунидан, ундаги ижтимоий ҳодисаларда рўй берған революцион ўзгаришлардан келиб чиқар әди. Чиндан ҳам, В. И. Ленин томонидан пролетар революциялари даври, деб таърифланган бу давр ижтимоий ҳаёти адабиётда создлик ва революцион кайфиятларни яратиши табиий ва қонуний ҳодиса әди.

XIX аср II ярми ва XX аср бошлари ўзбек адабиётидаги иккинчи мухим нуқта, унинг кишилик бадиий тараққиётида мутлақо янги босқич ҳисобланган совет адабиёти билан бевосита тулашиб кетиши ва бир қатор масалаларда у билан оҳангдош овозга эга бўлишидир. Ўзбек демократик адабиёти, хусусан эндиғина туғилиб келаётган ўзбек революцион поэзияси ўзбек совет адабиётига қатор ижодий фигуранлар (Ҳамза Ҳакимзода Ниёзий, Садриддин Айний, Завқий, Сўфизода, Абдулла Қодирий, Мирмуҳсин, Абдулла Авлоний ва бошқалар) ва адабий мотивлар билан кириб келди. Бу ижодий фигуранлар ва адабий мотивлар янги тарихий шароитда, совет даврининг мислсиз бой ижтимоий заминидан озиқланиб, ўтмишнинг энг яхши традициялари, мерослари сифатида барқ уриб яшнадилар, совет социалистик маданият мулки бўлиб қолдилар.

МУНДАРИЖА

Қириш 3

XIX АСРНИНГ ИККИНЧИ ЯРМИ ВА XX АСР БОШЛАРИДАГИ ЎЗБЕК АДАБИЁТИ

| | |
|--|----|
| Тарихий шароит ва маданий ҳаёт. Адабиётда демократик оқимнинг тугилиши ва унинг ижтимоий илдизлари | 9 |
| Ўзбек демократик адабиёти ва традициялар масаласи | 19 |
| Классик адабий мерос ва Навоий традициялари | 19 |
| Халқ оғзаки ижоди хазинасининг битмас-туғаймас бойликлари | 29 |
| Жаҳон ва рус классик адабиётининг таъсирни | 31 |
| Ўзбек демократик адабиётининг тематикаси, гоявий асослари ва ижодий принциплари | 37 |
| Тематика ва гоявий асослар | 37 |
| Демократик адабиётда реализм масалалари | 53 |
| Демократик адабиётнинг жанрлари ва бадиий хусусиятлари | 58 |
| Демократик адабиётла жанрлар масаласи | 58 |
| Демократик адабиётда бадиий тилга доир баъзи масалалар | 62 |
| Демократик адабиётда бадиий-тасвирий воснталар | 66 |
| Феодал-клерикал адабиёт | 70 |
| Феодал-сарай адабиёти | 70 |
| Диний-мистик адабиёт | 74 |

Муқимий (1850—1903)

| | |
|---|----|
| Ҳаёти ва ижодий фаолияти | 76 |
| Муқимий фаолияти ва адабий меросини ўрганиш тарихидан | 76 |
| Болалик чөглари ва ўқиши йиллари | 80 |
| Муқимийнинг Кўқонга қайтиши | 82 |
| Шоир ижодининг бурилиш даври | 83 |
| Муқимий ва ҳукмрон доиралар | 84 |
| Муқимий Тошкентда | 87 |
| Ҳаётининг сўнгги йиллари | 92 |
| Муқимийнинг ижодий мероси | 95 |
| Муқимий ижодининг асосий тараққиёт босқичлари | 96 |

| | |
|---|-----|
| Муқимий лирикаси | 99 |
| Муқимий лирикасида муҳаббат мавзуи | 99 |
| Муқимий поэзиясида лирик қаҳрамон масаласи | 101 |
| Муқимий мураббаълари | 104 |
| Муқимий лирикаси ва ҳалқ оғзаки ижоди | 105 |
| Муқимий лирикасининг бадиий хусусиятлари | 106 |
| Муқимий ҳажвиети | 109 |
| Сатиралар | 110 |
| «Танобчилар» | 111 |
| «Сайлов» | 113 |
| «Тўйин Иқон бачча» | 114 |
| Муқимий сатираларида буржуазия жамияти иллатларининг фош этилиши | 117 |
| «Ҳажви Ҳалифаи Миннгтепа» | 121 |
| Муқимий юмори | 124 |
| «Гаърифи печъ» | 126 |
| Қўса циклидаги юморлар | 127 |
| «Саёҳатнома»лар | 129 |
| «Саёҳатнома»ларда шоир образи | 131 |
| «Саёҳатнома»ларда ҳоким гурухларининг фош этилиши | 133 |
| «Саёҳатнома»ларда табиат манзараларининг тасвири | 135 |
| Муқимий ижодида ҳалқчилик ва реализм | 136 |
| Хулоса | 143 |
| Фурқат (1858—1909) | |
| Фурқатнинг ҳаёти ва ижодий мероси | 144 |
| Фурқат ижодини ўрганиш тарихидан | 144 |
| Фурқатнинг таржимаи ҳоли | 147 |
| Фурқат Тошкентда | 150 |
| Фурқат чет элларда | 153 |
| Фурқат Ёркента | 153 |
| Фурқат ижоди эволюциясининг муҳим даврлари | 154 |
| Фурқат лирикаси | 154 |
| Фурқат поэзиясида лирик қаҳрамон | 155 |
| Фурқат поэзиясида гурбат мотивлари | 158 |
| «Уч ҳаробатий» шеъри | 160 |
| Фурқат маърифатпарвар шоир | 161 |
| «Нафма базми хусусида», «Нафма ва нағмагар ва аниң асбоби ва ул нафма таъсири хусусида» | 164 |
| «Виставка хусусида» | 165 |
| Фурқат рус тили ҳақида | 166 |
| Фурқат достонлари | 167 |
| «Суворов ҳақида» | 167 |
| «Юнон мулкида бир афсонаси» | 169 |
| Фурқат мемуарлари | 170 |
| Фурқат публицистикаси | 171 |
| Фурқатнинг илмий асарлари | 172 |
| Фурқатнинг бадиий таржималари | 173 |
| Фурқат ижодининг бадиий хусусиятлари | 173 |
| Хулоса | 178 |
| Завқий (1853—1921) | |
| Завқийнинг ҳаёти ва фаолияти | 179 |
| Завқий ҳақидағи библиографияга доир | 179 |
| Завқийнинг таржимаи ҳоли | 180 |

| | |
|---|-----|
| Завқиининг 1905 йилдан кейинги ҳаёти ва ижоди | 184 |
| Завқиининг ижодий мероси | 187 |
| Завқиин ижодининг исосий тараққиёт босқичлари | 188 |
| Завқиий — лирик шоир | |
| Завқиий ижодидаги мұхаббат лирикасі | 189 |
| Завқиий ижодидаги спесијал лирика | 193 |
| Завқиий ҳажвилари | 196 |
| Сатирик шеърлар | 198 |
| «Векслель» сатираси | 199 |
| «Хажви икчи Эшон» | 201 |
| «Дар ҳажви шоҳ Иноят Құрбоши» | 202 |
| Юмористик шеърлар | 205 |
| Завқиий «Саёхатнома»лари | 209 |
| Завқиий достонлари | 209 |
| «Вокеаи қозы сайлов» | 210 |
| «Қаҳатчилік» | 213 |
| Завқиий поэзиясининг тили ва услуби | 218 |
| Хулоса | |
| Комил Хоразмий (1825—1899) | |
| Ҳаёти ва ижодий фаолияти | 220 |
| Комил Хоразмий ижодинин ўрганиш тарихидан | 220 |
| Шоир яшаган давр ва адабий мұхит | 222 |
| Комил Хоразмийнин таржимаи ҳоли | 226 |
| Комил Хоразмийнинг ижодий мероси | 232 |
| Комил Хоразмий поэзияси ва унинг бадиий хусусиятлари | 234 |
| Комил Хоразмий поэзиясида маърифатпарварлык мотивлари | 237 |
| Комил Хоразмий поэзиясида тапқидий элементлар | 238 |
| Комил Хоразмий поэзиясида мұхаббат тематикаси | 241 |
| Комил Хоразмий шеърларининг шакли ва услуби | 243 |
| Комил Хоразмий — таржимон | 247 |
| Хулоса | 249 |
| Аваз Утар (1884—1919) | |
| Ҳаёти ва ижодий фаолияти | 250 |
| Аваз Утар ҳақидалы библиографияга доир | 250 |
| Аваз Утарнинг таржимаи ҳоли | 251 |
| Аваз Утарнинг ижодий мероси | 254 |
| Аваз Утар ижодининг тараққиёт босқичлари | 255 |
| Аваз Утар ижодининг или дәвери | 256 |
| Аваз Утар ижодининг япғы босқичига құтарилиші | 257 |
| Кітъя ва рубойлар | 259 |
| Аваз Утар ижодининг сүнгій йиллари | 262 |
| Шоир поэзиясида маърифатпарварлык мотивлари | 262 |
| Шоир поэзиясида сиёсий лирика | 264 |
| Хулоса | 268 |
| УЧ РЕВОЛЮЦИЯ ДАВРИДА ЎЗБЕҚ АДАБИЁТИ (1905—1917 Йиллар) | |
| Тарихий давр характеристикаси | 269 |
| Маданий ва адабий ҳаёт. Революцион адабиётнинг түгилishi | 272 |
| Буржуза жадид адабиёти ва унинг реакцион мөхияти | 287 |

| | |
|--|-----|
| X. X. Ниёзийнинг революциядан илгариги ижоди | 296 |
| «Девони Ниҳоний» | 296 |
| Ҳамзанинг ўқиш китоблари | 299 |
| Ҳамзанинг шеърий тўпламлари | 299 |
| Ҳамзанинг прозаик ва драматик асарлари | 301 |
| С. Айнийнинг революциядан илгариги ижоди | 302 |
| | 304 |
| Анбар отин | |
| Анбар отиннинг таржимаи ҳоли | 309 |
| Анбар отиннинг ижодий мероси | 312 |
| Анбар отин демократ ва маърифатпарвар шоира | 313 |
| Анбар отин поэзиясида романтика | 317 |

На узбекском языке
ГУЛЯМ ҚАРИМОВИЧ ҚАРИМОВ
ИСТОРИЯ УЗБЕКСКОЙ ЛИТЕРАТУРЫ

ТРЕТЬЯ КНИГА
Второе, дополненное издание

Учебник для филологических факультетов
университетов и факультетов языка и
литературы педагогических институтов

*Издательство „Ўқитувчи“
Ташкент—1975*

Редакторлар: Н. Т. Хотамов,
Х. К. Эгамов
Бадиий редактор П. А. Бродский
Техн. редактор С. Б. Ахтамова
Корректор В. Абдуллаев

Теришга берилди 8/1-1975 й. Босишига рухсат этилди
8/IX-1975 й. Коғоз № 3. 60X90^{1/16}. Физ. б. л. 20,5.
Нашр л. 19,55. Тиражи 20000. Р 10845.

«Ўқитувчи» нашриёти. Тошкент, Навоий кӯчаси, 30.
Шартнома 259—74. Баҳоси 55 т. Муқоваси 20 т.

ЎзССР Министрлар Советининг Нашриётлар, полиграфия
фия ва китоб савдоси ишлари «Давлат комитетининг
Тошкент полиграфия комбинати», Навоий кӯчаси, 30.
1975 й. Зак. № 101.

Ташполиграфкомбинат Государственного Комитета Совета
Министров УзССР по делам издательств, полиграфии и
книжной торговли. Ташкент, ул Навои, 30.